

**BOSNA I HERCEGOVINA  
FEDERACIJA BOSNE I HERCEGOVINE  
Tuzlanski kanton  
GRAD TUZLA  
GRADSKO VIJEĆE**

## **S T E N O G R A M**

**SA 7. SJEDNICE GRADSKOG VIJEĆA TUZLA ODRŽANE 27. MAJA 2025.  
GODINE U POSLOVNOM OBJEKTU „GRAFIČAR“ SA POČETKOM U 10,00 SATI.**

**- SJEDNICI PRISUSTVUJE 31 VIJEĆNIK.**

**U Tuzli, maj 2025. godine**

## **ANA PEJIĆ – predsjedavajući Gradskog vijeća Tuzla**

(Intoniranje himne Bosne i Hercegovine).

Poštovani vijećnici Gradskog vijeća Tuzla, poštovani gradonačelnice, predstavnici gradskih službi, predstavnici medija, gosti, otvaram 7. redovnu sjednicu Gradskog vijeća Tuzla.

Konstatujem da prema evidenciji Stručne službe Gradskog vijeća, sjednici prisustvuje 29 od ukupnog broja vijećnika, što je dovoljno za punovažan rad i odlučivanje. Za današnju sjednicu svoje kašnjenje najavili su vijećnik Anel Ibeljić i Omer Berbić.

U skladu sa članom 65. Poslovnika Gradskog vijeća Tuzla („Službeni glasnik Grada Tuzle“, broj 5/22 i 14/24), kojim je propisano da, može samo malo tišine, *„Predsjedavajući obavještava Gradsko vijeće ko je osim vijećnika pozvan da prisustvuje sjednici“*, obavještavam vas da je poziv za današnju sjednicu Gradskog vijeća Tuzla upućen gradonačelniku Grada Tuzle i drugim ovlaštenim predlagачima materijala, sekretaru organa državne službe te svim obrađivačima, pomoćnicima gradonačelnika i rukovodiocima stručnih službi, Upravnoj organizaciji Zavod za urbanizam, Gradskom pravobranilaštvu Grada Tuzle kao i medijima. Evidencija prisutnih na današnjoj sjednici Gradskog vijeća je kod uposlenika Stručne službe Gradskog vijeća.

Gradsko vijeće Tuzla je na sjednici održanoj 28.04.2025. godine, donijelo Rješenje, broj 01/04-A-6703-2025, o konačnom imenovanju zamjenika Gradskog pravobranioca u Gradskom pravobranilaštvu Tuzla, kojim se za zamjenika Gradskog pravobranioca u Gradskom pravobranilaštvu Tuzla imenuje Azra Pašić Jusufović. Imenovana na dužnost stupa danom davanja svečane izjave pred Gradskim vijećem Tuzla.

Sada ćemo pristupiti činu davanja svečane izjave novoizabranog zamjenika Gradskog pravobranioca u Gradskom pravobranilaštvu Tuzla, u skladu sa članom 38. Zakona o pravobraniteljstvu („Službene novine Tuzlanskog kantona“, broj 4/04., 5/08., 2/14. i 4/18.) kojim je propisano da „prije stupanja na dužnost, gradski odnosno općinski pravobranitelj i zamjenik gradskog odnosno općinskog pravobranitelja daju svečanu izjavu pred gradskim odnosno općinskim vijećem“.

Pozivam gospođu Azru Pašić Jusufović da priđe za sto kako bi dala svečanu izjavu.

Molim sve ostale prisutne da ustanu.

Gospođu Pašić, samo ću vas zamolit da ponavljate tekst svečane izjave zamnom.

### **SVEČANA IZJAVA**

**„Izjavljujem da ću se u vršenju službe zamjenika gradskog pravobranioca pridržavati ustava i zakona i da ću službu obavljati savjesno.“**

U ime Gradskog vijeća, upućujem Vam srdačne čestitke i želim Vam puno uspjeha u daljem radu. Čestitam. (aplauz.) (cvijeće).

Nastavljamo sa radom.

Podsjećam vijećnike da su, uz materijale za današnju sjednicu, dobili i zapisnik, a svaki klub vijećnika i stenogram sa 6. redovne sjednice Gradskog vijeća Tuzla, održane 28.04.2025. godine.

Da li ima primjedbi na zapisnik sa 6. redovne sjednice Gradskog vijeća Tuzla?  
 Stavljam na izjašnjavanje zapisnik sa 6. redovne sjednice, te vas molim da se izjasnite.  
 Vijećnik Muhamed Čikarić. Aha. Glasali ste.  
 Glasanje je okončano.  
 Konstatujem da je zapisnik sa 6. redovne sjednice Gradskog vijeća Tuzla usvojen sa,  
 29 glasova za, nije bilo protiv i nije bilo suzdržanih.

Za današnju 7. redovnu sjednicu Gradskog vijeća Tuzla, predlažem dnevni red koji ste dobili uz materijale za sjednicu.

Gradonačelnik Grada Tuzle je 20.05.2025. godine, dostavio obavijest Gradskom vijeću Tuzla da iz dnevnog reda današnje 7. redovne...može malo tišine, molim vas, da iz dnevnog reda današnje 7. redovne sjednice Gradskog vijeća Tuzla povlači tačku **7. Razmatranje i usvajanje Odluke o davanju saglasnosti za zaključenje ugovora o regulisanju međusobnih odnosa u vezi i sa ciljem izgradnje mosta preko rijeke Soline sa pristupnim putem, u naselju Dokanj u Tuzli.**

Obavijest Gradonačelnika Grada Tuzle ste dobili putem e-maila, kao i u materijalu podijeljenom pred početak današnje sjednice.

Imajući u vidu navedenu obavijest, konstatujem da je iz prijedloga dnevnog reda današnje 7. redovne sjednice Gradskog vijeća Tuzla, povučena tačka **7. Razmatranje i usvajanje Odluke o davanju saglasnosti za zaključenje ugovora o regulisanju međusobnih odnosa u vezi i sa ciljem izgradnje mosta preko rijeke Soline sa pristupnim putem, u naselju Dokanj u Tuzli,** te da se ostale tačke redoslijedom pomijeraju.

Mirnes Ajanović, vijećnik Bosanske stranke, je u poslovničkom roku, 24.05.2025. godine...može malo tišine, molim vas, dostavio prijedlog da se u dnevni red današnje 7. redovne sjednice Gradskog vijeća Tuzla uvrsti tačka pod nazivom **Zahtjev za institucionalno djelovanje u cilju obezbjeđenja izvršenja presude protiv Novaka Đukića i zaštite prava žrtava zločina na tuzlanskoj Kapiji.**

Prijedlog vijećnika Ajanovića ste dobili putem e-maila, kao i u materijalima podijeljenim pred sam početak sjednice, pa pozivam vijećnika Ajanovića da obrazloži ukratko svoj prijedlog. Izvolite.

### **MIRNES AJANOVIĆ – vijećnik BOSS – Bosanske stranke**

Hvala predsjedavajuća. Pozdrav svima. Ovo je prijedlog Zahtjev za institucionalno djelovanje u cilju obezbjeđenja izvršenja presude protiv Novaka Đukića i zaštite prava žrtava zločina na tuzlanskoj Kapiji. Kolega Omer Berbić već je dostavio jedan prijedlog. Međutim, ja sam ovo radio na drugi način u smislu pravnih mogućnosti realnog očekivanja izručenja Novaka Đukića pravdi u Bosni i Hercegovini.

Ovdje u ovom... sadržana su tri dokumenta. Prvi je prijedlog tačke dnevnog reda, gdje obrazlaže se šta treba da uradimo, koje mi mjere trebamo usvojiti. Drugi dokument je Deklaracija, koja ima dalje isti naziv, gdje se definiše upućivanje zvanične diplomatske note Republici Srbiji, a na osnovu protokola o saradnji i procesuiranju ratnih zločina iz Briona 2013. godine. Dakle, pozvao sam se na sve pravne važeće akte koji su mogući da se primjene u ovom slučaju. Drugi, obraćanje Komitetu ministara Vijeća Evrope radi evidentiranja Srbije kao države koja krši član 6. i član 13. Evropske konvencije o ljudskim pravima, uskraćujući pravo žrtvama na pravdu i efikasan pravni lijek. Tri je, podnošenje međudržavne tužbe protiv Republike Srbije pred Evropskim sudom za ljudska prava zbog nepoštivanja člana 46. Evropske konvencije i kršenja prava na efikasan pravni lijek, odnosno opstrukciju pravde.

Četri, obavještanje Evropske komisije u kontekstu poglavlja 23 i 24, Vladavina prava i Ljudska prava, uz zahtjev da se ovakvo postupanje Srbije tretira kao prepreka u procesu evropskih integracija. Pet je međunarodna inicijativa pred Savjetom bezbjednosti UN Uredom Visokog predstavnika OHR-a radi otvaranja i pitanja regionalne nekažnjivosti i institucionalne zaštite ratnih zločina.

Ovdje je i zahtjev institucijama Bosne i Hercegovine. Dodajem samo u nazivu ovog trećeg dokumenta iza Zahtjev institucijama Bosne i Hercegovine zarez Srbiji i međunarodnim institucijama, jer se u zahtjevu razrađuje ovo što sam rekao pravni okvir i međunarodne obaveze same Srbije, Komiteta ministara i Vijeća Evrope, naših institucija šta trebaju da preduzmu, koja nadležna tijela od Vijeća ministara, ministara, predsjedavajućih, odnosno Predsjedništva Bosne i Hercegovine, do Savjeta bezbjednosti. Evo, to je u najkraćem. Ovo je pravni okvir koji je moguć da se obezbijedi izručenje Novaka Đukića u Bosni i Hercegovini. Pa evo, iz tih razloga je prijedlog. Može biti pod zajedničkom tačkom sa kolegom Omerom Berbićem, pod a) ili b). Sasvim svejedno. Hvala.

## ANA PEJIĆ

Zahvaljujem se.

Evo otvaram raspravu klubova vijećnika.

Da li se neko javlja?

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika, te stavljam na izjašnjavanje prijedlog vijećnika Ajanovića za dopunu dnevnog reda, te vas molim da se izjasnite.

Glasanje je okončano.

Konstatujem da je prijedlog Mirnesa Ajanovića, vijećnika Bosanske stranke, da se u dnevni red današnje 7. redovne sjednice Gradskog vijeća Tuzla, uvrsti tačka pod nazivom: „Zahtjev za institucionalno djelovanje u cilju obezbjeđenja izvršenja presude protiv Novaka Đukića i zaštite prava žrtava zločina na tuzlanskoj Kapiji“ usvojen sa,

29 glasova za, nije bilo protiv i nije bilo suzdržanih.

Predložena tačka se uvrštava u dnevni red kao podtačka b) tačke 14. dnevnog reda: „Poziv Gradskog vijeća Tuzla vlastima Republike Srbije za izručenje ratnog zločinca Novaka Đukića“, da se razmotri kao podtačka a), a da se ostale tačke redosljedom pomjeraju.

Sada stavljam na izjašnjavanje dnevni red u cjelini, te vas molim da se izjasnite.

Glasanje je okončano.

Konstatujem da je dnevni red za 7. redovnu sjednicu Gradskog vijeća Tuzla usvojen sa, 29 glasova za, nije bilo protiv i nije bilo suzdržanih,

te prelazimo na realizaciju dnevnog reda današnje sjednice.

## **USVOJENI DNEVNI RED 7. REDOVNE SJEDNICE GRADSKOG VIJEĆA TUZLA ODRŽANE 27.5.2025. GODINE (broj 01/04-A-7293-2025)**

- Usvajanje Zapisnika sa šeste redovne sjednice Gradskog vijeća Tuzla, održane 28.4.2025. godine

1. Vijećnička pitanja i inicijative

2. Razmatranje i usvajanje Izvještaja o izvršenju Budžeta Grada Tuzle za period 1.1. - 31.3.2025. godine

3. Razmatranje i usvajanje Odluke o pristupanju izradi Regulacionog plana sjeverne strane ulice Kazan Mahala u Tuzli

4. Razmatranje i usvajanje Odluke o bratimljenju Grada Tuzle i Grada Asuana iz Arapske Republike Egipat

5. Razmatranje i usvajanje Odluke o raspisivanju javnog poziva za davanje u zakup poljoprivrednog zemljišta u vlasništvu države na području grada Tuzle

6. Razmatranje i usvajanje:

a) Odluke o davanju saglasnosti na zaključenje ugovora o zakupu poslovne prostorije sa zakupcem TSO „SINGER“ vl. Klauda Roman, Tuzla

b) Odluke o davanju saglasnosti na zaključenje ugovora o zakupu poslovne prostorije sa zakupcem Udruženjem građana „Priatelji FK Sloboda“ Tuzla

c) Odluke o dodjeli u zakup poslovnih prostorija neposrednom pogodbom sa zakupcem Radničko sportsko društvo „SLOBODA“ Tuzla

d) Odluke o davanju saglasnosti na zaključenje ugovora o zakupu poslovne prostorije sa zakupcem „MIRADGE“ d.o.o. Tuzla

e) Odluke o davanju saglasnosti na zaključenje ugovora o zakupu poslovne prostorije sa zakupcem Tradicionalni i stari obrt „SKINLAB“ vl. Nurkanović Senad, Tuzla

f) Odluke o davanju saglasnosti na zaključenje ugovora o zakupu poslovne prostorije sa zakupcem sa Udruženjem Civilnih žrtava rata Grada Tuzla

g) Odluke o davanju saglasnosti na zaključenje ugovora o zakupu poslovne prostorije sa zakupcem sa „ASA RENT“ d.o.o. Sarajevo

h) Odluke o davanju saglasnosti na zaključenje ugovora o zakupu poslovne prostorije sa zakupcem sa JU „Centar za kulturu“ Tuzla

i) Odluke o dodjeli u zakup poslovne prostorije neposrednom pogodbom „PDA – Pokret demokratske akcije – Gradski odbor Tuzla“

j) Odluke o davanju saglasnosti na zaključenje ugovora o zakupu poslovne prostorije sa zakupcem „ANAVI“ d.o.o. Tuzla

7. Razmatranje i usvajanje Odluke o davanju prethodne saglasnosti Nadzornom odboru „Centralno grijanje“ d.d. Tuzla za imenovanje direktora društva

8. Razmatranje i usvajanje Odluke o razrješenju zamjenika Gradskog pravobranioaca u Gradskom pravobranilaštvu Tuzla

9. Razmatranje i usvajanje imovinsko-pravnih akata:

a) Odluke o zasnivanju služnosti na nekretnini u vlasništvu Grada Tuzla, broj: 01/07-416/2025

b) Odluke o prodaji nekretnine u vlasništvu Grada Tuzle neposrednom pogodbom i davanju saglasnosti na zaključenje ugovora o prodaji

c) Odluke o prodaji nekretnine u vlasništvu Grada Tuzle neposrednom pogodbom radi oblikovanja građevinske parcele za rekonstrukciju i dogradnju postojećeg stambenog objekta u ulici Mustafe Hukića broj 23 u Tuzli u cilju formiranja kolektivnog stambenog objekta

d) Rješenja o imenovanju Komisije za provođenje postupka pregovaranja za prodaju nekretnine u vlasništvu Grada Tuzle neposrednom pogodbom radi oblikovanja građevinske parcele za rekonstrukciju i dogradnju postojećeg stambenog objekta u ulici Mustafe Hukića broj 23 u Tuzli u cilju formiranja kolektivnog stambenog objekta

10. Razmatranje i usvajanje:

a) Izvještaja o radu Komisije za utvrđivanje prometne vrijednosti nepokretnosti i prava za period 01.06.2023-30.04.2025. godine

b) Rješenja o imenovanju Komisije za utvrđivanje prometne vrijednosti nepokretnosti i prava

11. Razmatranje i usvajanje Izvještaja o radu i poslovanju javnih i drugih preduzeća, čiji je osnivač ili suosnivač Grad Tuzla za 2024. godinu:

a) JP RPC Tuzla - Inkubator „Lipnica” d.o.o. Tuzla

12. Razmatranje i usvajanje Izvještaja o radu javnih ustanova čiji je osnivač ili suosnivač Grad Tuzla za 2024. godinu:

a) JU Gradski stadion „Tušanj” Tuzla

b) JU Tuzlanska razvojna agencija „TRAG“ Tuzla - Development Agency „TRAG“ Tuzla

c) JU „Dom penzionera“ Tuzla

d) JU za predškolski odgoj i obrazovanje „Naše dijete“ Tuzla

13. Razmatranje Informacija o realizaciji dimnjačarskih poslova za 2024. godinu

14. a) Poziv Gradskog vijeća Tuzla vlastima Republike Srbije za izručenje ratnog zločinca Novaka Đukića

b) Zahtjev za institucionalno djelovanje u cilju obezbjeđenja izvršenja presude protiv Novaka Đukića i zaštite prava žrtava zločina na tuzlanskoj Kapiji

15. Razmatranje izvještaja Komisije za izbor i imenovanja

16. Tekuća pitanja:

a) Obavještenje JP SKPC Mejdan o razlozima prolongiranja izrade Izvještaja o radu i poslovanju za 2024. godine

b) Obavještenje JKP Komemorativni centar d.o.o. Tuzla o razlozima prolongiranja izrade Izvještaja o radu i poslovanju za 2024. godine

c) Obavještenje JP Gradska veterinarska stanica d.o.o. Tuzla o razlozima prolongiranja izrade Izvještaja o radu i poslovanju za 2024. godine.

Tačka jedan:

## **VIJEĆNIČKA PITANJA I INICIJATIVE**

Idemo prvo sa VIJEĆNIČKIM PITANJIMA.

Vijećničko pitanje. Vijećnik Emir Šahović. Izvolite. (EMIR ŠAHOVIĆ – Prilažem). Dobro. Vijećnika pitanja Ibeljić Anel i Ana Pejić. Prilažemo. Vijećnika pitanja. Vijećnik Dejan Kovačević.

### **DEJAN KOVAČEVIĆ - vijećnik HDZ BIH – Hrvatske demokratske zajednice Bosne i Hercegovine**

Hvala predsjedavajuća. Evo prije svega da pozdravim sve kolege, kolegice i kolege vijećnike, gradonačelnika, predstavnike službi, predstavnike medija i sve goste.

Evo, što se tiče vijećničkog pitanja, evo imam u stvari jednu urgenciju. Vijećničko pitanje sam postavio na sjednici, 3. sjednici u prvom mjesecu ove godine po pitanju sanacije udarne rupe u ulici Vladimira Nazora. Ulica Vladimira Nazora se nalazi u naselju Bulevar. To je centar grada. Udarana rupa je nastala sanacijom puknute cijevi od strane Javnog preduzeća...Javnog komunalnog preduzeća „Vodovod i kanalizacija“. I danas dan nije sanirana. Na 4-oj sjednici sam dobio odgovor da će biti realizirana sanacija u drugom mjesecu ove godine. Međutim, evo od samog izvođenja radova prošlo je preko sedam, evo i osam mjeseci, onaj, ništa se po pitanju toga nije uradilo.

Pa evo, šaljem urgenciju na vijećničko pitanje koje sam postavio u prvom mjesecu, ovaj, prema evo i Gradu Tuzla, nadležnim službama i prema Javnom komunalnom poduzeću „Vodovod i kanalizacija“ Tuzla. Da li će i kada biti sanirana udarna rupa u ulici Vladimira Nazora? Hvala.

**ANA PEJIĆ**

Zahvaljujem se. Sljedeće vijećničko pitanje. Vijećnik Elvir Fejzić. Izvolite. (ELVIR FEJZIĆ – Prilažem). Prilažete. Vijećničko pitanje. Vijećnica Ajla Kuluglić. Izvolite.

**AJLA KULUGLIĆ – vijećnik SDA – Stranke demokratske akcije**

Evo iskoristit ću ovu priliku da pozdravim predsjedavajuću, za početak, sve kolege vijećnike, gradonačelnika i sve prisutne.

Moje vijećničko pitanje je u kojoj fazi je proces saniranja klizišta u ulici Bećarevac do broja 116? Dakle, radi se o klizištu koje se nalazi sa lijeve strane puta. Građani su svjedočili da je u nekoliko navrata nadležne službe su obilazile, odnosno, bile su na toj lokaciji. Slikali su i evidentirali i tako dalje. Međutim, nikad se ništa nije poduzelo. To klizište čuva, pridržava jedan manji, ovaj, potporni zid, koji je već na više mjesta počeo pucati. Evo, naročito u ovo posljednje vrijeme, jako su česte obilne padavine i on samo nastavlja jel da se puca. To je još jel mislim, u blizini su porodične kuće. Prometno je, prolaze vozila, prolaze ljudi i mislim da je jako bitno da se što prije ovo sanira, jel, da se riješi ovaj problem. Eto. To je to.

**ANA PEJIĆ**

Zahvaljujem se. Vijećničko pitanje. Vijećnik Nedžad Jusić. Izvolite.

**NEDŽAD JUSIĆ – zamjenik predsjedavajućeg  
Gradskog vijeća Tuzla,  
nezavisni kandidat – nacionalna manjina**

Hvala predsjedavajuća. Prije svega želim da sve pozdravim kolege i kolegice, vijećnike i vijećnice, predstavnike službi, kao gradonačelnika, takođe i sve druge prisutne u sali i prije neg što krenem na vijećničko pitanje, želim zbog stenograma i zbog javnosti da kažem par riječi da je današnja sjednica vrlo važna za romski narod u gradu Tuzli, jer po prvi put u historiji grada Tuzle i ovog Gradskog vijeća, kao i prijašnjih određenih parlamenata, jedan Rom sjedi na čelo ovog stola zajedno sa predsjedavajućom i siguran sam u tome da će ovo biti zapisano u historiji Roma, ali ne zato što sam ja pripadnik romske nacionalne manjine, što sam ovdje, ja sam siguran u tome da smo mi ovdje svi jednaki, isti i da raspolažemo sa određenim kapacitetima i aktivnostima i siguran sam u tome, ne zato što sam ja pripadnik romske nacionalne manjine, nego zato što ću sigurno dati svoj maksimum i doprinos za dobrobit građana grada Tuzle. Ovo sam imo potrebu na kraj krajeva da kažem. Takođe, želim da se zahvalim kolegi Mensuru Aliću, s kojim smo zajedno dogovorili ove aktivnosti i ove hajde na neki način trenutačne promjene na ovom mjestu, al ćemo u daljem periodu takođe se dogovarati i nastavljati određene aktivnosti.

Ja ću sada u skladu sa Poslovníkom o radu Gradskog vijeća Tuzla, želim ponovo, nažalost, al to je tako, da obnovim vijećničko pitanje Javnoj Zdravstvenoj Nastavnoj Ustanovi Dom zdravlja „Dr. Mustafa Šehović“ Tuzla, jer evo dobio sam odgovor na pitanje. Moje je pitanje bilo: Molim da mi se dostavi opis posla za radno mjesto koje obavlja gospodin Nedim Osmanović vezano za men...kao radnik, menadžer kvaliteta. Pazite, dobio sam odgovor. Ja...vijećnici su pročitali najvjerovatnije ovaj odgovor, al ovo je malo ponižavajuće za ovaj Dom. Ponovo se vraćam na tome. Radno mjesto menadžer kvaliteta u Javno Zdravstvenoj Nastavnoj Ustanovi Dom zdravlja Tuzla, sistematizovano je 2006. godine, u skladu sa tada važećim pravilnicima i aktima ustanove, trenutno na toj poziciji zaposlenik, radnik, magistar Nedim Osmanović, diplomirani socijalni radnik koji obavlja posao u punom radnom vremenu,

u skladu sa opisom posla radnog mjesta menadžera kvaliteta i tačka. Znači, menadžer kvaliteta obavlja posao u skladu sa opisom posla menadžera kvaliteta i tačka. Šta u stvari radi? Dal se uklapa, ne uklapa u javne nabavke? Ne uklapa? Šta radi? Ja neću u to da ulazim. Da li je on direktor? Da li je zamjenik direktora? Ne znam. Neću u to da ulazim šta direktor i on privatno imaju. Šta oni rade, ja u to ne ulazim. Al me interesuje šta u stvari taj čovjek radi u Domu zdravlja? Jel imam pritužbe od mnogih i radnika Doma zdravlja, da jednostavno vrši pritisak na te ljude u Domu zdravlja. Možda mu je to u opisu posla, pa zbog toga direktor ne želi. Njegov je potpis. Ja ne znam ko piše ove odgovore. I zbog toga ovo isto pitanje upućujem Upravnom odboru Javne Zdravstvene Nastavne Ustanove Dom zdravlja Tuzla, a da mi se dostavi ovaj odgovor koji sam dobio i da oni mi danu odgovor šta u stvari taj čovjek radi u Domu zdravlja?

Drugo pitanje takođe je upućeno Upravnom odboru Javne Zdravstvene Nastavne Ustanove Dom zdravlja „Dr. Mustafa Šehović“ Tuzla. Zašto i zbog čega, koji je razlog da Gradsko vijeće Tuzla nije razmatrao niti dobio izvještaj o radu za prethodne tri godine za 2022, 23-u i 24-u? Zbog čega je razlog? Ja neću sad ulaziti u tome šta se radi dole u Domu u zdravlja, al to će se vremenom dokazati ili možda nećemo da javnosti Gradsko vijeće vidi ogroman gubitak koji je napravljen i koji rade ti zaposlenici, odnosno direktor zajedno sa svojim bližnjim. I zbog toga molim Upravni odbor da se izjasni zbog čega nismo dobili već treću godinu izvještaj o radu? To je za sada. Ja se nadam da ću dobiti konkretan odgovor, da jednostavno stavimo tačku na ova pitanja, jel možemo se dopisivati, stalno da postavljamo pitanje do kraja mandata, a na kraju da ne dobijemo ništa. Al ja neću na ovo stati, jel jednostavno ukoliko je se napravio minus preko 100.000 maraka, imaju institucije koje će se pozabaviti s tim, a pretpostavljam da je veći gubitak 500, 600, možda i milion. Ko je to uradio, ja neću u to da ulazim, al jednostavno trebali bi da budemo informisani, u stvari šta se radi dol u Domu zdravlja, jel jednostavno prema mom nekom ličnom mišljenju, da Dom zdravlja ide u pogrešnom pravcu i da taj Dom zdravlja ćemo u nekom narednom periodu pretvoriti u seosku ambulantu, što će ugroziti zdravlje i živote građana grada Tuzle. Hvala.

## **ANA PEJIĆ**

Zahvaljujem se. Sljedeća vijećnička pitanja. Vijećnica Dragana Berberović. Izvolite.

## **DRAGANA BERBEROVIĆ GAGRO – vijećnik Naše stranke**

Evo ovako. Ja bih samo, ovaj, ponovo da postavim pitanje Javnom poduzeću „Panonnica“ Tuzla. Dobila sam odgovor na prošlo pitanje. Međutim, samo djelomični odgovor. Zato bi evo da pročitam. Molim da mi se dostavi konkretan odgovor koja je primarna vrsta djelatnosti Javnog poduzeća „Panonnica“, te kako je izvršena sistematizacija radnih mjesta uposlenika kada se organizuju koncertne, festivalske i druge aktivnosti, nevezana je za javni interes kupališta u kompleksu „Panonnice“, a posebno izvan kompleksa i izvan zvaničnog radnog vremena?

Obzirom da sam u odgovoru Javnog poduzeća „Panonnica“ dobila opšte objašnjenje za registraciju svih privrednih društava u Federaciji Bosne i Hercegovine, znamo da je svako rješenje, na svakom rješenju ima raznih vrsta djelatnosti, pa tako po njihovom odgovoru bi na kraju mogli očekivati jednu mehaničarsku radnju na „Panonnici“ da se otvori ili benzinsku postaju.

Znači, nisam dobila konkretan odgovor, a radi interesa javnosti bi zamolila za konkretan odgovor na gore postavljeno pitanje.

## ANA PEJIĆ

Jel imate još pitanja? (DRAGANA BERBEROVIĆ GAGRO – Inicijativa je). Ok. Onda, kad bude inicijativa, onda ćemo. Vijećnik Anel Ibelić, pošto ga nema, prilaže. Vijećnica Ana Pejić prilažem. Vijećnik Mirza Malkočević (MIRZA MALKOČEVIĆ – Prilažem). Prilažete. Vijećnik Senad Mehmedinović. Izvolite. Dragana, molim vas, samo mikrofon da isključite. (SENAD MEHMEDINOVIĆ – Prilažem). U redu. vijećnik Mirnes Ajanović. Izvolite.

## MIRNES AJANOVIĆ

Prvo jedna kritika. Postavio sam vijećničko pitanje koja preduzeća su privatizovana? U kojem periodu? I dobijam odgovor, evo na jednoj stranici. Tržnice – Pijace, Vodovod i kanalizacija, Centralno grijanje, Komemorativni centar, Komunalac Tuzla. I pogledajte. Ja sam impresioniran. Odgovor na jednoj stranici. A u prilogu. Gledajte odgovora. Zaista sam impresioniran. Svaka čast svima. Ovo su službe naše odradile. Služba za ekonomski razvoj, poduzetništvo i poljoprivredu. Preduzeća koja su danas, neka su ostala privatizovana. Neka su vraćena. Ovdje su sve odluke, o odluci o odobravanju programa privatizacije početnog bilansa. Recimo, 01.09.2000. godine. Sve je ovdje. I ovo je zaista kvalitetan odgovor na vijećničko pitanje. Pohvala gradonačelniku, službama. Imat ću šta da čitam. Dakle, treba i ova vrsta. E sad, imam ovdje nekoliko pitanja. Ništa se nije desilo.

Jedno je, kada će se sanirati, ima u pisanoj formi, pa ću ovako parafrizirati. Dječija igrališta u blatu. Evo recimo imamo jedno konkretno između lamele VIII i IX, bliže IX na Stupinama. Imaju tamo sprave za vježbanje i kad padne kiša, dol je blato. Nemoguće prići. Okliznut se. Pasti. Dakle, mi faktički imamo, mogu se malo ovako ono sarkazmom izražavati besplatnu blatnu terapiju. Usred grada. Usred Stupina. Ja sam to snimio. Napravio video. Dvije godine stoji video. Hiljade i hiljade pregleda. I njega sam, pozvao sam se na ovaj video u ovim vijećničkim pitanjima i inicijativama. Greškom nisam stavio ovdje link u ovom. Izvinjavam se. Dakle, imamo gacanje kroz kaljugu. Kad će to prestat? Igralište, formalno lijepo uređen je onaj plato kompletan. Ima gore i za košarku i za nogomet, ali ovamo praktično u ulazu u naselje, odnosno B-9, imamo taj problem. Bezbjednost je ugrožena. Dostojanstvo. Bazen sezonski blata. I sad, joj sad da nisam ja, neko bi reko da imamo olimpijsku disciplinu skok u lokvu. Gacanje kroz mulj. Ima onaj Survivor, pa oni kroz onaj mulj. Možda je to priprema naše djece za Survivor, ovaj popularan. Gledaju sad to ljudi. Ja, pa oni sad kroz taj mulj non stop prolaze, pa da djeca se onda obiknu na to i da kad odu u Survivor, kažu: „To je nama ko kod kuće“. Jadni, nije bitno što idu tamo, gdje idu tamo daleko na nekakva ostrva i slično. Treba nam dakle da se izvrše hitne intervencije, postaviti odgovarajući sloj, propusnog, stabilnog, dječijoj igri prilagođenog materijala. Da to igralište sa spravama zaista bude igralište, ne improvizovana močvara. Eto. Nemojte se ljutiti ako malo sarkazma. Imaju...zato smo mi tu da primijetimo, kao što reče moj dragi susjed Dejan, kaže: „Kad će ta rupa biti zatrpana? Dokad će ta rupa biti tu?“ Tu smo mi dakle da pomognemo gradonačelniku, službama i svima ostalim da rješavaju se ovakvi problemi. To jeste funkcija Vijeća, pa da ne bude to samo suhoparno, evo može i ovako.

Sljedeće je: Kad će se izvršiti popravka i postavljanje korpi za otpadke posebno na području Stupina, gdje su ostali samo nosači, a korpe nedostaju? To je video koji sam ja nazvao fantomske korpe, odnosno, kante za smeće. Imate čudno, ne znam kako, betoniran dio donje šipke, a onda iščupana i ta šipka s betonom. Iz zemlje stoji samo šipka, a nigdje korpe. I takvih je desetina na Stupinama. Prođite, pa ćete vidjeti. Eto, ja ono vidim stalno, pošto tu živim, pa svaki dan to gledam i nikad to da se riješi. Iščupano sve onako kompletno sa onim postoljem betonskim koje je bilo zatrpano i stoji onako ko spomenik nekakav, a nigdje korpe. A onda

pored toga imaju, tamo ima recimo Genelec i oni su napravili otvore za zračenje svojih podrumskih prostora i to sad stoji ovako četverasto i ljudi misle da je to ko mjesto za odlaganje smeća i na tu površinu odlažu smeće. Dakle, ovo je pitanje. Malo je šire pitanje. Konkretnije. Nedostaju te, dakle, korpe za smeće. I u cijelom gradu. Ne na Stupinama. Ja sam rekao, svugdje. Narušava se higijena, estetski izgled naselja, širenje neprijatnog mirisa, prisustvo glodara. To je pogotovo sad bitno u ovom vremenu. Evo bit će i danas jedna inicijativa i o tome. Leptospiroze. Zaraze glodara. Gledamo nekad one pacove volike, idu oni džadom po Tuzli, pogotovo tamo oko rijeke Jale. Dobio sam brojne informacije da su u podrumima. Veliki broj pacova. To je druga inicijativa. Ne bi sada o tome. Ali i to je rezultat kad nema kante za smeće, kada se baca na tlo, dostupno je i glodarima i svima. Lijepo je kad ptice mogu pojesti, pa hajde bar smo ih nahranili. Dakle, kad će se izvršiti procjena? Koliko korpi nedostaje? Kad će se postaviti na postojeće nosače korpe vratiti? Da li je planirano povećanje broja korpi na javnim površinama u naseljima gdje ima veća frekvencija? Ko je zadužen za to za održavanje higijene u smislu dopunjavanja zamjene korpi i slično? Ako već imamo nosače, postavljanje korpi ne bi trebao biti problem. Dakle, grad bez korpi nije čist grad. Pokušaj da se eto to nešto ko toleriše ne može biti adekvatan i potrebne su konkretne mjere.

I još jedno pitanje. Nek se ne ljute drugi. Bit će drugi put, jer sam obišao videima sva naselja. Stotinu je videa. Milionski pregledi. Al ovaj put opet Stupine. Bode oči, jer tu živim. Tačka. Pitanje: Kad će se sanirati klupe, posebno one sa oštrim zahrđalim vijcima okrenutim prema gore koji direktno ugrožavaju zdravlje građana? Naziv videa kojeg sam napravio je „Garantovani tetanus i ljekarska intervencija od zahrđalih vijaka iz klupa“. Šta se događa? Recimo na Stupinama, riješio sam onaj problem, jedan video je riješen, onaj kompletan plato gdje sam govorio da imamo igralište u blatu za pripremu za Survivor, sve su klupe bile raspadnute i nakon videa su to popravili. Međutim, brojne klupe na Stupinama su ostale koje imaju prečke i prečke su poskidane. Odozdo vire vijci. Ja ne mogu da shvatim kome je moglo naumpast da prečku pričvršćava odozdo. Zahrđali vijci, a prečke nema. Imate tri, a četvrta fali. I neko kad sjede, ono mrak, možete zamisliti reakciju. Malo je čak i smiješno, a žalosno. Neko će se vrlo opasno povrijediti i zaraziti. Dobiti bolest Tetanus. Ovih vakcina i nema protiv Tetanusa. Teško ih nabaviti. Dakle, a stoji. Dvije godine to stoji. Video sam napravio. Još uvijek nije riješeno. Evo, sad kroz ovo vijećničku inicijativu, odnosno, pitanje, ovakvo stanje predstavlja direktnu opasnost od povreda, posjekotina, uboda, infekcije, mogućnost trovanja Tetanusom, jednom vrstom nemara. Kad ćemo sanirati te klupe? Prođe se...ja sam imao, ima jedan video gdje su građani sami na Brčanskoj Malti takve klupe riješili, što su sami doveli majstore i odozgo se buši prema dole vijak, ne oštri vijak sa oštrim vrhom, nego vijak sa šarafom. Pričvrsti se dobro. Nema više otpadanja. Nema ničega. Niko se se ne može povrijediti i ako se raspadne klupa. A ovo u slučaju raspada može izazvati teške povrede. Eto toliko. Hvala na mogućnosti.

## **ANA PEJIĆ**

Zahvaljujem se.

Da li je još neko ima vijećnička pitanja? Nema.

Prelazimo na VIJEĆNIČKE INICIJATIVE.

Vijećnik Emir Šahović. Izvolite. Može samo Mirnese mikrofona da isključite. E hvala. (EMIR ŠAHOVIĆ – Prilažem). Izvolite Emire. Prilažete. Vijećnik Dejan Kovačević. Izvolite.

## **DEJAN KOVAČEVIĆ**

Hvala predsjedavajuća. Evo imam tri vijećničke inicijative. Jednu ću pročitati i obrazložiti. Druge ću samo pročitati naslove.

Ovo što je trenutno aktuelno prilažem, onaj, podnosim vijećničku inicijativu nadležnim službama, Gradu Tuzla, Službi Civilne zaštite, Javnom komunalnom poduzeću Komunalac Tuzla, Službi za inspekcijske poslove Grada Tuzla, te Ministarstvu unutarnjih poslova Tuzlanskog kantona.

Inicijativa je za pojačan nadzor i sprečavanje pojave ilegalnog odlaganja otpada u naselju Orašje, kao i na drugim lokacijama uz katoličkoga groblja u gradu Tuzla. To je izgleda postao trend u zadnje vrijeme da se uz groblja i mezarja odlažu, odlaže otpad. A evo pošto obzirom da unazad nekoliko tjedana dobijam ne mali broj pritužbi od mještana iz Mjesne zajednice Par Selo, konkretno naselja Orašje, a koji je udaljen nekih kilometar i po od centra grada, a i koji se tiču pojave kontinuiranog i sve učestalijeg ilegalnog odlaganja otpada uz lokaciju Katoličkog groblja u naselju Orašje, koja se događa između dva termina odvoženja, znači, Komunalac redovno odvozi smeće. Međutim, u dva termina u toku tjedna, al međutim, ova ilegalna depopnija se pojavljuje upravo između dva ta termina, a u cilju očuvanja okoliša javnog zdravlja i poštovanja i dostojanstva vjerskih i kulturnih mjesta. Podnosim ovu inicijativu kojom zahtijevam hitno poduzimanje konkretnih mjera u vezi za sve prisutnijim problemom ilegalnog odlaganja otpada na području lokacije Katoličkog groblja u naselju Orašje.

Sličan problem se pojavljuje i u drugim mjesnim zajednicama, gdje se u blizini i groblja i mezarja sve učestalije javljaju slične i divlje deponije. Na ovim lokacijama primjećeno je učestalo nelegalno odlaganje krupnog otpada građevinskog materijala, kabastih stvari, te komunalnog smeća.

Osim što ovakvo ponašanje degradira životnu sredinu i narušava javni red i mir, posebno zabrinjava činjenica da se otpad odlaže u blizini groblja i mezarja i vjerskih objekata, čime se vrijeđa dostojanstvo pokojnika, te osjećaja vjernika. Toliko o ovome.

Druga inicijativa se odnosi na obilježavanje pješačkog prelaza u naselju Mihatovići, upućena prema Javnom poduzeću Ceste Federacije Bosne i Hercegovine i Jata-i Group d.o.o. Srebrenik.

I treća inicijativa je upućena prema Javnom komunalnom poduzeću Saobraćaj i komunikacije Tuzla, te Gradu Tuzla, za postavljanje odbrojivača preostalog vremena na semaforima u gradu Tuzla. Toliko ovaj put. Hvala.

**ANA PEJIĆ**

Zahvaljujem se. Vijećnička inicijativa. Vijećnica Svjetlana Kakeš. Izvolite.

**SVJETLANA KAKEŠ – vijećnik SDP – Socijaldemokratske partije Bosne i Hercegovine**

Hvala predsjedavajuća. Srdačno pozdravljam sve prisutne.

Ja podnosim inicijativu Kolegiju Gradskog vijeća, Stručnoj službi Gradskog vijeća i sekretaru Gradskog vijeća, a inicijativa se odnosi na razmatranje mogućnosti uvođenja sistema e-sjednica, odnosno e-vijeća ili neke druge web aplikacije, za pripremu i realizaciju sjednica Gradskog vijeća sa ciljem unapređenja transparentnosti, efikasnosti i ekonomičnosti u radu Gradskog vijeća, te ujedno i za obnavljanje opreme za snimanje, praćenje i elektronsko glasanje.

Obrazloženje. Gradska uprava Tuzla je u posljednjih nekoliko godina uradila mnogo na digitalizaciji procesa i postupaka koje provodi gradska administracija, kao i na digitalizaciju usluga prema građanima i pravnim licima i u tome su gradonačelnik i Gradska uprava imali podršku i prošlog i imaju podršku aktuelnog saziva Gradskog vijeća. Podrška se odnosila i na prioritete, te apsolutno podržavamo da su prvi koraci i najznačajniji na digitalizaciji urađeni

upravo na unapređenju rada gradske administracije, odnosno unapređenju pružanja usluga građanima i pravnim licima.

Što se tiče organizacije rada Gradskog vijeća, osim uvođenja elektronskog glasanja 2017. godine i dostavljanja materijala putem e-maila uz zadržavanje dostave štampanih materijala, način pripreme realizacije sjednica se nije promijenio u odnosu na period od prije 15 ili 20 godina. Uređaj za tonsko snimanje i uređaj za glasanje su skloni čestim kvarovima zbog dotrajalosti. Prema informacijama kojima raspolazem više puta je raspisano za javnu nabavu za održavanje video audio opereme u ovoj sali. Niko se nije javio, jer iz razloga što se radi o staroj opremi i ne postoje rezervni dijelovi.

Podsjećam da Gradsko vijeće u prosjeku održi 15 sjednica godišnje, što podrazumijeva najmanje i 15 sjednica kolegija i da svaka od 19 komisija, odnosno, radnih tijela, održi po jednu sjednicu mjesečno, što je ukupno 228 sjednica radnih tijela. To je sve naravno otprilike. U pripremi ovih sjednica angažuju se značajni ljudski i materijalni resursi. Trošak papira. Angažovanje uposlenika na štampanje, kopiranje, pakovanju, dostavljanju, nabavka i održavanje printera, kopir aparata, nabavka i zamjena tonera, angažovanje kurirske službe, službenih automobila i slično. Prema mojim saznanjima samo za pripremu realizacije sjednica Gradskog vijeća i kolegija i radnih tijela, godišnje se odšampta, spakuje i dostavi oko 400.000 stranica materijala. Svakako je važan i ovaj ekološki aspekt, zbog ovog nepotrebnog štampanja materijala koji najčešće završi u otpadu odnosno u našoj okolini.

Pored ovog ekološkog aspekta naravno da ovdje sam ja obrazložila, neću sad čitat sve, al evo dostavljam ovu inicijativu, obrazložila šta bi se se sve što se tiče ekonomičnosti, funkcionalnosti i bolje organizovanijoj pripremi naših sjednica postiglo ukoliko bi se prišlo organizaciji sjednica putem određene web aplikacije i uštede i materijala i ljudskih resursa od jednostavnijeg praćenja i dostavljanja dokumenata, od generisanja zapisnika, što smo već konstatovali na nekim od sjednica, automatskom generisanju zapisnika, izvještaju pregleda sjednica, materijala, zaključaka, bolji nadzor nad realizacijom zaključaka i slično. Uvođenjem ovakvog sistema unaprijedilo bi se postojeće elektronske usluge, odnosno digitalizacija, postigao još jedan korak u unapređenju rada, transparentnosti i postigli bi naš ugodniji rad na sjednicama Gradskog vijeća.

**ANA PEJIĆ**

Zahvaljujem se. Sljedeće vijećničke inicijative. Vijećnik Denis Bećirović. Izvolite.

**DENIS BEĆIROVIĆ – vijećnik Demokratske fronte – DF**

Hvala predsjedavajuća. Želim da pozdravim vas, dopredsjedavajuće, kolegice, kolege, sekretara, predstavnike medija, dal nam je gradonačelnik tu i njega, šefove službi i tako dalje. Za danas imam dakle tri inicijative, neću dužit.

Dakle, inicijativa prva, dakle, za asfaltiranje dijela puta u naselju Plane, ulica Mehdina Hodžića, dakle, radi se otprilike od nekih 90 metara asvaltne staze, kojom bi se u principu spojile asvaltne staze iz prethodno izvršenih građevinskih radova na tom lokalitetu.

Zatim, inicijativa za sanaciju dječijeg igrališta u naselju Plane. Dakle, upućujem inicijativu nadležnim službama. Radi se o jedinom dječijem igralištu koje postoji u ovom naselju i nalazi se dakle u izrazito lošem stanju. Zabilježeno je slijeganje terena u jednom dijelu igrališta, što je prouzrokovalo neravnine i oštećenje na površini za igru, a samim tim i rizik za sigurnost djece. Igralište nije ograđeno što dodatno povećava opasnost jer se nalazi u blizini saobraćajnice i privatnih parcela. Međutim, ovdje evo iz nekog razloga zaboravio sam napisati, ali dakle postoji i realna opasnost predsjedavajuća od strujnog udara, obzirom da su određeni,

naponska kabela sa obližnjih bandera jako blizu igrališta, oborena i postoji opasnost, dakle, da dijete sa zemlje bez imalo napora dotakne kablo i da svjedočimo neželjenim posljedicama.

I treća je dakle isto tako jedna hitna intervencija, neophodna sanacija asvaltne površine u ulici Treće Tuzlanske brigade, naselje Slavinovići. Dakle, zahtjevam da se hitno pokrenu aktivnosti na sanaciji slijeganja terena i oštećenja kolovoza. Dakle, u ovom dijelu ulice došlo je do urušavanja asvaltne površine i deformacije terena, a situacija se dodatno pogoršala nakon prošlogodišnje sanacije cjevovoda. Tom prilikom su teška teretna vozila oštetila dio asvalta i zgnječila kanalicu za odvodnju vode. Usljed oštećenja kanalice došlo je do poremećaja u oticanju površinskih voda, što je dodatno uzrokovalo na stabilnost podloge i pomjeranje asvaltne sloja, te asvaltne površina sada prijeti potpunim odronom što bi dovelo do potpune blokade pristupa domaćinstvima u ovom dijelu naselja. Dakle, govorim u Slavinovićima dio pored Slavinovići i česme, dakle, na magistralnom putu, preko puta u jednom brdovitom dijelu našeg grada gdje, dakle, usljed evo kretanja i nužde da se uradi i cjevovod došlo dakle do oštećenja jednog dijela puta. Nije to velika površina, ali ukoliko bi došlo do urušavanja, a već jeste, moglo bi doći i do neželjenog ishoda, posebno za teretna vozila, kombije koji prolaze gore jako često. Mogli bi završiti nekome u avliji. Mogli bi se doći do prevrtanja vozila, eventualno do u najboljem slučaju oštećenja pneumatika, al i tu opet bi imali problem pristupa vozilima koja bi riješili tu situaciju.

Toliko od mene po ovom pitanju. Hvala vam.

## **ANA PEJIĆ**

Zahvaljujem se. Sljedeća vijećnička inicijativa. Vijećnik Ervin Alibegović, al evo nije tu, pa prilažemo. Vijećničke inicijative. Vijećnica Berisa Ahmetović. Izvolite.

## **BERISA AHMETOVIĆ – vijećnik SDA –Stranke demokratske akcije**

Dobar dan. Koristim priliku evo da vas sve pozdravim. U kontekstu ovoga danas sam podnijela dvije vijećničke inicijative.

Prva glasi, hitno poduzimanje neophodnih mjera i izmjene pravilnika o kućnom redu i drugih akata Javnog preduzeća Panonnica d.o.o. Tuzla, u cilju omogućavanja korištenja usluga ženama u burkiniju.

Obrazloženje. U kontaktu sa građanima našeg grada, ali i prema ličnom iskustvu utvrdila sam da je na Javnom preduzeću Panonnica d.o.o. Tuzla zabranjeno kupanje i korištenje drugih sadržaja, slapovi, ženama u burkiniju. U kontekstu navedenog želim prije svega da istaknem definiciju burkinija. Burkini je vrsta kupaćeg kostima dizajnirana za žene koje žele ili trebaju da se oblače skromnije iz vjerskih, kulturnih ili ličnih razloga, a da pri tome mogu plivati i uživati u vodi. Naziv burkini je nastao kombinacijom riječi „burka“ koji označava odjevni predmet koji prekriva tijelo i riječi „bikini“ koji znači klasičan kupaći kostim. Obje vrste naprijed pobrojanih kupaćih kostima, napravljeni su od laganih, prozračnih, brzосуšećih materijala pogodnih za plivanje. Prema podacima do kojih sam došla na Panonskim jezerima je zabranjeno kupanje u burkiniju zbog važećeg Pravilnika o kućnom redu, koji zabranjuje kupanje u odjeći i obući, uključujući i zatvorene kostime poput burkinija. Navođenje činjenice da je ovakvo pravilo iz higijenskih razloga, apsolutno je neopravdano, obzirom da se iz naprijed opisanog jasno da zaključiti da je prema definiciji razlika između burkinija i bikinija u samo malo više materijala. Napominjem da sam lično, ali i kroz pisanja naših građana prisustvovala situacijama kada su se određene osobe kupale u pamučnim odjevnim predmetima, koji nisu vrsta bilo kakvog kupaćeg kostima, pa se pitam da li je to korištenje pravila ili ne? Međutim, kada se pojavi žena u burkiniju, dakle, žena u kupaćem kostimu, kao što naprijed napisa, samo sa malo više materijala, radnici i redari ovog Javnog preduzeća se dobro potrudu da joj stave

do znanja da ne može koristiti Panonska jezera, odnosno javno dobro svih građana. Zašto? Ne znaju ni oni sami, osim da kažu da ne može u odjeći, a da pri tome nisu upućeni u ovo pitanje u cjelosti. Ostaje pitanje zbog čega se onda ovo preduzeće koje smatram i za koje pokazatelji govore da je veoma uspješno, postavlja diskriminatorno prema svojim građanima, ali i potencijalnim turistima? Da li imamo sram jer smo čaršija? Da li se stidimo svoje tradicije? Iz naprijed opisanog jasno je vidljivo da se vrši isključiva diskriminacija po vjeroispovijesti, ali i po ličnom shvatanju, obzirom da imamo žena kojima vjeroispovijest ne nalaže skromnije oblačenje, ali koje iz zdravstvenih, higijenskih ili eventualno samo u cilju zaštite od sunca, koriste burkini. Napominjem da je Tuzla kao otvoreni grad već bila predmetom prozivanja zbog ovakve diskriminacije, obzirom da Javno preduzeće Panonnica d.o.o. Tuzla nije dozvolilo korištenje jezera, ženama u burkiniju. Da li navedeno znači da je Tuzla otvoreni grad samo kada su u pitanju modernizacije sa zapada, ako ih uopće tako možemo i nazvati? Napominjem da je ne tako davno u cijelom svijetu bio zabranjen bikini i da su se žene isključivo kupale u burkiniju. Takođe naglašavam da burkini nije više nigdje tabu tema, da se u najluksuznijim ljetovalištima u svijetu i našem najbližem okruženju žene kupaju u ovoj vrsti kostima. Zašto onda Tuzla, odnosno Javno preduzeće Panonnica krši temeljna ljudska prava? Zbog čega se ne ukine ova diskriminatorna odredba koja je kao takva i tretirana Zakonom o zabrani diskriminacije? Navedeni Pravilnik je u suprotnosti sa važećim aktima o osnivanju javnih preduzeća, ali i samoj svrhi postojanja istih, a to je zadovoljavanje određenih potreba građana. Ostaje nejasno kako nekome uskratiti ovo osnovno pravo, obzirom da ovo preduzeće za jedan od svojih najboljih marketinga koristi prirodna i ljekovita sredstva vode sa Panonskih jezera. Prema pisanjima medija do kojih sam došla, obzirom da još nisam tražila pisane podatke o ovom pitanju se ranije izjasnila Komisija za ljudska prava Gradskog vijeća Tuzla, koja je utvrdila da je zabrana kupanja u zatvorenom kupaćem kostimu diskriminatorna prema Zakonu o zabrani diskriminacije. Međutim, ovo pitanje je zasad ostalo neriješeno. U vezi sa navedenim, tražim da se hitno pristupite analizi vaših akata i da prestanete da diskriminacijom po ovom osnovu i izvršite izmjenu akata, ili da Gradsko vijeće zakaže posebnu sjednicu po ovom pitanju i donese zaključke koje će biti obavezujuće za Javno preduzeće Panonnica Tuzla.

Hvala. Ja se izvinjavam na malo dužem, ali zaista mi je bio cilj, ovaj, da pročitam ovu inicijativu.

Druga inicijativa. Pročitat ću samo naslov, a to je postavljanje autobusnog stajališta sa klupom i nadstrešnicom na stanici Cerik, znači, kod Mezarja. Evo, ovo iz ovog samog pita...iz same inicijative je jasno, znači, da mi na Ceriku građani, mještani, nemaju znači, tačno obilježeno autobusko stajalište. Nemaju, ovaj, školarci, studenti i drugi mještani ne znaju gdje će stati. Zbog velikih vrućina, znači, ne postoji klupa i nadstrešnica gdje bi se sklonili, vrućine, padavine i slično. Vjerujemo da postavljanje je li istih, ne iziskuje zaista neke velike troškove, da se neće vršiti diskriminacija u pogledu navedenog, obzirom da su u urbanim dijelovima na većini mjesta postavljene klupe sa nadstrešnicom koje su evo po mom nekom skromnom mišljenju profesionalne i sa visokom kvalitetom. I u vezi sa navedenim, molim vas da ovu inicijativu razmotrite i provedete potrebne mjere za nabavku i postavljanje stajališta. Hvala puno.

**ANA PEJIĆ**

Zahvaljujem se. Sljedeća vijećnička inicijativa. Vijećnica Ajla Kuluglić. Izvolite.

**AJLA KULUGLIĆ**

Evo ovako. Što se tiče dakle, vijećničke inicijative, ja sam za ovu sjednicu podnijela jednu i to je uređenje igrališta u naselju Stupine. Otprilike ide u pravcu kao i kod kolege

Mirnesa Ajanovića. On je već prilično onako dobro objasnio važnost ovog igrališta. Znači, radi se o igralištu koje svakodnevno koriste stotine djece. Takođe, mališani iz obližnjeg obdaništa. Ne moramo ni napominjati da se radi o jednom od možda najnaseljenijih urbanih mjesnih zajednica, odnosno naselja u našem gradu, kao i da broj stanovnika te mjesne zajednice konstantno raste.

U stanju u kojem je igralište trenutno ono nije adekvatno, nije obezbijeđeno, nije sigurno za korisnike, odnosno za djecu, jel, koji su primarni korisnici. Iz tog, ja sam evo akcenat tu inicijativu stavila na bezbjednost prije svega i predložila sam neke dvije mjere, a to je najprije ugradnja zaštitne ograde, odnosno ograde, koja će spriječiti djeci da izlaze, istrčavaju na prometnu površinu, odnosno na cestu. I postavljanje dakle gumene podloge koja će također smanjiti rizik od povreda. Osm toga ona je onako dugoročno održiva i jel, mališani će moći da koriste igralište bez obzira na vremenske uslove. I obzirom evo da se radi o prilično velikoj zelenoj površini tu. Navela sam jel, odnosno predložila sam i da se predvidi jedan ograđeni dio za kućne ljubimce, gdje će vlasnici, jel kućnih ljubimaca, odnosno pasa koji žive na Stupinama moći sigurno da izvedu svoje pse, a koji opet neće smetati, jel, djeci prilikom njihove igre. Eto. Ne bih više dužila. Toliko od mene, što se tiče inicijativa.

## **ANA PEJIĆ**

Zahvaljujem se. Vijećnička inicijativa. Vijećnik Mirnes Ajanović. Izvolite.

## **MIRNES AJANOVIĆ**

Hvala. Jedna je inicijativa za sistem kod deratizacije na području grada Tuzla. Imamo ovo stanje pojave glodara. Evo alarmantno stanje u Sarajevu. Pominju se i neki drugi gradovi. I u Tuzli oni onako ono idu cestom, trotoarom. Pacovi su poveliki. Rezultat jeste problem. Otvorena kanalizacija. Rijeka Jela. Ali ne možemo ne činjenjem ugrožavati bezbjednost zdravstveno građana. Iz ovog razloga je ova inicijativa, a posebno jer je Zakonom o zaštiti stanovništva od zaraznih bolesti, to je Federalni propis, definisano, da Federalni ministar donosi provedbene akte u vezi toga. Sprovedbu toga Kantonalna vlast, ali u praksi znači da to ne radi bilo ko, odnosno, niko.

Razgovarao sam sa Jasminom Ferizbegovićem, direktorom Javnog preduzeća Veterinarska stanica Tuzla, dobio sam informaciju da je jučer gradonačelnik također obavio razgovor s njim u vezi ovog problema. I oni imaju okolnost da mogu djelovati efektivno samo 10%. Propis im ne dozvoljava da Veterinarska stanica ima nadležnost, deratizacije, dezinfekcije, dezinsekcije. Da nije ovog propisa mi bi imali grad siguran. U razgovoru kojeg sam obavio sa direktorom Ferizbegovićem, dobio sam puna uvjeravanja da oni su sposobni za to, a pokazali su svojim dosadašnjim djelovanjem u svim segmentima da su najsposobniji u Federaciji. I šire. Ovo govorimo samo sad u institucionalnom smislu, a sigurno i šire, zahvaljujući prvenstveno direktoru, ali i ostalim uposlenicima kojima je prenio svoje iskustvo, znanje i sve ostalo. Ovo govorim dakle jer imam priliku razgovarati i dajem punu podršku i smatram da evo i Grad treba dati još veću podršku u odnosu na sve ono što smo imali priliku saznati kroz Brucelozu, kroz aktivnosti od prije 15, 20 godina, kroz Gradsko vijeće kada smo dobijali konkretne informacije, prijedloge, kako da se grad zaštiti.

Ovdje ja imam ovu inicijativu prijedlog mjera, da Grad uputi zvaničnu inicijativu Ministarstvu zdravstva Tuzlanskog kantona, da bez odgađanja, a shodno svojim zakonskim obavezama provede sistemsku deratizaciju.

Da se putem gradonačelnika zatraži od Ministarstva zdravstva TK-a i Zavoda za javno zdravstvo, da hitno prestave plan deratizacije za ovu godinu. Naravno, i naredne, ali sa rokovima i odgovornim institucijama.

Pod tri. Ukoliko nadležni kantonalni organi ne obezbijede blagovremenu sistemsku deratizaciju, predlažem da Grad u okviru svojih mogućnosti, privremeno finansira deratizaciju, al da to ispostavi kao račun Kantonu il Federaciji, jer su oni nadležni za to. Njihova sredstva moraju ić. Iz tih budežta se to plaća. Ne iz budžeta Grada Tuzla. To je ta supsidijarna odgovornost, gdje Grad ima pravo zbog nečinjenja viših organa vlasti poduzeti određene mjere, ali uz naznaku da se to radi na način da se traži povrat tih uložениh sredstava.

Pod četiri. Da se od Federalnog ministarstva zdravstva zatraži hitna analiza provođenja člana 17., 18. i člana 19. Zakona o zaštiti stanovništva od zaraznih bolesti. Da se poduzmu efikasne mjere i prema kantonalnim organima i svima koji ne postupaju u skladu sa federalnim propisima uključujući i ministra, ako ne urade sad ovaj dio posla.

Pet. Da Grad Tuzla u slučaju nepostupanja nadležnih kantonalnih ili viših organa izda ovlaštenje Veterinarskoj stanici Tuzla, da u okviru zakonskih mogućnosti po hitnom postupku provede deratizaciju na račun Grada Tuzla opet u vezi ovih prethodnih tačaka uz privremenu finansijsku podršku iz budžeta, a kasnije refundaciju iz budžeta Kantona, odnosno, Ministarstva zdravstva TK-a.

I šest. Da u okviru svega ovoga, na jednoj od sjednica narednih Gradskog vijeća, pokrene se inicijativa prema Federalnom ministarstvu zdravstva i Vladi Tuzlanskog kantona, da se svim opštinama i gradovima omogući zakonski osnov za samostalno planiranje sistemske deratizacije, dezinfekcije i dezinfekcije na svom području, da ne zavisimo od odluka viših nivoa vlasti, jer time dakle obezbjeđujemo sigurnost građanima. Nadležnost između viših nivoa i nižih, ne može se koristiti kao izgovor za nečinjenje, pogotovo kada se radi o zdravlju građana. Evo neka bude ovaj primjer Grada Tuzle, inicijativa i ostalim opštinama i gradovima, da na isti način traže, jer sam već primijetio, da recimo u Sarajevu, opština Novi Grad, takođe traži pravo da sami vrše čišćenje i sređivanje grada, da ne zavise od Kantona. Da oni na svom lokalnom dijelu, nad kojim su nadležni, obezbijede sigurnost građana redovnim čišćenjem i svim onim što je potrebno, tako da evo bit će podrška i s te strane, al mi možemo uputiti i taj prijedlog i svim ostalim lokalnim zajednicama da idemo ka rješavanju ovog problema.

E sad ima još ovih par. Ima jedna simpatična. Ne znam jel mi tu drug gradonačelnik, al hajd, neće mu bit drago. Al šta ću ja malo, hajd moram. Moram. Ovo su sve sad ostalo praktički, praktično realizacije mojih videa onih preko stotinu, što sam ja hodao po Tuzli, otrco cipele hodajući i snimajući sve ono što je bilo. Ja, snimilo se.

Ovaj se zove vijećnička inicijativa „Furaj mali rundavim trotoarom“. Bogami mi, eno ga i sad je rundav. Od dol od Belamionix-a kad krenete pa nekoliko stotina metara desno, onaj, uz magistralu, al trotoar je u Tuzli. Nema veze jel nadležnost Grada il ko god. Sto dvjesto metara rundav trotoar. Trava. Bukvalno velka trava. Ljudi ono ugaze, gacaju. I stoji taj video, snimljeno. Ja se zafrkavam bukvalno idem tom zelenom površinom (ANA PEJIĆ – Molim vas samo da vodite računa o vremenu)...Hoću. Hvala. Neki su odustali, pa evo imamo mogućnost da možemo. Nije rečeno koliko je u roku, nego koliko smo svi. Dakle, mi imamo sad praktično jedan pilot projekat gradske poljoprivrede na javnim površinama. Još samo da ovce, koze izvedemo. Ima ona Tuzlanska koza. Pa i ona bi mogla doć na trotoar, da pase, kad već ima trotoar. Da uzgajamo djetelinu tamo gdje ljudi hodaju. Ja, nemojte, mislim, ne šalim se, ja ovo malo ozbiljno govorim, hajd. Dakle, ako je cilj bio da imamo urbano zelenilo, ako je to planski projekat, onda je u redu. Natjerat ćemo pješake da idu cestom. Da ne gaze travu, jer kažu da nije dobro danas gaziti travu. Mora trava bit fina ono, ne smije se gaziti. Da se pokosi dakle. Nije to samo, tu ima u Moluhama, dođete idete trotoarom i odjedanput šikara. Nigdje trotoara. I vi sad na cestu. Oni odozgo voze brzo. Vidio sam. Snimao sam video, ide žena pa smo pokrili, naravno, djecu, sa djecom u kolicima je ljuta. Mora na cestu sić, jer trotoar, šikara na torotoaru. Dakle, da se pokose te trave na trotoaru. Da se u Moluhama, dole, dakle, u tom dijelu Kreke, da se ukloni, prvo da se pokosi, možda je to teško ukloniti, al da ne bude onoliko duboka ona velika trava. Kasnije da se uzmu lopate. Ako treba otićemo mi zajedno lopatama pa odraditi da

se skine taj sloj površine i da se obezbijedi asfaltni dio trotoara kakav jeste. Da se redovito, dakle, obavještava o stanju trotoara jer je to sigurnost pješaka, dakle, kompletna sigurnost u saobraćaju. Ne tražimo dakle mi čudo, samo da građani mogu hodati pločnikom bez mačeta u rukama ili onog srpa. Et, dakle, mora se obezbijediti ta sigurnost, pa evo i volonterski ako treba. Imat ćemo da organizujemo košnju trave za sijeno na našim trotoarima. A video ima. Samo da pregledaju. Ja ne znam šta je problem. Ja rekao pogledajte, ja ću postavljati iz ovih videa, pa ko prije stigne. Ako oni prije naprave, može biti umjesto pitanje i pohvala.

Ima još jedno. Zadnje. Postavljanje saobraćajnih putokaza na kritičnim raskrsnicama, radi sprečavanja lutanja građana po naseljima bespotrebno. Dakle, putokazi. Šta ima? Imate situaciju da dođete na raskrsnicu i zamislite sad, ne znate, stranac ste ili slično, nebitno. Hoćete lijevo ili desno? Nema putokaza. Mora biti putokaz. Inače dolazimo u poziciju da građani nepotrebno ulaze u naselja, ugrožavaju bezbjednost. Tu su obično kasnije uski putevi. Može doći do saobraćajnih problema. I šta se desilo? Na jednoj od relativno bitnih raskrsnica u Gornjoj Tuzli kad pređete most, dođete imate lijevo lijep put isti kao ovaj desno. Nema razlike. I jedan i drugi isti. I gdje ćete? Ako hoćete za Lopare, Brčko, Čelić, kud ćete, hoćete lijevo? Ljudi skreću lijevo. Bio sam gore. Snimio sam i taj video. Šta se sjetio narod? Narod se sjetio kad Grad nije. Na kući koja tu stoji direktno ispred raskrsnice napuštena, napravi putokaze i nacrt, ofarba ono strelica Čelić, Brčko, Lopare. Narod kao narod. Da ne luta svijet, da im ne smeta tamo, pa svira, pa pita, pa gdje ću, šta ću, naprave putokaze. Ovo je dakle dobar primjer civilne odgovornosti građana u određenom naselju koji su primijetili adekvatan problem i riješili ga crtajući putokaze po kućama. Ali mi trebamo to ozbiljno uraditi da se hitno evidentiraju sve raskrsnice na području Tuzle i prigradskih naselja, koje nisu obilježene putokazima gdje god postoji raskrsnica. Nebitno je li posebnog, od ovakvog, onakvog značaja. Mora postojati kad imate dva puta putokaz da znate gdje idete. Da se osiguraju sredstva za redovno održavanje. Ne smije se dopustiti da građani sami improvizuju na ovaj način, jer može doći do okolnosti da neko i prevari nekoga, ali kako god, evo imamo jednu situaciju koja je malo simpatična, ova u Gornjoj Tuzli, kako su se građani samoinicijativno opredijelili da riješe problem vozača koji prvi put prolaze tom saobraćajnicom i sebi olakšaju okolnost da ne moraju lutati kroz njihova naselja, ugrožavajući djecu i tako dalje. Evo. Nemam više. Hvala.

## **ANA PEJIĆ**

Zahvaljujem se. Sljedeće vijećničke inicijative. Vijećnica Senia Husić. Izvolite.

### **SENIA HUSIĆ – vijećnik SDA –Stranke demokratske akcije**

Zahvaljujem predsjedavajuća. Evo, želim da pozdravim sve prisutne u sali. Ja imam danas dvije vijećničke inicijative.

Prva vijećnička inicijativa je postavljanje zaštitne ograde duž šetališta Sjenjak – Slavinovići.

S obzirom na činjenicu da se neposredno uz gore navedeno šetalište nalazi novoizgrađeno dječije igralište, koje je najposjećenije u cijelom gradu, na Sjenjaku, velika izloženost djece i odraslih opasnosti od pada u korito rijeke Jale. Veliki broj djece se svakodnevno zabavlja na ovom igralištu. Igraju fudbal, voze biciklo, igraju žmire i druge igre. Sami smo očevidci da djeca, na primjer, u potrazi za loptom, koja im tokom igre ode u korito rijeke Jale, samostalno silaze i da je uzmu iz korita i na takav način ugrožavaju vlastiti život. S obzirom da je na pješačkom šetalištu iscrtana i biciklistička staza, građani grada Tuzle koji voze bicikla i električne skutere, izloženi su još jednoj opasnosti. Gubljenja kontrole tokom vožnje i slijetanja u korito rijeke Jale. Nedavno smo imali priliku da se upoznamo sa nemilim događajem slijetanjem djeteta sa biciklom u korito rijeke Jale, što se na svu sreću završilo

pozitivnim ishodom, što ne znači da se u budućnosti neće završiti drugačije. Treba istaći da je korito rijeke Jale uglavnom bez zaštitne ograde, što povećava rizik od padova, ne samo za bicikliste i vozače električnih skutera, nego i za pješake i djecu koja se kreću uz rijeku Jalu. S obzirom na gore navedeno, apelujem da se u što kraćem roku izgradi zaštitna ograda i time zaštitimo naše građane i građanke grada Tuzle.

Druga inicijativa je obezbjeđenje poslovnog prostora koji je u vlasništvu Grada Tuzle, na raspolaganje Udruženju roditelja djece i lica sa smetnjama u razvoju „Hrabro srce“ Tuzla, koji bi se ukoliko je to u skladu sa zakonom i važećim gradskim propisima davao pod određenim uslovima na privremeno korištenje navedenom Udruženju. Udruženje roditelja djece i lica sa smetnjama u razvoju „Hrabo srce“ Tuzla trenutno broji 55 članova, koji se svakodnevno zalažu i bore da društvo prepozna njihove potrebe, kako bi imali mogućnost za bolji i kvalitetniji život. Ovo Udruženje se finansira od članarina korisnika, te donacija dobrih ljudi. Navedeno Udruženje postoji i aktivno djeluje već nekoliko godina, pružajući ključne usluge roditeljima, djeci i osobama sa smetnjama u razvoju, kroz terapije, psihološku podršku, edukativne radionice i druge inkluzivne programe. Njihov rad se odvija u ograničenom prostoru, koji nije dovoljan za potrebe njihovih korisnika i rastuće aktivnosti njihovog Udruženja. Njihov rad se odvija u pružanju usluga kao logopedskih tretmana, muzikoterapije, rad sa defektologom, psihološka podrška, kao i aktivnosti usmjerene na socijalizaciju i rehabilitaciju djece u autističnom spektru. Budući da se radi o Udruženju koje je od velikog značaja za njegove korisnike, koji su najranjivija kategorija u društvu, smatram da im se treba obezbijediti adekvatan prostor za realizaciju njihovih aktivnosti. Adekvatan prostor bi im omogućio proširenje kapaciteta za terapijske usluge, organizaciju većeg broja radionica, te stvorio bi sigurnije i udobnije okruženje za djecu i omladinu sa smetnjama u razvoju, te bolje uslove za rad njihovog stručnog tima i volontera. Zahvaljujem.

**ANA PEJIĆ**

Hvala. Sljedeća vijećnička inicijativa. Vijećnik Ibeljić Anel i Ana Pejić. Prilažemo. Vijećnica Dragana Berberović. Izvolite.

**DRAGANA BERBEROVIĆ GAGRO**

Evo ovako. Hvala. Ja bih se samo nadovezala, mislim da se radi o istoj inicijativi, ovaj sa koleginicom Senirom Husić.

Znači, moja inicijativa se odnosi na postavljanje zaštitnih barijera duž korita rijeke Jale i Soline u pješačkim i biciklističkim zonama.

Obrazloženje. Obzirom na širenje grada uz korita rijeka Jala i Soline, izgrađene su pješačke i biciklističke staze kojima se svakodnevno kreću građani, uljučujući i djecu. Nezaštićeni prostor između staza i riječkih korita predstavlja ozbiljan rizik od pada, ozljeda i nesretnih slučajeva. Dodatni problem predstavlja buran vegetacija uz obalu rijeke koja smanjuje preglednost i povećava opasnost, osobito za djecu i bicikliste.

Cilj je osigurati sigurno kretanje građana, djece i biciklista uz korita rijeke Jale i Soline postavljanjem zaštitnih barijera.

Prijedlog. Predlažem da nadležne gradske službe za urbanizam i prostorno uređenje izrade plan zaštite pješačkih i biciklističkih staza uz korita rijeke Jale i Soline. U okviru tog plana potrebno je definirati adekvatne sigurnosne mjere, uključujući i postavljanje zaštitnih ograda, uređenje obale, te redovito održavanje staza i vegetacije radi bolje preglednosti i sigurnosti. Zaštitne mjere mogu biti u obliku zaštitnih barijera i ograda. Postavljanje estetskih oblikovanih zaštitnih ograda od metala i drva. Korištenje transparentnih materijala poput pleksija na određenim dijelovima kako bi se zadržala preglednost. Postavljanje niskih

betonskih ili drvenih ribnjaka uz biciklističke staze radi dodatne sigurnosti. Urbanističko ozelenjavanje. Sadnja niskog grmlja i cvijetnih biljaka koji vizualno odvajaju staze od riječnog korita ali ne ometaju preglednost. Sigurna i funkcionalna infrastruktura. Postavljanje LED rasvjete uz staze radi bolje vidljivosti noću i povećanje sigurnosti. Mjesto za odmor i rekreaciju. Postavljanje klupa i sjenica na određenim dijelovima staze, kako bi se osigurao prostor za odmor. Ove mjere mogu dodatno poboljšati sigurnost i estetsku...estetiku prostora uz rijeku Jalu i Solinu, a Grad bi mogao razmotriti izradu detaljnog urbanističkog plana koji bi uključivao neka od ovih prijedloga. (ANA PEJIĆ – Jel nemate više?). Nemam, malo sam i skratila.

## **ANA PEJIĆ**

U redu. Vijećnik Mirza Malkočević. Izvolite. Molim vas samo Dragana mikrofon da isključite.

## **MIRZA MALKOČEVIĆ – vijećnik Naroda i pravde (NIP)**

Hvala predsjedavajuća. Hvala Dragana. Pozdrav svim prisutnim. Ja imam tri inicijative. Pokušat ću bit brz.

Prva inicijativa je...može. Dobro kolega, ne sikirajte se. Pokretanje Dnevnog centra Doma penzionera Tuzla uz subvenciju troškova javnog prevoza. U ime starijih građana sa područja grada Tuzla i okolnih naselja, ovim putem pokrećem inicijativu za uspostavljanje usluge Dnevnog centra pri Domu penzionera, te subvencioniranja troškova javnog prevoza za starije osobe koje bi koristile usluge ovog...koristile ove usluge od mjesta stanovanja do Doma penzionera i natrag. Savremeni društveni tokovi sve češće dovode do osamljenosti društvene izolacije i marginizacije starijih osoba, posebno onih koji žive same ili u udaljenim dijelovima grada. Iako fizički još uvijek sposobni mnogi stariji građani nemaju mogućnost aktivno sudjelovati u društvenim događajima čime im je uskraćena prilika za kvalitetno provođenje slobodnog vremena, socijalnu interakciju...pardon, pokretanje Dnevnog centra u sklopu Doma penzionera otvorila bi sljedeće mogućnosti. Zadovoljavanje osnovnih životnih potreba, prevencije, svakodnevnu socijalizaciju korisnika, pružanje osjećaja stabilnosti i sigurnosti, podršku i očuvanju mentalnog zdravlja. Predlažem da usluge dnevnog boravka uključuju dva topla obroka dnevno, doručak i ručak, bez noćenja, kako bi korisnici koji žele da svakodnevno vraćaju u svoje domove mogli uživati u sigurnom, toplom i dostojanstvenom okruženju tijekom dana. Time bi se osiguralo kvalitetno osnovne brige za starije osobe. Ističemo da bi cijene boravka u Domu u Dnevnom centru formirale, da bi se formirale u dogovoru sa Javnom ustanovom Dom penzionera Tuzla, uzimajući u obzir ekonomske mogućnosti korisnika sa ciljem da usluge budu dostupne što širem broju starijih osoba. Takođe, predlažem subvencioniranje troškova javnog prevoza, autobusnih karti za korisnike dnevnog centra, jer upravo finansijske i fizičke dostupnosti jedna je od ključnih prepreka za redovno korištenje ovih sadržaja, naročito kod penzionera sa niskim primanjima ili iz prigradskih naselja. S tim u vezi, a u cilju unapređenja dostupnih i kvalitetnih usluga koje bi se pružale u okviru budućeg Dnevnog centra, te Dom penzionera, predlažemo da se u okviru ove inicijative planira i uspostava besplatnih kružnih linija koje bi povezale ključne dijelove grada sa Dnevnim centrom. Za ovu namjenu koristili bi se dva donirana autobusa iz Osijeka, nadamo se da će ih biti još, a njihovim upravljanjem i održavanjem bi rukovala Javno komunalno preduzeće Saobraćaj i komunikacije, čime bi se osiguralo funkcionalnost, pouzdanost i održivost ove usluge. (ANA PEJIĆ – Molim vas, samo za malo tišine. Mirza, jeste li završili?). Nisam. Imam drugu.

Druga inicijativa je isto, veže se za Dom penzionera, tj osnivanje Područnog odjeljenja Doma penzionera Tuzla. Ovom inicijativom se obraćam sa ciljem pokretanja procesa osnivanja Područnog odjeljenja Doma Tuzla u naselju Lipnica, na lokaciji Samački dom. To je lokacija gdje već imamo ambulantu, a dva sprata iznad su slobodna. Naselje Lipnica i okolna mjesta značajno su udaljena od postojećeg centralnog Doma penzionera u Tuzli, što starijem stanovništvu predstavlja veliki logistički zdravstveni izazov, ostvarivanju prava namještaja, i potrebne...smještaj i potrebnu brigu. Mnogi penzioneri u ovom kraju žive sami bez adekvatne podrške porodice i lokalne zajednice često u neodgovarajućim uslovima koji dodatno ugrožavaju njihovo fizičko i mentalno zdravlje. Uzimajući u obzir demografsko...pokazatelj koji ukazuje na sve veći broj starijih osoba, te činjenicu da je njihova mobilnost ograničena, navedeno bi predstavljalo značajne korake ka pružanju pristupačne kontinuirane i institucionalizirane njege i brige. Naselje Lipnica raspolaže infrastrukturnim kapacitetima koji bi se uz odgovarajuću sanaciju ili namjenu postojećeg objekta moglo prilagoditi za potrebe Područnog odjeljenja Doma.

U cilju što brže i efikasnije realizacije pokretanja Područnog odjeljenja Doma penzionera predlažemo da se prema Federalnom ministarstvu rada i socijalne politike inicira kupovina objekta Samački dom.

I ova je kratka. Treća. U skladu za inicijativa za asvaltiranje i postavljanje javne rasvjete na alternativnoj pješačkoj stazi u naselju Irac. Veliki broj stanovnika ovog dijela grada, a posebno studenti, svakodnevno koriste alternativnu pješačku stazu uz rijeku Jalu koja kao kraći put prema centru grada i fakultetima. Dionica o kojoj je riječ proteže se od Krečanske ulice do Tehnološkog fakulteta. Međutim, ta staza trenutno nije asvaltirana niti osvijetljena, što znatno otežava kretanje pješacima, naročito u večernjim satima tokom loših vremenskih uslova. Hvala.

**ANA PEJIĆ**

Zahvaljujem se. Vijećnik Senad Mehmedinović. Izvolite.

**SENAD MEHMEDINOVIĆ – vijećnik Nezavisne liste „Sloboda“**

Ja prilažem, samo imam jedan apel da se malo uozbiljimo kada su u pitanju ova vijećnička pitanja i inicijative. Predsjedavajuća, mi kršimo Poslovnik o radu Gradskog vijeća kojim je propisano da je planirano vrijeme 30 minuta. Ja znam da svako želi da iznese probleme koji tište naše građane, ali ima vrijeme koje je predviđeno. Možemo izmijenit Poslovnik i onda sad da mi smo svi iznosili, to bi otišlo sigurno na sat, sat i po, tako da evo samo u budućnosti da se vodi računa oko iznošenja vijećničkih pitanja i inicijativa. Ja mislim da je definisano ako se ne varam tri minute, neko razumno vrijeme da se to iznese, tako da se povede računa. Hvala.

**ANA PEJIĆ**

Zahvaljujem se. Vijećnica Ajal Kuluglić. Izvolite. Molim vas, samo mikrofon uključite. Pardon.

**AJLA KULUGLIĆ**

Izvinjavam se unaprijed zbog evo ovaj oduzimanja vremena ovako naknadno. Ja sam u prethodnom obraćanju propustila priliku da se zahvalim i u svoje ime, a i ispred Kluba SDA, da se zahvalim na dostavljenim odgovorima na inicijative sa prethodne sjednice, s tim što bih ja zaista volila da ukoliko evo već postoje uslovi i opravdanost za inicijative, ukoliko su već

razmatrane ranije, da mi to dobijemo i službeno u odgovorima. Konkretno, radi se o inicijativi za izgradnju jarbola, isticanje državne zastave i zastave Armije Republike Bosne i Hercegovine na spomen obilježju Šehidska česma u Gornjoj Tuzli. Mi smo dobili odgovor da će se u narednom razmotriti inicijativa, odnosno opravdanost iste, kao i prostorne druge mogućnosti za realizaciju inicijative, a nakon toga evo mi na nekim portalima, ovaj, vidimo da je to već planirano i da ide izgradnja i tako dalje. U konačnici nije ni bitno jel čija je inicijativa. Bitno je da se žrtvama oda počast i na taj način, ali ovaj čisto da evo i službenim putem znamo u kojoj je fazi, ovaj i da li je već ranije bilo govora o tome.

Također, evo iskoristila bi ovu priliku i da se zahvalim kolegi Mensuru Aliću, što je u svojstvu dopredsjedavajućeg evo pružio podršku, ovaj, realizaciji tog projekta u Gornjoj Tuzli. Eto. Toliko. Hvala.

## **ANA PEJIĆ**

Zahvaljujem se. Da li još neko ima vijećničke inicijative? Nema.

S obzirom da nema više vijećničkih pitanja i inicijativa, prelazimo na drugu tačku dnevnog reda :

## **RAZMATRANJE I USVAJANJE IZVJEŠTAJA O IZVRŠENJU BUDŽETA GRADA TUZLE ZA PERIOD 1.1. - 31.3.2025. GODINE**

Predlagač: gradonačelnik Grada Tuzla

Obrađivač: Služba za budžet i finansije

Materijal su razmatrali: Komisija za ekonomske odnose, Komisija za poduzetništvo, Komisija za prostorno uređenje i zaštitu okoline, Komisija za komunalne poslove i pitanja mjesnih zajednica, Komisija za mlade, obrazovanje i sport i klubovi vijećnika.

Da li ima potrebe za uvodnim izlaganjem? Nema.

Da li ima potrebe da se pročitaju izvještaji komisija? Nema.

Otvaram raspravu klubova vijećnika.

Da li se neko javlja?

Vijećnik Mirnes Ajanović. Izvolite.

## **MIRNES AJANOVIĆ**

Ja ne bih da budem previše dug. Izvještaj o izvršenju budžeta, to je zakonska obaveza. Dakle, ne dobra volja da li će neko to nama predložiti ili ne, kvartalno izvještavanje izvršenje budžeta, faktički dodatni napor Gradske uprave i službe da obezbijede se funkcionalnost sistema. Evo nekoliko sugestija i osvrta obzirom da nam je cilj zajednički obezbijediti što bolju unaprijeđenost efikasnosti javne potrošnje na veće zadovoljstvo građana.

Pod jedan, imamo suficita. To je pokazatelj fiskalne stabilnosti. Neko bi rekao, pa možda i nesposobnosti vlasti, al ja bih radije signal za dodatnu proaktivnost. Ipak, vlast se trudi. Sarađujemo mi dobro. Radimo. Funkcionišemo. Pozicija. Opozicija. I kritika opozicije vrlo dobro omogućavaju vlasti da bolje funkcionise pa i većini u Gradskom vijeću. Ovdje nekada smo svi i većina. Rijetko kad svi opozicija, ali i to zna biti. Tako da je ovo Vijeće funkcionalno u tom smislu. Zato i mi ovaj suficit koji imamo, puno je to para. Evo, milioni su u pitanju. Čovjek bi rekao dobili mi 15 miliona viška, al može djelovati kao pokazatelj stabilnosti budžetskog okvira, ali i pokazuje potrebu na ubranu realizaciju svih planiranih rashoda i svega onoga što je usvojeno u budžetu. Realizacija rashoda od 13,2 miliona planirana je 92,4 miliona

u ovom kvartalu, dakle, ispod 15% je. Sugerirše da je potrebno dodatno osnažiti mehanizme realizacije. Projekte koje direktno utiču na kvalitet života građana.

Pod dva je Služba za komunalne poslove. Zahvaljujući gradonačelniku. Eto, hajde nećemo biti previše kritični prema njima ili kritički osvrt imat malo jači, al je potencijal veći od ostvarenja. Grad Tuzla sa svim što ima, industrijski kapacitet, infrastrukturu dakle, pa evo i rudarsku, jest da malo po malo i nestaje, ali postoji specifične klimatske izazove. Mora imati efikasniji sistem. Ovo govorim sad o civilnoj zaštiti. Vratit ću se kasnije za ovo. Dakle, civilne zaštite. Mora postojati mogućnost ojačanja kapaciteta, planiranje interventnih aktivnosti. Vidimo gradonačelnik reaguje uvijek kada imamo najavu poplava i svega. Izlaze na teren. Dočekuju. Pripremaju. Ali to mora biti i prije te najave. Stalna redovna kontrola vodotoka i svega onoga što bi moglo izazvati klizanje zemljišta i onog što je već poznato u Tuzli. Izostanak realizacije planiran je 4 miliona maraka u ovoj oblasti. Može se korigovati kroz pravovremeno planiranje javnih nabavki i kriznih situacija.

Vraćam se na Službu za komunalne poslove. Pošto pratim ovo da bi bilo kraće i efikasnije, pa malo je bilo kroz krolanje. Razmotriti dodatne operativne mjere kako bi se obezbijedio veći dio realizacije planiranih sredstava. Naravno iz Fonda za komunalnu infrastrukturu. Realizovanje ranijih faza kako je to bilo do sada. Evo da u budućim izvještajima posebno se prikaže dinamika realizacije po prioritetima iz mjesnih zajednica. Socijalna pitanja. Ovdje je evidentno, bitno, važno je jačanje pravovremenosti, a ne samo ukupnog iznosa. Podrška socijalno ugroženim kategorijama je vrlo bitna. Vi znate i ja sam učestvovao u tome, pa i one jednokratne pomoći. To je inicijativa koju sam takođe predložio. Davno je to bilo, ali daje rezultate, pomaže ljudima. Tih nekoliko stotina maraka vrlo je značajno za situacije koje su raznorazne. Nabavke lijekova. Nebitno šta je, ali u slučaju potrebe dvije ili tri stotine maraka jednokratne pomoći, dakle, pored ostalog što ima, daje dosta pomoći ljudima kojima to treba i budu zadovoljni kada prime to. Mora bit dakle ta dinamika isplata, pokretanja javnih poziva, da budu olakšani korisnicima. Mi smo pojednostavili sad dosta te procese dobijanja prava na socijalnu pomoć. Treba još više, al treba to malo nekoj kampanji pojasniti ljudima. Građani ne znaju. Dosta je ljudi sa kojima sam kontaktirao, kojima treba pomoć, a ne znaju za to. Ne znaju da trebaju doći ako ništa drugo u prostor Gradske uprave, pitati na bilo kojem šalteru, dobit će pune informacije. Svako će vrlo rado dati informaciju bez obzira na kojem se šalteru pojavite, uputiti vas na pravo mjesto. Imao sam priliku razgovarati i rezultat toga jeste da kada ljudi saznaju za to, dođu i dobiju tu, taj formular koji treba da se popuni i dostavite određene podatke i realizacija vrlo brzo ide tih pomoći. Plate i naknade, stabilnost sistema je definisan potrebom za ravnotežom. Uspješna realizacija obaveza prema zaposlenima u Gradskoj upravi je pokazatelj funkcionalnosti sistema. Ne smije bit tu nedostataka i taj sistem funkcioniše. Bilo bi korisno da se slična ažurnost prenese na realizaciju ostalih budžetskih linija koje se odnose na građane, kako bi svi segmenti društva imali isti osjećaj sigurnosti i brige Gradske uprave Grada Tuzla, dakle, i Gradskog vijeća, u smislu blagovremene podrške.

Evo i mi na kraju još kakvu mi ulogu u svemu ovome imamo, u ovom svemu što mi kroz naše pridike, kritike, sugestije, prijedloge, inicijative, pitanja, djelujemo da što bolje bude realizacija samog izvršenja budžeta. Punjenja budžeta. Razvojnosti budžeta. Mi sad kao Vijeće dajemo dakle punu podršku. Doprinosimo jačanju odgovornosti svih.

Evo nekoliko sugestija. Da se svim službama, zaključaka recimo, hajd. Da se svim službama naloži izrada tabelarnog prikaza nerealizovanih sredstava uz jasan prikaz razloga i planova za naredne kvartale. Dakle, ovo što postoji ovi suficiti i da se zna i zbog kojeg razloga, zašto, kad će biti. Da se razmotri mogućnost uvođenja kvartalne interne procjene realizacije fondova za...sa prijedlozima za poboljšanje. Da se rezultati javnih poziva objavljuju transparentno po korisnicima, iznosima i datumima realizacije, da ne bude da, eto nismo znali. Da se iznađe način da se neraspoređena sredstva iz prethodnih godina prioritetno usmjere na

najhitnije potrebe, bilo da su one komunalne, zdravstvene ili socijalne prirode. Ovo su zaključci.

Evo još jedan komentar. Imao sam priliku da građani negdje nisu znali da se trebaju prijaviti ili donijeti do određenog perioda, određena novčana sredstva. Prikupili su novčana sredstva za realizaciju svog komunalnog ili ispravku svog komunalnog problema, ali zakasne negdje. Nisu imali informaciju i onda to propada. Dakle, izvještaj nije razlog za osudu, već zajednički napor da unaprijedimo budžetsku dinamiku. Vjerujem da će gradonačelnik i službe prihvatiti ovu sugestiju kao dobronamjernu podršku u ispunjavanju zajedničkih obaveza prema građanima Tuzle. Toliko. Hvala.

**ANA PEJIĆ**

Zahvaljujem se. Sljedeći za riječ se javio vijećnik Senad Mehmedinović. Izvolite.

**SENAD MEHMEDINOVIĆ**

Poštovana predsjedavajuća, zamjenice predsjedavajuće i zamjenici predsjedavajuće, kolege vijećnici, gradonačelnice, predstavnici službi, mediji, prisutni, sve vas srdačno pozdravljam.

Komentarisanje generalno izvještaja ne treba da bude samo formalnost, već smatram da je važan alat za praćenje, korekciju, pa evo ako hoćete da kažemo i za političku odgovornost.

Kada su u pitanju sredstva budžeta i ono što se može vidjeti jeste da su ukupna sredstva u budžetu Grada Tuzle za 2025. godinu, iznosila ukupno 92 miliona i možemo zaključiti da je ukupna realizacija ovih sredstava na zadovoljavajućem nivou i u periodu od 01.01. do 31.03. a u odnosu na isti period prethodne godine, veća su za 1.720.672, što je dobro.

Kada su u pitanju prihodi poreza, mislim da treba to uvijek podsjetit, možda i one vijećnike koji su novi, dakle da su uvijek najznačajniji prihodi u budžetu jesu prihodi od poreza i vidimo da su oni planirani u iznosu od 46 miliona i ostvareni su u iznosu od 11 miliona ili 25,08 u odnosu na plan, odnosno došlo je do povećanja u odnosu na planiranje za 13,99. I možda je ovo zbog povećanja generalno troškova i inflacije iz života i sad veći dio sredstava nam dolazi iz, između ostalog od prihoda od indirektnih poreza i tako dalje.

U odnosu na neporezne prihode, možemo vidjeti ovdje da se tu u stvari radi o taksama naknade po općinskim propisima i javni prihodi od nefinansijskih javnih preduzeća, finansijskih javnih institucija, ali mislim ovdje je došlo do smanjenja u odnosu na planirana sredstva. Međutim, govorim o periodu prva tri mjeseca i mislim da će se ovo do, u ovom periodu do dvanaestog mjeseca vjerovatno poravnati na način ovih naknada po općinskim taksama.

U odnosu na vlastite prihode tekuće kapitalne tansfere i donacije, ovdje možemo vidjeti da su najveći iznosi na osnovu naknada po osnovu tehničkog pregleda građevina. Međutim, veoma su mali ovi tekući transferi, bar do trećeg mjeseca od države Federacije i Kantona i možda se to može isto protumačiti na način da nisu određene konkursne procedure i gotove, zato, zbog toga kasne ovi transferi.

Fond za komunalnu infrastrukturu isto su manja ostvarenja za 16,61, a u stvari Fond za komunalnu infrastrukturu predstavlja naknade po osnovu prirodne pogodnosti za građenje ili one takozvane rente o kojoj govorimo. I vidimo da su ostvareni primitci od prodaje zemljišta sa manjim ostvarenjem za 74,12%. Dakle, manje će biti gradnje u toku ove godine i pretpostavljam da ova sljedeća tačka o kojoj ćemo govoriti o regulacionom planu je upravo da se krene u izgradnju određenih objekata dole na području Kazan Mahale.

Kapitalni transferi od Federacije vidimo da su 934.000 i to je za svaku, svaku pohvalu. Rashodi. Malo smo izgleda trošili i vidi se da je to iznos od 13 miliona i sad se ovdje navodi

da su razlozi slabog rashoda sljedeći. Usvajanje budžeta Grada Tuzle za 2025. godinu, krajem februara 2025. godine. Ja mislim da smo se mi konstituisali, ako se ne varam, u novembru i možda za ubuduće da nam se ove stvari ne bi dešavale da na vrijeme usvajamo budžet Grada Tuzle, a i možda smo kasno onaj usvojili, zbog toga što su bili izbori, pa je stari saziv Vijeća donio odluku o privremenom finansiranju Grada Tuzle. I ovo usvajanje plana nabavki Grada Tuzle za 2025. godinu, u martu 2025. godine, jel to sad u korelaciji vezano sa kašnjenjem usvajanja budžeta i onda nije moglo da bude izrađen plan nabavki za 2025. godinu.

Kada je u pitanju Služba za komunalne poslove, ja sam postavljao pitanje, evo ovdje apel jedan upućujem, a to je evo i kolege su kroz inicijative govorile, ove rupe, udarne rupe više ne zovu se udarne rupe. Na primjer, Slatina, ja sam nazvao, urgirao, onaj i ne želim da se vijećnička pitanja i inicijative svedu na saniranje udarnih rupa po naseljima. Mislim da bi trebalo da se to nevjerovatno je da mi govorimo o gradu koji je inkluzivan. I odlično. A vi imate, ja ne znam više, veće od rupe, rupčaga. Na Slatini je nevjerovatno da odete da vidite prvo osoba koja ima tjelesni invaliditet ili motorički poremećaj u kolicima ne može se kretati. Drugo. Osobe treće životne dobi koje koriste hodalicu ili drugo ortopedsko pomagalo za neometano kretanje, ne mogu se kretati zato što može propasti u rupu od jedno 30, 40 centimetara, a nije šaht. Majke sa bebama u kolicima takođe ne mogu. Al vidite govorimo o Slatini o putu prema „Pametnoj zgradi“, odnosno ulici Albina Herljevića, evo za koju kolega Anel zna i znam da je prije ako se ne varam podnosio vijećnička pitanja za saniranje tih, nekad su bile rupice, sad su rupčage. I apelujem na službu stvarno da pristupi rješavanju ovog, da se ne svodi vijećnička inicijativa na sanaciju udarnih rupa ili vijećnička inicijativa za onaj sitni kamen. Znači, to je nevjerovatno da inicijative idu u tom pravcu i mislim da se to treba malo uozbiljiti. Služba da izađe na teren i da bar što se tiče tih velikih rupa, da se to sanira, riješi i evo govorim sad primjer je tamo prema „Pametnoj zgradi“.

Generalno uvijek postoje sve je u paru, tako i ovdje imamo pozitivnu i negativnu stranu ovog izvještaja. Pozitivna je takozvana ukupna realizacija sredstava koja je na zadovoljavajućem nivou i ona iznosi 31%. Porezni prihodi rastu. Dobro je da imamo suficit, al vjerovatno ovaj suficit iz razloga slabog rashoda. Ali nema veze, ljepo je kad govorimo o suficitu Grada Tuzle i to možda daje prostor za dodatna ulaganja, pa evo primjer Mjesna zajednica Kiseljak. Dobro, došli su dole da se uloži.

Fond za Termoelektranu i Fond socijalnog stanovanja imaju solidnu realizaciju, što znači da se sredstva za socijalne potrebe pokreću. I dobra je evidencija i transparentnost. Šta nije ok, šta bi trebalo popraviti, a to su niska realizacija rashoda u iznosu od 14,38. Ne porezni prihodi su pali za 21%, al vjerujem da će se to izbalansirati tokom godine. Transferi sa viših nivoa vlasti su drastično manji i Fond za komunalnu infrastrukturu bilježi slabije ostvarenje, posebno kod rente i prodaje zemljišta.

Generalno, uvijek je Služba za budžet i finansije ljepo pripremila ovaj nama izvještaj, a naše je naravno da kažemo koje su pozitivne i negativne strane i što se tiče našeg kluba mi ćemo podržati ovo. (ANA PEJIĆ – Jeste završili?). Da.

**ANA PEJIĆ**

Zahvaljujem se. Sljedeći za riječ se javio vijećnik Samir Mulaosmanović. Izvolite.

**SAMIR MULAOSMANOVIĆ – vijećnik SDP – Socijaldemokratske partije  
Bosne i Hercegovine**

Hvala predsjedavajuća. Pozdravljam sve prisutne u sali. Manje više kolega Mirnes Ajanović je sve objasnio ono što sam i ja htjeo da kažem, s tim da bi, evo samo jednu stavku vezano za suficit, koji cijelo vrijeme spominjemo. Mislim da je taj suficit trenutno hajde

možemo ga nazvati fiktivni suficit, jer kako znamo kreće građevinska sezona. Mnogo tendera imamo. Dosta tih tendera je sad već u nekoj fazi da se počne njihova primjena na terenu završavati, tj. da počne primjena tendera, tako da možemo očekivati u sljedećem kvartalu jako puno i faktura, tako da taj suficit vjerovatno na sljedećem izvještaju neće baš biti tako velik kao što je sada.

Isto tako, ovaj, na strani broj 2. Fond sredstava naknada prihoda ostvarene radom Termoelektrane je procijenjeni suficit u ovom slučaju može bit dosta veći i može bit dosta manji, to je sve shodno, zavisno o proizvodnji električne energije iz Termoelektrane. Mi se nadamo da će proizvodit puno pa da će biti ostvaren veći suficit.

Generalno, sve je objašnjeno, manje više je rečeno, tako da ostavljam i drugima priliku da nešto kaću. Hvala.

## **ANA PEJIĆ**

Zahvaljujem se.

Da li se još neko javlja ispred klubova vijećnika?

Zaključujem raspravu klubova vijećnika.

Otvaram raspravu vijećnika.

Da li se neko javlja?

Zatvaram raspravu vijećnika i dajem pauzu od pet minuta. (Pauza).

Molim vijećnike samo da zauzmu svoja mjesta. Nastavljamo sa radom.

Stavljam na izjašnjavanje **IZVJEŠTAJ O IZVRŠENJU BUDŽETA GRADA TUZLE ZA PERIOD 1.1. - 31.3.2025. GODINE**, te vas molim da se izjasnite.

Glasanje je okončano.

Konstatujem da je **IZVJEŠTAJ O IZVRŠENJU BUDŽETA GRADA TUZLE ZA PERIOD 1.1. - 31.3.2025. GODINE** usvojen sa,

24 glasa za, nije bilo protiv i nije bilo suzdržanih.

Zamolit ću samo sekretara da pročita zaključke koji su proistekli iz diskusija.

## **SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od gradonačelnika i od Službe za budžet i finansije da razmotre sve prijedloge, primjedbe i sugestije date tokom rasprave o Izvještaju o izvršenju Budžeta Grada Tuzle za period 1.1. - 31.3.2025. godine, a sve u cilju jasnijeg i transparentnijeg izvještavanja o utrošku budžetskih sredstava.

## **ANA PEJIĆ**

Stavljam na izjašnjavanje.

(Možel se ponovit?). Može naravno. Možetel samo poništiti Janjo da ponovo...Emire, molim vas samo da glasate.

Glasanje je okončano.

Konstatujem da je pročitani zaključak dobio potrebnu većinu sa,

26 glasova za, nije bilo protiv i 2 suzdržana.

Je li ima još Slađana? (SLAĐANA KRAJINA – Nema). S obzirom da nema više zaključaka, prije nastavka sjednice, dajem pauzu od 30 minuta. Molim vas, s obzirom da

ima...Mogu li samo sekundu vašeg vremena...S obzirom da ima vijećnika kojima...zbog nekih drugih obaveza samo da malo pauzu pomjerimo 15 do 20 minuta. Da li ste saglasni za to, znači samo da...jer su na Kolegiju najavili evo, predsjednici klubova su u toku toga, tako da, to je u pitanju. Nastavljamo onda sa radom.

Tačka tri:

## **RAZMATRANJE I USVAJANJE ODLUKE O PRISTUPANJU IZRADI REGULACIONOG PLANA SJEVERNE STRANE ULICE KAZAN MAHALA U TUZLI**

Predlagač: gradonačelnik Grada Tuzla

Obrađivač: Služba za prostorno uređenje i zaštitu okoline i UO Zavod za urbanizam

Materijal su razmatrali: Komisija za statutarna pitanja i propise, Komisija za prostorno uređenje i zaštitu okoline i klubovi vijećnika.

Da li ima potrebe za uvodnim izlaganjem? (Nema). Nema.

Da li ima potrebe da se pročitaju izvještaji komisija? (Nema).

Otvaram raspravu klubova vijećnika.

Vijećnik Senad Mehmedinović. Izvolite.

### **SENAD MEHMEDINOVIĆ**

Dobro. Ovdje imamo odluku o pristupanju izradi regulacionog plana. Ono koliko se ja razumijem u ove stvari, dakle, nakon odluke možemo da vidimo da je godina dana rok da se izradi nacrt. Nakon što se izradi nacrt dolazi na Vijeće i onda se stavlja 30 dana u javnu raspravu. Ovo su veoma bitne stvari generalno kada se govori o regulacionim planovima, iako je tek odluka o pristupanju izradi istog, ali se na osnovu ovog određuje pravac, kojim će bit planirano il kojim je planirano da ide područje Kazan Mahale.

Član 4. ovdje navodi da period na koji se donosi regulacioni plan je od pet godina. Ja sad ne znam prije kada su bili neki regulacioni planovi, znam da su bili na deset godina. Dal se to promijenilo il postoji mogućnost promjene u toku sad ne znam jel to nekim aktom se veže il je to neka odokativna procjena, ne znam? Generalno ovaj prijedlog odluke je pravno utemeljen. Iz nje se može vidjeti da je rađena u skladu sa Zakonom o statutarnim ovlaštenjima i Zakonom o prostornom uređenju Tuzlanskog kantona. Dobro je što su jasno obuhvaćeni ciljevi i postupak i rokovi su propisani, dakle, možemo da znamo kad će šta da bude po pitanju ove odluke.

Ja imam prijedlog jedan. Ne znam dal bi to bio zaključak, obzirom da je ovo vezano za odluku, a možda kad se bude radio ovaj dokument, nacrt dokumenta, u članu 5., nek bude u stenogramu, pa se može kasnije, onaj, vidjeti. Predlažem da se u smjernice za izradu regulacionog plana eksplicitno uključi i obaveza primjene principa univerzalnog dizajna i važeće uredbe o uklanjanju arhitektonskih barijera, kako bi se obezbijedila puna pristupačnost i inkluzivnost budućih objekata i javnih prostora. S tim bi u članu 5. stav 2. dodao novu dole alineju, dal da to bude tačka 3. il da bude pod e), koja bi glasila: Planirati sve građevine i javne prostore u skladu sa principima univerzalnog dizajna i važećim propisima o uklanjanju arhitektonskih i komunikacijskih barijera, s ciljem osiguranja pune pristupačnosti za sve korisnike, uključujući osobe s invaliditetom, starije osobe, djecu i druge ranjive grupe.

Takođe, apelujem da u nacrtu budu jasno navedeni kriteriji za očuvanje kulturno historijskog nasljeđa, jer ne znam koliko ste tamo gledali ovaj plan dakle prolazi tamo kroz Kazan Mahalu, al s desne strane imamo Turalibegovu džamiju koja je proglašena kao nacionalni spomenik i mislim da kroz nacrt treba da bude navedeno da će biti zaštićeno kulturno historijsko nasljeđe i možda da se uvrsti mjere očuvanja ambijentalne cjeline i

ograničenje visine objekata. Mi znamo šta se dešava sa regulacionim planovima. Znači, tek kad sam bio u prošlom mandatu nekako sam neću reć neozbiljno shvatio regulacione planove, nisam shvatao ozbiljnost regulacionih planova, a bio sam svjedok kada smo mijenjali, onaj, određenu visinu građevina. Prvo je bilo da ide na 10 spratova, pa odjednom se nešto mijenja, bude na 14 spratova i onda se žalimo zašto imamo problema sa parkingom.

Takođe, mislim ovo je doduše odluka nedostaju ekološki kriteriji i pretpostavljam da će to u nacrtu da bude uključeno, dakle, moraju se uključiti elementi energetske efikasnosti i navodi se nekakav interes investitora za izgradnju. Čuj interes investitora za izgradnju. Možda kad se govori već o tom interesu kako god to sad neko protumačio taj interes, možda navesti ko su ti investitori i kakav tip oni gradnje žele. Hoćemol mi Kazan Mahalu što je sad aktuelna priča u gradu Tuzli betonizirati? Znači, to je veoma važno pitanje o kojem ćemo vjerujem raspravljati kad dođe nacrt. To je to što se tiče diskusije. Hvala.

## **ANA PEJIĆ**

Zahvaljujem se. Evo s obzirom da su s nama danas prisutni Selma Imamović, direktorica Zavoda za urbanizam i Fahrudin Delić, pomoćnik gradonačelnika za Službu za prostorno uređenje i zaštitu okoline, oni će razmotrit vaš prijedlog Senade što ste...U redu.

A de mi recite da li ima još neko da se javlja za diskusiju ispred klubova vijećnika?

Zaključujem diskusiju klubova.

Otvaram raspravu vijećnika.

Zatvaram raspravu vijećnika, te stavljam na izjašnjavanje ODLUKU O PRISTUPANJU IZRADI REGULACIONOG PLANA SJEVERNE STRANE ULICE KAZAN MAHALA U TUZLI, te vas molim da se izjasnite.

Glasanje je okončano.

Konstatujem da je ODLUKA O PRISTUPANJU IZRADI REGULACIONOG PLANA SJEVERNE STRANE ULICE KAZAN MAHALA U TUZLI usvojena sa,

23 glasa za, nije bilo protiv i 3 suzdržana.

Prelazimo na tačku četiri:

## **RAZMATRANJE I USVAJANJE ODLUKE O BRATIMLJENJU GRADA TUZLE I GRADA ASUANA IZ ARAPSKE REPUBLIKE EGIPAT**

Predlagač: gradonačelnik Grada Tuzla

Obrađivač: Stručna služba za poslove gradonačelnika

Materijal su razmatrali: Komisija za statutarna pitanja i propise, Komisija za saradnju sa jedinicama lokalne uprave i samouprave i klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika, te stavljam na izjašnjavanje ODLUKU O BRATIMLJENJU GRADA TUZLE I GRADA ASUANA IZ ARAPSKE REPUBLIKE EGIPAT, te vas molim da se izjasnite.

Glasanje je okončano.

Konstatujem da je pročitana odluka usvojena sa,

26 glasova za, nije bilo protiv i nije bilo suzdržanih.

Tačka pet:

## **RAZMATRANJE I USVAJANJE ODLUKE O RASPISIVANJU JAVNOG POZIVA ZA DAVANJE U ZAKUP POLJOPRIVREDNOG ZEMLJIŠTA U VLASNIŠTVU DRŽAVE NA PODRUČJU GRADA TUZLE**

Predlagač: gradonačelnik Grada Tuzla

Obrađivač: Služba za ekonomski razvoj, poduzetništvo i poljoprivredu

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija?

Otvaram raspravu klubova vijećnika.

Vijećnik Mirnes Ajanović. Izvolite.

### **MIRNES AJANOVIĆ**

Ma zadovoljstvo mi je da, evo recimo ideja i prijedlog kojeg sam davno nekad ne sjećam se ni kad predložio, inicirao, ukazivao, pokazivao da treba dajete rezultate. Imamo dosta površine koja se daje u zakup poljoprivrednom zemljištu. Ovo omogućava ne samo ljudima da obezbijede sebi priliv sredstava, nego i svima nama da imamo jeftinije proizvode a ne sad ko ove trešnje što su po 20 maraka ili slično, kilogram. Evo već imamo takvu situaciju, tako da dobro je ovo, podržavam, treba malo povesti ovdje evo u obrazloženju stoji i u tački 8. kada se radi o velikoj površini treba naznačiti ko šta hoće, ali treba malo gledati u ekonomsko, socijalnu i ostalu kategoriju. Omogućiti ljudima da, recimo to je moguće i u samoj odluci promijeniti možda jedan prijedlog da budemo malo i tu osjetljivi socijalno, da upravo ljudima kojima treba to realizujemo, a ne neko da sad uzme to sve pokupi a većina ostane. Dakle, prilikom odabira, jer ovdje kaže da će se izaći na teren, omogućit će se neposredan obilazak, pregled lokacija za zakup, ali i ovaj dio treba biti da ne dođe do zloupotrebe da neko sad ko ima veće mogućnosti, veća sredstva, zauzme veliku površinu i onda opet pravi nekakav dodatni posebni biznis, a oni koji su osnova svega i ovoga što sam ja nekad davno predložio, ljudi kojima to treba, ostanu van svega ovoga. Evo to je jedan prijedlog, sugestija. Ne mora bit zaključak. Hvala.

### **ANA PEJIĆ**

Zahvaljujem se.

Da li se još neko javlja od vijećnika?

Zaključujem raspravu vijećnika, te stavljam na izjašnjavanje ODLUKU O RASPISIVANJU JAVNOG POZIVA ZA DAVANJE U ZAKUP POLJOPRIVREDNOG ZEMLJIŠTA U VLASNIŠTVU DRŽAVE NA PODRUČJU GRADA TUZLE, te vas molim da se izjasnite.

Glasanje je okončano.

Konstatujem da je pročitana odluka usvojena sa,

27 glasova za, nije bilo protiv i nije bilo suzdržanih.

Tačka šest:

### **Razmatranje i usvajanje:**

a) Odluke o davanju saglasnosti na zaključenje ugovora o zakupu poslovne prostorije sa zakupcem TSO „SINGER“ vl. Klauda Roman, Tuzla

**b) Odluke o davanju saglasnosti na zaključenje ugovora o zakupu poslovne prostorije sa zakupcem Udruženjem građana “Prijatelji FK Sloboda” Tuzla**

**c) Odluke o dodjeli u zakup poslovnih prostorija neposrednom pogodbom sa zakupcem Radničko sportsko društvo „SLOBODA“ Tuzla**

**d) Odluke o davanju saglasnosti na zaključenje ugovora o zakupu poslovne prostorije sa zakupcem „MIRADGE“ d.o.o. Tuzla**

**e) Odluke o davanju saglasnosti na zaključenje ugovora o zakupu poslovne prostorije sa zakupcem Tradicionalni i stari obrt „SKINLAB“ vl. Nurkanović Senad, Tuzla**

**f) Odluke o davanju saglasnosti na zaključenje ugovora o zakupu poslovne prostorije sa zakupcem sa Udruženjem Civilnih žrtava rata Grada Tuzla**

**g) Odluke o davanju saglasnosti na zaključenje ugovora o zakupu poslovne prostorije sa zakupcem sa “ASA RENT” d.o.o. Sarajevo**

**h) Odluke o davanju saglasnosti na zaključenje ugovora o zakupu poslovne prostorije sa zakupcem sa JU “Centar za kulturu” Tuzla**

**i) Odluke o dodjeli u zakup poslovne prostorije neposrednom pogodbom „PDA – Pokret demokratske akcije – Gradski odbor Tuzla“**

**j) Odluke o davanju saglasnosti na zaključenje ugovora o zakupu poslovne prostorije sa zakupcem „ANAVI“ d.o.o. Tuzla**

Predlagač: gradonačelnik Grada Tuzla

Obrađivač: Služba za ekonomski razvoj, poduzetništvo i poljoprivredu

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija?

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika. Da vas pitam, da li ste za da glasamo u paketu o odlukama? (Da).

Stavljam na izjašnjavanje pod:

a) Odluku o davanju saglasnosti na zaključenje ugovora o zakupu poslovne prostorije sa zakupcem TSO „SINGER“ vl. Klauda Roman, Tuzla

b) Odluke o davanju saglasnosti na zaključenje ugovora o zakupu poslovne prostorije sa zakupcem Udruženjem građana “Prijatelji FK Sloboda” Tuzla

c) Odluke o dodjeli u zakup poslovnih prostorija neposrednom pogodbom sa zakupcem Radničko sportsko društvo „SLOBODA“ Tuzla

d) Odluke o davanju saglasnosti na zaključenje ugovora o zakupu poslovne prostorije sa zakupcem „MIRADGE“ d.o.o. Tuzla

e) Odluke o davanju saglasnosti na zaključenje ugovora o zakupu poslovne prostorije sa zakupcem Tradicionalni i stari obrt „SKINLAB“ vl. Nurkanović Senad, Tuzla

f) Odluke o davanju saglasnosti na zaključenje ugovora o zakupu poslovne prostorije sa zakupcem sa Udruženjem Civilnih žrtava rata Grada Tuzla

g) Odluke o davanju saglasnosti na zaključenje ugovora o zakupu poslovne prostorije sa zakupcem sa “ASA RENT” d.o.o. Sarajevo

h) Odluke o davanju saglasnosti na zaključenje ugovora o zakupu poslovne prostorije sa zakupcem sa JU “Centar za kulturu” Tuzla

i) Odluke o dodjeli u zakup poslovne prostorije neposrednom pogodbom „PDA – Pokret demokratske akcije – Gradski odbor Tuzla“

j) Odluke o davanju saglasnosti na zaključenje ugovora o zakupu poslovne prostorije sa zakupcem „ANAVI“ d.o.o. Tuzla.

Molim vas da se izjasnište o pročitanim odlukama.

Glasanje je okončano.

Konstatujem da su pročitane odluke usvojene sa,  
28 glasova za, nije bilo protiv i 1 suzdržani.

Prelazimo na tačku sedam:

## **RAZMATRANJE I USVAJANJE ODLUKE O DAVANJU PRETHODNE SAGLASNOSTI NADZORNOM ODBORU „CENTRALNO GRIJANJE“ D.D. TUZLA ZA IMENOVANJE DIREKTORA DRUŠTVA**

Predlagač: gradonačelnik Grada Tuzla

Obrađivač: Nadzorni odbor „Centralno grijanje“ d.d. Tuzla i Služba za ekonomski razvoj, poduzetništvo i poljoprivredu

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Da li ima potrebe za uvodnim izlaganjem?

Da li ima potrebe da se pročitaju izvještaji komisija?

Otvaram raspravu klubova vijećnika.

Vijećnik Senad Mehmedinović. Izvolite.

### **SENAD MEHMEDINOVIĆ**

Dobro. Iz ovog izvještaja možemo da vidimo da je bio veliki broj kandidata za direktora. Jedan. I možemo da vidimo ponovo prilikom bodovanja da je kandidatkinja maksimalan broj bodova dobila što znači da se radi o osobi koja bi i odlično poznaje svoj posao.

Kada je riječ o ovom programu rada i razvoja Centralnog grijanja, iz ovog dokumenta kojeg smo dobili, može se viditi metodološki sad govorim da je on dobro struktuiran, koji se sastoji iz nekoliko poglavlja. To su opšte informacije, swot analiza, retrospekcija postignuća, finansijski plan i program razvoja.

Ono što se može vidjeti iz ovog programa rada i razvoja, da je fokus na vrelovod. Usmjeren je ka energetske tranziciji i u periodu od 2022. do 2024. godine, dobit 2 miliona. I pored dobiti od 2 miliona, mi povećamo cijene grijanja. Rizici iz ovog programa rada i razvoja može se vidjeti da nema, iako se govori o swot analizi, nema plana upravljanja rizicima koje je veoma bitno za Centralno grijanje, koje je veoma bitno za korporativno generalno upravljanje. Na primjer, šta u slučaju inflacije ili promjene cijene energenata? Mi smo vidjeli šta se dešava u razlozima kada je ovdje, nama kažu takozvana opozicija, evo ja ću reć, takozvana većina, podigla cijene grijanja za Novu Godinu. Zato trebaju da postoje ovi rizici plana i njihov plan upravljanja. Fnanzijske projekcije su bez rezervi. Šta u slučaju slabije naplate kvarova? Znači, tu bi trebalo da bude sastavni dio izvještaja. Skroz se slabo govorilo il bar ja nisam mogao da pročitam nepostojanje kadrovske i organizacione strategije, nema prijedloga za unapređenje kadrovske strukture, stručnog usavršavanja. Pretpostavljam da imamo problem sa profilima zanimanja koji se tiču poslova koji se vežu za Centralno grijanje. Slabo mi imamo tehničke službe, ja mislim da je veoma mali broj ljudi je ostao, da odlaze nažalost, napuštaju našu zemlju i ne znam kakva je tu politika zapošljavanja i slaba je komunikacijska dimenzija i zato pretpostavljam da je sad ovim posljednjim javnim konkursom koji je raspisan, traži se tamo osoba koja je završila Žurnalistiku. Pretpostavljam da je to povod upravo zato što se to možda identificiralo od strane menadžmenta, slaba komunikacijska dimenzija.

Naš klub se suprostavio povećanju cijena grijanja. Izradili smo jednu novogodišnju čestitku tim povodom i mi moramo biti dosljedni našem glasanju. Dakle, ako smo mi glasali protiv povećanja grijanja, mi nemamo nikakav razlog da glasamo za imenovanje, za prijedlog ove kandidatkinje, tako da Klub vijećnika „Sloboda“ neće podržati. Hvala.

## **ANA PEJIĆ**

Zahvaljujem se.

Da li se još neko javlja ispred klubova vijećnika?

Vijećnik Mirnes Ajanović. Izvolite.

## **MIRNES AJANOVIĆ**

Ne bih o direktoru (ANA PEJIĆ – Molim vas samo za malo tišine i koncentracije). Nisam dio vlasti. Mogu biti uzdržan, mogu biti za. Mislim, ne možemo ništa promijenit, jedan je kandidat. U ovoj situaciji je svejedno. I jedno i drugo. Al bih o ovom programu. Evo već nekoliko okolnosti, on jeste razvojan na duži je period do 29-e godine, relativno duži. Na prvi pogled ambiciozan. Pisan modernim jezikom energetske tranzicije. Evidentno. Zelene politike. Digitalne transformacije, ali i za ove stručne terminologije i složene strukture. Evo ima niz pitanja o stvarnim kapacitetima preduzeća direktne koristi za građane i održivosti navedenih ciljeva kroz ovaj program. Da ne bih previše dužio, dakle, napravio sam otprilike ovaj dio. Biće nekoliko zaključaka, pa ću poslat u digitalnoj formi.

Investicije su impresivne u brojkama, ali bez jasnog mehanizma nadzora. Planirano je 16,6 miliona maraka investicija u pet godina. Zaista djeluje snažno, al je pitanje dal imamo dovoljno informacija o tome ko, kada, kako, po kojim kriterijima provode te investicije, pogotovo što zavisimo i od Termoelektrane. Imali smo Blok 7 kojeg nemamo. Dal će bit renoviranje ostalih blokova, četiri, koji može podmirivati grad Tuzla, a govori se da ne može? Dal će bit dovoljno kapaciteta? Da li će zgrade nove koje se grade rezultirati glasnijim upozorenjem građana da će to smanjiti kapacitet grijanja i već okolnostima da se smanjio kapacitet grijanja, odnosno, toplotna energija u samim stanovima? Ovo su sve okolnosti o kojima treba govoriti. Mi kao Gradsko vijeće moramo imati uvid u sve ove faze, kako bi imali stvarnu, a ne suštinsku samo eto onako kontrola. Cijene grijanje su povećane. Kvalitet usluga ne prati tu stabilnost. Imamo situaciju da evo od 2009. godine, kad je to bilo, zadnja cijena je bila pa do ovog sada perioda. U ovom periodu bez povećanja cijena skoro smo imali stalno siguran, kvalitetan, sigurnu i kvalitetnu isporuku toplotne energije. Rijetke kvarove. E sad, naravno, sad u ovom sadašnjem stanju gdje imamo okolnost češćih kvarova, može neko reći dotrajalog sistema, al o tome se trebalo voditi računa prije, jer nije dopustivo da zimi na minusu dođe do zastoja. Može se desiti, al se ne smije dešavati. Moraju postojati mogućnosti rješavanja predviđivanja ovakvih okolnosti realizacije. Prije ono što se meni ne sviđa jeste prerano automatsko gašenje centralnog sistema grijanja i odmah otvaranje nekih tamo sistema kao za popravljjanje i kao zbog toga mi ne možemo produžiti onaj topli minimalni period kada građani zbog promjene evidentne klime se smrzavaju. Dolazi onda do ogromnih računa, a imao sam nekakve proračune sa raznim inženjerima koji su rekli da je to vrlo lako ostvarivo, a pogotovo u jesen. Sezona mora početi prije kada krenu hladni periodi. Ne smije se čekati i taj dio mora biti ona topla proba kako se kaže, praktično bez naknade. To treba ugovoriti sa prodavcem toplotne energije Termoelektranom, jer je to neophodno. Ne smijemo dozvoliti da djeca, stariji, škole i mi, svejedno koliko godina imamo, smrzavamo se u prostorima ili pokušavamo alternativno zagrijavati. Dakle, evidentno sad imamo tu vrstu problema gdje kažem posebno zbog novih zgrada. A na Stupinama tamo evo već su zgrade tamo sve nove, a pitanje kako će uopšte bit centralno grijanje naredne godine, ako je kapacitet određen promjerom cijevi, onda

ćemo doć u situaciju da ćemo i mi na Stupinama postati kao i Novo Naselje, gdje kažu nema grijanja, jer nema dovoljno protoka toplotne energije. I onda je to razlog da ljudi se smrzavaju.

Swot analiza prepoznaje rizike, ali moraju biti konkretne mjere. Navodi se da postoji samo jedan izvor toplote Termoelektrana Tuzla. A šta ako stane Termoelektrana? Onda smo u katastrofi. Nije nemoguće. Sve je moguće. Mora biti mogućnost već sada razmišljanja o alternativni ili obezbjeđenje sigurnijeg dostavljanja toplotne energije. Koliko sam dobio informacije nekad i Elektrana nije kriva. Nema uglja. I onda dok stane to sve, dok se ponovo upali kotao, mi imamo taj period kad Tuzla nema zagrijavanja, a ne znamo zašto, pa krivimo Centralno grijanje, koje ovdje nije krivo, ali u okviru ovog programa razvoja mora bit uključen i program razvoja Termoelektrane Tuzla. Nije dovoljno da mi samo napravimo naš program razvoja, a zavisimo samo od Termoelektrane. Od jednog izvora. Onda ovdje moraju postojati i drugi izvori, a ne ostavljati to za nekakav dalji period kad se planira i alternativno, što je predaleko. I to tek iza 2029. godine. Digitalni Hub je dobar pravac al tek nakon rješavanja osnovnih problema. Evo ima plan za uspostavu tehničko informacionog Hub-a, izgradnju nove poslovne zgrade, magacinskog prostora, dobar pravac za modernizaciju, ali dok se ne riješe osnovni parametri, stabilnosti, dakle, isporuke, toplotne energije, ravnomjernosti grijanja, brzine otklanjanja kvarova, građani s pravom postavljaju pitanje prioriteta u smislu što će mi nova zgrada ako nemamo sigurno grijanje, jer je suština zagrijavanja, a tek ako to se obezbijedi, onda sve ostalo može postati korisno, a digitalizacija jeste korisna, al ne smije postojati alibi za izostanak sistemskog unapređenja. Finansijski plan. Dobit je skoro nikakva. Oni faktički pozitivnu nulu imaju. Šta je ovo 404.000? Ništa. U pet godina. Prihod je 117 miliona. Dal je dugoročno održivo preduzeće na ovakav način, ali reći će treba onda povećati cijene i onda ne želim ulaziti u to, nego koristiti sve raspoložive rezerve da bi se mogla obezbijediti sigurnost zagrijavanja. Suština je to, a sve ostalo ako to imaju, nek prave sebi šta god hoće, kakve god hoće uredi i zgrade, ali zagrijavanje mora biti sigurno, a onda sve ostalo niko neće se buniti bez obzira u kakvim okolnostima eventualnog poboljšanja uslova žive, odnosno rade.

Zaključci, ako evo budu, Gradsko vijeće usvoji obavezu kvartalnog izvještavanja o svim investicijama Centralnog grijanja uključujući strukturu troškova, izvore finansiranja, izvođače. Da se izadi poseban plan tehničkog poboljšanja kvaliteta grijanja za ove postojeće korisnike i one naknadne, s naglaskom na najugroženije objekte i zone koji su ugroženi. Da se hitno otvori procedura za izradu konkretnih projekata alternativnih izvora toplote sa realnim rokovima do početka realizacije, ne samo projektne dokumentacije. Da se izradi model za djelimičnu kompenzaciju korisnicima kojima je dovoljno dokazano lošu uslugu grijanja recimo Novo Naselje, sad će vjerovatno možda i Stupine postati, kako bi se očuvalo povjerenje u sistem. Dakle, ovo nije puka formalnost. Radi se o sistemu koji grije domove od desetine hiljada građana. Ako sistem ne funkcioniše, nema ni sigurnosti, ni udobnosti, ni zdravlja. Ugrožavamo zdravstvenu bezbjednost. Zato je naša obaveza da ovaj dokument ne shvatimo samo kao strategiju, već kao obavezu prema građanima koje predstavljamo.

Ove zaključke ne moram ni definisati ovako, nego predlažem onaj generalni zaključak da se razmotre svi ovi zaključci, naravno, u periodu da dostave odgovori ili slično već kako i realizacija istih. Hvala.

**ANA PEJIĆ**

Zahvaljujem se. Sljedeći za riječ se javio vijećnik Šefik Husić. Izvolite.

**ŠEFIK HUSIĆ – vijećnik SDA – Stranke demokratske akcije**

Evo ja prije svega da pozdravim sve prisutne na 7. redovnoj sjednici Gradskog vijeća Grada Tuzla i evo referisao bi se na ovo što su onaj, prethodni predsjednici Klubova rekli a to

je da imamo znači prvo jednu konkursnu proceduru koja ne znam da li je do kraja transparentna. Onaj, po svemu sudeći i po mom ličnom mislim da onaj, nije. S druge strane znači, imamo osobu koje je sprovela odluku o poskupljenju centralnog grijanja i to ne malom poskupljenju. Tek kad su uručeni prvi računi građanima imali smo priliku da svi pojedinačno razgovaramo da nas se pita onaj, o tome zašto nismo imali logično objašnjenje naravno. I smatram da ne bi bili dosljedni sebe ako bi onaj, podržali ponovo znači, imenovanje iste osobe. S tim naglašavam da smatram da onaj, proces konkursni nije bio dovoljno transparentan onaj, i pitam se evo ispred svih nas ovdje znači, koliko smo dosljedni i koliko ćemo biti dosljedni da podržimo osobu znači, koja je sprovela odluku na štetu građana Grada Tuzle. Hvala.

## **ANA PEJIĆ**

Zahvaljujem se. Dal se još neko javlja ispred Klubova vijećnika?

Zaključujem raspravu Klubova vijećnika.

Otvaram raspravu vijećnika.

Da li se neko javlja? Vijećnica Dragana Berberović. Izvolite.

## **DRAGANA BERBEROVIĆ GAGRO**

Evo ovako. Što se tiče ja bih malo da se osvrnem na konkursnu proceduru. Nemam ništa osobno ovaj, protiv kandidatkinje. Ali konkursna procedura upravo kad sam čitala materijale našla sam...Prije toga sam čula da, da će, da je raspisan ovaj Javni konkurs. Tražila sam ga osobno ga guglala sam i nisam mogla da nađem. Naravno kad sam dobila materijale pročitala sam da su to Službene novine Federacije Bosne i Hercegovine „Oslobođenje“. Ne sviđa mi se ovakav način objave javnih poziva i konkursa. Koliko je meni poznato a evo nek me isprave kolege mi izdvajamo 60 tisuća maraka iz Budžeta Grada Tuzle našim tuzlanskim medijima ali ni u jednom tom mediju čak ni na oficijalnoj stranici Centralnog grijanja nisam mogla da pronađem znači, da je otvoren konkurs za radno mjesto direktora Centralnog grijanja.

S tim u vezi bi napomenula i evo zatražila da se ubuduće pri konkursima u javne institucije oglas dostavi svim medijima koje, koji učestvuju znači, u finansiranju iz Budžeta Grada Tuzle.

Još jedno bih htjela da pitam samo što se tiče realizacije i odnosa prema, prema... Pravičnog odnosa prema građanima što se tiče usluga Centralnog grijanja. Osobno sam imala slučaj prije 3 godine da smo podnjeli zahtjev za priključenje individualnih stambenih objekata znači, na mrežu Centralnog grijanja. Ljepo smo primljeni i sve. Ali odgovor je nakon toga stigao da Centralno gri-ja-nje nema ka-pa-ci-te-ta za priključak. Nakon 3 godine u te 3 godine je priključeno je stotine i stotine kolektivnih stambenih objekata.

Htjela bih postaviti pitanje:

Da li smatrate da je transparentan odnos prema kolektivnim stambenim objektima i, i onima koji su u biznisu i da li je to korektno da jedni mogu da dobiju pravo da se spoje na mrežu daljinskog Centralnog grijanja a drugi ne mogu i zbog čega je to tako?

## **ANA PEJIĆ**

Zahvaljujem se. Dal se još neko javlja? Vijećnik Senad Mehmedinović. (SENAD MEHMEDINOVIĆ – Replika.) Replika. Izvolite.

## SENAD MEHMEDINOVIĆ

Ma evo samo kolegici onaj, za ovu diskusiju. I ja sam pronašao konkurs ali iz dvijehiljadedvadesete godine na web stranici SBB-a.

Kaže: „Javni kokurs za izbor i imenovanje direktora SBB“. Tako da evo imaju te neke informacije.

I drugo: Zaboravio sam reći a kada je u pitanju poskupljenje bilo građani su uz poskupljenje nagrađeni s nečim. Sa hladnim cijevima. I počelo se šalit bar dole na Slatini ja kad sam otišao kod komšija kažu da im se dijete povrijedilo i doktor rekao da trebaju koristit led i kad sam došao dijete naslonilo onaj, nogu na radijator i kaže krio-terapija. Tako da ovo samo potvrđuje zašto mi nećemo da podržimo ovo. Hvala.

## ANA PEJIĆ

Zahvaljujem se.

Dal se još neko javlja od vijećnika? Vijećnik Denis Bećirović. Izvolite.

## DENIS BEĆIROVIĆ

Hvala predsjedavajuća. Eto konkurs je takav kakav jeste. Objavljen je onako kako zakon (ANA PEJIĆ – Molim vas samo za malo tišine i koncentracije. Izvolite Denise.) znači, zakon nalaže. Međutim, evo ja ću se složiti i sa kolegom Mirnesom. A tu je. Dobro je. Mislio sam da je izašao ovaj. Dakle, pred menadžmentom ovog javnog preduzeća predstoji jedan turbulentan period obzirom da evo i Federalni ministar najavljuje tranziciju u energetsom sistemu a vjerovatno ni sam dovoljno svjestan šta će ona predstavljati i šta ona znači. Mislim da ćemo u narednom periodu koji je pred nama morat ozbiljno povesti računa o upravljanju sa ovim preduzećem i posložiti određene prioritete. Možda čak i tematski se pozabavit dakle, sa grijanjem kao resursom koji nam je neophodan za zagrijavanje građanstva zimi.

Jedna od alternativa evo tom bloku 7 je svakako neko spaljivanje bio mase, smanjena količina uglja u termoelektrani. Sve su to problemi od kojih zavisi i poslovanje ovog preduzeća a onda na kraju i kvaliteta grijanja u gradu Tuzla. Na kraju će se faktura uvijek ispostavlјati nama, odnosno izabranoj, izabranoj direktorici.

Dakle, ja ću u narednom periodu, a već sam postavio i počeo raditi na tim stvarima dakle, pitati uvijek za naselje iz koga dolazim, odnosno naselje na kome je pozicionirana ogromna količina šljake i radio-aktivnog otpada. Dakle, naselje koje nema, koje nema centralnog grijanja.

E sad. Ako neko evo misli da je to nešto bezazleno ja bi evo zamolio da evo ko misli da je (ANA PEJIĆ – Molim vas za samo malo tišine i koncentracije.) grijanje u naselju Plane dakle, daljinsko grijanje koje se nalazi tik uz termoelektranu vi-šak evo zamolio bih da istu tu šljaku premjesti sebi kući i da vidi na koji način se može izboriti, izboriti sa istom. Ali dakle, ne govorim samo ovdje o naselju Plane. Govorim o naselju Husino koje je direktno naslonjeno i Kiseljak dakle, koji su direktno naslonjeni na, na dvorište termoelektrane a onda kada postavite, onda kada postavite pitanje da se tamo uradi projekat toplifikacije onda sam dobio evo odgovor da nema kapaciteta. Ali imamo kapacitet za nove zgrade koje su evo planirane da se rade bez razumijevanja mislim čak i direktorice. Neka se ne ljuti ali to je zaista tako. O svim i linijskim i lokalnim gubitcima koje se javljaju usljed tolfikacije jednog, jednog takvog sistema.

Ništa, ja ću ostat po ovom pitanju bez obzira na, na Klub suzdržan. Suzdržan sam bio i protiv poskupljenja grijanja onako kako je urađeno preko koljena tako da ako direktorica bude izabrana. Kandidatkinja. Izvinjavam se. Želim joj samo sreću u radu. Od mene, mene što se

lično tiče ja ću uvijek konstruktivno i djelovat obzirom da sam tehničko lice. Iako nisam energetičar ja sam tehničko lice. Imao sam te predmete. Slušao. Imao studentske posjete. Radio sa tim ljudima. Uvijek ću davati konstruktivna rješenja bez ovih populističkih poruka. Ali ću nastojati da se toplifikacija uradi prvenstveno za naselja koja najviše ispaštaju da bi se naši građani mogli grijati. Hvala.

**ANA PEJIĆ**

Zahvaljujem se. Vijećnik Omer Berbić. Izvolite.

**OMER BERBIĆ – vijećnik Naše stranke**

Ja ću jako kratko. Ovaj, molim kolege za razumijevanje imao sam operaciju zuba juče tako da ne mogu puno pričati ovaj. Dobro je. Nema dobacivanja. Lako je dobacivat kad ja ne mogu pričat.

Ovo je procedura koja je prošla zakonske norme. Moram se složiti sa dijelom opozicije ali isto tako i sa kolegicom Draganom da bi to trebalo da se objavi na jedan transparentni način. Zakon je takav kakav jeste.

Ja bi volio ovdje samo ovaj, da napomenem da je izuzetno bitno da se ubrza ovaj projekat novog vrelovoda magistralnog i da se nadam ukoliko ova Vlada to ne uspije do, do kraja završiti da će iduća Vlada koja dođe i to pogurati i podržati jer ovo je istorijski, odnosno generacijski projekat za grad Tuzlu. A takođe se nadam da će se i proširiti zona toplifikacije tog magistralnog kad prođe taj magistralni vrelovod i da će obuhvatiti i tamo je naselje da kažem Ši Selo i neke dubine Ši Sela i Kulu i dijelove Kule i Mosnik i VI Bosansku itd. jer...I Gornju Tuzlu nadam se u jednom trenutku jer mislim da centralno grijanje je pravo na koje svi mi trebamo da, da imamo mogućnost.

Ali isto tako evo i da se u budućnosti razmisli i o nekim alternativnim načinima nekih podstanica na pelet, na plin il nešto ovako slično što bi te visinske zone moglo eventualno malo brže toplificirati. Toliko od mene samo iz razloga što me, što ovaj, imam problema sa zubom inače bi moglo puno više pričat. Fala ljepo.

**ANA PEJIĆ**

Zahvaljujem se.

Da li se još neko javlja ispred vijećnika?

Zaključujem raspravu vijećnika i dajem pauzu od 5 minuta samo zbog zaključaka moramo usaglasiti pa da idemo na glasanje.

(Pauza.)

Nastavljamo sa radom sjednice.

Stavljam na izjašnjavanje Odluku o davanju prethodne saglasnosti Nadzornom odboru „Centralno grijanje“ d.d. Tuzla za imenovanje direktora društva, te vas molim da se izjasnite. (BERISA AHMETOVIĆ – Možel ponovo molim vas?) Može naravno. Možel Janjo samo ponovo? Molim vas poništite glasanje. Dajte da vijećnici koji su tamo u holu da uđu da...(Ne moraju.) (MIREL MIŠKOVIĆ – Ko je u sali nek glasa.) Mislim da sam ja predsjedavajuća i da ću ja reći ko mora il ko ne mora nešto.

Dajem pauzu od 5 minuta ponovo.

(Pauza.)

Možemo nastaviti sa radom? (Može.)  
 Dragi Mensure i ti sad probleme praviš.

Stavljam na izjašnjavanje Odluku o davanju prethodne saglasnosti Nadzornom odboru „Centralno grijanje“ d.d. Tuzla za imenovanje direktora društva, te vas molim da se izjasnite. (Može ponovo?) Jel treba ponovo? (Treba.) Može Janjo ponovo?

Molim vas da se ponovo izjasnite. Glasanje je okončano.

Konstatujem da je ODLUKA O DAVANJU PRETHODNE SAGLASNOSTI NADZORNOM ODBORU „CENTRALNO GRIJANJE“ D.D. TUZLA ZA IMENOVANJE DIREKTORA DRUŠTVA usvojena sa,

17 glasova za, 12 protiv i 1 suzdržanim.

Zamoliti ću, zamoliti ću samo sekretara da pročita zaključke proistekle iz diskusije.

### **SLAĐANA KRAJINA – sekretar Gradskog vijeća Tuzla**

- Gradsko vijeće Tuzla traži od gradonačelnika, od menadžmenta “Centralnog grijanja” d.d. Tuzla i od Službe za ekonomski razvoj, poduzetništvo i poljoprivredu da razmotre sve prijedloge, primjedbe i sugestije date tokom rasprave o prijedlogu Odluke o davanju prethodne saglasnosti Nadzornom odboru „Centralno grijanje“ d.d. Tuzla za imenovanje direktora društva kao i da, najkasnije do naredne sjednice Gradskog vijeća Tuzla, dostave odgovore na pitanja postavljena od strane vijećnika tokom rasprave.

Vijećnica Gagro Berberović je saglasna da se ne izjašnjava o njenom zaključku posebno zato što je sadržan u ovom prvom pa samo o ovom.

### **ANA PEJIĆ**

Zahvaljujem se.

Stavljam na izjašnjavanje zaključak pa vas molim da se izjasnite. Glasanje je okončano.

Konstatujem da je pročitani zaključak usvojen sa,

23 glasa za, 1 protiv i 5 suzdržanih.

Te dajem pauzu od 30 minuta.

(Pauza.)

### **NEDŽAD JUSIĆ – zamjenik predsjedavajućeg Gradskog vijeća Tuzla, - nezavisni kandidat – nacionalna manjina –**

Poštovane kolege i kolegice možemo nastaviti sa sjednicom.

Možemo nastaviti sa sjednicom imamo dovoljno. Vratili smo se sa pauze.

Prelazimo na tačku osam:

### **RAZMATRANJE I USVAJANJE ODLUKE O RAZRJEŠENJU ZAMJENIKA GRADSKOG PRAVOBRANIOCA U GRADSKOM PRAVOBRANIŠTVU TUZLA**

Predlagač: gradonačelnik Grada Tuzla.

Obrađivač je Stručna služba Gradskog vijeća.

Materijal su razmatrali: Komisija za statutarna pitanja i propise, Komisija za izbor i imenovanje i klubovi vijećnika.

Da li ima potrebe da obrađivač se obrati? (Nema.) Nema. Ukoliko nema.

Otvaram raspravu Klubova vijećnika. (Nema.) Ukoliko nema prijavljenih.

Zatvaram raspravu Klubova vijećnika.

Otvaram raspravu Klubova vijećnika. (Nema.) Ukoliko nema.

Zatvaram raspravu vijećnika.

Sada stavljam na izjašnjavanje Odluku o razrješenju zamjenika Gradskog pravobranioca u Gradskom pravobranilaštvu Tuzla i pozivam vijećnike da glasaju. Jesmo svi glasali koji su u sali? (SLAĐANA KRAJINA – Nije vijećnica Kuluglić.) Okončano glasanje.

Konstatujem da je ODLUKA O RAZRJEŠENJU ZAMJENIKA GRADSKOG PRAVOBRANIOCA U GRADSKOM PRAVOBRANILAŠTVU TUZLA usvojena sa, 26 glasova za, nije bilo protiv, nije bilo suzdržanih.

Prelazimo na devetu tačku dnevnog reda:

#### **RAZMATRANJE I USVAJANJE IMOVINSKO-PRAVNIH AKATA POD:**

**a) Odluka o zasnivanju služnosti na nekretnini u vlasništvu Grada Tuzla, broj: 01/07-416/2025 pod**

**b) Odluka o prodaji nekretnine u vlasništvu Grada Tuzle neposrednom pogodbom i davanju saglasnosti na zaključenje ugovora o prodaji pod**

**c) Odluke o prodaji nekretnine u vlasništvu Grada Tuzle neposrednom pogodbom radi oblikovanja građevinske parcele za rekonstrukciju i dogradnju postojećeg stambenog objekta u ulici Mustafe Hukića broj 23 u Tuzli u cilju formiranja kolektivnog stambenog objekta i pod**

**d) Rješenje o imenovanju Komisije za provođenje postupka pregovaranja za prodaju nekretnine u vlasništvu Grada Tuzle neposrednom pogodbom radi oblikovanja građevinske parcele za rekonstrukciju i dogradnju postojećeg stambenog objekta u ulici Mustafe Hukića broj 23 u Tuzli u cilju formiranja kolektivnog stambenog objekta.**

Predlagač: gradonačelnik Grada Tuzla.

Obrađivač: Služba za geodetske i imovinsko-pravne poslove.

Materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za izbor i imenovanja (pod d) i klubovi vijećnika.

Da li ima potrebe da obrađivač se obrati? (Nema.) Nema.

Otvaram raspravu Klubova vijećnika. Ukoliko nema.

Zatvaram raspravu Klubova vijećnika.

Otvaram raspravu vijećnika. (Nema.) Ukoliko nema.

Zatvaram raspravu vijećnika i dajem na...Pošto smo iscrpili Klubove vijećnika.

S obzirom da nema više vijećnika.

Stavljam na glasanje. Jel možemo u paketu glasati za sve? (Može.) Može. Okončano glasanje.

Pročitani IMOVINSKO-PRAVNI AKATI su usvojeni sa,

21 glasom za, nije bilo protiv i 6 suzdržanih.

Prelazimo na tačku deset:

#### **RAZMATRANJE I USVAJANJE POD:**

**a) Izvještaja o radu Komisije za utvrđivanje prometne vrijednosti nepokretnosti i prava za period 01.06.2023 do 30.04.2025. godine, pod**

**b) Rješenja o imenovanju Komisije za utvrđivanje prometne vrijednosti nepokretnosti i prava.**

Predlagač: gradonačelnik Grada Tuzle.

Obrađivač: Komisija za utvrđivanje prometne vrijednosti nepokretnosti i prava (pod a) i Stručna služba za poslove gradonačelnika i Stručna služba Gradskog vijeća (pod b).

Materijal su razmatrali: Komisija za statutarna pitanja i propise (pod b) i Komisija za ekonomske odnose kao i Komisija za izbor i imenovanje (pod b) i klubovi vijećnika.

Da li ima potrebe da se obrađivač obrati. (Nema.) Ukoliko nema.

Otvaram raspravu Klubova vijećnika. Mirnes Ajanović. Izvolite. Mikrofon kod Zlatana.

#### **MIRNES AJANOVIĆ**

Hvala uvaženi trenutno predsjedavajući. Da. Čast mi je takođe da imamo priliku da kao što reče na početku da evo zastupljen od svih naroda u Gradskom vijeću i na funkciji predsjedavajuće i ispred evo imamo i to zadoljstvo. Dakle, prvi put predstavnik Roma je predsjedavajući. Zamjenik je funkcija ali sad po statusu je predsjedavajući. Da iskoristimo i to.

Ja ću ovdje u samo ovom dijelu RJEŠENJA O IMENOVANJU KOMISIJE. Jedan problem je bio pa radi javnosti da se zna da ne bi ostalo da nije to riješeno pošto su i mediji imali određenu informaciju i ja sam dobio od medija. Radi se o Odluci o naknadnim uposlenicima Gradskih organa uprave gdje je u toj odluci u članu 10. Pardon 20. stav 4. definisano: U postupku imenovanja predsjednika, članova i sekretara Komisije isto lice može istovremeno biti i predsjednik i član i sekretar samo u jednoj Komisiji i najduže u dva uzastopna mandata za stalne Komisije uključujući Komisije koje imenuje Gradsko vijeće ukoliko propisima nije drugačije određeno. Imali smo jednu situaciju da je jedno lice bilo u vrijeme kada smo dobili materijal bi-lo i u dru-goj Komisiji i ja sam to ukazao kao problem na Komisiji za statutarna pitanja i propise. Ta Komisija je zauzela stav da Vijeću sugeriše da se izvrši provjera ovih navoda u smislu da li zaista postoji takva okolnost što bi bilo prepreka da se imenuje. Dakle, Komisija je uradila svoj posao dobro, međutim dobio sam jutros informaciju od gradonačelnika da je 20.05. doneseno rješenje da je to lice razrješeno funkcije u kojoj je već bilo tako da je rješenje stupilo na snagu istog dana. Nije bitno ko je. Sasvim nebitno. I sad nemamo te okolnosti koje su bile evidentirane u Izvještaju Komisije za statutarna pitanja i propise. Iz tih razloga sam želio upoznati vijećnike da ne bi bilo zabune. Imamo jednu informaciju tamo i dužan sam bio da iz tih razloga evo kao zamjenik predsjednika Komisije prezentiram tu činjenicu. Hvala.

**NEDŽAD JUSIĆ – zamjenik predsjedavajućeg**

**Gradskog vijeća Tuzla,**

**- nezavisni kandidat – nacionalna manjina –**

Okej. Hvala.

Da li ima neko još ispred Klubova vijećnika? Ukoliko nema.

Zatvaram raspravu Klubova vijećnika.

Otvaram raspravu vijećnika. Ukoliko ne-ma.

Zatvaram raspravu vijećnika.

Sada stavljam na izjašnjavanje Izvještaj o radu Komisije za utvrđivanje prometne vrijednosti, nepokretnosti i prava za period 01.06.2023. godine do 30.04.2025. godine. Zatvaram glasanje.

Pa konstatujem da je IZVJEŠTAJ O RADU KOMISIJE ZA UTVRĐIVANJE PROMETNE VRIJEDNOSTI NEPOKRETNOSTI I PRAVA ZA PERIOD 01.06.2023 do 30.04.2025. GODINE usvojen sa,

21 glasom za, nije bilo protiv i 6 suzdržanih.

Sada, sada stavljam na izjašnjavanje Rješenje o imenovanju Komisije za utvrđivanje prometne vrijednosti nepokretnosti i prava i pozivam vijećnike da glasaju. Završeno je glasanje.

Konstatujem da je RJEŠENJE O IMENOVANJU KOMISIJE ZA UTVRĐIVANJE PROMETNE VRIJEDNOSTI NEPOKRETNOSTI I PRAVA usvojeno sa,

22 glasa za i 5 suzdržanih, nije bilo protiv.

Prelazimo na jedanestu tačku dnevnog reda:

### **RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2024. GODINU**

Pod a) Javno preduzeće RPC Tuzla-Inkubator „Lipnica” d.o.o. Tuzla.

Predlagač: skupština preduzeća.

Obrađivač: menadžment preduzeća.

Materijal su razmatrali: Komisija za ekonomske odnose, Komisija za poduzetništvo i Klubovi vijećnika.

Da li ima potrebe da se predlagač ili obrađivač obrate? (Nema.) Nema. (ANA PEJIĆ – Poslovnička Nataša se javila.) Izvoli Nataša.

#### **NATAŠA PERIĆ – vijećnik SDP – Socijaldemokratske partije Bosne i Hercegovine**

Poslovnička. Hvala kolega Jusiću. Evo ja predlažem jedan zaključak obzirom da ćemo sad raspravljati o javnim preduzećima a posle o javnim ustanovama pa evo za početak za javna preduzeća predlažem zaključak:

Da zbog efikasnog djelovanja i davanja informacija direktori javnih preduzeća danas na osnovu pitanja koja budu proistekla iz diskusija vijećnika a koja će bit zabilježena u stenogramu na ista odgovore pismenim putem najdalje do naredne sjednice. Pa evo predlažem da se Vijeće izjasni o ovome zaključku.

#### **NEDŽAD JUSIĆ – zamjenik predsjedavajućeg Gradskog vijeća Tuzla, - nezavisni kandidat – nacionalna manjina –**

Dajem na izjašnjavanje ovaj prijedlog zaključka kojeg je kolegica Nataša predložila. (NATAŠA PERIĆ – Glasanje je ok...Čuj mene. Izvinjavam se.) Jesul svi glasali u sali? (ANA PEJIĆ – Nije Dragana. Dragana nije glasala.) (DEJAN KOVAČEVIĆ – Možemol ponovit glasanje?) (ANA PEJIĆ – Dragana samo da se izjasni.) Okej. Jel traži neko da se ponovi? Aj molim vas da se poništi glasanje. Molim vas da glasate. Glasanje je okončano.

Konstatujem da predloženi zaključak nije dobio potrebnu većinu, 14 vijećnika je glasalo za, protiv je bilo 7 i 7 suzdržanih.

(NATAŠA PERIĆ – Poslovnička. Tražim poslovničku.) Izvolite.

**NATAŠA PERIĆ**

Pauzu od 10 minuta i tražim sastanak većine.

**NEDŽAD JUSIĆ – zamjenik predsjedavajućeg  
Gradskog vijeća Tuzla,  
- nezavisni kandidat – nacionalna manjina –**

Okej. 10 minuta pauze.

(Pauza.)

Molim vijećnike i vijećnice da uđu u salu kako bi nastavili sa sjednicom.

Možemo krenuti. Ja bi samo...Jesmo svi stigli? (Nisu.)

E hvala gospodine. Izvolite.

Molim vijećnike koji su izvan sale da uđu u salu kako bi mogli započet, odnosno nastaviti sa sjednicom.

Ništa. Možemo mi krenut a kolege će i kolegice se priključit.

Nastavljamo sa radom.

Pod tačkom jedanest otvaram raspravu Klubova vijećnika. (MIRNES AJANOVIĆ – Ova preduzeća?) (SLAĐANA KRAJINA – Samo preduzeća.)

Prvo pitanje, prvo pitanje. Prije nego što otvaram raspravu Klubova vijećnika.

Da li ima potrebe da predlagač ili obrađivač se obrati? (Nema.) Ukoliko nema.

Otvaram raspravu Klubova vijećnika. (ANA PEJIĆ – Vijećnica Svjetla Kakeš se javila, pa vijećnik Mirnes Ajanović.) Okej. Svjetlana izvolite.

**SVJETLANA KAKEŠ**

E hvala predsjedavajući. Evo mi smo dobili ovaj, detaljan, precizan i sveobuhvatan Izvještaj koji zaista sadrži iscrpne informacije o radu i poslovanju ovog javnog preduzeća u prethodnoj godini. I ja u ime Kluba nemam neka posebna pitanja vezano za sam Izvještaj nego bih željela da obratim pažnju na neke važne činjenice. Da se iz ovih postignutih rezultata vidi zapravo opravdanost opredjeljenja grada Tuzle, odnosno tadašnje općine da se pristupi osnivanju ovog javnog preduzeća u cilju unapređenja ambijenta za razvoj poduzetništva i razvoj malih i srednjih preduzeća i novog zapošljavanja.

RPC „Lipnica“ je svakako jedan od tih mehanizama i predstavlja jedinstven i uspješan model uspostavljanja poduzetničke infrastrukture i koji pruža podršku ne samo novoosnovanim preduzećima nego kako smo vidjeli iz Izvještaja i onima sa razvijenim poslovanjem i koji imaju potrebu za korištenje infrastrukture koji nudi ovaj ovdje, ovo preduzeće.

Ja bih se nemojte mi zamjeriti osvrnula na početke realizacije ovog projekta i izrazila još jednom zahvalnost tadašnjoj Vladi Federacije na čelu sa premijerom Alijom Behmenom koja je razumjela i prihvatila ideju tuzlanskih vlasti i na dugoročan zakup ono što je bilo tada moguće u skladu sa zakonom na 15 godina dodijelila napušteni prostor rudnika „Lipnica“ Općini Tuzla za potrebe osnivanja ovog Inkubatora. Od tada do danas kroz ovaj centar je prošlo oko 150 preduzeća od kojih je oko 60 startapova a ostala su preduzeća sa već razvijenim

poslovanjem. Kad bi pretpostavili da je svako od ovih preduzeća u prosjeku imalo samo 10 zaposlenih, a znamo iz Izvještaja, vidimo iz prethodnih Izvještaja da su kroz ovo, kroz ovaj prostor prošla preduzeća koja su imala i po 50 i 100 i više zaposlenih znači da je RPC „Lipnica“ generisao ili sačuvao mnogo više od 1500 radnih mjesta i pretpostavljamo da je taj broj i mnogo veći.

Lično mi je poznato da je značajnu ulogu u osnivanju, osmišljavanju koncepta razvojno-poduzetničkog centra pa je u prvobitnim ulaganjima u infrastrukturu ovog centra imalo i saradnja sa sličnim inkubatorima u inostranstvu prije svega sa italijanskim partnerima i kroz nekoliko međunarodnih projekata sa, prije svega sa regijom Toskana pokrajinom Ravena a i uz podršku Udruženja razvoj NERDA u tim prvim koracima.

Kao što to i u Izvještaju stoji prepreka za nastavak ozbiljnijeg apliciranja na međunarodne fondove pa i druge EU fondove pa i za značajnija ulaganja vlastitih ili sredstava Grada Tuzle ili viših nivoa vlasti je činjenica da RPC „Lipnica“, odnosno Grad Tuzla nisu vlasnici objekata i zemljišta koje koriste RPC „Lipnica“.

Dogradnja postojećih i građenje novih objekata na slobodnom građevinskom zemljištu koje pripada kompleksu nije moguće dok se ne riješe imovinsko-pravni odnosi i trajno ne regulišu prava upravljanja na ovim nekretnimama.

Napominjem da se radi o građevinskom zemljištu raspoloživom u površini od oko 100.000 kvadratnih metara koje je iz navedenih razloga sada van funkcije.

Uz to imamo i činjenicu da RPC „Lipnica“ na ime zakupa kako stoji i u Izvještaju rudniku „Kreka“ godišnje plaća oko 96 hiljada maraka. Čini mi se da je to iznos bez PDV-a što je skoro milion maraka tokom desetogodišnjeg zakupa koji je sad na snazi. Možemo samo pretpostaviti koliko bi značajno bilo da se ova sredstva mogu ulagati u novi razvoj, u postojeću izgradnju i izgradnju nove infrastrukture ili da u tom slučaju imamo manja izdvajanja iz Budžeta Grada Tuzle za podršku za rad ovog preduzeća.

Pitanje prenosa vlasništva nad objektima i zemljištem napuštenog rudnika „Lipnica“ koliko mi je poznato od strane gradskih vlasti se u posljednjih desetak godina kontinuirano aktualizira i poznato mi je da je u prošlom mandatu i poslanik Doma naroda Slađan Ilić čak uputio Vladi Federacije, odnosno Parlamentu Federacije napisan Nacrt zakona kojim bi se riješilo ovo pitanje.

S toga u ime Kluba SDP-a predlažem da Gradsko vijeće donese sljedeći zaključak:

Prvo da se ponovo uputi inicijativa Parlamentu Federacije, Vladi Federacije, Ministarstvu energije, rudarstva industrije Federacije da se u okviru izmjena Zakona o rudarstvu ili posebnim zakonom riješi pitanje statusa napuštenih nekretnina i rudarske infrastrukture po okončanju eksploatacije rude, tj. nakon što Resorno ministarstvo donese rješenje o potpunoj i trajnoj obustavi eksploatacije u smislu Zakona o rudarstvu Federacije Bosne i Hercegovine.

Gradsko vijeće traži da se takve nekretnine prenesu u vlasništvo lokalnih zajednica, gradova i općina na čijem području se nalaze u svrhu odorganiziranja privredne aktivnosti koja će omogućiti nova zapošljavanja.

Lokalna zajednica bi uz primjenu instituta prenosa vlasništva i uspostave prava građenja na zemljištu ili dodjele pod zakup nekretnina postojećih objekata dalje omogućila iskorištavanje navedenih nekretnina za odvijanje privrednih aktivnosti i u svrhu novog zapošljavanja.

Imajući u vidu da je eksploatacija u rudniku „Lipnica“ prestala prije više decenija, te da se objekti i zemljište od strane Grada Tuzle već više od 20 godina koriste u društveno korisne svrhe tražimo da prioritet u rješavanju bude prenos vlasništva i imovine objekata i zemljišta napuštenog rudnika „Lipnica“ Gradu Tuzli u svrhu bržeg razvoja poduzetničke infrastrukture, podrške privrednim aktivnostima i zapošljavanju, odnosno u svrhu poslovanja i razvoja Razvojno- poduzetničkog centra Inkubator „Lipnica“.

**NEDŽAD JUSIĆ – zamjenik predsjedavajućeg  
Gradskog vijeća Tuzla,  
- nezavisni kandidat – nacionalna manjina –**

Okej. Hvala. Kolega Mirnes Ajanović. Izvolite.

**MIRNES AJANOVIĆ**

Hvala. Mogu ja i glasnije. Ja. Bez ovog. Hvala poštovani predsjedavajući. Evo imamo jedno javno preduzeće. Razvojno je. Samo razvojni centar RPC trebamo to razmatrati evo u okviru ovih nekoliko osvrta. Ovo preduzeće trebalo bi da prevazilazi lokalne okvire. Radi se o razvoju. Ja sam više puta dok je bilo prije ono inkubator pa nešto slično. Malo smo se šalili na tu temu. Ali svašta se tu događalo. Imao sam priliku imati i ja tu saradnju sa raznim poslovnim subjektima koji su dobro radili ali zbog raznih okolnosti, pa imali čak i zaposlenih gotovo i stotinu ali tržište je tako da su čak i prestali raditi neki pa opet počinjali. Ali bilo je te neke saradnje dobre sa RPC-om gdje se uvažavalo to. Nije bilo baš radikalno. Dobio sam informacije da, da menadžment direktor uvažava i sve te okolnosti pa me to obavezuje da u ovom svemu ne budem onako malo oštar jer ako postoji namjera da se izađe u su-sret i uvaži ono što je realno stanje bez insistiranja na formi koja ne daje rezultat onda mogu reći da je to pozitivno. Ovaj Izvještaj daje uvid u ove administrativne aktivnosti preduzeća.

E sad kakvi su konkretni razvojni efekti to bi moglo biti mnogo efektivnije i jače. Koliko ovaj RPC u svom djelovanju može zaista doprinjeti dalje svemu ovome moglo je biti kroz ove neke zaključke koje sam evo pripremio. Možda da ne budem previše detaljan u ovoj raspravi. Potrebni su projekti koji ostavljaju više traga u stvarnosti. Imat ćemo kasnije ovaj jedan trag, ustanovu. Skraćujem malo. Imao sam malo višu evo pripremljenu diskusiju da bude konkretnije. Mora biti više inicijativa. Još raditi agresivnije pa čak i predlagati kako tamo negdje da gdje su ovi problemi.

Dakle, nije samo ovdje rješenje o funkcionalnosti korištenja prostora nego u iznalaženju načina kako da se obezbjedi prostor za druga pravna lica koja će trebat prostor u ovom RPC-u. Dakle, osmišljati prijedloge kako unaprijediti kroz propise, kroz nas, kroz Gradsko vijeće, kroz odluke. Kako olakšati privrednicima koji bi u toj situaciji došli u priliku da traže prostor i da dobiju prostor i da ga koriste pod neakvim razumnim i humanim okolnostima. Dal sad tražit da se dostavi Izvještaj o ukupnim efektima za 3 godine? Operativni plan za dvadesetpetu il nešto slično?

Bolja koordinacija i funkcionalna integracija sa srodnim razvojnim institucijama. Ne bih previše.

Dakle, ovo nije više kritika ovo je više da kažem svoj stav iz razloga da podržavam jer sam vidio kako rade. Funkcionišu. Konkretno iz ovog vrlo bitnog primjera gdje više desetina eto gotovo stotinu ljudi je bilo radilo pa imalo platu. Čak su ovi što su radili bili iz Italije jedan vlasnik a odavde mu je supruga gdje se nailazilo na ra-zum, saradnju pokazuje mi, neću da idem dalje previše niti kritikujem.

Što se mene tiče iz ovih okolnosti ja ću podržati jer ovo je suština dakle, da neko tu bude ko poznaje stanje u, u, u tom centru a nije rigorozan u smislu poštivanja grubih nekih formi koje na kraju uvijek rezultiraju štetom za s-ve. Dakle, pametno rukovodstvo i hajde dalje neka idu, neka se snalaze. Sretno.

**NEDŽAD JUSIĆ – zamjenik predsjedavajućeg  
Gradskog vijeća Tuzla,  
- nezavisni kandidat – nacionalna manjina –**

Hvala. Kolega Mirza izvolite.

**MIRZA MALKOČEVIĆ**

Hva-la. Evo pa pošto je RPC nalazi se u Lipnici veliki broj ljudi koji žive tu i rade tu i u razgovoru s njima sve pohvale menadžmentu i direktorici na saradnji i na svim uslovima koje obezbjeđuje radnicima i firmama koje gravitiraju u RPC-u.

Složio bi se sa kolegom Svjetlanom. Jedan od najvećih problema i privrednika koji su me-ne kontaktirali vezano za otvaranje svojih privrednih subjekata jeste to što ako se ne varam imamo potpisan ugovor do 2029. godine sa rudnikom tako da mislim da bi trebali po hitnom postupku pokušati da nađemo adekvatno rješenje da Grad Tuzla pređe u vlasništvo jer bi otvorilo dosta veće mogućnosti svim privrednicima koji bi mogli da otvaraju svoje firme jer stvarno imamo veliki kapacitet u RPC-u. Da se gradi, da se otvori dosta, dosta, dosta radnih mjesta. Još jednom sve pohvale i Narod i pravda će glasati za glasati za Izvještaj. Hvala.

**NEDŽAD JUSIĆ – zamjenik predsjedavajućeg  
Gradskog vijeća Tuzla,  
- nezavisni kandidat – nacionalna manjina –**

Hvala. Kolega Admir izvolite. Hasanbašić.

**ADMIR HASANBAŠIĆ – vijećnik Tuzlanske alternative**

Hvala ljepo cijenjeni predsjedavajući. Evo pred nama je IZVJEŠTAJ O RADU I POSLOVANJU JAVNOG PREDUZEĆA RPC „LIPNICA“ ZA 2024. GODINU. Dokument koji zasluhuje posebnu pažnju ali i afirmaciju jer jasno pokazuje da je RPC „Lipnica“ u protekloj godini radio stabilno i sa jasnim razvojnim planovima.

Kao vijećnik koji aktivno pra-ti rad svih javnih preduzeća želim istaći nekoliko ključnih momenata iz ovih Izvještaja koji pokazuju da ovo preduzeće ne samo da ispunjava svoju osnovnu funkciju već i odgovara na potrebe poslovne zajednice i privrednog razvoja našega grada.

Kroz Izvještaj se vidi nastavak ulaganja u modernizaciju i održavanje poslovnih prostora i hala koje se daju u zakup domaćim privrednicima, poduzetnicima ali i drugim investitorima. Ovo je od ključnog značaja jer RP „Lipnica“ ne djeluje izolovano. Ono je dio šireg strategija, strategije razvoja malih i srednjih preduzeća u gradu Tuzla.

Svojim djelovanjem RPC „Lipnica“ doprinosi jačanju poduzetničkog ambijenta u Tuzli jer omogućava mladim firmama i startapima da lakše dođu do prostora i logističke podrške što je posebno va-žno u današnjem ekonomskom okruženju.

Rad RPC „Lipnica“ pokazuje da javno preduzeće može biti nosioc i ekonomskog a i socijalnog razvoja posebno kada funkcioniše uz jasne ciljeve i uz svakako profesionalan menadžment.

Što se tiče ovog Izvještaja o radu i poslovanju svakako Klub vijećnika Tuzlanske alternative će ga podržati. Hvala.

**NEDŽAD JUSIĆ – zamjenik predsjedavajućeg  
Gradskog vijeća Tuzla,  
- nezavisni kandidat – nacionalna manjina –**

Hvala kolega. Kolega Denis. Izvolite.

**DENIS BEĆIROVIĆ**

Hvala predsjedavajući. Čestitam i vama. Vama je danas je li poseban dan i naravno za, za na-s sve koji sa vama dijelimo vašu sreću. Čestitke još jednom i sretan, sretan rad. Da posao obavljate u najmanju ruku korektno kao naša kolegica Ana.

Podržat ću Izvještaj. Generalno kao tehnički, tehničko lice razumijem šta znači ovo sve. Međutim, hoću da pitam ovo što je kolegica Kakeš ovaj, predložila čisto iz mjera predostrožnosti. Dakle, radi se o ako sam kolegice ako sam vas dobro upratio prenosu vlasništva sa Federalnog nivoa na, na Gradski nivo.

Pitanje: Da li će to otvoriti vrata da se prenos vlasništva sa viših nivoa vlasti tim redoslijedom prebacuju na niže nivoe vlasti?

Dakle, govorim o tome da li ćemo državnu imovinu u nekoj budućoj perspektivi prebacivati po istom modelu na entitesku imovinu odnosno, hoćemo li otvoriti ona vrata koja Bosnu i Hercegovinu mogu odvesti tamo gdje niko od nas ne želi?

Dakle, samo pitanje predostrožnosti.

Da li će se desiti da ono što je u nadležnosti države počnu polako preuzimati entiteti po istom modelitetu koji smo predložili danas? Hvala.

**NEDŽAD JUSIĆ – zamjenik predsjedavajućeg  
Gradskog vijeća Tuzla,  
- nezavisni kandidat – nacionalna manjina –**

Okej. Hvala. Go...Jel replika ili...? Replika. Izvolite.

**SVJETLANA KAKEŠ**

Zapravo nije replika nego ovaj, odgovor na, na pitanje ovaj, kolegi Bećiroviću. (Okej.) Niste me možda shvatili ili ja nisam bila dovoljno jasna.

Prijedlog je da se u okviru Zakona o rudarstvu Federacije Bosne i Hercegovine omogući prenos vlasništva.

Kolko sam ja upoznata, al evo ovaj, ostavljam i rezervu da, da, da možda griješim. U ranijem Zakonu o rudarstvu je čak bilo i predviđeno da nakon što prestane, zvanično prestane eksploatacija ru-da u rudnicima da su rudnici dužni da izvrše rekultivaciju što je i danas obaveza ali da nakon 10 godina nakon što prestanu koristiti automatski to zemljište prelazi u vlasništvo lokalne zajednice na kojoj se nalazi.

Znači, ovdje se radi...A ovo je prijedlog pošto u aktuelnom zakonu ja nisam mogla naći da i dalje stoji ta odredba al sam se ja naravno konsultovala i sa odgovornim ljudima pa čak i u ministarstvu. Ovdje se samo radi isključivo o vlasništvu napuštenih rudnika. Ne govorim uopšte o državnoj imovini uopšteno mislim to ne bi, ne bi, ne bi se usudila tako nešto nit bi mi palo napament.

**NEDŽAD JUSIĆ – zamjenik predsjedavajućeg  
Gradskog vijeća Tuzla,  
- nezavisni kandidat – nacionalna manjina –**

Okej. Hvala. Denis izvolite. (Replika.)

**DENIS BEĆIROVIĆ**

Hvala predsjedavajući. Dakle, ni-sam ovaj, gospođo Svjetlana ni, ni pomislio nedobog samo evo iz mijera predostrožnosti. Ali hvala vam razjasnili ste mi, razjasnili ste mi materiju. (NEDŽAD JUSIĆ - Okej. Hvala.) Jasno sve. Hvala.

**NEDŽAD JUSIĆ – zamjenik predsjedavajućeg  
Gradskog vijeća Tuzla,  
- nezavisni kandidat – nacionalna manjina –**

Hvala. Kolega Dejan Kovačević. Izvolite. (DEJAN KOVAČEVIĆ – Možel samo mikrofon?) Denissss.

**DEJAN KOVAČEVIĆ**

E hvala predsjedavajući. Gospodine Jusić drago mi je i čast vidjeti vas gore na čelu ovaj, što vodite dio ove sjednice i nadam se u budućnosti da će to bit učestalija prak-sa.

Po pitanju JAVNOG PODUZEĆA RAZVOJNO POSLOVNOG CENTRA INKUBATOR „LIPNICA“ evo sve pohvale. Ni ja neću dugo dužiti. U stvari evo samo da naznačimo ovo sve što ste rekli kolega Mirza Malkočević ovaj, Adnan, Ademir iz Tuzlanske alternative i kolegica Svjetlana ja uistinu potpisujem. I ovaj, pohvale za menadžment javnog poduzeća što uvijek imaju sluha pogotovu za ove nove start-up poduzeće i male biznise što izlaze u susret i u stvari otvaraju vrata za neke nove prilike nekim novim mladim ljudima koji pokreću svoje osobne biznise.

Ono što bi htio naglasiti da se u potpunosti slažem sa kolegicom Svjetlanom da bi ovaj, trebali uputit ispred Vijeća jednu inicijativu da ti prost...Svi znamo da je grad Tuzla i okolina Tuzle da je, da smo prvenstveno bili rudarski dio, rudarsko područje. Da svi ovi napušteni dijelovi rudnika i zemljišta koji pripadaju trenutno po katastru Federaciji Bosne i Hercegovine i da pređu u vlasništvo katastarski pod Grad Tuzlu i lokalnu zajednicu da bi evo time i dalje poboljšali kao evo i Javno poduzeće RPC Inkubator „Lipnica“ da bi poboljšali dalje razvijanje lokalne zajednice.

Evo i na kraju još samo ispred Kluba HDZ-a Bosne i Hercegovine mi ćemo podržat Izvješće i sve čestitke menadžmentu Javnog poduzeća RCP Inkubator „Lipnica“. Hvala.

**NEDŽAD JUSIĆ – zamjenik predsjedavajućeg  
Gradskog vijeća Tuzla,  
- nezavisni kandidat – nacionalna manjina –**

Hvala Dejanu. Kolega Mirel izvolite.

## **MIREL MIŠKOVIĆ – vijećnik Demokratske fronte – DF**

Evo i ja vam se zahvaljujem predsjedavajući. Ako vam se sviđa to mjesto što se tiče opozicije možete na njemu i ostat mi nemamo ništa protiv. A ovaj, što se tiče, što se tiče...(NEDŽAD JUSIĆ – Čak šta više.) Čak šta više što drug kaže.

A što se tiče IZVJEŠTAJA OVAJ, INKUBATOR „LIPNICA“ znači, Klub Demokratske fronte će podržat ovaj Izvještaj. Vjeruje da je to jedna od sposobnijih direktorica javnih preduzeća. Imala je i prije u prošloj firmi u Rudniku „Šikulje“ dobre rezultate. Mi smo je pratili. Evo sada ima i ovdje u Inkubatoru „Lipnica“.

Nadamo se da će mi kad smo osnivali ovo preduzeće ovaj, tada je među nama vijećnicima zna to Mirnes bila jedna šala da je to inkubator i da treba da dobije jaja da se izlegu pilići. Nadamo se da od tih pilića dol sad nema koka nekih onaj, da, da, da su izašle iz inkubatora tog.

I evo da kažem još jednom. Znači, puna podrška znači, Izvještaju Inkubatora i direktorici.

## **NEDŽAD JUSIĆ – zamjenik predsjedavajućeg Gradskog vijeća Tuzla, - nezavisni kandidat – nacionalna manjina –**

Jel ima neko još ispred Klubova?

Pošto smo iscrpili raspravu Klubova vijećnika.

Zatvaram raspravu Klubova vijećnika.

Otvaram raspravu vijećnika. Omer. Izvolite kolega.

## **OMER BERBIĆ**

Fala ljepo. Evo vidim da je postala praksa da pohvalimo ovaj, vas tako da i meni je izuzetna čast što tu sjedite.

Neću ja ništa dužit kao što sam reko ovaj, boli me zub. Evo ne moram ja ni govorit. Kolege ponavljaju.

Pohvale što se mene tiče i evo volio bi da ovakve jedne uspješne da kažem poslovne priče malo više promoviramo kroz naše medije pa bi evo volio jedan zaključak:

Da se pošalje na neki način zamolba medijima da, da obidu kapacitete i da na neki način ispromovišu koje mi to slobodne kapacitete imamo u Inkubator „Lipnica“ da bi šire kako bi rekao šira okolina, Kanton, Federacija ko želi da, da, da investira kako bi znali s kojim kapacitetima raspolažemo i kako bi popunili sve ove prazne poslovne prostore. I nadam se da, da ćemo imat uskoro potrebu da ih proširimo isto tako. Tako da toliko od mene. Fala ljepo.

## **NEDŽAD JUSIĆ – zamjenik predsjedavajućeg Gradskog vijeća Tuzla, - nezavisni kandidat – nacionalna manjina –**

Okej. Hvala. Izvolite kolega Ervin.

## **ERVIN ALIBEGOVIĆ – vijećnik Demokratske fronte - DF**

Dobar dan. Pozdravljam vas sve prisutne naravno i goste. Čestitam i Vama predsjedavajući na poziciji na kojoj se trenutno nalazite i takođe se nadam da ćete ovo vrlo uspješno raditi onako kako je radila i predsjedavajuća.

Naravno mi danas ovdje razgovaramo o jednom vrlo finom Izvještaju. Razgovaramo o potentnim metodama i načinima zbrinjavanja mladih i davanja šanse, davanja šanse razvoju poduzetništva i naravno afirmaciji i ideji koja je potekla evo iz ovih klupa dakle, iz Gradskog vijeća Grada Tuzla.

Predložio bih da se kao u zaključak unese da:

Razvojni centar organizuje i edukaciju dakle, od nastanka pa do razvoja koja će biti eventualno primjer za sve druge gradove jer znam da su dolazili ovdje na edukaciju kako se to radi i kako se to uspješno radi.

Dakle, što se tiče Demokratske fronte i našeg Kluba puna podrška dakle, direktorici i razvojnog centru. Hvala vama.

**NEDŽAD JUSIĆ – zamjenik predsjedavajućeg  
Gradskog vijeća Tuzla,  
- nezavisni kandidat – nacionalna manjina –**

Hvala. Jel ima neko još od vijećnika? Ukolik...Izvolite. Gospođa Dragana.

**DRAGANA BERBEROVIĆ GAGRO**

Evo ovako. Ja bi isto da pozdravim našeg predsjedavajućeg. Vidim da nam je svima drago što vas vidimo danas tu.

Ovako. Ja sam pročitala ove Izvještaje i ja bih samo da pitam kolege ove moje starije ovaj, pošto su duže ovaj...

Jel ovo praksa za javna poduzeće da im dobit bude na kraju 081 jedan i po posto ili...? (ANA PEJIĆ – Hoćete da vam odgovori direktorica?)

Ali, ali uopće se to...Mislim vi, vi dobijate ove Izvještaje znači, ovaj.

Jel to praksa tako da to bude 081 jedan i po posto u javnim poduzećima?

Ja kao poduzetnik ovaj, mislim da bi trebalo malo taj rezultat da se ovaj, bude bolji.

A osim toga ovaj, nadam se evo vi ste svi pohvalili ovaj, ovo javno poduzeće ali s tim nadam se da ovih 414 hiljada jel tako? Što...750 što je ta neka razlika ovaj, što smo mi građani izdvojili ovaj, znači, opravdava ta sredstva ta firma.

**NEDŽAD JUSIĆ – zamjenik predsjedavajućeg  
Gradskog vijeća Tuzla,  
- nezavisni kandidat – nacionalna manjina –**

Okej. Hvala kolegice. S obzirom na pitanja vijećnik vijećniku u skladu sa Poslovníkom nije regulisano da vijećnik vijećniku odgovara na pitanja.

U skladu sa članom 163. vijećnik postavlja pitanja određenim Službama...(DRAGANA BERBEROVIĆ GAGRO – Evo ja sam to, ja sam primjetila te rezultate al s obzirom da sam iz realnog sektora pa dobro evo.) Okej. Okej. Hvala.

Jel ima netko još od vijećnika? (Nema.) Ukoliko nema.

Ja mislim kolega Denise da vam je kolegica Svjetlana odgovorila na vaše pitanje.

A kolegica Dragana može dobit od Službe odgovor tako ako sam ja dobro shvatio diskusiju da nemamo konkretnih pitanja za direktoricu trenutno i...(OMER BERBIĆ – Možemol zaključke zajedno?) Ne. Ne. Zaključak ćemo posle mi. Posle ćemo mi.

Prvo da usvojimo Izvještaj pa ćemo se dogovoriti oko zaključaka. Hvala.

Sada, sada stavljam na izjašnjavanje Izvještaj o radu i poslovanju Javnog preduzeća Razvojno poduzetnički centar Tuzla-Inkubator „Lipnica” d.o.o. Tuzla za 2024. godinu i pozivam da glasate. Glasanje je okončano.

Konstatujem da je IZVJEŠTAJ O RADU I POSLOVANJU JAVNOG PREDUZEĆA RAZVOJNO PODUZETNIČKI CENTAR TUZLA - INKUBATOR „LIPNICA” D.O.O. TUZLA ZA 2024. GODINU usvojen sa,

24 glasa za, nije bilo protiv i 6 suzdržanih.

Prije neg što se zaključci formiraju po ovoj tački dnevnog reda dajem pauzu 5 minuta da bi se većina samo dogovorila oko nekih stvari.

(Pauza.)

**ANA PEJIĆ**

Nastavljamo sa radom sjednice pa molim vas samo za koncentraciju. (Vratite nam Jusića.) Hoćemo.

Zamolit ću samo sekretara da pročita zaključke proistekle iz diskusije vezano za tačku jedanaest.

**SLADANA KRAJINA – sekretar Gradskog vijeća Tuzla**

- Gradsko vijeće Tuzla ponovo upućuje inicijativu Parlamentu Federacije Bosne i Hercegovine, Vladi Federacije Bosne i Hercegovine i Ministarstvu energije, rudarstva i industrije Federacije Bosne i Hercegovine da se u okviru izmjena Zakona o rudarstvu Federacije Bosne i Hercegovine („Službene novine Federacije Bosne i Hercegovine“, broj 56/13) ili posebnim zakonom, riješi pitanje statusa napuštenih nekretnina i rudarske infrastrukture, po okončanju eksploatacije rude tj. nakon što resorno Ministarstvo energije, rudarstva i industrije Federacije Bosne i Hercegovine donese rješenje o potpunoj i trajnoj obustavi eksploatacije u smislu Zakona o rudarstvu Federacije Bosne i Hercegovine. Gradsko vijeće Tuzla traži da se takve nekretnine prenesu u vlasništvo lokalnih zajednica (gradova i općina), na čijem području se nalaze u svrhu organiziranja privredne aktivnosti koja će omogućiti nova zapošljavanja. Lokalna zajednica bi, uz primjenu instituta prijenosa prava vlasništva i uspostave prava građenja na zemljištu ili dodjele pod zakup nekretnina (izgrađenih objekata), dalje omogućila iskorištavanje navedenih nekretnina za odvijanje privrednih aktivnosti i u svrhu novog zapošljavanja. Imajući u vidu da je eksploatacija u Rudniku „Lipnica“ prestala prije više decenija te da se objekti i zemljište od strane Grada Tuzle već više od 20 godina koriste u društveno korisne svrhe, tražimo da prioritet u rješavanju bude prenos vlasništva imovine (objekata i zemljišta) napuštenog Rudnika „Lipnica“, Gradu Tuzli u svrhu bržeg razvoja poduzetničke infrastrukture, podrške privrednim aktivnostima i zapošljavanju, odnosno u svrhu poslovanja i razvoja Razvojno poduzetničkog centra Tuzla - Inkubatora „Lipnica“.

- Gradsko vijeće Tuzla sugerše medijima koji prate rad Gradskog vijeća Tuzla da prezentuju rad Razvojno poduzetničkog centra Tuzla - Inkubator „Lipnica“ d.o.o. Tuzla i da na adekvatan način promovšu slobodne kapacitete Centra kako bi ove informacije bile dostupne što većem broju zainteresovnih poduzetnika.

- Gradsko vijeće Tuzla sugerše menadžmentu Javnog preduzeća Razvojno poduzetnički centar Tuzla - Inkubator „Lipnica“ d.o.o. Tuzla da organizuje edukaciju, od nastanka do razvoja poduzetničkog centra, koja će biti pozitivan primjer za druge gradove kada je u pitanju otvaranje i rad poduzetničkih centara.

## ANA PEJIĆ

Molim vas da se izjasnite o pročitanim zaključcima. (Možel ponovo molim vas?) Može naravno. (SLAĐANA KRAJINA – Poništite.)

Može samo Enisa ponovo? Glasanje je okončano.

Konstatujem da su pročitani zaključci dobili potrebnu većinu sa, 24 glasa za, nije bilo protiv i 6 suzdržanih.

Prelazimo na tačku dvanaest:

### **RAZMATRANJE I USVAJANJE IZVJEŠTAJA O RADU JAVNIH USTANOVA ČIJI JE OSNIVAČ ILI SUOSNIVAČ GRAD TUZLA ZA 2024. GODINU**

**a) JU Gradski stadion „Tušanj” Tuzla**

**b) JU Tuzlanska razvojna agencija „TRAG“ Tuzla - Development Agency „TRAG“ Tuzla**

**c) JU „Dom penzionera“ Tuzla**

**d) JU za predškolski odgoj i obrazovanje „Naše dijete“ Tuzla**

Predlagač: upravni odbor ustanove

Obrađivač: direktor ustanove

Materijal su razmatrali: Komisija za ekonomske odnose, Komisija za poduzetništvo, Komisija za mlade, obrazovanje i sport (pod a i d) i klubovi vijećnika.

Da li ima potrebe za uvodnim izlaganjem? (Ima). Ima.

Evo hoćemol, jel za sva, za sva znači, za sve ustanove? Evo zamolit ću samo direktor Javne ustanove Gradski stadion „Tušanj“ Tuzla, gospodin Bakir Buljugija. Izvolite.

### **BAKIR BULJUGIJA – direktor Javne ustanove Gradski stadion „Tušanj“ Tuzla**

Evo ovako, ja ću vas sve lijepo pozdraviti. Ja sam Bakir Buljugija, direktor Javne ustanove Gradski stadion „Tušanj“ Tuzla.

Stadion „Tušanj“ je u 2024. godini pored velikog broja sportskih dešavanja uspio od javnih poziva ubrizgati u naš budžet 85.000 Konvertibilnih maraka. To su od Ministarstva za kulturu, sport i mlade 75.000 i od Federalnog ministarstva sporta 10.000 Konvertibilnih maraka. Uspjeli smo uraditi sanaciju onaj atletske staze nakon rekonstrukcije glavnog terena. To je sve išlo na teret Nogometnog saveza, obzirom da su oni bili, onaj, oni napravili štetu.

Ono što bi posebno naglasio jeste da smo uspjeli promijeniti tarifu za reflektore za glavni teren. Prebacili smo se na tarifu ulične rasvjete. Šta to znači za stadion Tušanj? Prilikom organizacije utakmice mi smo u periodu od ponedjeljka do petka, kada se utakmica igra u noćnim terminima dobijali račune za struju negdje oko osam do deset hiljada Konvertibilnih maraka. Sada su ti računi 400 maraka. Pa eto vi možete zamisliti kolka je to ušteda.

Imali smo izuzetnu saradnju sa Nogometnim savezom BiH i to je rezultiralo da su nam oni bukvalno poklonili klupe za rezervne igrače, onaj, čiji je iznos slično oko 70.000 Konvertibilnih maraka.

Evo nekako u nizu ovih pozitivnih, ima i ova jedna negativna i ostade kao takva zadnja. Početkom 25-e godine nam se srušio zid sa zapadne tribine u dižini od 120 metara. To je nešto što bi morali uraditi u 25-oj godini, ukoliko želimo da budemo konkurentni za dobijanje licence za ovu Prvu federalnu ligu BiH u kojoj se sad takmiči naša Sloboda.

Evo, toliko od mene. Hvala.

**ANA PEJIĆ**

Zahvaljujem se. Zamolit ću direktoricu Javne ustanove Tuzlanska razvojna agencija „TRAG“, gospođu Amru Hamzić, da isto da kratko uvodno izlaganje.

**AMRA HAMZIĆ – direktorica Javne ustanove Tuzlanska razvojna agencija „TRAG“  
Tuzla - Development Agency „TRAG“ Tuzla**

Dobar dan. Sve vas srdačno pozdravljam. Evo zaista mi je zadovoljstvo da imam priliku predstaviti prvi dakle, izvještaj o poslovanju Tuzlanske razvojne agencije „TRAG“ Tuzla.

Naime, 2024. godina je prva godina poslovanja Razvojne agencije i mogu reći da za manje od godinu dana, dakle, za 10 mjeseci smo ostvarili rezultat od dakle 53 odobrena projekta i povlačenje sredstava u iznosu 4,65 miliona Konvertibilnih maraka.

Ono što možemo reći zaista za prvu godinu poslovanja Tuzlanske razvojne agencije jeste da smo puno radili na apliciranju projekata, zaista iz različitih područja od komunalne infrastrukture, zatim socijalne zaštite, sporta, kulture, zaštite čovjekove sredine, poduzetništva, dakle, sve ono što je u nadležnosti zapravo Gradske uprave Tuzla i svih javnih ustanova i javnih preduzeća čije su...koje su nadležnosti zapravo Grada Tuzle.

Takođe, što možemo reći da je prvu godinu obilježilo jeste da smo radili i na rješavanju onih izazova sa kojima se suočavaju svi oni koji se prve godine je li osnivaju, a to su od pravnih, tehničkih nekih organizacionih, kadrovskih je li izazova ja ću reći, neću reći problema. I mislim da smo to na neki način zaista uspješno realizovali, a dokaz za to je i pozitivan izvještaj nezavisnog revizora za 2024. godinu. I zapravo možemo reći da nije bilo niti jedne primjedbe kao što možete vidjeti, niti jednog komentara u negativnom smislu, a to je za organizaciju koja se tek osniva zaista jedna da kažemo je li pozitivna stvar, da dakle smo postavili ja ću reći dobre temelje.

Ono što jeste još značajno da smo u prvoj godini poslovanja radili zapravo na saradnji sa različitim razvojnim agencijama kako u Bosni i Hercegovini, tako i u inostranstvu. To je rezultiralo apliciranjem, dakle, Grada Tuzle, prije svega, a onda javnih ustanova i javnih preduzeća prema međunarodnim fondovima. U izvještaju možete vidjeti da je to negdje oko dvadeset jel tako, ovaj, međunarodnih, iz međunarodnih izvora projekata i devedeset je nacionalnih.

Ono što još bi željela istaći da kada je riječ o međunarodnim projektima, obzirom da je to dugogodišnje, ovaj, kad aplicirate, čeka se otprilike i do godinu dana na same rezultate, možemo reći da smo na neki način ponosni na to da za ova Interreg velika projekta, dakle, EU-MED, ovaj, i DUNAVSKI smo pozitivno ocijenjeni i na prvom i na drugom i ono što je još jako bitno evo upravo očekujemo rezultate, ovaj, jednog od tih poziva, gdje smo od 91 aplikacije, dakle, nakon što smo prošli prvi krug, ušli u drugi krug, gdje smo od 91 aplikacije prošli dakle u naj uži izbor od 25 projekata i sada čekamo dakle krajnji rezultat.

Možemo još puno toga govoriti, ali evo možda možemo odgovoriti na neka pitanja. Ja bih u uvodu samo toliko. Dakle, nas je u prvoj godini na kraju dakle, sa 31.12.2024. godine, bilo ukupno četiri uposlenika, ali ono što moramo reći jeste da veliki dio godine, dakle, počeli smo sa radom 15. februara, a tek 1. septembra zapravo su primljena četiri uposlenika ukupno. Eto. To ukratko.

**ANA PEJIĆ**

Zahvaljujem se. Sljedeći Javna ustanova Dom penzionera Tuzla, direktor, gospodin Mirsad Bakalović. Izvolite.

## **MIRSAD BAKALLOVIĆ – direktor Javne ustanove „Dom penzionera“ Tuzla**

Hvala predsjedavajuća. Pozdravljam sve prisutne. Javna ustanova Dom penzionera Tuzla u prošloj godini je poslovala pozitivno. Mi imamo u prefiksu JU, ali smo nažalost samofinansirajući, znači, onoliko koliko para zaradimo našom primarnom djelatnošću, toliko raspolažemo u toku godine. Ono što je vrlo važno u finansijskom poslovanju za prošlu godinu je da smo riješili jedan veliki problem koji se proteže sve do 90-ih godina prošlog stoljeća, a to je sporna i sumnjiva potraživanja u visini od milion i četrsto maraka, koja su jedan period i samu ustanovu opterećivali u njezinom poslovanju, tako da od onog vremena od kad se traži eksterni izvještaj revizije dobijali smo mišljenje sa rezervom, dok se ta sporna dugovanja i potraživanja ne riješe, tako da smo prošle godine to uspjeli konačno riješiti i dobiti pozitivno mišljenje eksterne revizije.

Takođe, Javna ustanova nije kreditno zadužena. Ostvarili smo znači, priliv prihoda nad rashodima u visini od 57.000 maraka.

Ono što je isto vrlo važno za vas da vam kažem, da to je da objekat u kojem se nalazi Javna ustanova „Dom penzionera“ je objekat koji je proglašen 2011. godine, javnim dobrom, tako da smo mi pod navodnim znacima, podstanari u tom objektu.

Što se tiče naše primarne djelatnosti, a to je smještaj i briga znači osobama treće životne dobi, u prošloj godini u prosjeku imali smo 196 korisnika. Nažalost, svjedoci smo da je iz godine u godinu sve više onih korisnika koji su sve težeg zdravstvenog stanja. Prije smo imali odnos 70 prema 30 u korist korisnika prve kategorije, odnosno korisnika koji su psihofizički pokretni i sposobni da obavljaju svakodnevne aktivnosti. To je vjerujte sad došlo na omjer 50/50% i zbog tog takvog trenda prije dvije godine otvorili smo Odjeljenje za dementne osobe. Nažalost, najveća potreba je upravo za tim odjeljenjem, jer imamo samo trenutno 12 soba, odnosno 24 ležaja.

U ovoj prošloj godini smo započeli nekoliko projekata sa Agencijom „TRAG“. Jedan smo realizirali. Dobili sredstvo u prošloj godini. Realizirali smo evo i u ovoj godini. Čekamo odgovore na dva, tri projekta. Evo, tu sam. Stojim na raspolaganju, da dalje ne dužim. Fala.

## **ANA PEJIĆ**

Zahvaljujem se. Sljedeće, Javna ustanova za predškolski odgoj i obrazovanje „Naše dijete“ Tuzla, direktorica, gospođa Anesa Mešanović. Izvolite.

## **ANESA MEŠANOVIĆ – direktorica Javne ustanove za predškolski odgoj i obrazovanje „Naše dijete“ Tuzla**

Dobar dan uvaženi vijećnici i vijećnice. Izvještaj o poslovanju za 24-u godinu. Javna ustanova za predškolski odgoj i obrazovanje „Naše dijete“ Tuzla. U sastavu Ustanove ima ukupno 15 vrtića. U 13 vrtića radimo vrtićki radi se ono za šta nam je osnovna djelatnost. Jedan vrtić u naselju Solina nam je iznajmljen Domu zdravlja Tuzla i Poslovna jedinica Radost na Golom Brijegu nije aktivan objekat zbog dotrajalosti objekta.

Brojno stanje upisane djece i odgojnih grupa 01.01.24-e je bio 1237 djece, u 45 odgojnih grupa. 31.12.24-e 1312 djece, u 48 odgojnih grupa. Broj djece, grupa u programu obaveznog predškolskog odgoja i obrazovanja, to je onaj program koji ide od 01.04. do otprilike 15.06. bio je 326 djece u 15 odgojnih grupa. Školu sporta je pohađalo 234 djece. Ustanova, odnosno u skladu sa Zakonom o predškolskom odgoju i obrazovanju finansiranje predškolskih ustanova se realizuje iz sredstava koja osigurava osnivač, participacije korisnika usluga i sredstava drugih izvora.

Iz Budžeta Grada Tuzla smo u 24-oj godini, tranša za rad iz Budžeta je iznosila 2.385.000. Rebalansom budžeta Grada u 24-oj godini, finansijska sredstva koja osigurava osnivač uvećana su za 43.000 maraka, tako da je ukupno transfer za rad bio 2.428.000. Na rebalansu su ta sredstva uvećana, zato što smo u 24-oj godini otvorili novi vrtić, trinaesti po redu, vrtić „Bubamara“ u naselju Slavinovići. Osnivač je na poziciji kapitalnih ulaganja za otvaranje novog vrtića za nabavku opreme u 24-oj godini doznačio iznos od 60.000 maraka. Doznačena sredstva nisu u potpunosti realizovana. Realizovano je 51.586, a preostali iznos je vraćen na račun osnivača. Ono što je možda bitno naglasiti za ovaj vrtić je, ova sredstva su realizovana u 24-oj godini. To su sredstva koja nam je doznačio osnivač. Međutim, 2020. godine, Grad je izdvojio sredstvo u iznosu od 615.654 Konvertibilne marke za kupovinu tog prostora, a 2023. 204.515 maraka za završetak unutrašnjih radova tog vrtića, što je ukupno do 24-e godine Grad izdvojio za kupovinu tog prostora.

U 24-oj godini smo imali 158 prosječan broj radnika. U 24-oj godini bio 158. U septembru smo povećali obračun, osnovicu za obračun plaće za 15,7%. Isplaćen je regres u pojedinačnom iznosu od 669 Konvertibilnih maraka. Isplaćene su naknade uposlenicima na račun toplog, na ime toplog obroka, prevoza. Isplaćeno je pet naknada u slučaju smrti člana uže porodice. Isplaćene su otpremnine za osam radnika koji su otišli u penziju po osnovu godina života i staža ili invalidnosti.

U 24-oj godini od kapitalnih ulaganja, ulagali smo u kompjutersku opremu, namještaj i ostalo, investiciono održavanje zgrada. U 24-oj godini ostvarili smo višak prihoda nad rashodima u iznosu od 107.105,26 Konvertibilnih maraka. Iznos je veliki iz razloga što je krajem decembra 24-e dobila Ustanova sudski spor od Zavoda zdravstvenog osiguranja u iznosu od 94.000 maraka. To je osnovni dug, zatezne kamate i sudski troškovi. Sredstva su uvrštena na poziciju naknada troškova zaposlenih, obzirom da se spor odnosio za isplatu naknada uposlenicima za period Covid-a. U 25-oj taj navedeni višak prihoda nad rashodima će se uvrstiti u budžet Ustanove i koristiti za tekuće poslovanje.

## **ANA PEJIĆ**

Zahvaljujem se. Evo ako bude pitanja, onda ćemo svakako.

Evo, da li ima potrebe da se pročitaju izvještaji komisija? (Nema). Nema.

Otvaram raspravu klubova vijećnika.

Vijećnik Zlatan Mehmedović. (DEJAN KOVAČEVIĆ – Može samo malo?). Može. Izvolite.

## **DEJAN KOVAČEVIĆ**

Oprostite predsjedavajuća. Ja se ispričavam. Jel možemo samo diskutirat, onaj, odvojeno po svakoj podtački, onaj, tačke 12? (ANA PEJIĆ – Možemo). Znači, da se odvojeno diskutira po svakoj podtački. (ANA PEJIĆ – I da se odvojeno...Može. Može). I da se odvojeno, ako bude bilo potrebe za zaključcima, da se odvojeno donose zaključci. Hvala.

## **ANA PEJIĆ**

Može. Može. Naravno. Evo, znači, onda otvaram diskusiju klubova vijećnika za IZVJEŠTAJ JAVNE USTANOVE GRADSKI STADION „TUŠANJ“ TUZLA.

Vijećnik Mirnes Ajanović, pa neka se pripremi vijećnik Jasmin Gavranović. Izvolite.

## MIRNES AJANOVIĆ

Bilo je malo rasprave, neću reć gdje sam čuo, jer sam obećao da neću, ali ovo okolnosti da su preduzeća i ustanove iznad Vijeća, u smislu „Ko vas šiša, vi ste tu nešto Vijeće. Mi ćemo to tu doć, otrpit, ako dođemo, a možemo kaže i nedoć. Pa možemo i izvještaj ne dostavit“. Svašta se nešto poziva. Ovo je uvod za sve četiri tačke. Pet sljedećih koje budu bile, ko god bio dostavio sljedećih sjednica Vijeća. Onako sam, nisam planirao, ali Vijeće je osnivač. I ja bih predložio svim direktorima ustanova, preduzeća, direktoricama, kako oćete, nemojte smatrati da smo mi nebitni. Ne odnosi se na osve sad, uopšteno. Ako mi kao Vijeće krenemo u smislu procesuiranja svega, neće bit dobro. Ne treba nikome. Dakle, poštujuć svakog vijećnika. Poštujuć Vijeće. Nemojte da budete drski, osioni, u smislu evo mi, šta tam Vijeće, mi smo to direktori, direktorice, menadžmenti, to tam ko njih. Nemojte tako da radite. Znamo bit vrlo neugodni ako hoćemo, a ovo Vijeće je pokazalo da radi drugaćije nego sva ostala Vijeća u mandatima. Pozicija, opozicija zna bit često na istoj strani u cilju zaštite interesa građana, korisnika i svega. Dakle, jedna ne odnosi se opet kažem na ove. Jedna generalna primjedba svima.

Druga generalna primjedba. Nemojte mi više dostavljati u PDF-u materijal izvještaj o radu. Kad treba da izvadim neki dio da ga citiram, pa stavim, pa dam, priprelim za diskusiju, ja se moram zafrkavati i konvertirati i tako dalje. Može neka doće u PDF-u, ali uz to hoću i Word. Word dokument. Sve što može doći u Word-u, Exel-u, šta god ko hoćete, al hoću da mogu raspolagati s tim kopirati. Iz PDF-a nemam ništa. Imam sliku. Zaključak jedan odmah u startu za sve, ubuduće da nam se dostavljaju tako materijali u elektronskoj formi. Naravno. Šta ja sad moram da kopiram nešto tražit pretvarač PDF-a u Word. Zafrkavat se, pa ovaj moraš kupit, ovaj ne radi i trošim vrijeme. Eto to nek bude generalan zaključak svima ubuduće nam, pogotovo kad se radi o ovako nećem, materijalu. I sad šta, ja to dobijem kao sliku. PDF je slika. Nisam ljut, ali eto. Ljut ono malo, malo nako kažem. Potrošio sam puno vremena zafrkavajući se u smislu iščitavanja ovoga, pa trebam nešto da napišem pa onda udustanem od toga, a kada odustajem, onda sam na sebe se ljutim, jer nisam dao efektivnost koju bi ja smatrao da treba da dam. E, hajmo sad da ne bude ova prva pa ja iz stanja malo onako onog eto. Nisam ljut još uvijek, kažem, ali vidim i službe kad dobiju, kažu „Ne možemo mi dobijemo tako od rukovodstva menadžmenta i mi ne možemo ništa promijeniti“. Eto ubuduće to prvi zaključak generalno i tražim da se glasa za njega i da se obaveže kao što smo recimo na isti način sam davno nekad, ne znam koliko, dal se Mensur sjećā kada smo dali upute kakvi izvještaji trebaju da se dostavljaju Vijeću. Inicirao sam. Taćno smo sjeli, dogovorili se. Prije smo mi dobijali svašta. Ovaj ovako radi, onaj onako. Kad smo ih uniformisali, mi sad dobijamo dobre izvještaje. Svaki izvještaj je dobro urađen. Sistematizovan, ali je to po onome što smo mi kao vijećnici primijetili kao nedostatak i onda davali prijedlog i rješavali i uspjeli riješiti i sad ne moram priznat. To je činjenićno stanje. Ovi izvještaji su korektni. Urađeni. Dobri. Samo fali još ovaj dio da se nama kao vijećnicima omogući tamo gdje ima. Ne insistiram. Ovo zaključkom može bit pored da sve mora biti u Word-u. Ali ono što oni imaju izvještaj koji prave svakako u tome, dakle, u programu gdje se može pristupiti tim podacima, a ne samo da imamo tu PDF, faktićno okolnost gdje ne možemo ništa uzeti i ne možeš ništa kopirati, ne možeš uzet ni jedan dio teksta. Dakle, nije moguće. Ne mora to bit obaveza. Ne tražim ništa ni ja da to bude dodatni posao, niti teret, nego ono što imaju da nam i dostave. Mogu uporedo poslati da se zna da nije bilo nikakvog mijenjanja, taj PDF, al PDF služi samo da bude zaključan Word, u smislu da neko ne može dodati nešto, a Word nam treba radi realizacije ovog što mi sad radimo.

E sad. Direktor „Tušnja“, odnosno Izvještaj o radu i poslovanju „Tušnja“. Gradski stadion „Tušanĳ“. Idemo redom. Da. I ja sam odrastao pored ovog „Tušnja“. Nekat se penjao i na one zidove, pa ganjala nas milicija. Šta ćeš ko dijete. Hajd nešto to interesantno. Nije ono

samo da ti to vidiš, neg je interesantno to na taj način vidjet. Nekad smo gledali utakmicu odozgo s brda, pa vidiš što vidiš visoko ona drveća, pa nije se moglo ni vidjet. Danas je drugačije.

Danas, evo jedan prijedlog, ja sam stavio nije rat na pucanje po prozorima. Tamo onaj pomoćni stadion jednim dijelom je popravljeno. Napravio sam video, ne znam je li sve sad uređeno. Nisam stigao ponovo pogledat. Ako nije, uredite. Nema pucanja po prozorima. Ona zaštitna ograda mora biti postavljena, funkcionalna i štititi građane, stanare koji su samo 2 metra iza stadiona pomoćnog od tih pucanja loptom, naravno. Ružno je to, govore mi ljudi, ima video, napravio sam, snimio sam. Ulijeće lopta u stan, kroz prozor. Dakle, napraviti gore onu žicu. Urediti je. Podići je na primjerenu mjeru da onaj kad opali s one strane, da ne razmišlja hoće li to izaći na cestu ili sa istočne strane da izleti tamo na parking ili vozila koja se kreću i vozila ako ga udari lopta, eto mu odma problema, skrenut će s puta. Nek bude neko dijete i katastrofa. Dakle, mora se tu postaviti zaštitna ograda, zaštitna žica za okolnost da oni kad vježbaju mogu opucat ono kako hoće, a ne da puca pod neakvom okolnošću strepnje da ne izleti lopta negdje i onda kad dođe pred go kad mu treba možda automatski mozak radi i ne smije opalit. Raspalit po lopti. Ovo je dokument koji se odnosi na dakle jedno od najvažnijih sportskih, kulturnih, historijskih prostora u našem gradu. Znamo, Sloboda je bila simbol, pa sam jednom uspio da je vratim u ligu, a sada akobogda il kako će bit ako uđe i u drugu ligu, odnosno, u kakve su već regionalne, lokalne kako je postalo, razni privilegovani, razni stručnjaci su ubili Slobodu. Čudi me da ovi naši navijači to trpe, al eto nekako trpe. Hajd. Dakle, moramo imati ovdje više onoga šta, ko ima koristi od stadiona, kako se koristi javni prostor. Sad ću malo samo ovo činjenično stanje. Od javno dobro. Nije ekskluzivni prostor za privilegovane. Bilo je tako jedno vrijeme. Treba mi analiza, pa možda ubuduće dostupnost stadiona za sve sportske klubove, rekreativne grupe u Tuzli. Koliko je termina ustupljeno za besplatne škole, amaterske klubove, rekreativce? Koliko se prodaje? Koliko je zakupljeno privrednim subjektima? Ova ustanova mora imati javni karakter, a ne da stadion funkcionise kao zatvoreno granična komercijalna imovina dostupna odabranima. Zato i jesmo gdje jesmo. Finansije, visoki rashodi, minimalna transparentnost, izvještaj pokazuje da su rashodi i dalje visoki. Ima još jedna okolnost. Šta je sa obavezama plaćanja raznim onima koji su stekli pravo na naknadu, a onda to njima nije plaćeno? Da bude i to jedan od zaključaka. Nisam ga napisao. Sad...evo sjećam se da mi prije nekoliko mjeseci prišao jedan prijatelj i njegov brat. Ima novčana potraživanja i ništa dalje. Dakle, zaključak tražim da nam se dostavi informacija o svim dugovanjima, dal je to sa Slobode, ili stadiona il ko je već, ako ima i stadion, ako nema, ništa, ako nije to vezano za stadion i za njihova dugovanja prema svima, a kasnije ćemo ako bude bilo sportsko društvo. Dakle, još evo neću još dugo. Strategija razvoja sporta, stadion nisu samo teren, tribine. Nije to samo trava, beton onaj okolo. I tu sam napravio jedan poseban video kod stadiona. Dugo je trajao. Kad uđete tamo iza onih tribina kao da ste došli negdje gdje je ono što bi narod rekao „Bože sačuvaj“. Snimljeno je. Neka pogledaju video. Vidjeće. Snimio sam sve. Ono se mora urediti. Mora se malo to dotjerati. Očistiti. Bar sanirati da nije onako kako jest razbacano staklo. Prljavo. Oni katanci koji su postavljeni su toliko zahrđali da sami po sebi pokazuju koliko stadion ne radi. Makar to malo kratkotrajno, ako ništa ofarbati, prefarbati, promijeniti katanac. Katanac je zahrđo. Vidi se da deset, dvajst godina nije niko otvorio onu tribinu u određenom dijelu. Strategija razvoja sporta mora biti dakle, proširenje kapaciteta, projekt za otvaranje stadiona kao Centra za omladinski sport i građanske događaje. Ne smije biti status quo. Bez ideja, strategije i bez hrabrosti. Revizorski nalazi, upravljanje. Nepravilnosti u poslovanju. Imaju ime i prezime. Ako je bilo propusta to ne smije se ignorisati. Ne smije izvještaj bit dokument zaborava, već dokument odgovornosti, pa ćemo da idemo dalje.

Prijedlog. Zaključak. Evo mogu dostaviti elektronski. Tražim da se hitno ne mora ni bit hitno eto kako stignu, sačini javan plan raspodjele termina korištenja stadiona uključujući sve korisnike s naglaskom na prioritetne grupe, škole, omladinu, sportiste i rekreativce.

Dva. Predlažem da se naredni izvještaj, da mora obavezno sastavljati sa jasno prikazanim troškovima po funkcionalnim cjelinama kako bi Vijeće moglo procijeniti gdje novac zaista ide. Prijedlog da se razmotri formiranje nezavisnog stručnog tima za izradu strategije razvoja Gradski stadion „Tušanj“ koji će sadržavati tehnički, sportski i društveni aspekt korištenja ovog objekta. Dakle, nije ovo samo beton i trava. Ovo je simbol zajedništva, sportskog duha, potencijalni razvoj mladih generacija. Ako to zaboravimo, pretvorili smo stadion u trošak, a ne u resurs. Eto, uradili su opet kažem koliko su mogli i mi tu dajemo malo sredstava, ali mora bit malo i kritike. Hvala.

**ANA PEJIĆ**

Zahvaljujem se. Sljedeći za riječ javio se vijećnik Jasmin Gavranović. Izvolite.

**JASMIN GAVRANOVIĆ – vijećnik SDP – Socijaldemokratske partije  
Bosne i Hercegovine**

Zahvaljujem predsjedavajuća. Srdačan pozdrav svima. Klub vijećnika je razmatrao izvještaj o radu i poslovanju za 2024. godinu i prihvata ovaj izvještaj. Razmatrajući izvještaj ova ustanova je radila u skladu sa pravilima ustanove. Finansijsko poslovanje je stabilno, iako je bilo određenih problema koji se ogledaju u korištenju atletske staze na određenim dijelovima koji su nastali nakon završetka radova na glavnom terenu, travnatom terenu, što je za posljedicu imalo i smanjen obim korištenja atletske staze.

Bez obzira na to, tokom 2024. godine, Gradski stadion „Tušanj“ pružao je usluge obrazovnim ustanovama, školama, fakultetima, sportskim kolektivima, Atletskom klubu Sloboda Tehnograd, Fudbalskom klubu Sloboda i Fudbalskom klubu Tuzla City u raznim jel, organizacijama svojih takmičenja, znači, organizuje rekreativne sportske aktivnosti. Glavni teren nakon završetka radova u sklopu projekta Nogometnog saveza Bosne i Hercegovine pušten je u upotrebu Fudbalskog kluba Sloboda i Fudbalskog kluba Tuzla City. Sanirani su određeni dijelovi atletske staze. Dobili su moderne klupe za rezervne igrače. Samim tim isto tako tražim da se, ispred kluba tražim da se što prije sanira pali zid iza zapadne tribine zbog velikog broja korisnika, ponajviše djece. Hvala.

**ANA PEJIĆ**

Zahvaljujem se. Sljedeći za riječ javio se vijećnik Omer Berbić. Izvolite.

**OMER BERBIĆ**

Hvala ljepo. Opet neću dužit. Mislim da se ovdje osjeti jedna energija kako je došo novi direktor, ima tu sad već par godina da se određene stvari rade, sitnice koje mi često zaboravimo, a da je u zadnjih par godina odrađen teren, odrađene i nove klupe za igrače. Stadion je generalno čišći. Kad odem na utakmicu, ja sam možda jedan od češćih vijećnika koji idu na utakmice Slobode, ovaj, vidim da je stadion čišći, da je to ovaj ipak bolje.

Ono što imamo objektivan problem jeste sa onim drugim malim terenom, za mali fudbal koji je izuzetno oštećen. Evo, urgencija isto prema direktoru, da vidimo da iznađemo sredstva da i taj teren na neki način saniramo il barem privremeno da iskružimo one dijelove koji su trajno oštećeni, gdje bi neko mogo slomit nogu il nešto, pa da to zamijenimo sa nekom novom

travom, kao privremeno rješenje, ovaj, molim vas da to ide kao evo zaključak prema, prema ustanovi i ne bi ja puno dužio, kažem vidi se nova energija, novi zalet. Vidi se, dobili smo informaciju da će se sanirati onaj zid, da će se sanirati one tribine na pomoćnom terenu. Sanirano je dosta toga. Dosta toga je urađeno.

Ja ovdje imam samo jednu, odnosno dva pitanja i recimo jedan zaključak. Prvo pitanje je ovaj...prvo pitanje je da mi se dostavi odgovor zajedno sa službom nadležnom koja jeste: Koliko bi koštalo da se završi kompletan stadion po projektu kojeg evo ovdje vidimo kao naslovno, na naslovnoj stranici? Jer mislim da ovaj se značajno promijenila cijena u zadnjih par godina i da je to sada već ogroman projekat, al evo da vidimo koliko bi to koštalo, jer smo išli sa inicijativom prema Fudbalskom savezu da se ovdje pravi taj nacionalni stadion, pa da znamo o kolikoj je to cifri riječ. I ovaj zanima me da li su ikada sa stadiona išli prema poduzetnicima da se poduzetnicima da mogućnost da ostave ispod stadiona, odnosno ove nove tribine koja bi se radila, da ostave prostore, a da tribina pripadne stadionu „Tušanj“. Eventualno bi to možda moglo bit interesantno našem najvećem privrednom lancu Bingu, onda Belamionixu, Robotu, domaćim ovim trgovačkim lancima, gdje bi mi faktički mogli bez ikakvog učešća osim učešća zemlje i regulacionog plana završit ovaj stadion, napraviti najbolji stadion u državi bez marke, jer već imamo evo saniran i teren i tako dalje.

Dalje. Kad bi mi mogli očekivati da natkrijemo zapadnu tribinu? Mi znamo da je ovdje i gradonačelnik to par puta govorio. Znamo da je to bila neka inicijativa i mislim da je to dobra inicijativa. Zanima me koliko košta to natkrivanje zapadne tribine i kada bi mogli očekivati da se ide u realizaciju projekta natkrivanja zapadne tribine za koju se nadam da će opet nekad bit puna, iako smo svjesni da jako teško će se to desit u Prvoj ligi Federacije.

Imam jedan zaključak, a to je da se nađu pare ili evo da se urgira prema službi, da služba da pare da se sanira mreža između velikog pomoćnog terena i dva malonogome...malofudbalska, malonogomenta terena, zato što se često kada se igra dole na „Tušnju“, često se desi da lopta prođe na veliki fudbal, zato što imaju određene rupe u mreži. A ja sam ovaj bio kod direktora, razgovarali smo i već je taj jedan dio tu snairan između dva mala fudbalska terena. Međutim, ovaj dio je ostao. Mislim da je to zaista jedna potreba koju evo možda mi kao vijećnici koji ne igraju fudbal ne vide, ali mi koji igramo tu, vidimo da to može bit veliki problem.

Zbog čega imam ovoliko pitanja, ovoliko inicijativa? Zato što znam da direktor hoće, može i zna radit i da rješava probleme i upravo zbog toga ovoliko pitanja i inicijativa zato što mislim da je zaista unio jednu novu energiju, novu dozu energije i ja se nadam da se sa stadionom „Tušanj“ može napraviti puno bolji posao i mi isto smatramo da je evo eventualno moguće ali i potrebno naročito potrebno da promijenimo način razmišljanja da javna preduzeća ne budu isključivo da kažem finansirana od strane Budžeta ili njihovih aktivnosti, nego evo da vidimo možemo li infrastrukturne projekte raditi zajedno sa poduzetnicima odnosno sa privatnicima koji imaju potrebe da dobiju određene prostore. Ovo se pogotovo odnosi na tribinu. Dal je ona sjeverna ili istočna nemojte me ovaj citirat tačno, ja mislim da bi mi tu mogli dobit značajnu investiciju da pokriju tu privrednici.

I evo još jedno zadnje pitanje za direktora, naravno, na ova pitanja očekujem pismen odgovor, ne usmeno, zato što su pitanja na koja se jako teško dat usmeni odgovor. Šta se dešava odnosno u čijem je vlasništvu i ukoliko nemate informaciju, molim vas da mi to istražite i molim vas da stupite u kontakt sa vlasnicima prostora. Šta se dešava sa prostorom onog tamo starog nekadašnjeg restorana koji se nalazi tek kada se uđe na stadion s lijeve strane, koji je sada faktički jedna raspadnuta baraka? Da vidimo da li je taj prostor od banke od x,y osoba, da vidimo da li ima potencijala da Grad Tuzla na neki način otkupi da se tu napravi neka da li teretana, dal neki sportski objekat? Dal da tu napravimo neki hotel za sportiste? Mislim da bi to zaista uljepšalo taj kompleks, al u isto vrijeme napravilo mogućnost stadionu „Tušanj“ da

ima još veće stalne prihode i na taj način pomoglo njima da, ovaj, da rade pozitivno i da nastave zaista ovaj, s ovom dobrom energijom i dobrim radom.

Šta bi se tek desilo da sam reko da mogu puno pričat, to je pitanje, al evo pošto ne mogu puno, pošto sam skratio, et toliko. Fala ljepo.

## **ANA PEJIĆ**

Zahvaljujem se. Sljedeći za riječ javio se vijećnik Ervin Alibegović. Izvolite.

## **ERVIN ALIBEGOVIĆ**

Hvala vam predsjedavajuća. Mene ne boli zub, al ću probat da budem kratak u ovom svom izlaganju i zaista evo želim da vjerujem da svi ovi direktori koji su danas dali izvještaj, rade u skladu sa zakonom, u skladu sa strukom, u skladu sa pravilima rada njihovih javnih, naših javnih preduzeća, ali htio bih da kažem, iako pripadam opoziciji, Demokratskoj fronti, ovo je naš grad. Mi želimo aktivno da participiramo, dakle u ovim izvještajima, u davanju prijedloga i sugestija za rad javnih preduzeća za potrebe naših građana. Nismo nažalost bili u prilici, a razgovarali smo evo o metodologiji da je ona usaglašena izvještavanje, a iz ovih izvještaja vidim samo misiju. Ja ne vidim misiju i da se vratim na stadion. Možda bi dobro bilo da i mi znamo viziju. Možda bi mi kao vijećnici Demokratske fronte sa raznih razina vlasti zajedno sa vama mogli pokrenuti inicijativu da se stadion „Tušanj“ pretvori u ono za što mi mislimo da treba da bude jedan stadion koji će biti nacionalni stadion, gdje će se održavati utakmice našeg nacionalnog tima.

Ja nisam vidio takvu viziju. Dopuštam da možda nije bilo ni dovoljno vremena pri sačinjavanju ovog izvještaja, ali dakle svi izvještaji bi trebali da definiraju i zajedničke probleme i da kažu šta bi mi to kao vijećnici mogli da uradimo za ova javna preduzeća? Ne da ih kritikujemo, dakle. Ne da gledamo samo tabele, nego da vidimo šta mi kao vijećnici ličnim doprinosom, doprinosom političkih partija, našim društvenim angažmanom, našim društveno odgovornim ponašanjem doprinosimo da zaista ove ustanove dobiju tamo gdje je mjesto?

Stadion „Tušanj“ je rekao je kolega Ajanović je kultno mjesto za nas malo starije tuzlake. Dakle, i ja dobro poznajem stadion „Tušanj“, kao što ga poznaje i kolega Ajanović. Malo prije smo i pričali na jednoj od prethodnih sjednica da smo zajedno na ista mjesta izlazili i tako dalje. Stadion, dakle, ima komunikacijski problem. Nije dobro da naša djeca koja su reprezentativci javno na HRT-u kažu da nisu dobili priliku da tamo trče. Godinu dana nije radila atletska staza, a da pri tome nisu dobili ni odgovor, dakle, na e-mail koji su bili srećom evo, dakle, aktivacijom drugih autoriteta riješen je takav problem, ovaj, i vjerujem da je sada otvorena staza za rekreativce, makar tako stoji tamo.

Način trenažnog procesa, raspored mislim da bi trebao da bude dostupan svima nama, a pogotovo, dakle, ovi noćni termini u kojima se radi. Ja nisam siguran da je obezbijeđen dovoljno siguran aspekt za provođenje trenažnog procesa u noćnim satima. Vrlo često se trči po toj neosvjetljenoj atleskoj stazi, po mraku, jer su takvi noćni termini. Ona je grbava. Dakle, čuli smo da pada i zapadna tribina. U neposrednoj blizini stadiona nalazi se pokrivreni Tušanjski potok. Kolega Ajanović zna da je na jugositočnom tamo dijelu jedva i napravljen ovaj reflektor koliko se ja sjećam kao dijete i da stalno ima problema. Tu se skupljaju insekti i tako dalje i treba apelovat prema Kantonalom zavodu za zdravstvenu zaštitu da se ovdje vrši češće dezinfekcija i deratizacija, da se ne desi da mačke, jednom i lisice, miševi trče po atleskoj stazi na našem terenu.

Dakle, tražim da se pokloni više aspekta u zaključku da se unese sigurnosti trenažnog procesa, kako aktivnih sportisa, rekreativaca, škola sporta, tako i svih građana koji nerijetko

dolaze dole na fizikalnu terapiju. Dakle, ima mnogo onih koji nakon moždanog udara šetaju onom stazom. Treba im to omogućiti, ali im treba napraviti i ambijent.

Još jednom kažem duboko vjerujem da menadžment stadiona ulaže puno napora, ali evo da sa ove pozicije kažem da i mi, dakle, kao vijećnici Grada Tuzla, voleći svoj grad, želimo da se stavimo na raspolaganje i želimo da pomognemo, pa možda na nekom od zajedničkih sastanaka da vidimo koja je to misija stadiona? Da li uopšte postoji ideja da on bude jedan nacionalni stadion? A ako postoji, evo mi smo kao Klub ovdje na raspolaganju da uradimo sve što je u našoj moći, da naši građani i mi ponovo ugledamo stadion u pravom svjetlu. Hvala vam.

## **ANA PEJIĆ**

Zahvaljujem se. Vijećnik Dejan Kovačević. Izvolite.

## **DEJAN KOVAČEVIĆ**

Hvala predsjedavajuća. (ANA PEJIĆ – Može. Nastavite DeJane. Nije...). Ništa. Ništa. Hvala predsjedavajuća. Mislim, Gradski stadion „Tušanj“ je jedna od ikona grada Tuzle. Mislim da o tome ne treba baš, onaj, previše pričati. Svi znamo, evo pored svih silnih problema koje ima uprava i menadžment Gradskog stadiona „Tušanj“, sve pohvale evo i direktoru i menadžmentu na silnom trudu, ulaganju, ovaj, da poprave situaciju, al evo iz samog izvješća i onog što mi dobijemo, onaj, izvješća od građana i ono što sami vidimo da Gradski stadion „Tušanj“ samo iz dana u dan tone u problem, u sve veće probleme, pa evo urušio se i ovaj zid. Ali ono što bi evo stvarno htio da pohvalim, onaj, menadžment i direktora, da stvarno daju nadljudsku snagu i nadljudske napore da pored svih problema koji ih zadese, pa evo i naš klub, onaj, Nogometni klub „Sloboda“ i ovo sve što se događa, stvarno se trude da ovaj ovu Javnu ustanovu dignu na stvarno jedan zavidan nivo.

Ono što bih ovom prilikom apelirao a svi pričamo ovdje o sportu i onom sve što se događa na Gradskom stadionu „Tušanj“, ovom prilikom bih apelirao takođe na sve gospodarstvenike u gradu Tuzla, evo i u okolini, da Gradski stadion „Tušanj“ ne bude samo teren na kojem će se odigravati sportski, ovaj, događaji, nego da bude, onaj, mjesto gdje će se odigravati kulturni događaji. Imali smo priliku kroz povijest evo nekoliko godina, pa evo bio koncert „Bijelog dugmeta“, ovaj, evo da, onaj, da ne reklamiram nikog, ovaj, al evo daj da malo da se uključimo da pomognemo menadžmentu, evo i Grad Tuzla i svi gospodarstvenici okolo koji gravitiraju oko Tuzle i u Tuzlanskoj županiji, da pomognemo Gradskom stadionu „Tušanj“, što bi rekli u narodu „da stane na noge“. Da bude to mjesto i kulturnog događaja. Pa evo i da se odigravaju ne znam i koncerti razni, semina...manifestacije. Složio bi se sa kolegom Omerom, evo i pitanje šta se događa sa pomoćnim objektima oko Gradskog stadiona „Tušanj“ i kako da ih preinačimo?

Mi imamo evo, vidimo u evo u gradovima u Bosni i Hercegovini, evo i u regionu gdje ispod tribina stadion, a evo Poljud, da ne imenujem nikog dalje, gdje se iznajmljuju poslovni prostori za ne znam razne udruge, sportska udruženja, onaj, sportske klubove i evo i prodavnice sportske opreme. Ono sve što se naslanja na sport, da pomognemo evo da se svi onako kao lokalna zajednica i šire da se uključimo, da ovu našu ikonu Tuzle, ona koja je prepoznatljiva, ovaj, ako već ne možemo čupat Slobodu u Premijer ligi, barem da ovaj naš Gradski stadion „Tušanj“, koji je ikona Tuzle, ovaj, da mu pomognemo ovako svi zajedno lokalnoj zajednici i da se možemo evo kroz neko vrijeme ponositi time.

Naravno, evo ja ću ispred Kluba HDZ-a Bosne i Hercegovine naravno podržati izvješće, ovaj, direktora i dati punu potporu u daljem radu. Hvala.

**ANA PEJIĆ**

Zahvaljujem se. Vijećnik Mirza Malkočević. Izvolite.

**MIRZA MALKOČEVIĆ**

Poštovanje. Hvala predsjedavajuća. Evo pokušat ću da budem kratak, ovaj, prije svega slažem se sa svim kolegama vezano za dosadašnju diskusiju, ovaj, pohvalit ću naravno rad direktora i menadžmenta.

Samo jedan prijedlog ili ideja. Znam da je prije nekoliko godina Gradski stadion „Tušanj“ sarađivao sa Fakultetom za tjelesni odgoj i sport i da su napravili manifestaciju gdje je učestvovalo, mislim prvi puta tri, drugi puta pet hiljada mladih ljudi, fitnes zajedno ili družio se zajedno, ne znam tačno ime. Mislim da bi trebali da što više imamo takvih edu...druženja, edukacija, čisto da bi pokazali mladim ljudima i našoj djeci da imaju mjesto gdje mogu da obavljaju svoje fizičke aktivnosti. Da je Stadion „Tušanj“ otvoren za sve nas i da jednostavno uradimo što bolju reklamu da znamo da imamo taj Gradski stadion, da ga možemo svi koristiti, a ne samo da je on za klubove koji participiraju tu. Hvala. I naravno, Narod i pravda, Klub Naroda i pravde će podržati ovaj izvještaj. Hvala.

**ANA PEJIĆ**

Zahvaljujem se.

Da li se još neko javlja ispred klubova? Vijećnik Šefik Husić. Izvolite.

**ŠEFIĆ HUSIĆ**

Ma ništa evo ja, nisam se mislio javiti po ovoj tački, al ne mogu nikako da se onaj ne javim da ne kažem ono šta je moj zaključak, znači, iz svih ovih diskusija, slažem se s većinom. Međutim, ovdje je osnovni problem novac. Javna ustanova Gradski stadion „Tušanj“ Tuzla može imati sposobnog, nesposobnog, političkog, ne političkog direktora, al on nema novac i ništa na stadionu znači ne može se uraditi značajno bez novca. Evo čovjek je izašao tamo, rekao je šta je uradio Nogometni savez, znači šta je dodijelio. Šta je dodijelio Grad? Znači, mi smo osnivač, odnosno, Gradsko vijeće i Grad osnivači stadiona „Tušanj“. Kolka je stavka u Budžetu za stadion „Tušanj“? Znači, govorim ovdje o nekoj društvenoj odgovornosti privrednika i tako dalje, onaj, ja sam rekao prije nekoliko sjednica kad je bilo vezano za one autobuse, jesmol još uvijek za te donacije sadaku nekakvu? Znači, mislim da mi se moramo prvo odgovornije ponašati prema tim, kako kažu kolege ikonama grada. S jedne strane imamo stadion „Tušanj“. S druge strane imamo „Mejdan“. To su dvije ustanove znači koje su puštene ko šteta niz vodu. Treba odriješiti kesu. Treba ljudima dati novac iz Budžeta, znači da se dovede u stanje da može biti profitabilno preduzeće, odnosno ustanova. Oni ne mogu biti profitabilni znači dok im se neda novac i da one ideje koje imaju, evo vidim mlad je čovjek, pohvalno, znači vjerovatno da ima ideje, al ne može on napraviti pitu ni od čega. Znači, mislim da svi mi ovdje slažemo se u jednom da taj stadion treba da opstane, da jest ikona grada, bez obzira da li imali premijer ligaša ili nemali i to je druga politika, onaj, mi ovdje svi glasno trebamo reći o tome da iz Budžeta Grada treba da se izdvoje sredstva, da se urade, znači, ove stvari, odnosno ideje o kojima su većina vijećnika govorila, da se pomogne tom menadžmentu na način da im se da novac, da realizuju te ideje i da se na kraju krajeva, onaj, stvori profit, znači, od svega toga što bi bilo u sklopu stadiona „Tušanj“. Tolko. Hvala.

## ANA PEJIĆ

Zahvaljujem se.  
Zaključujem raspravu klubova vijećnika.  
Otvaram raspravu vijećnika.  
Vijećnik Mirnes Ajanović. Izvolite.

## MIRNES AJANOVIĆ

Nije kolega Ervin kriv što se javljam ponovo, jer imam određene zaključke, ali jest kriv što je dodatno asocirao na kultnost ovog stadiona. Pa hoću reć, tamo negdje osamdeset i neke, a vratiću se i u sedamdeset i neku, svaki dan 25 krugova samo zagrijavanja. Kasnije forsiranje, a onda nakon forsiranja, vježbanje borilačkog sporta, ko moj drug, ja ovdje ha hu, kung fu tad bio. Ja. A sad je hu ha. Ja. Tako da to asocira na potrebu stadiona u smislu javnog dobra. Nikog nisam morao da pitam. Svi koji su htjeli da dođu na stadion u bilo kakvom obliku udruženja, građani, pojedinačno, iz ovog je poenta ove priče. Mogli su doći koristiti stadion kao javno dobro, vlasništvo svih nas. E to je ta Titina država bila tad, iako tad nije ga više ni bilo. Al eto ostalo je to dijelom nasljeđe. A onda dok je bio Tito sedamdeset i neke radi tog stadiona, pa nije radi stadiona, al naljutio sam se na Tita, nas osnovce vježbali, pa i mjesecima za onaj slet i dođe vam slet, kiša ona još padala, mi bos, svi moraju bit bos, jednoobrazno. Izađemo mi tam slet nigdje Tita. Prevario nas. Ja nisam tad shvatao da on bude u Beogradu i tamo negdje, a ja očekivao biće i Tito ba, toliko nas maltretiraju da to mora bit ko vojska i nema ga, možetel mislit, razočarenje i ljutnje. A sad branim Tita. Ja. Maksimalno čak i ono nedavno na Face TV prije nekoliko dana. Ja. Gdje sam imao Ustašu s druge strane. Ja njemu kažem evo pola minute, reko meni nena reče, a nena čuvala Partizane na tavanu. Djed bio u Partizanima. Pričala mi o tome. O svemu. Kaže: „Četnik je Četnik, Ustaša je Četnik i po“. I kažem ja ovom Ustaši s druge strane. I kaže on: „Ja sam Ustaša i po“. Kolko je u tebi Četnika. Kako god kasnije rekao da je antifašista, dakle, uspjeli smo. Nije to bila emisija mržnje, nego obrazloženja od raznih stvari, o vrijednosti onoga što smo imali u onom periodu kada su nas svi poštovali i danas kad nemamo evo para da platimo osnovno nešto za stadion, da postoji neko mjesto gdje ćemo se razvijati fizički, intelektualno, družiti, razvijati sport i sve ostalo.

Zaključak. Direktore, tebi je upućeno. Više puta je ovo bilo u medijima. Ljudi su pravili i video prezentacije. Ozvučenje na pomoćnom stadionu. Dreči onaj trener. Onom psuje vako, onom nako. Onom govori ono, ovom ovo. Što si nesposoban, smotan. Imaš dvije noge. Vakve, nakve. Grmi to pored zgrada koje su samo nekoliko metara od pomoćnog stadiona. Jutarnji sati vakvi, onakvi, popodne. To ozvučenje mora prestat. Smislite način kako. Nek tiše bude. Znam, ne može čovjek vikati, al to mora biti primjereno, a ne da grmi, ne samo do tih zgrada od nekoliko metara, nego i više desetina metara. Imaju prezentacije video, gdje ljudi kažu, puste to i kažu: „Imal ovo smisla?“ Nema smisla.

Dakle, nekoliko zaključaka. Da se zadužuje uprava i menadžment i uključujući i direktora, naravno, da bez odlaganja preduzmu potrebne mjere ograničenja i racionalnu upotrebu jakog ozvučenja. Smanje to. Pogotovo kad je to ujutro. Ako to ne bude u razumnom roku, pod tačkom 1. predlažem da se Služba obavijesti za komunalne poslove i poslove mjesnih zajednica, ako treba inspekcije, da preduzmu potrebne mjere. Ta buka više ne smije bit. Može bit ograničena. Svako će tolerisat ograničeno, al da to grmi preko zvučnika, ne može. Preporučuje se uvođenje tehničkih organizacijskih rješenja, da se ograniči buka. Ako treba nek usmjeri se taj zvučnik prema dole il kako već smanji. O poduzetim mjerama i rezultatima nadzora, nadležna je služba. Dužni su izvijestiti Gradsko vijeće na jednoj od narednih sjednica. Jel to prošlo? Ja ću znat. Znat ćemo. Ovdje su čak neki naši iz Gradske uprave uposlenici koji

su javno otvoreno progovarali o tome, pa ću poslat ove zaključke da se ne mora kucati. Evo ovo je prijedlog zaključaka u vezi toga. Hvala.

## **ANA PEJIĆ**

Zahvaljujem se.

Da li se još neko javlja ispred vijećnika?

Vijećnica Dragana Berberović. Izvolite.

## **DRAGANA BERBEROVIĆ GAGRO**

Evo ovako. Ja bih se samo nadovezala na kolegu Dejana Kovačevića, na njegovu podršku i ideju da se pozovu privrednici i građani za podršku da se taj stadion uredi, da to bude jedno mjesto okupljanja, da pokušamo kroz neke različite izvore, znači, da utičemo i na kulturu posjete sportskih manifestacija, na kulturu ponašanja na sportskim manifestacijama. Na zapadu gdje god odete, vidjet ćete puno djece, puno žena, a ovdje ja kao žena da odem na utakmicu, osjećam se nelagodno od raznih psovki i neprimjerenog ponašanja.

Ono što želim da istaknem da smatram da treba Grad više da uloži u stadion, više da naša djeca i sportisti imaju bolje uvjete i uvijek slobodan pristup za trening. Inače sam zagovornik da sva javna poduzeća budu otvorena za građane. Naravno, smatram da bi trebali napraviti jedan apel za podršku, znači, da se taj stadion obnovi koliko koliko. Evo ja ću sa ove sjednice da se odrekнем svog paušala i da ga uplatim na račun Javne ustanove Stadion „Tušanj“, a nadam se da će i moje kolege da me slijede. Hvala.

## **ANA PEJIĆ**

Zahvaljujem se. Sljedeći za riječ se javio vijećnik Omer Berbić. Izvolite.

## **OMER BERBIĆ**

Fala ljepo. Pa vidite, u puno diskusija mi čujemo trebamo otić, trebamo pomoć, trebamo vam, trebamo tamo. Ja bi da pozovem evo kolege vijećnike, ali i menadžment, da evo nek menadžment svake javne ustanove ili preduzeća i ovo neka bude zaključak, neka odvoji jedan dan u idućih mjesec dana i neka pozove sve klubove vijećnika, odnosno sve vijećnike da dođu u posjetu Javnom preduzeću. Ako treba po klubovima, a ako ne, neka dođe kolektivno i da se obidu ti kapaciteti.

Ja sam to radio prije neke četiri godine i u svako preduzeće koje god me pozvalo, svima smo poslali e-mail. Ja sam otišao i pogledao sam sa kojim kapacitetima raspolažu i gdje eventualno možemo pomoć i šta možemo tražiti. Poprilično sam siguran da većina kolega, ovaj, koji nisu tu, hajd da kažem u Vijeću, nije obišla sva javna preduzeća, a mislim da se ima šta vidjeti i mislim da je jako interesantno da evo mi koji postavljamo, na neki način dajemo, koji postavljamo upravne i nadzorne odbore, odnosno dajemo je li saglasnost na njih, koji dajemo saglasnost na direktore da treba da budemo upućeni u ono šta se, kako je prije izgledalo, kako sada izgleda i zaista kada napravite neku komparaciju, mi kao ljudi generalno jako brzo zaboravimo kako je nekad nešto bilo, kada napravite jednu komparaciju sa stadionom „Tušanj“ prije tri godine i danas, ne može se reći da je to „nebo i zemlja“, naravno za „nebo i zemlja“ treba 30 miliona maraka. Al se može reći da su sitnice popravljene, ispravljene i da se ide naprijed i iz tog razloga ovaj zaključak. Dajete da svi vijećnici, evo da uzmemo da budemo odgovorni sami prema sebi i da obđemo ta javna preduzeća i javne firme i evo čisto da se vidi s koim kapacitetima se raspolaže i da se upoznaju direktori oni koji ne znaju direktore i to je ja

mislim neka, neka suština našeg rada, ovdje barem što se tiče javnih preduzeća i javnih ustanova. Fala ljepo.

**NEDŽAD JUSIĆ – zamjenik predsjedavajućeg  
Gradskog vijeća Tuzla,  
nezavisni kandidat – nacionalna manjina**

Ok. Hvala Omere. Kolega Mirel Mišković. Izvolite.

**MIREL MIŠKOVIĆ**

Evo složio bih se sa kolegom Omerom, znači, svi trebaju da obidu naše javne ustanove i naša javna preduzeća i da se upoznaju sa problematikom. Evo mi ispred Kluba DF-a dajemo jednu inicijativu o pokretanju izgradnje nacionalnog stadiona na Tušnju i evo u okviru te inicijative, u okviru tog zaključka dajemo ovaj svesrdnu pomoć sa kantona u kojim smo mi u vlasti, a očekujem i od ovih ostalih stranaka koji su na nižim i višim nivoima od toga, da i oni se uključe i daju svoj doprinos i da na takav način evo dođemo da svi zajedno sa Tuzlanskog kantona, koji smo negdje izabrani, na bilo kojem nivou, sjedemo za jedan okrugli sto i da svi kažemo šta ko može napraviti, da se napravi taj nacionalni stadion. Eto.

**ANA PEJIĆ**

Zahvaljujem se. Replika. Vijećnik Omer Berbić. Izvolite.

**OMER BERBIĆ**

Fala ljepo. Evo, ja bih upravo replicirao na ovo da se da inicijativa za nacionalni stadion. Mi smo kao Gradsko vijeće na moj prijedlog i dali jednu inicijativu prema Fudbalskom savezu. Dal će to biti išta? Vjerovatno neće. Ali se slažem i drago mi je da vidim ovu širokogrudnost Demokratske fronte, Kluba Demokratske fronte gdje oni pozivaju da se mi svi ujedinito i upravo to je bila suština moje prve rasprave kad sam zatražio od službe i od direktora da vidimo koliko je predračun radova, jer ako ćemo mi davati milion il dva, a predračun nam bude 30 miliona, to je kap u moru, mi od toga nemamo ništa. Bolje išta nego ništa, naravno, ali ako idemo prema nacionalnom stadionu, prema jednom sistemskom rješenju, velikom rješenju. Mislim da trebamo dobiti predračun radova, kada dobijemo predračun radova, vrlo rado idemo da sjednemo, da vidimo kako će se to napraviti. I na kraju krajeva, barem moje mišljenje, bolje da, ako se ide u izgradnju, da se ide u izgradnju kroz javno privatno partnerstvo, kroz saradnju sa privrednicima, da mi ne moramo davati pare građana koje mi kroz budžet raspoređujemo, nego da vidimo dal privrednici imaju tu interesa, ali u svakom slučaju pohvaljujem širokogrudnost kolege, ovaj, kompletnog Kluba i mi kao Klub Naše stranke, naravno, to svesrdno prihvatamo i drago mi je evo da se nastavlja na ovu našu inicijativu jedna, jedna jako lijepa priča i da će Kanton prvi put dati pare za tuzlanski sport, za tuzlansku Slobodu, ukoliko se to naravno ispostavi kao činjenično to što ste vi to rekli. Fala ljepo.

**ANA PEJIĆ**

Zahvaljujem se. Da li se još neko javlja ispred vijećnika?

Zaključujem raspravu vijećnika, kad je u pitanju izvještaj Javne ustanove Gradski stadion „Tušanj“ Tuzla.

Otvaram raspravu klubova vijećnika za izvještaj JAVNE USTANOVE TUZLANSKA RAZVOJNA AGENCIJA „TRAG“.

Ispred Kluba vijećnika SDP-a javila se vijećnica Svjetlana Kakeš, a zatim neka se pripremi vijećnik Omer Berbić.

### **SVJETLANA KAKEŠ**

Hvala predsjedavajuća. Izvještaj o radu i poslovanju koji smo dobili od Razvojne agencije „Trag“, odnosno rezultati koji se nalaze u ovom izvještaju, potvrđuje opravdanost osnivanja Agencije, odnosno ispravnost odluke gradonačelnika da Gradskom vijeću predloži Odluku o osnivanju Tuzlanske razvojne agencije, koje je prošli saziv Gradskog vijeća jednoglasno usvojio prije možda godinu i po.

Ovakav model osnivanja razvojnih agencija nije nov i već je prepoznat u našem okruženju, naročito u Republici Hrvatskoj, gdje skoro svaki grad odnosno županija imaju svoje razvojne agencije. I u BiH unazad nekoliko godina djeluje nekoliko razvojnih agencija, čiji su osnivači općine i gradovi ili kantoni.

Grad Tuzla je dosad imao zavidne rezultate u pripremi realizacije međunarodnih projekata, međutim, kako se vremenom otvara sve više mogućnosti za apliciranje u razne fondove, kako EU, tako i domaćih, osnivanje Razvojne agencije kojoj bi ova oblast bila primarna, a ne dodatno poslovanje, došla je u pravom momentu i gradonačelnik Lugavić je predložio mudru, a s obzirom da je došlo u prvoj godini njegovog mandata, rekla bih i hrabru odluku za osnivanje još jedne nove javne ustanove.

Sve pohvale direktorici i uposlenicima na postignutim rezultatima. Impresivan je broj dobijenih projekata i ostvarene finansijske i druge koristi za Grad Tuzlu i za javna preduzeća i javne ustanove, čiji je osnivač Grad Tuzla, a u konačnici za dobrobit za naše građane i privredu. Sve ovo je kao što je i direktorica istakla, a vidjeli smo to u izvještaju, postignuto sa samo četiri zaposlenika, odnosno, u prosjeku tri, jer je do avgusta, znači, više od pola godine, u Agenciji pored direktorice bio uposlen samo još jedan izvršilac na određeno vrijeme.

Očekivanja od osnivanja Agencije su bila velika i ovaj mali tim ih je za vrlo kratko vrijeme prevazišao. Međutim, kako bi se postigli optimalniji uvjeti za još bolje korištenje kapaciteta koje jedna Razvojna agencija treba imati, smatram da im treba dodatna podrška, baš kao što smo evo malo prije pričali i o pružanju podrške Javnoj ustanovi Stadion „Tušanj“.

Kad govorimo o Razvojnoj agenciji „Trag“ tu prije svega mislim na jačanje ljudskih kapaciteta, te predlažem da jedan od zaključaka Gradskog vijeća bude, da se od gradonačelnika i nadležnih službi traži da u skladu sa mogućnostima obezbijede finansijske i druge pretpostavke...(ANA PEJIĆ – Samo malo sporije da može stići). Poslaću. (ANA PEJIĆ – Poslaće). Obezbiđede finansijske i druge pretpostavke za popunjavanje upražnjenih radnih mjesta u okviru postojeće sistematizacije Razvojne agencije što prije, a najkasnije u okviru budžeta Grada Tuzle za 26-u. Svi smo vidjeli u izvještaju da je prihod Agencije iz budžeta Grada, da je iskorišteno oko 150.000, a dobrobit koju je obezbijedila svojom aktivnosti je veća od četiri i po miliona maraka.

Naime, da bi mogli učestvovati u javnim pozivima za EU, IPA i druge međunarodne fondove i programe, putem kojih se mogu dobiti značajnija sredstva, čak i od ovih koja su nam ovdje prezentirali, najčešće je jedan od uslova da aplikant ima najmanje dva usvojena finansijska izvještaja. To znači da će „Trag“ iduće godine u ovo vrijeme tek tada biti kvalifikovan da učestvuje u ovim velikim, ali i jako zahtjevnim projektima. Kako bi bili spremni za to, po mom mišljenju već sada treba razmišljati o jačanju postojećih ljudskih kapaciteta, da bi najkasnije do sredine naredne godine imali proširen tim koji će moći odgovoriti tim očekivanim izazovima.

Napominjem da se u ovim projektima najčešće može planirati i obezbijediti pokrivanje troškova plata angažovanih na realizaciji projekata, tako da najvjerovatnije to ne bi ni bio trošak dodatni teret za budžet Grada Tuzle.

Drugi zaključak. Evo direktorica to nije spomenula, ali ja znam da Agencija ima kao novoosnovana ustanova ne posjeduje ni jedno putničko službeno vozilo, a kao što smo vidjeli iz izvještaja, a i sami možemo pretpostaviti da ova vrsta poslovanja zahtjeva stalnu komunikaciju, službena putovanja, komunikaciju kako na području grada, tako i Bosne i Hercegovine, pa i čak na preko graničnim područjima, te predlažem zaključak da se u okviru budžeta Grada Tuzle, kao osnivača, iznađu mogućnosti za obezbjeđenje sredstava za nabavku službenog putničkog vozila za potrebe poslovanja Agencije.

Ne smatram ovo, nadam se da me nećete pogrešno shvatiti nikakvim luksuzom, jer ovo je zaista neophodno sredstvo za rad i mislim da bi naša vrsta podrška u ove dvije aktivnosti, odnosno, kroz ova dva zaključka urodila još boljim rezultatima rada Razvojne agencije „Trag“.

**ANA PEJIĆ**

Zahvaljujem se. Sljedeći za riječ javio se vijećnik Omer Berbić. Izvolite.

**OMER BERBIĆ**

Fala ljepo. Ovo je jedna od stvari na koju sam najponosniji. Ja sam ovo kao inicijativu predao u prvoj, drugoj, trećoj godini mandata i onda kada je došao novi gradonačelnik Zijad Lugavić, on je ovo i sproveo u djelo. I jako mi je drago zato što sam ja trubio na sve strane kako nam ovo treba, a sada vidimo efekte i rezultate toga, kao što je rekla ovaj gospođa Svjetlana. Preko četiri miliona maraka smo mi prihodovali. Preko četiri miliona maraka smo prihodovali, a mislim da je nemoguće naći firmu koja ima toliku dobit, načelno kažem, toliku dobit, ali to su četiri miliona maraka ili malo više od 4,3, 4,6, ali imamo troškove i onda to dođe na jedan nivo. Jako je teško naći firmu koja ima ovakve poslovne rezultate i zaista se vidi da je to postavljeno na zdrave noge.

No, međutim smatram da bi se moglo napraviti bolji poslovni rezultati, s obzirom da smo mi i to je tada bio zaključak kad smo osnivali, mislim da to stoji u Statutu firme, da je ovo firma koja treba ne samo da se bavi javnim pozivima, odnosno, apliciranjima za projekte u ime Grada i u ime javnih preduzeća i javnih ustanova, nego ova konkretno Agencija treba da se bavi i pregledanjem projekata od strane privrede. Znači, kada privreda, naše nevladine organizacije ili neko drugi, treći napiše projekat, ideja je od početka bila da odnesu u „Trag“ i da „Trag“ pregleda taj projekat i da vidi da li je to u skladu sa svim normativima da nas ne bi naše firme tuzlanske, javna predu...odnosno firme, nevladine organizacije i tako dalje, da ne bi odbijali radi sitnica, radi gluposti, kao što se to teško može, teško vidi...često vidi i kao što je to često slučaj.

Zato evo jedan zaključak da se još jednom razmotri da „Trag“ osim što se bavi ovim djelatnostima kojim se bavi da se otvori prema privredi i prema nevladinim organizacijama i da tu svoju uslugu naplaćuju, da to fakturišu. Ne može naravno biti besplatno, ali ono može biti sto, dvjesto maraka za manje projekte. Za veće petsto do hiljadu. Za najveće od hiljadu do tri hiljade i tako dalje. I samim tim da pomognemo našoj privredi i našim nevladinim organizacijama da što više novca dođe u Tuzlu. Kada dobar dio novca dođe u Tuzlu, naravno, on se preraspodjeli našim ugostiteljima, restoranima, ljudima koji tu žive i tako dalje. Tako da je to jedno razmišljanje i mislim koje je za dobrobit svih nas i mislim da bi to bilo izuzetno bitno u ovom trenutku da vidimo kako možemo povući, jer vidimo da se dešava da je sve više međunarodne pomoći, da se povlači iz Bosne i Hercegovine ono što je ostalo. Mislim da će nam se desiti da će ogromnu većinu toga povući Sarajevo, ali zašto ne bi iskoristili naše

unutarnje kapacitete iz Tuzle, da mi povučemo određeni dio tog kolača. E zato ovaj dio i ako treba da se uposli još jedna osoba koja će raditi samo za privredu, dajte da damo podršku, da damo vjetar u leđa, al naravno gdje će se to fakturirati i gdje će ta osoba biti samo isplativa. I naravno ta osoba osim što pomaže, treba i da lobira. Treba da ima kontakte gore u Evropskoj Uniji. USAID se sad povukao, ali British Council i ostalim donatorima i da vidimo kako možemo što više novca, naravno da ne govorim sad o federalnim, državnim institucijama i kantonalnim, da vidimo kako možemo što više novca za tuzlansku privredu povući kroz ovu Agenciju. Zato ponavljam još jednom. Jako mi je drago da je ovo došlo od ideje do realizacije. Jako mi je drago da je gradonačelnik Lugavić jedna širokogrudna osoba koja vidi kada je dobar projekat i to sprovede u djelo i evo nadam se da će onaj naš razgovor da ovo postane i zona privrede, odnosno, pomoć pri privredi doći u realizaciju i da će zajedno sa menadžmentom „Traga“ ovo dovesti na taj nivo. Fala ljepo.

## **ANA PEJIĆ**

Zahvaljujem se. Sljedeći za riječ se javio vijećnik Mirnes Ajanović. Neka se pripremi vijećnik Dejan Kovačević.

## **MIRNES AJANOVIĆ**

Svi nešto previše hvale, pa ispade da moram i ja. Nije da nije. Al ja sam ovo malo drugačije planirao, gledajući ovo Tuzlanska razvojna agencija, pa „Trag“. Gdje nađoše ovo „g“? Ja, neko ko reče Grad, onda Tuzlanska razvojna agencija Grad. Onako. Trag ostavio trag. Pa i u nazivu. Negdje u prezentacijama. Pa bio sam ja ovo malo napravio, ako je razvoj grada uređenje igrališta u Rapačama ili ova za LED rasvjetu u Kuglani, onda smo se pretvorili u sanaciju aspiracija faza jedan, jer je tek počelo. Pa neću. Da ovo, ne uzimajte u obzir. Malo drugačije, hajde de. Imamo izvještaj Agencije koja evo prvi put dostavlja izvještaj i to treba s te strane onda podržati, u smislu da je dobro. Sa razumijevanjem, pa i odgovornim interesom za dalji pravac razvoja i svega. I zato kao Vijeće možemo malo kritikovati u smislu da bude još kvalitetnije, jer ako na početku govorimo divno, dobro, idealno, 53 projekta, 4,6 miliona, onda to može se uspraviti u smislu dobro je ovo, što ću ja bolje. Kod nas je to tako, jer ako bude bolje, onda može bit treće, joj vidi ti to nešto dobro, ovako, onako, hajmo mi to uzet sebi. Neko drugi. Zato malo, recimo, evo sugestija. Izvještaj jeste urađen dobro tehnički, iako je prvi put dosta dobro, među uređenijim ovim izvještajima, forma zadovoljena, sistematizacija prisutna, projekti pobrojani, jasno predstavljeni. Mora se iza forme tragati i za stvarnim sadržajem, za efektima koji se još dodatno mogu osjetiti, jer može još kvalitetnije i bolje, al to naravno će ići kroz iskustvo, koje samo po sebi čini funkcionalnost svih ovih radnji i svega onoga što radi čovjek bez iskustva. To nešto ispade na početku kako ću ja to, šta, a onda kasnije vidiš da ide i onda ostali gledaju vidi kako on zna, al to on zna zato što je prošao to iskustvo. Pa i kad se na mjesto predsjedavajućeg zarotira zamjenik koji tek počinje, malo ispadne kao nezgraplan dok to sve uđe, koja tačka, kako predložiti, u odnosu na predsjedavajuću koja već ima veoma dobro iskustvo, onda to ide, teče funkcionalno. Ali ništa to nije lošije ni kad zamjenik preuzme jer je to iz neiskustva, tek kreće, prvi put, sasvim logično. Tako da i ovdje iz ovih razloga govorimo o ovom prvom izvještaju na ovakav način da ne bude samo hvala, nego treba dakle, većina infrastrukture treba zahvatiti sanaciju, popravku, nabavku opreme. Treba inicirati strateške investicije, stvarati ambijent za privredni rast i to, što da ne. Sve je to agencija, Razvojna agencija. Valjda nećemo sad previše tražiti dal tu ima ozbiljnih investitora, još ozbiljnijih, formiranje i tih poduzetničkih inkubatora. Već imamo jedan. Ubrzanje digitalizacije Gradske uprave do jedne granice. Kad god kažemo digitalizacija, odnosi se na ovo samo usporedno. To ne smije biti apsolutno, jer je apsolutno u suprotnom odnosu na ono što je prednost

digitalizacije, teror i anarhija. Onog trenutka kad nas pod plaštom digitalizacije dovedu da nam uzmu i novac iz džepa i pretvore u te nekakve kodove, onda smo zavisni od tih koji upravljaju tim kodovima. Evo dešavalo se da nestane energije. Ne možete pristupiti računu. I to je normalno, al kad neko kao što je bilo u Kanadi, kada su bukvalno zabranili plate samo isključenjem računa onim kamionima koji su se borili za živote svih nas protiv onog Covid terora, anti Covid terora tačnije. Sutra neko može tu digitalizaciju iskoristiti na način da nas isključi, da ne možeš kupit hljeb djetetu, pa da budeš sluga onih koji odlučuju hoćeš li da živiš. Dakle, ja dok sam ovdje, ta digitalizacija, gdje god bude, neće proć. Po svaku cijenu. Može do forme dok imamo slobodu. Ali ako bude apsolutna nama se oduzima sloboda, a sloboda jeste i ta marka u džepu, dvije, koliko je sad hljeb već poskupio, da mogu kupiti to, a da me niko ne može isključiti da ne mogu kupit. Može. Preko toga, ne može. Ili ovo, ali otom potom, to ću drugi put, one B5G transmiere i ja ne znam po Tuzli, morat ću pitanje sljedeći put, imal toga, jer oni to postavljaju da i ne znamo. Nek idu s optičkim kablom gdje god hoće, a evo predložit ću nek ide i kroz, vezano je za ovo sve, digitalizacija kako. Al ako nam budu ugrađivali te transmiere od 5G na način da nas mogu kako hoće kontrolisat po pitanju našeg zdravlja i svega, opet će se naić na brutalan otpor, e tako, da ne mogu sad, al sljedeći put ne smijem zaboravit, kroz inicijativu i pitanje, ima li toga u Tuzli? Jesu li postavili na način da to zrači? A čim zrači, ne može bit dobro.

Da se vratim, dakle, zaposlenim, evo planirano devet, četiri je, može bit da je eto dosad racionalno, da nose teret svi oni, ali razumljivo je to, opet teret za ljude. Ako hoćemo rezultat onda moramo i uložiti i prihvatiti da i bude više ljudi i dato bude lakše i da ne bude teret samo na jednim il na ovih četvero. Imamo interes da ova Agencija uspije. Evo imamo i pohvala i nekih uslovno konstruktivnih kritika. Potrebno je dalje kadrovsko osnaživanje, stručno osnaživanje, jasni ciljevi, mjerljivi rezultati, dakle, da ovaj „Trag ne ostavi samo trag u prezentacijama, powerpintu, slajdovima, nego u stvarnom terenu, nova radna mjesta. Novi pokrenuti biznis. Moderne javne usluge i osjetan privredni rast. U svakom slučaju ja nisam rekao na početku, ja ću podržati sve ove izvještaje, a ovo je samo moj stav kako da to bude bolje. Hvala.

## **ANA PEJIĆ**

Zahvaljujem se. Sljedeći za riječ javio se vijećnik Dejan Kovačević. Izvolite.

## **DEJAN KOVAČEVIĆ**

Hvala predsjedavajuća. Evo ko što je u svom izlaganju kolega Omer Berbić, onaj, naglasio da je u svom prošlom mandatu Gradskog vijeća Grada Tuzle podnio inicijativu za osnivanje ovakvog jednog, ovakve jedne javne ustanove uz sve pohvale. Ono što je bitno da je naš gradonačelnik Zijad Lugavić prepoznao ovakvu inicijativu i pokrenuo procese da se ona organizira i osnuje i ovom prilikom bih se htio zahvaliti prvenstveno evo gradonačelniku Zijadu, gradskim službama, evo i kolegi Omeru, što se dosjetio da podnese takvu inicijativu.

Šta reći o Razvojnoj agenciji „Trag“? Ovo je primjer kako se radi. To su ljudi koji znaju radit svoj posao. To su ljudi koji prate sve javne natječaje i sve projekte. Ono što mene raduje u njihovom izvještaju, u stvari izvještaju direktorice, pored nacionalnih projekata, tj. javnih natječaja, oni realiziraju i prijavljuju se na javne...na evropske, ove...javne natječaje i realiziraju projekte Evropske Unije, tj. povlače sredstva, prave input upravo ovdje u našu lokalnu zajednicu. Oni koji se bave projektima i javnim natječajima razumiju što to znači, od grantova pa nadalje.

HDZ Bosne i Hercegovine u svojoj izbornoj kampanji, ovdje u Tuzli, u prošlim izborima je se zalagao za gospodarstveno razvijeniiju Tuzlu. Ovom prilikom evo mogu reći,

obećati da Razvojna agencija „Trag“ Tuzla ima punu potporu HDZ-a Bosne i Hercegovine sa svih razina krećući od Gradskog vijeća Federacije, te države i ovaj, dajemo im punu potporu i naravno evo HDZ Bosne i Hercegovine će da ovaj dati potporu i usvojiti izvještaj i tu smo uvijek na raspolaganju.

Još jednom sve pohvale direktorici i uposlenicima Tuzlanske razvojne agencije „Trag“ i nadam se ovaj da će uposliti još više ljudi, njihove vizije i da će se i dalje razvijati. Evo još jednom sve pohvale i hvala.

**ANA PEJIĆ**

Zahvaljujem se. Sljedeći za riječ javio se vijećnik Nedžad Jusić. Izvolite.

**NEDŽAD JUSIĆ – zamjenik predsjedavajućeg  
Gradskog vijeća Tuzla,  
nezavisni kandidat – nacionalna manjina**

Eh, hvala kolegice. Ja ću pokušati što kraći da budem, jel su mnoge kolege i kolegice rekli, al bih samo ovo istakao kolegica Svjetlana što je govorila, ko da smo zajedno dogovarali šta će ko reći, jel maltene u 100% se poklapaju naše diskusije i određeni zaključci koji bi trebali da se usvoje u narednom periodu i moja ide puna pohvala, što se tiče prvenstveno menadžmenta, jel pazite, možemo mi osnovati šta god želimo, ukoliko nemamo ljude koji to vode, to na neki način neće funkcionisati na pravi način.

Direktorica Amra je izuzetna osoba koja zna raditi svoj posao i evo to govore njezini rezultati, a to je 53 projekta. Ja znam kako je dobiti 53 projekta u toku jedne godine, jel i ja sam takođe na neki način uključen u apliciranje kroz određene projekte i znam kako je na kraj krajeva dobiti određen projekat i ja želim punu sreću za ove naredne evropske projekte koje trebate dobiti. Ja sam siguran u tome da će biti pozitivno mišljenje i da ćete realizovati u narednom periodu i te projekte. Neki projekti i pored godinu, dvije i tri godine znaju se čekati rezultati od pojedinih projekata, al to su projekti, veliki projekti. To nije 10 hiljada, 20, 50 hiljada. To je više i više, ovaj, što se tiče finansijskog sredstva. Meni je vrlo drago.

Ja sam se stvarno pito moram biti iskren, da li vi pomažete javnim institucijama, odnosno, ustanovama i preduzećima za apliciranja. Vidim iz izvještaja da pomažete i da radite i da ste sa nekim institucijama već realizovali određene projekte i to je dobro.

Takođe na stranici 11. stoji da ste informisali javne ustanove, preduzeća o nekim javnim pozivima, projektima na koji bi oni sami mogli aplicirati. Ne treba mi odgovor. Možda možete u nekoj pisanoj formi, u nekom narednom periodu. Da li imate povratnu informaciju? Da li su te javne ustanove, odnosno, preduzeća sami aplicirali i dobili finansijska sredstva da realizuju projekt? Između ostalog, imamo neke informacije da neke javne ustanove i preduzeća čekaju samo grantove neke od Grada ili nekih drugih viših nivoa vlasti, ne apliciraju na određene projekte, iako su ti projekti otvoreni baš za takve institucije. Nažalost, ne apliciraju. Imaju ono što imaju i zbog toga.

I još jednom. Sve pohvale za aktivnosti i puna podrška zaključcima koje su sve kolege iznijele i naravno da ću ja podržati ovaj izvještaj. Hvala.

**ANA PEJIĆ**

Zahvaljujem se. Sljedeći za riječ javio se vijećnik Senad Mehmedinović. Nema ga. Evo vijećnik Šefik Husić je sljedeći za diskusiju se javio. Odustajete. Vijećnik Denis Bećirović. Izvolite.

## DENIS BEĆIROVIĆ

Hvala predsjedavajuća. Evo ja ću se nadovezati na ovo što je gospođa Svjetlana Kakeš afirmativno dakle rekla. Jeste, vozilo je dakle stvar potrebe i ovi ljudi koji su odradili ovoliku količinu posla u prethodnom periodu zaista trebamo im na sve moguće načine olakšati rad.

Ono što bih ja htio da nadovežem na ovo jeste dakle da se u sklopu ove Razvojne agencije formira tim za privlačenje stranih investicija, dakle, kad već imamo ove ljude. U redu je pričati o nevladinom sektoru. U redu je pričati. Ovo je pohvalno povlačenje EU projekata, ali ako bi uspjeli da formiramo...(ANA PEJIĆ – Izvinite Denise, samo malo. Izvinite samo sekundu što vas prekidam, nadoknadit ću vam vrijeme svakako. Pročitajte samo molim vas obavijest na vratima tamo s vanjske strane. Hajde molim vas od prethodne sjednice stoji obavijest, pa zbog toga, ovaj. Izvinite Denise. Nastavite. Izvinjavam se što sam vam oduzela minutu vremena).

Dakle, evo prijedlog dopune zaključka, dakle, da se u sklopu Agencije formira i tim za istraživanje stranih investicija, ali i privlačenje stranih investitora na području grada Tuzle, Tuzlanskog kantona, dakle, Tuzlanske regije čitave. Zašto? Prvo imamo pristup energentima, struja, vodovodna mreža. Dakle, riješili smo. Jako blizu smo Evropske Unije. Ono kad pogledamo dakle da evropski giganti kao što su VW, Porsche, Mercedes, dakle, Daimler-ova grupa, Stellantis, dakle, imaju problema s tim što su njihovi pogoni u Kini i oni sad traže alternativu. Ako alternativa treba da bude između Bosne i Hercegovine i Bugarske, dajte nek bude u Bosni i Hercegovini, a onda ćemo imati jedan alat više da kažemo i federalnim vlastima, dakle, da autoput Tuzla - Orašje treba što prije da se uradi. Brza cesta. Da se poveću Tuzla-Sarajevo, dakle, imat ćemo više argumenata. Onda željeznica. Aktiviranje željezničkog saobraćaja. Aktiviranje, odnosno rješavanje graničnog prijelaza gore na Gunji, onog mosta željezničkog koji nije završen još uvijek. Dakle, evo još jedna šansa gdje možemo iskoristiti dakle, inkorporirati, dakle, i naš Univerzitet koji školuje tehničke kadrove, tehničkih struka koji mogu zaista da u dogledno vrijeme odgovore i najzahtjevnijim zadacima. A to su naši ljudi i pokazali gore u inostranstvu, pa evo sad fala Bogu polako i vraćaju se u Bosnu i Hercegovinu. Ja ću spomenuti evo i iskoristiti priliku da ih pozdravim. Moja kolegica sa fakulteta Selma Kunosić radila u Škodi, radila u Audiju, dakle, u VW-u, sad je tu u Bosni i Hercegovini. Dakle, druga kolegica Samra radi za Volvo. Obje su završile Mašinski fakultet. Jedna je završila Odsjek za mehatroniku. Druga energetski sistem. Dakle, mi imamo ljude koji znaju raditi. Imamo ljude koji su visoko školovani. I dajte da ta velika preduzeća koja sreću traže na Istoku, dajte da im napravimo uslove da ovdje budu. A mislim da je sad pravo vrijeme ovih ljudi koji su evo četiri i po miliona maraka za godinu dana doveli u Tuzlu. Hvala.

## ANA PEJIĆ

Zahvaljujem se. Senade, da vas pitam. Da li ostajete pri svojoj diskusiji ili? Ostajete. Izvolite, onda pošto niste bili malo prije u sali, pa zbog toga. Izvolite.

## SENAD MEHMEDINOVIĆ

Eh, hvala ljepo. Prije svega, u potpunosti podržavam sve one koji nameću sredstva. Najlakše je potrošiti novac, a najteže je doći do tog novca, tako da podrška prije svega Razvojnoj agenciji „Trag“ i zaista ostavljaju trag iza sebe i ono što se može vidjeti iz dokumenata koji su objavljeni, a tiče se ove Razvojne agencije, jeste da ona aktivno učestvuje u pripremi i implementaciji projekata.

Drago mi je što svi afirmativno evo kako vidim govorimo o ovom izvještaju, ali se i postavljaju ovdje visoki standardi za Agenciju u narednom periodu. Najlakše je nama ovdje

sad iz ugla vijećnika govoriti šta treba uradit, kako treba uraditi, a neophodne osobe koje to treba da odrade su ljudski resursi. Znamo svi dobro, koji iole imamo dodirne tačke sa pisanjem projektnih prijedloga, šta znači prvo pronaći potencijalnog donatora, šta znači napisati projektni prijedlog prema različitim metodologijama, neovisno da li se to radi o lokalnom, kantonalnom, državnom, međunarodnom nivou. Metodologije. Lotovi su veoma različiti, tako da ovo što ovdje vidimo u Razvojnoj agenciji „Trag“ je nešto kada se okrenu iza sebe i sad govoreći riječnikom pisanja projektnih prijedloga, vidljivi su kvantitativni indikatori. Znači, najlakše je reći, mi ćemo nešto uraditi, a najljepše je vidjeti šta stoji i šta je rezultat iza nekog postojanja. Iz ovog izvještaja možemo vidjeti da postoji visok stepen proaktivnosti, definitivno operativne efikasnosti i strateške orijentacije u smislu djelovanja ove Agencije.

Drago mi je što sam bio u sazivu vijećnika koji su glasali za osnivanje ove Agencije. To je prošli saziv Vijeća i bilo je tu još mnogih izglasanih tačaka za koji sam ja lično ponosan, ne govoreći sad Statut Grada Tuzle i tako dalje i tako dalje. Dakle, radilo se u prošlom sazivu Vijeća.

Ja mislim da je „Trag“, hajd sad da ne govorim, da ne hvalimo previše. Neka. Rodilo se, pa idemo polako po psihomotornom razvoju, znači, sjedenje, hodanje, pa puzanje i tako dalje i tako dalje, ali mislim da je jedna od ključnih karika u razvoju grada Tuzle i mogu se ponositi s ovim rezultatom koji su ostvarili. Znači, aplicirati sa 110 projekata. Ja ne znam koliko neko ovdje ima iskustva sa pisanjem projektnih prijedloga. Ja sam se uplašio kada sam vidio ovaj broj. I zaista me, na osnovu ovog broja mogu samo zaključiti da ovi ljudi ne rade osam sati dnevno. Znači, nemoguće je ovih 110 projekata napisati za ovaj period kad mi čujemo kada je došlo i kada je popunjeno sa četiri ova radna mjesta. Znači, ovo je, vjerujte mi jedan ozbiljan rad Agencije. Od toga 90 nacionalnih i 20 međunarodnih. A kada se radi projektni prijedlog za međunarodne aplikacije, dnevno po tri Kafetina treba popiti otprilike, kako bi se evo neke četiri, kako bi se napisao projektni prijedlog, pa sad, na primjer, koliko to sve postaje komplikovano. Nedavno je raspisan javni poziv Federalnog ministarstva obrazovanja i nauke, gdje je aplikacioni obrazac na skromnih 11 stranica. Znači, samo da uzmete da opisujete imena učesnika, da ne govorim osmišljavanje projektnog prijedloga, specifičnih ciljeva, opštih ciljeva, hodograma i tako dalje, je ogroman budžet, posebna priča, naročito teško dobiti, još teže opravdati sredstva.

Drago mi je da su odobrena 53 projekta, ukupne vrijednosti skoro 5 miliona Konvertibilnih maraka i najviše sredstava je u stvari povučeno za infrastrukturu, što je direktno vezano za strateške ciljeve grada Tuzle. Iz ovog izvještaja se može vidjeti isto, a što možda nedostaje, što treba aktualizirati na nivou Gradske uprave, jeste proaktivna institucionalna saradnja, tj. aktivna saradnja sa različitim gradskim službama, preduzećima, ustanovama i potencijalnim donatorima i to uvijek nedostaje u smislu apliciranja prema različitim donatorima, uspostavljena baza podataka o projektima, fondovima, partnerima, dakle, ova Agencija „Trag“ može da bude i resursni centar za dobijanje neophodnih informacija vezano za javne pozive. Dakle, ako ja kao sad ne više mlada osoba, ali neko ko želi da piše projektne prijedloge, a ne znam kako da pronađem donatora, dobro bi bilo, ja ne znam dal to već ima na web stranici ove Agencije, da se ode i da se vidi na jednom mjestu koji postoje potencijalni donatori i javni pozivi za...Zašto, na primjer. Evo kod nas na fakultetu imaju studenti koji žele da budu proaktivni. Nemaju nevladine organizacije, ali žele da apliciraju sa projektima koji su na nivou lokalne zajednice, a ne znaju gdje i kako to da urade. I to bi bilo dobro za i neformalne. Dakle, podrazumijevam ovdje i neformalne grupe građana. Ovo izuzetno može biti dobro za njih. Na primjer, grupa građana Mjesne zajednice Batva, Mjesne zajednice Kiseljak, Husino, imaju neku ideju, žele da urade nešto dobro za svoje mjesto, ne znaju gdje da apliciraju, odu na ovu web stranicu, vide gdje su javni pozivi i onda ako treba da se pomogne i toj neformalnoj grupi građana za apliciranja projektne prijedloge, da ne govorim da ova Agencija može da drži i vjerovatno će držati ako već nije, edukacije različite iz pisanja projektnih prijedloga. Ja da se

pitam, na primjer, na nivou univerziteta, pa čak i srednjih škola, obavezan bi bio, hajd ne mora bit, evo može bit izborni predmet, pisanje projektnih prijedloga, jer je to način kako neko može dodatno da nametne sredstva za instituciju u kojoj radi. Nisam pristalica rada od 8 do 4. Imam svoju platu i to je to. Ne. Da se proaktivno uključi, da se nametnu neka sredstva i naravno kroz to se mogu realizovati neke stvari, a i dodatno zaraditi.

Izgrađena je transparentna i digitalna infrastruktura u smislu na web stranicu koja je već postojeća. Otišao sam sam tamo gledao i imam jedan prijedlog, a on se tiče u smislu uklanjanja komunikacijskih barijera za osobe za slijepa i slabovidna lica. Zamolio bih predstavnike Agencije da pokušaju i da pronađu taj takozvani software jobs, koji se naziva i koji se instalira kao softversko rješenje, kako bi na primjer, mi imamo udruženja slijepih i slabovidnih lica, koja bi isto želila da dobiju neke informacije, al sad ne mogu da je dobiju s ove web stranice i evo neki prijedlog da u budućnosti se to uradi, a može po modelu rješenja web stranice Grada Tuzle, gdje sam to isto predložio. To je usvojena inicijativa i sad kada se ode na web stranicu Grada Tuzle, ona je prilagođena za slijepa i slabovidna lica i mislim da je to lijepa poruka prema i osobama sa invaliditetom.

Uspostavljena organizacija kadrovska struktura jest kasno, al imamo četiri zaposlena i pozitivno revizorsko mišljenje. Eksterna revizija potvrdila je tačnost i fer prikaz finansijski izvještaj, tako da lijepo radite. Nastavite ovako. Ne trebamo previše hvaliti, al očekujemo da će ovo biti, što će biti što manje apliciranih projekata, što veći broj dobijenih sredstava. Hvala lijepo.

**ANA PEJIĆ**

Zahvaljujem se.

Zaključujem diskusiju klubova vijećnika.

Otvaram diskusiju vijećnika.

Vijećnik Samir Mulaosmanović. Izvolite. Senade, samo mikrofoni.

**SAMIR MULAOSMANOVIĆ**

Hvala Senade. Hvala predsjedavajuća. Ma ja ću kratko, pošto su svi sve rekli, ovaj, Javna ustanova Tuzlanska razvojna agencija „Trag“, izvještaj o poslovanju za 2024. Prvo 2, pa onda 4 zaposlena. 4,6 miliona. Kapa do poda. Aferim.

Stvarno, svim srcem vam želim da čim prije prođe 2025. pa da imate i drugi finansijski izvještaj pozitivan. Da se onda ponovo naoružate sa ljudima i krenete u prave bitke, a to je evropski fondovi i da nam donesete što je moguće više para, jer tu su prave pare, a u principu za ulazak u taj krug trebaju vam dva finansijska pozitivna izvještaja, tako da od srca vam to želim i ovo je stvarno fantastično. Hvala.

**ANA PEJIĆ**

Zahvaljujem se. Sljedeći za riječ javio se vijećnik Mirza Malkočević. Izvolite.

**MIRZA MALKOČEVIĆ**

Hvala predsjedavajuća. Evo i ja ću pokušat da budem kratak. S obzirom da ja dolazim jednim dijelom iz endžio sektora znam koliko je teško pisati projekte, koliko truda i rada treba se uložiti samo u jedan projekat, samo pisanje, pa tek onda realizaciju i sve ostalo. I puna podrška stvarno i svaka čast na dosadašnjem radu, ovaj, nastavite tako i nadam se da ćemo sljedeće godine da imate minimalno 10 zaposlenih i milionske, milionske, ovaj, projekte, ali

evo samo jedna, jedan poziv svim našim javnim ustanovama i preduzećima da se slobodno obrate ovako jako dobroj, dobroj ekipi i da zajedno s njima apliciraju na projekte, jer vidimo u nekim izvještajima da nisu baš toliko voljni da apliciraju na bilo kakve projekte, al kad imaju ovako stručne ljude i ovakvu ekipu koja radi za dobrobit cijelog grada, mislim da bi bilo vrijeme da ovo bude recimo jedna krovna organizacija za sva naša javna preduzeća. Hvala.

## **ANA PEJIĆ**

Zahvaljujem se.

Zaključujem raspravu vijećnika.

Sada prelazimo na raspravu klubova vijećnika za izvještaj JAVNE USTANOVE „DOM PENZIONERA“ TUZLA. Vijećnik Zlatan Mehmedović. Izvolite.

## **ZLATAN MEHMEDOVIĆ – vijećnik SDP – Socijaldemokratske partije Bosne i Hercegovine**

Hvala predsjedavajuća. Sve vas srdačno pozdravljam. Evo u ime Kluba vijećnika Socijaldemokratske partije želim da istaknem značaj pozitivnog izvještaja o radu Javne ustanove Dom penzionera Tuzla. Naravno da je pozitivno poslovanje ovog centra od ključne važnosti, jer ukazuje na odgovorno upravljanje resursima i finansijama, što opet doprinosi stabilnosti i održivosti u pružanju usluga penzionerima.

Nisam ranije rekao jel da se zahvaljujem prije svega menadžmentu Ustanove, direktoru Bakaloviću na je li jednom iscrpnom, detaljnom i sveobuhvatnom izvještaju. Ono što bih posebno pohvalio jeste i ovo vraćanje svih dugovanja, koje takođe jel evo reflektira jedno efikasno upravljanje finansijskim sredstvima.

Iz izvještaja smo mogli vidjeti da evo kroz aktivno apliciranje na razne projekte, Javna ustanova Dom penzionera Tuzla, takođe evo demonstrira svoju posvećenost kontinuiranom unapređenju usluga koje pruža svojim korisnicima i ovi projekti ne samo da omogućavaju proširenje spektra usluga, već mogu donijeti je li dodatna sredstva za dalji razvoj i unapređenje rada institucije. Naravno da je u srži svakog pozitivnog izvještaja o radu dobra usluga korisnicima kao neko ko dolazi iz takođe javne ustanove i rukovodilac jel jedne od klinika u okviru javne ustanove. Znam s kakvim se sve teškoćama susreće jel menadžment ustanove da osigura jel kvalitetnu i zdravstvenu i svaku ostalu skrb. A ono što ja mogu istaći kao medicinski radnik koji je u direktnom kontaktu sa korisnicima Doma penzionera Tuzla, kroz pružanje hirurških usluga, ovim pacijentima mogu reći zaista da i svo perioperativno praćenje jel ovakvih pacijenata je na dosta zavidnom i mogu slobodno reći jel vrhunskom nivou i dosta tih pacijenata ovaj grlom primaju i te konzervativnu terapiju u ustanovi umjesto da leže u našoj ustanovi, odnosno u bolnici.

Posebno bih pohvalio i Službu za institucionalne njege i zaštite, tj. Odjeljenje zdravstvene i pojačane njege. Vidimo da, ovaj, oni izvrsno pružaju usluge i redovnih medicinskih pregleda i kontrola, zdravstvenog stanja korisnika, pravovremeno reaguju naravno na zdravstvene probleme i promjene, pružaju svu moguću i odgovarajuću terapiju i liječenje i podršku u održavanju opšteg zdravlja, ali i prevencije bolesti.

Dakle, vidimo samo da je u 24-oj godini izvršeno 7620 pregleda. Ukupno 500 pregleda na UKC Tuzla, Dom zdravlja i u privatnim klinikama. Pohvalio bi i rad Kabineta za fizikalne vježbe, takođe, jel, i redovnu vakcinaciju kako bi se prevenirale moguće komplikacije i povećani mortalitet usljed sezonske gripe.

Šta se može uraditi, svakako jel, i dalje kontinuirana edukacija i osnaživanje osoblja, uvijek jačanje i tog multidisciplinarnog tima i pristupa liječenja i tretmana pacijentu, povećanje naravno socijalno i rekreativnih aktivnosti i ono što bi ja ovaj sugerisao menadžmentu da i

redovno prikupljaju povratne informacije od strane korisnika, možda to i rade, evo nisam upoznat i njihovih porodica, što može doprinijeti ne samo identifikaciji slabih tačaka u preduzeću, nego može unaprijediti kvalitet usluga u samoj ustanovi, a s druge strane i razuvjeriti sve one koji jel možda sumnjaju u kvalitet pružanja usluga ove ustanove.

Obzirom da je direktor rekao da su oni jedina samofinansirajuća Javna ustanova u gradu, ja ću u ime Kluba vijećnika Socijaldemokratske partije da evo sugerišem jedan zaključak, odnosno da sugerišemo Službi za budžet i finansije i gradonačelniku jel da u nacrtu narednog budžeta...(ANA PEJIĆ – Samo malo sporije da može Slađana...). Dobro. Da u nacrtu narednog budžeta Grada planiraju garantovana sredstva i za Javnu ustanovu Dom penzionera, pa evo s ciljem renoviranja postojeće infrastrukture ili zamjene amortizovane opreme kako bi se poboljšali uslovi boravka korisnika i podigao nivo pruženih usluga.

Eto toliko od mene. Još jednom evo čestitke prije svega na, ovaj, pozitivnom izvještaju i pozitivnom poslovanju ove Ustanove. Hvala.

**ANA PEJIĆ**

Zahvaljujem se. Sljedeći za riječ javio se vijećnik Mirnes Ajanović. Izvolite.

**MIRNES AJANOVIĆ**

Hvala. Imao sam prije et u ovom mjesecu 9. maja, bio sam na naučnom skupu međunarodnom „Briga o starijim licima u savremenom društvu“. Prezentirao sam naučni rad, „Pravni mehanizmi za zaštitu dostojanstva i integraciju starijih lica u društvene tokove“. I onda u toj prezentaciji bilo je relativno dosta starijih i mlađih i fino je vidjeti mlađe koji se brinu za starije. Između ostalog sam rekao da je danas privilegija ili imati sreće ostariti, pa su onda svi kasnije oni stariji izlazili i govorili, uh, kaže, dobro je on reko, znaš, ipak nešto kompenzaciju u odnosu na te godine i starost je zaista imati sreće danas ostariti. E sad kako tu starost preživjeti? To je tema i ovog izvještaja. I stanje jeste opet u smislu koliko para. Sve to košta. I ta zgrada onakva kakva je, nako relativno ružna, ali ulaganje sad u sve to, opremanje te zgrade i farbanje opet uzima od usta tim korisnicima.

Ovaj izvještaj je obiman. Dokument donosi detaljno administrativno tehnički presjek aktivnosti ove Ustanove, značajne Ustanove za naš grad, upravo iz ovih razloga, pa se u emisiji treba predstavljati primjer društvene odgovornosti, humanizma, brige institucije o starijim osobama, koje tada traže pomoć i brigu, kada su relativno teret. O djetetu se svi brinu, bez obzira ako nije njegovo, ali o starijima nekada se ne brinu ni oni koji su njihovi. I zato je tu Dom penzionera. I ovakve ustanove ovog tipa. Po pitanju forme ovog izvještaja, forma je ispunjena. Suština traži dopunu. Imamo jasan pregled troškova, kadrova, objekta, projekata, revizije. Nedostaje prikaz koji bi dao odgovor na pitanje, dakle, koliko su zadovoljni korisnici i koliko je moguće da mogu biti zadovoljni u situaciji kad je mala podrška, pa i Grada Tuzla. Sve je opet rezultat nedovoljnih sredstava. Da ima para, pa da kažemo rasipa se na nešto drugo, milioni maraka odoše, a ne radi se u smislu poboljšanja uslova, onda bi mogli reć, e, pa ne valja, vješaj direktora. Ali kad je stanje kako jeste, treba nalaziti rješenja, pa i kroz ovaj „Trag“, razvojne projekte i svašta nešto i oni se trebaju pozabaviti načinom pomoći, investiranja, pa raznih poslovnih subjekata. Bit će to jedan prijedlog jedne tačke kako bi se mogli uključiti svi u obezbjeđenje dovoljno sredstava za ovu Ustanovu i samim time osiguranje sigurnije, bolje, zdravije hajd da kažem kolko je moguće starosti, jer svi mogu doći u stanje da budu u tom Domu penzionera, bez obzira koliko imali godina, vrijeme prolazi vrlo brzo i možda ulaganje u taj Dom i mlađih ljudi rezultira njima sigurnost sutra ukoliko dođu u poziciju da moraju u Dom. Ne može svako sam o sebi se brinuti, niti se svako može brinuti o nekome drugom, bez obzira što to bio otac ili mati. Takav je način današnjeg življenja i zato i ovaj naučni skup

pominjem gdje je dosta bilo. 140 je bilo naučnih radova. Nije to malo. Ipak je to vrlo značajno. Organizacija Evropskog univerziteta Brčko Distrikt. Tamo sam bio i u organizacionom odboru i uspjeli smo uraditi i privući veliki broj stručnjaka iz preko 20 zemalja država su došli i baš govorili o ovoj temi.

Revizija ukazuje na nedostatke dakle, trebaju se dati odgovori na ove slabosti utvrđene u reviziji. Ne smije samo ostati tehnička napomena. Potreban upravni odbor, uprava Doma da odgovori konkretnim mjerama i planovima, jer ova institucija mora biti uzor odgovornosti. Ovaj smještaj sad koji imamo, pa i nedovoljnost smještaja, ne smije biti privilegija, mora biti dostupno pravo svima. E sad kako? Vidjećemo. Opravdana zabrinutost postoji u vezi dostupnosti smještaja koliki je broj odbijenih zahtjeva? Koliki je prosječan period čekanja? Koji su kriteriji za subvencije? Pravedan i transparentan pristup je ključ da se očuva povjerenje u sistem. Dom penzionera, Ustanova sa zadatkom koji nadilazi zidove. Osim fizičkog smještaja očekuje se razvijanje programa psihosocijalne podrške, kulturnih i zdravstvenih aktivnosti omoguće kvalitetniji i dostojanstveniji život korisnicima i zato mi možemo očekivati veći iskorak, ali kad nema, ako nema više sredstava, jer starost ne smije značiti pasivnost i izolaciju. To nas sve čeka. Dakle, mi koliko danas ulažemo u to, uložili smo i u tu budućnost onog što će nas čekati. Da li izolacija ili koliko može. Kvalitetan život u smislu zdravstvene brige, pa i svega ostalog što znači starost. I ono što naravno neko ima sreće da dočeka starost, jer mnogi odlaze mladi.

Evo prijedlog, nije zaključak. Prijedlog nek procjene da se dostavi dakle, dopunski izvještaj koji se odnosi na pružene socijalne, zdravstvene i psihološke usluge korisnicima tokom 24-e godine podacima, ocjenom efekata tih usluga. Nije zaključak. Ne želim nikoga teretiti zaključcima, pa da umjesto radi svoj dio posla, bavi se kako će dostaviti nekakav dopis Vijeću. To je prijedlog. Ako smatraju da je to potrebno radi omogućavanja dobijanja dodatnih poticaja za veća novčana sredstva ili slično, onda što da ne, ali ostavlja nam dobru volju.

Zaključak. Da Gradsko vijeće zatraži od menadžmenta, upravnog odbora Doma dostavljanje plana otklanjanja nedostataka iz revizorskog izvještaja uz vremenske rokove. To je bitno.

I još jedan prijedlog. Odustajem od ovog jednog dijela. Da se pokrene inicijativa za izradu strateškog dokumenta za proširenje kapaciteta smještaja starijih osoba i povoljnije uslove za smještaj, bilo kroz proširenje postojećeg Doma, gradnju novog objekta, saradnja sa privatnim sektorom, putem modela javnog privatnog partnerstva, način na koji brinemo o starijim sugrađanima, odraz je našeg poštovanja prema prošlosti i odgovornosti i prema našoj budućnosti. Dakle, svi moramo dati doprinos da Dom penzionera bude standard dostojanstvenosti i odgovornosti i pun sadržaja, jer to treba tim ljudima. Oni su omogućili da mi danas budemo tu, a mi ćemo sutra biti gdje su oni. Hvala.

**ANA PEJIĆ**

Zahvaljujem se. Sljedeći za riječ javio se vijećnik Senad Mehmedinović. Izvolite.

**SENAD MEHMEDINOVIĆ**

Hvala ljepo. JAVNA USTANOVA „DOM PENZIONERA“ TUZLA Ustanova o kojoj sam ja svaki put afirmativno govorio u smislu njihovog Izvještaja prije svega zato što smatram da je ova ustanova prijeko potrebna građanima Tuzle. Da je ovo ustanova koja pruža siguran, dostojanstven i struktuiran životni prostor za starije osobe koje više ne mogu samostalno živjeti. Omogućava dvadesetčetvero satni medicinski nadzor, njegu i pomoć u aktivnostima svakodnevnog života. Podržava porodice direktno a i indirektno tako što oni koji su zaposleni da se mogu posvetiti svojim porodičnim obavezama koji zbog recimo hroničnih oboljenja a

evo čujemo i od direktora da 50% korisnika usluga spada i u onu malo veću kategoriju ozbiljniju u smislu njihove samostalne pokretljivosti. Nesmijemo zaboraviti velike migracije. Odlazak mladih za egzistencijom. Roditelji ostaju. Djedovi ostaju. Nene ostaju. Znači, Dom penzionera ili domovi penzionera ovo govorim o Domu penzionera je kuća u kojoj trebaju da se naši stari osjećaju sigurno. Ključna je karika sistema dugotrajne njege. I generalno ona odražava zrelost i solidarnost jednog društva, odnosno omogućava osobama treće životne dobi, osobama šezdesetpet i plus a vidim ima i ispod toga korisnika usluga da ne-bu-du na marginama, da ne budu marginalizovane već da budu uključene u zajednicu sa svojim društvenim angažmanom onoliko koliko im to dozvoljava zdravlje. Mi živimo u zemlji punoj etiketiranja, predrasuda stereotipa. Mi živimo u zemlji u kojoj nije razvijena svijest o životu nakon šezdesetpete godine i zaista i raditi na jačanju svijesti određene populacije jesu kampanje na kojima možda trebamo svi raditi pa da se uključuje isto televizija. Na zapadu kako gdje je otišlo u svijetu ljudi vide priliku nakon šezdesetpet godina da žive, da uživaju, da provode vrijeme sa svojim porodicama, unucima, da putuju, kako god. Nažalost kod nas je percepcija nakon šezdesetpete godine veoma teška. Da ne govorim kakvi su planovi dobrog dijela osoba treće životne dobi nakon šezdesetpete godine i šta sebi rezervišu.

Ono što svi moramo da znamo da u opštoj populaciji. Govorim o značaju Doma penzionera. Pazite popis stanovništva 2013. godine: Udio starih osoba u opštoj populaciji u našoj ljepoj zemlji, bogatoj zemlji je 14,2% znači, prema popisu stanovništva. Govorim vam podatke koji su tačni. 2019. godine broj starih lica u opštoj populaciji je 16,5%. Projekcije ozbiljne govore da u Bosni i Hercegovini do 2030. godine. Posle to nam se 2030-ta godina činila daleko isto košto se meni učinilo da su mladi oni koji su ne znam 2000-to godišće već imaju 25 godina. Vrijeme prolazi a i mi izgleda starimo nismo stali tamo prije deset-petnest godina. 25,8% udio starih osoba i gledajte: Do 2050-te godine 37,9%. Znači, u-dio starih lica u opštoj populaciji u Bosni i Hercegovini se drastično povećava. Predviđa se u Evropi znači, za pe-t godina da će se populacija starih udvostručiti i premašiti broj mladih. Veoma su ovo ozbiljni podaci koji u stvari samo govore o tome da su nama potrebni centri za osobe treće životne dobi, potreban nam je Dom penzionera upravo mjesto u kojem osobe trebaju da se osjećaju sigurno. Ja ne želim da ljudi percipiraju Dom penzionera kao ustanovu gdje odu i oni su nešto zatvoreni i ta...A kod nas je...Govorim o percepciji. Kod nas je takva percepcija. Nije tačno. Nije tačno što se može vidit ovdje u Izvještaju što ću ja sad isto da komentarišem. Nije Dom penzionera ustanova gdje treba otić i osoba treće životne dobi leći gore i onaj, u sobu i to je to. Znači, postoje različite vrste aktivnosti kroz koje se oni mogu uključivati i da budu aktivni. U Tu-zli, u Tuzli prema socioekonomskim pokazateljima Federacije Bosne i Hercegovine u decembru 2023. godine. Dakle, poprilično friški podaci. Broj penzionera 24.624. Broj pen-zi-o-ne-ra. E sad ovdje ne računamo osobe treće životne dobi koji ne ostvaruju pravo na penziju, u stvari koliko se stvara prostor za korištenje usluga Doma penzionera.

Ukupni prihodi su 2 miliona 559 i veći su za 69.000 i možemo da vidimo da „Dom penzionera“ Tuzla posluje pozitivno. Me-ni je uvijek posebno drago kad vidim bilo koju javnu ustanovu da ne troši samo Budžetski novac na način prebaci Grad, pomogne Grad ili ne znam bilo šta. Vo-lim kad vide da se aplicira na javne pozive, odnosno da se nameću za određena sredstva koja trebaju da dobiju i gledajte: Na Javni poziv Federalnog ministarstva za rad i socijalnu politiku dobila sredstva za nabavku 17 bolničkih električnih kreveta sa stolićima za hranjenje. Služba institucionalne njege i zaštite - odjeljenje zdravstvene i pojačane njege raspolagala je sa 8 medicinskih sestara, tehničara, 2 fizioterapeuta i 19 njegovateljica i njegovatelja. Kada je u pitanju pružanje podrške isto...Ne znam sad kako se zove. Nebitno. Uglavnom riječ je o njegovateljicama i njegovateljima. I ja bi te ljude dakle, nagra-de im dao za posao koje oni obavljaju. Ne znam koliko ko ima iskustva i koliko imao iskustva da mu neko u bližoj porodici, daljoj bude nepokretna osoba kojoj je potrebna pomoć sa-mo da bi se

presvukao, samo da bi se obukao, sa-mo da bi se napio vode, presvukle ili onaj, pelene. Znači, za-ista je ovo jedan poso, plemenit poso koji ovi ljudi rade i ja im skidam kapu zato što se stavljaju na raspolaganju onim osoba koje nisu u mogućnosti samostalno evo da kažem da se čak i napiju vode.

Od 2022. godine uvedena je nova usluga smještaja i brige i pazite: O korisnicima koji se hrane...Ovdje imamo ljekara i oni dobro znaju šta ovdje govorim. Putem nazogastrične sonde. Znači, neko je morao proći tu edukaciju da se na-uči ka-ko da se ovo implicira i kako da osoba koja ne može samostalno da se hrani da može da se hrani putem ove sonde. Dakle, bi-lo je edukacija stručnog usavršavanja što smatram da svaka javna ustanova treba da organizuje za svoje zapo...Kod nas je postalo te dodatne edukacije ili tzv. kako neko voli da kaže permanentno obrazovanje. Ma to je nebitno. Ja sam došao i ne trebam da ul...Treba ulagati u znanje. Znači, znanje nema cijenu i to je prijeko potrebno ovoj našoj ljepoj zemlji. (ANA PEJIĆ – Molim vas samo vodite računa o vremenu.) Hoću, boga mi. Ništa. Evo ja ću...Imam još par rečenica pa možda u drugom javljanju? (ANA PEJIĆ - Može, može.) Eto. Hvala. (ANA PEJIĆ - Ili kao...Hoćete u diskusiji kao vijećnik ili kako god da vam odgovara?) Pa mogu i kao predsjednik Kluba imam pravo. (ANA PEJIĆ – Može, može.) (SLAĐANA KRAJINA - Nema kao predsjednik Kluba drugog javljanja. To je samo propisano za vijećnike i ovako je u okviru ove tačke po 10 minuta.)

## ANA PEJIĆ

Može se onda ko vijećnik se javiti u diskusiji. Može, može. Vijećnik Mirza Malkočević. Izvolite.

## MIRZA MALKOČEVIĆ

Hva-la. Evo ovako. Pošto je sve kra-sno, div-no tamo kako se priča. Ja stvarno svaka čast za dosta stvari koja su urađena. Vidimo i apliciranje na projekte ali ja naravno moram da iznesem neke stvari na kojim bi morali poraditi, tj. da poboljšamo uslugu rada našeg preduzeća.

Ovaj, kao što sam već na početku sa vezano sa inicijativama svim dao neke prijedloge isto tako imamo informaciju da naš Dom penzionera od neda...Da ne-ma psihologa. To je jedan od većih problema danas jer znamo koliko je bitno psihofizičko zdravlje naših starijih ili osoba treće životne do-bi tako da ja ću kroz par zaključaka koje budem...Poslat ću vam to. Mislim da trebamo dobro, dobro obratiti pažnju na te stvari. I ako sam dobro isčitao imamo 9 radnika sa visokom stručnom spremom i po saznanjima i evo po ovim što ovdje imamo mislim da je...moramo da pogledamo da je raz-lika tj. u platnom opsegu za VSS čak od minimalne VSS plate do recimo maksimalne 1000 konvertibilnih maraka. Ja mislim da stvarno tu trebamo da poradimo, da nađemo neki balans jer znamo koliko je, koja je, koliko su pozicije odgovorne na kojem rade ljudi u Domu penzionera. Isto tako kao što je kolega Senad reko koliko od fizioterapeuti, medicinske sestre koliki, koliki teret nose samo u tom Domu penzionera. Isto tako mislim da je topli obrok propisan je 13 maraka po zadnjoj...1% od prosječne plate. Mislim da je u Domu penzionera 8. Ako smo već u suficitu mislim da bi trebali stvarno da...Opet se vraćamo na te plate ali prevelik stvarno velik je posao ljudi koji rade u Domu penzionera i mislim da treba da razmislimo i o povećanju toplog obroka i pogotovo povećanju koeficijenta fizioterapeuta i medicinskih sestara koje obavljaju najteže poslove u Domu penzionera. Toliko za sad. Hvala. (ANA PEJIĆ - Zahvaljujem se. Hoćete Mirza zaključke pročitati samo da uđu u stenogram? Pročitajte da uđu stenogram ovaj, pa da...a dostavite onda samo Slađani na mejl ili kako već.) Sekundu. Eh. Malo će biti duži al stvarno mi je bitno pogotovo...

Zadužuje se Javna ustanova „Dom penzionera“. Okvirno rok dal da stavljamo 90 dana a možda čak i prije jer i nam je psiholog, vezano je za psihologa jako bitno? Donošenje. Pardon.

Realizacija plana zapošljavanja stručnog kadra – psihologa na trenutno upražnjeno radno mjesto imajući u vidu specifičnu djelatnost kojom se ustanova bavi kao i potrebu korisnika za...Jel možeš Slado pratit? (ANA PEJIĆ – Dostavi joj. Mirza samo dostavite na mejl ili kako god.) Dobro. Super. Hvala. Kao i potrebne korisnike za sveobuhvatnom i kvalitetnom psihološko-zdravstveno socijalnom zaštitom neophodno je osigurati prisustvo psihologa kao ključnog člana multidisciplinarnog tima. Angažman psihologa doprinosi očuvanju i unapređenju mentalnog zdravlja korisnika kao i prevenciji psihosocijalnih poteškoća te ukupnom poboljšanju kvaliteta života u institucionalnom smještaju. Stoga se ova obaveza nameće kao prioritet u cilju ispunjavanja profesionalnih standarda i osiguranja kvalitetnijih usluga u okviru djelatnosti Doma. I imamo još dva. Evo ovaj smo...

Usaglašavanje koeficijenta za obračun plata zaposlenih u skladu sa stepenom stručne spreme, uz eliminaciju postojećih neujednačenosti koje dovode do situacije u kojima zaposleni sa srednjom stručnom spremom i visokom stručnom spremom imaju jednake ili neizmjerno različite plate. I to je to. Ovaj ne moram zaključak. Njeg ćemo...(ANA PEJIĆ – Dobro. Zahvaljujem se.) Hvala.

**ANA PEJIĆ**

Sljedeći za riječ javio se vijećnik Nedžad Jusić. Izvolite.

**NEDŽAD JUSIĆ – zamjenik predsjedavajućeg  
Gradskog vijeća Tuzla,  
- nezavisni kandidat – nacionalna manjina -**

E hvala kolegice. Ovo što reče Mirza ovaj, ništa nije idealno da ne može biti bolje. Ovaj, između ostalog kolega Mirza što je govorio ovaj, to je samo da se unaprijedi između...Podržavam u potpunosti vezano i usluge i način funkcionisanja Javne ustanove „Dom penzionera“.

Al u stvari zbog čega sam se najviše i javio podržat ću ovaj Izvještaj jel stvarno je okej. Evo već koliko sam u Vijeću i stalno ovaj, govorimo o uslugama koji pruža Dom penzionera. Između ostalog i sam sam se uvjerio jel imo sam neku rodbinu ovaj, korisnike Javne ustanove „Dom penzionera“ i zadovoljni su bili i okej je bilo. Stvarno su usluge imali na nivou. Između ostalog ni-šta se skoro ne razlikuje od privatnih ustanova, privatnih ovih domova nekih a i te kako se cijene razlikuju vezane u te druge privatne ustanove koji pružaju iste ili slične usluge.

Takođe je vrlo važno napomenuti danas ovde vezano kao direktor što je rekao da se samo finansiraju i da posluju pozitivno i to je dobro. Normalno ovo što reče Mirza treba i taj suficit pokušati na neki način rasporediti i da svi budu zadovoljni u ustanovi, odnosno prvenstveno i radnici kao i korisnici. Ali s druge strane ja ne mogu da sva-tim naše neke javne ustanove koje su na Budžetu koji dobijaju finansijska sredstva iz Budžeta sad sa bilo kojeg nivoa i da posluju negativno. Tu nešto stvarno ne štima. Ja se nadam u nekom narednom periodu da ćemo br-zo dobiti te izvještaje na Gradskom vijeću i da ćemo o njima raspravljati i razmatrati jel je nemoguće između ostalog da se planira određeni dio novca za jednu budžetsku godinu i dobije se toliko finansijskih sredstava sa iz Budžeta i na kraju posluješ u minusu 200,300,500, 600 hiljada maraka. Tolko. Samo sam stio na to da skrenem pažnju. Normalno da ću podržati ovaj Izvještaj. Hvala.

**ANA PEJIĆ**

Zahvaljujem se. Sljedeći za riječ javio se vijećnik Šefik Husić. Izvolite.

## ŠEFIK HUSIĆ

Hvala predsjedavajuća. Ma ja ću više govorit iz stručnog aspekta i iz onog ugla onaj, gdje govore znači, građani koji, čiji onaj, ili roditelji ili bliža rodbina je korisnik usluga Doma penzionera.

Ovdje su evo razvijene diskusije koje su jako dugo trajale. Govorili su o nekim segmentima gdje vidimo da možda i većina ovdje onaj, većina vijećnika nije svjesna zapravo šta je, koji je značaj „Doma penzionara“ Tuzla.

Kolega Jusić je malo onaj, prije rekao kaže: „Nema nikakve razlike između usluge u privatnim“. Ja ne znam dal ste vi kolega bili u privatnoj onaj, ustanovi tipa onaj, tog što radi Dom penzionera, odnosno radi skrb onaj, starih i iznemoglih osoba? Ja bi...I to brutalno govorim javno znači, rekao da su to egzekucijski centri u odnosu na Dom penzionera. Znači, pogledajte kolka je njihova smrtnost znači, i kakve su komplikacije bolesnih, starih i iznemoglih tamo u tim privatnim centrima. Dom penzionera je znači, za najmanje 10 ljestvica iznad tih svih privatnih centara i po kvalitetu i po organizaciji. Govorim afirmativno.

Znači, prije svega želim onaj, da, da čestitam i zahvalim se direktoru zato što stvarno čestito obavlja onaj, svoju dužnost. Nije ni malo lahko. Sama činjenica evo kažem govorit ću sa stručnog aspekta da 50% je nepokretnih ili polu pokretnih lica koja imaju određene dijagnoze medicinske što zahtjeva jako veliki i ozbiljan angažman zdravstvenog kadra u svemu tome.

Ono što ja sam vidio iz Izvještaja znači, ovoga koji je pisan. Mislim da je, da već Dom penzionera ima problem insuficijentnosti znači, tog kadra jer onaj broj koji je sistematizovan uposlenika znači, na procenat sedamdeset trideset posto znači, pokretnih u odnosu na polu pokretne i nepokretne onaj, nije što i 50, odnos pedeset pedeset posto jer još dodatno 20% nepokretnih il polu pokretnih lica bolesnih sa težim medicinskim dijagnozama što mi vidimo znači, kroz klinički centar onaj, kroz svakodnevne preglede tih lica koja su smještena u Domu penzionera znači, treba razmislit o tome i smatram da o-davde treba krenut inicijativa da se Domu penzionera znači, pomogne u svakom smislu.

Mislim da nekad u prošloj il pretprošloj godini je bilo govora o tome da će se radit toplifikacija, odnosno sprovođenje energetske efikasnosti onaj, zgrade. Ne znam šta se s tim desilo onaj. Dal je to u nekoj fazi onaj realizacije ili nije? Nismo dobili više posle toga nikakvu obavijest. Evo imamo znači, i tu prohodnost gradske i Federalne vlasti a vrlo često Federalni nivo mislim Ministarstvo za, za prostorno uređenje da raspisuje javne pozive vezano za, za energetska efikasnost onaj i ovo što je kolega Mirnes rekao znači, imamo ovu Javnu ustanovu „Trag“ koja mo-že pomoć ljudima iz Doma penzionera da apliciraju na takve vrste projekata. Također imamo Federalna i Kantonalna ministarstva koja otvaraju određene pozive znači, za nabavku medicinske opreme gdje po meni znači, Javna ustanova „Dom penzionera“ je također onaj, tip zdravstvene ustanove obzirom na kompletan dijapazon usluga koje pružaju i da im treba pomoć i s te strane znači, da, da apliciraju na projekte određenih ministarstava gdje se mogu znači, obogatit medicinskom opremom kako bi pružili što bolju uslugu korisnicima. Pohvalno je znači, što je ovaj izvještajni period pozitivan, što je u suficitu.

Slažem se takođe da treba adekvatno nagraditi sve one koji daju maksimalan doprinos a evo svi smo apsolvirali da je vrlo teško znači, u tim uslovima gdje imate 50% znači, korisnika usluga koji su polu pokretni ili nepokretni znači, vrlo teško je radit. Međutim, mislim da samo pla-te tih zdravstvenih radnika koji ra-de u Domu penzionera treba uskladit po Kolektivnom ugovoru koji je važeći za zdravstvene radnike u Tuzlanskom kantonu onaj, i mislim da tu neće bit, neće bit problema.

Domu penzionera još jednom ću podstaknut znači, treba dati maksimalnu podršku jer evo ovdje svi su kroz svoju diskusiju podstakli da svi mi na kraju krajeva u nekom određenom životnom periodu možemo postat korisnici usluga Doma penzionera, a opet se referisat na ono

gdje privatne ustanove znači, koji se pokušavaju baviti ovim poslom nisu baš ni adekvatno opremljeni znači, medicinskom opremom, sportom, ljudskim resursima koji zapravo trebaju biti zdravstveni kadrovi i dešava se jako puno znači, loših stvari u takvim centrima i zato ih ja onaj, i nazivam s pravom egzekucijski centri. Ništa. Tolko sad. Hvala.

**ANA PEJIĆ**

Zahvaljujem se. Ispravka krivog navoda. Vijećnik Nedžad Jusić, pa replika vijećnik Omer Berbić. Izvolite.

**NEDŽAD JUSIĆ – zamjenik predsjedavajućeg  
Gradskog vijeća Tuzla,  
- nezavisni kandidat – nacionalna manjina –**

Ja ću samo ukratko. Možda kolega Husiću nismo se razumili. I privatne ustanove i ustanova, Javna ustanova „Dom penzionera“ pružaju iste usluge i oni su registrovani za iste usluge. Možda ja i griješim. Možda ja nisam ovaj...U redu. Ukoliko sam ja pogrešio ja se izvinjavam al ja sam...Nisam stručan što se tiče toga. Ja sam sve do sad bio ubjeđen da i jedni i drugi pružaju iste usluge to je zbrinjavanje, odnosno boravak osoba u tim ustanovama. Ukoliko sam pogriješio onda povlačim svoju diskusiju ovo što sam rekao vezano da pružaju iste usluge. Hvala.

**ANA PEJIĆ**

Replika. Vijećnik Omer Berbić. Izvolite.

**OMER BERBIĆ**

Pa evo ja se pokušavam se ne javljati na replike al moram ovdje kada dođe do određenih generalizacija oko ovo egzekucijski centri. Ja imam članove moje porodice koji su u određenim domovima i zaista imaju ljudi vrhunske uslove.

Vjerovatno na to na što se kolega Husić referisao i jeste da postoje vjerovatno ustanove koje ne posjeduju uslove i gdje ih inspekcija treba da zađe da kazni itd.

Ali evo da ne bi otišlo iz ovog Gradskog vijeća jedna slika da mi generaliziramo privatne ustanove, odnosno ovaj, privatne domove za, za zbrinjavanje starih lica želim samo da kažem da je to moj stav, a nadam se i ovaj, stav većine, većine da ne možemo ići baš u generalizaciju kada su ova-ko teške riječi u, u optičaju.

U, u svakom slučaju u ovom jednom dijelu razumijem šta je želio da kaže. Da postoje, postoje određene ustanove to je sigurno ovaj, i ja, i ja bi to mogao tvrditi ali nisu svi isti i ja mislim da određeni dio njih vjerovatno, većina ovaj, njih svoj posao obavlja profesionalno, uredno i onako kako treba. Et. Ništa posebno. Samo sam to želio da kvalificiram.

**ANA PEJIĆ**

Zahvaljujem se. Zaključujem diskusiju Klubova vijećnika.  
Otvaram diskusiju vijećnika. Vijećnik Senad Mehmedinović. Izvolite.

## SENAD MEHMEDINOVIĆ

Dobro. Takođe ono što se iz Izvještaja može vidjeti a isto je direktor rekao 12 soba, odnosno 24 ako se ne varam kreveta su o-so-be koji imaju demenciju. I mislim da smo i prije govorili trebalo bi ojačati Dom penzionara kada je u pi-ta-nju osobe treće životne dobi. Il ne moraju biti treće životne dobi. Mogu biti mlađi koji imaju demenciju ili parkinsonovu alzheimerovu bolest kao neurodegenerativna oboljenja i opet ću sad evo neke podatke govorim da se udio osoba sa demencijama u opštoj populaciji povećava. A zaista demencija zahtjeva tuđu njegu i pomoć. I 50 miliona je osoba sa demencijama u svijetu. Do 2050. godine, to je za 25 godina očekuje se 130 miliona osoba sa demencijama. I istraživanja koja se bave ovim pitanjem, reprezentativna istraživanja objavljena u ozbiljnim naučnim časopisima a i to struka govori da sa povećanjem starosne dobi je veća i vjerovatnoća za razvijanje demencije kod osoba i takođe je pokazana visok stepen koleracije. Ovo je interesantno npr. Visok stepen koleracije između odlaska osoba u penziju i pojavljivanja demencije. Zašto? Zato što se gubi na određeni način između ostalog socijalna mreža, socijalni kapital a to su ljudi sa kojima, sa kojima živimo.

Kada sam rekao za ove njegovatelje. Devetnaest vidim ovdje da je da imamo njegovatelja. Ukoliko postoji potreba u ovisnosti na broj korisnika usluga koji je 196 mislim sad trenutno i ukoliko postoji potreba da se još zaposli ovog profila ja dajem punu podršku ovome. Ne slažem se ja da je zapošljavanje to volimo reći mi uhljebljavanje nekog. Nije. Nije. Evo ne znam opet koliko je neko imao iskustva. Pa daj-te nađite u gradu Tuzli a da imate nepokretnu osobu u stanu. Hajde da vidim ko će lagano naći nekog da bude njegovatelj? Ne možete da nađete. Teško. I zato bi volio ukoliko postoji potreba da Dom penzionera za-posli određeni broj još osoba koji će se baviti ovim pitanjem pa ako treba i da daje svoje usluge nekom kome je to potrebno u stanu a ne želi da ide u Dom penzionera. Da bude profitabilno. Zašto da ne? Neke porodice bi platile da dođu dva njegovatelja da okupa staru osobu, bolesnu osobu, osobu sa hroničnim oboljenjem, da ga presvuče, osjeće nokte itd. itd. sve ono što je neophodno između ostalog za ličnu higijenu. Evo možda da razmišlja direktor u ovome pravcu.

Odličan projekat. Pazite: Dnevni centar za starenje, za zdravo starenje koji egzistira od 2015. godine i organizuje se niz aktivnosti poput kreativnih radionica, različitih edukacija o temama, tema i ovdje imamo i moram sad da spomenem svoj fakultet koji je edukacijsko rehabilitacijski i moram da kažem da smo mi...da nam je izuzetno drago da je Dom penzionera i naučno-nastavna ba-za edukacijsko-rehabilitacijskog fakulteta u sklopu kojeg mi na četvrtoj godini studija imamo jedan predmet koji se naziva rehabilitacijski program i za osobe treće životne do-bi i Dom penzionera je ustanova koja je uvijek nama izlazila u susret na na-čin da studenti steknu neophodne praktične vještine za rad sa ovom populacijom. Realizovano u prošloj godini 45 različitih, različitih događaja. Takođe duhovna komponenta nije zanemarena. I evo i ovo...(ANA PEJIĆ – Molim vas samo vodite računa o vremenu.) Evo završavam (ANA PEJIĆ – U redu. U redu.) pa ću se javiti i za opet. Moram se javiti. (ANA PEJIĆ – Nemate više.) Imam dva puta ko vijećnik. (ANA PEJIĆ – Aha. U drugom krugu.) Da, da. U drugom. Dakle, pazite ovo jer ovo potvrđuje Tuzlu. Ovo potvrđuje Tuzlu. Otvoren Medžlis Pravoslavna i Katolička kapela koji koriste korisnici usluga i svaka čast. To govori samo u stvari šta je Tuzla. Hvala i nastaviti ću. Na...Još ću se sljedeći javiti.

## ANA PEJIĆ

Zahvaljujem se. Sljedeća za riječ javila se vijećnica Dragana Berberović. Izvolite.

## **DRAGANA BERBEROVIĆ GAGRO**

Evo ovako. Imala sam priliku da isčitam ove materijale. Ljepo je ovaj Izvještaj, Izvještaj urađen. Nije dobit 081 jedan i po, nego je 2,3 ovako gledano možda sa vaše strane to je u redu ali gledano sa moje poduzetničke strane meni je ovaj rezultat za ovako jednu profitabilnu djelatnost veoma nizak.

Druga stvar ono što želim da kažem je ono što me nervira inače kod, kod ustanova je znači, kad ističu pojam samo finansirajuće pa kao imamo neki plus. Šta vi hoćete? Imate vi plus ali imate kapital milion-ski koji treba da bude baza za profit, za dobit za dobro poslovanje ali i da se ostvari i dobit. Iz te dobiti da se rade različiti projekti i poboljšanje kvaliteta usluge i proširenje kapacitete i proširenje radnika.

Ono što sam evo ovdje dobila podatak da ima uposlenih 19 negovateljica, štićenika ima 196 što znači jedna negovateljica na 10 štićenika to hajde da kažem u jednoj smjeni. A šta je u drugoj i šta je u trećoj smjeni?

Imam podatke od jedne osobe koja je već radila ovdje u ovoj ustanovi da ih je bilo njih dvije za čitavu noć na, na kompletan znači, kapacitet doma. Znači, kad krenu od dole prema gore ne stignu da presvuku sve štićenike a kamoli da im podjele onu terapiju koja je adekvatna. Ovo je jedna pozitivna kritika.

Želim da, da apelujem evo i ovdje u Gradskom vijeću da se kapacitet njegovateljica proširi u ovoj javnoj ustanovi. Da nam je veoma, ona veoma bitna za smještaj naših sugrađana i čini jedan veoma, veoma bitan segment znači, našeg društva. Eto to bi bilo ovaj, sve što se mene tiče.

Okej podržat ću ovaj, ovaj Izvještaj ali bi i zamolila evo da, ne znam ko bi to moglo da ispuni? Znači, ovi Izvještaji za javne ustanove neka bude brate do trećeg mjeseca eventualno četvrtog. Šta ima da radite 5 mjeseci da bi napravili jedan izvještaj? Radili ste čitavu godinu. Imate rezultate već u prvom mjesecu. Mi poduzetnici damo, moramo da damo do, do kraja drugog mjeseca finansijski izvještaj inače 10 hiljada je kazna. Brate tako i vi kako dajete te i ove konkretno i na-ma izvještaje. Izvolite podnesite do trećeg mjeseca tako da nema mjesta ni za štimanje ni za manipulaciju.

Želim da, da vjerujem da se radi u dobroj volji i u dobroj namjeri. Voljela bi da nema, ne bude diskriminacije ni radnika niti njegovateljica, niti radnika koji rade na određeno vrijeme. Da im se ne produžavaju ugovori. Znači, ja bi zamolila da se malo više povede računa o ovoj javnoj ustanovi jer nam je jako, jako bitna za našu zajednicu.

## **ANA PEJIĆ**

Zahvaljujem se. Sljedeći za riječ javio se vijećnik Omer Berbić. Izvolite.

## **OMER BERBIĆ**

Fala lijepo. Ja neću dugo radi zuba. Moram prije nego što počnem da kažem da mi je zaista došlo kao šok ono povećanje cijene ove godine od trideset i nešto posto, tridesetdva, tridesettri. Evo i da kažem da razumijem. Ponovit ću isti svoj stav ko kad god da se priča, znači, ovo se moralo. Ako se mora barem za ovakvu ustanovu morali smo iz Budžeta odvojiti određeni dio da, da to ne bude udar od 32% hajde da kažemo nekih petnestak posto da se ljudi mogu i spremati ovako je to bilo iz ovaj, njedra u rebra. I došli smo u situaciju da mi se zaista ljudi javljaju sa problemima da, da to plaćaju sa 980 na 1300 i to se probalo opravdati.

Međutim, za mene se moralo to pu-no mudrije uraditi jer mi znamo o kakvoj populaciji i znamo kakve su nam penzije, generalno znamo, znamo za probleme i ne bih da uopšte se ponavljam za sve ovo što su kolege rekle. Ja imam svoj stav povodom ovog pitanja. On je tu,

on je tu jasan tako da neću nešto ulaziti duboko u ovaj Izvještaj niti ću probat da ga nešto kritikujem. Sve ovo što su kolege rekle dobro su primjetile i nema potrebe da se mi ovdje ponavljamo i da idemo duboko u noć kada je jasno kakva je situacija i jasno je da mi tamo i da uložimo 2 miliona to je kap u moru kolika je ona zgrada i koliko tu treba da se renovira.

Možda je, možda je vrijeme da krenemo razmišljati o drugim opcijama renoviranja. Možda izgradnje novog koji će biti efikasniji i bolje raspoređen ili nešto ovaj, na taj fazon. Malo da razmislimo svi kako bi mogli proširiti kapacitete ili zadržati iste kapacitete a dobiti noviju, noviju zgradu. Ali evo. To je pitanje ovaj, i za menadžment i mislim da bi nam trebali dostaviti određenu strategiju da vidimo gdje idemo, kako idemo, gdje se krećemo.

Evo mi smo promijenili gore koliko sam ja, koliko se sjećam promijenili smo prozore. To je bilo pola miliona maraka samo za prozore. To su znači, strašni izdaci koje mi moramo tamo fasada da se uradi i sigurno još toliko para a mi znamo šta je pola miliona na Budžet naš koji je 80 miliona maraka, a da ne govorim o tome da je ovdje jako teško radit u plusu, jer ako radimo u plusu onda to mora značit da mi moramo još povećavati cijene korisnicima i mi dolazimo faktički na tržišne cijene iako sad ova cijena od 1300 maraka faktički postaje tržišna cijena. Neću ulaziti u ove, u ove unutarnje stvari. Ovo je, ovo je moj stav i ja ću shodno njemu, njemu glasati.

Ovdje ja samo u Izvještaju želim da apelujem na jednu stvar. Stranica jedanaest. Ako pogledate kaže: „Broj korisnika na jedan 31.12. prikazan u sljedećoj tabeli - nacionalna struktura“ i kaže: „Bošnjaka, katolika, pravoslavaca, ostalih.“

Prvo: Nisam za to da se ide u nacionalnu strukturu. Mogu reći da razumijem zbog čega se to prikazuje. Da se pokazuje kako je Tuzla i kako je javna ustanova multi-kult itd. i to je okej. Ali ako idemo dajte bar onda terminologiju dobro da napravimo. Ako je bošnjaka onda i srba i hrvata i ostalih. Ako je katolika, pravoslavaca onda i muslimana. Ako je Katolika, Pravoslavaca, Muslimana onda ima i Ateista i ovih i onih. Znači, ako idemo u terminologiju dajte da to radimo. Ako idemo u nacionalnu strukturu dajte i tu da radimo kako je po Ustavu ove države. Onda nek to bude Bošnjaka, Bošnjaka, Hrvata, Srba i ostalih čisto jedan dobronamjeran, dobronamjerna sugestija.

I ja mislim da je ovo neko predvidio. Al nekako se može poslat loša slika da evo i neko ko se izjašnjava Srbini da ga neko odavde poziva, naziva Pravoslavcem ili, ili obrnuto, a to može zaista dovesti do...Znate kakvo je krhko stanje u državi i može dovesti do određenih problema u osjećajima ljudi a to zaista ne želimo da se desi. I mislim da nije ni intencija ovog i mislim da ovdje nije ni intencija da se to dešava. Ali evo čisto da se, neka se to, neka se to ovaj, ispravi. A ja ću shodno svom ovaj mišljenju vezano za ovo zaista preveliko, preveliko povećanje od 32,33% na ovom dijelu ostat sadržan. Fala ljepo.

**ANA PEJIĆ**

Zahvaljujem se. Sljedeći za riječ javio se vijećnik Mirza Malkočević. Izvolite.

**MIRZA MALKOČEVIĆ**

Pardon. Evo ja ću kratko. Samo zaboravio sam u prethodnom ovaj, izlaganju. Zašto je bitno ovaj, da...? Kad sam govorio da trebamo poseban osvrt na fizioterapeute, njegovatelje i medicinski kadar (nerazgovjetno izgovorena riječ op.a.) jer sam direktor nam je rekao da smo prije imali omjer sedamdeset trideset sad imamo omjer pedeset pedeset tako da nam je posao njih je dosta, dosta uvećan tako da posebnu brigu treba da posvetimo njima i naravno Klub Naroda i pravde će glasati za ovaj Izvještaj. Hvala.

## ANA PEJIĆ

Zahvaljujem se.

Idemo u drugi krug diskusija vijećnika. Vijećnik Senad Mehmedinović. Izvolite.

## SENAD MEHMEDINOVIĆ

Da zaokružim samo ovo što sam sve pričao. Pored svega ovog što sam rekao ja ne znam mislim...(ANA PEJIĆ – Molim vas Omere. Izvinite samo malo Senade. Hajd molim vas samo da...Janjo pozovite i ostale vijećnike da uđu u salu ako nije problem? Evo izvolite Senade. Izvinite na oduzetom vremenu.) Ništa, ništa. I ja mislim da je kolega, ja mislim da je kolega Zlatan Mehmedović predložio neki zaključak. Sad ne znam. Možda se sad podudara i to je dobro. Smatram da je prije svega funkcionalan ovaj Dom penzionera u smislu svoje svrhe ali da uvijek se može on doraditi na način da šalje jednu bolju sliku. Naravno da može.

I zato bi...Predlažem zaključak ako to već nije? A mislim da jeste. Al evo da vidimo: Da se u rebalansu Budžeta il na Budžetu novom bude Grant za Dom penzionera za poboljšanje uslova. Eh znači, ako ima. (SLAĐANA KRAJINA – Ima.) Odlično. Dakle, mi ćemo to podržati. I mislim da trebaju da to budu ozbiljna sredstva na način da i Dom penzionera promjene-ni svoj izgled i naravno unutra ono što je neophodno.

Pozitivne strane zaključujem su: Stabilno poslovanje Doma penzionera. Ostvaren višak prihoda nad rashodima. Razvijen sistem usluga korisnicima kroz obuhvaćenu uslugu smještaja, ishrane, zdravstvene njege i kulturnih aktivnosti. Stručan kadar i edukacija.

Drago mi je kad vidim da neka ustanova ulaže u svoje ljude da idu na dodatne edukacije a kod nas se smatra da je odlazak na konferenciju onaj, godišnji odmor. Dakle, to jest dio godišnjeg odmora. Može da bude a može i da bude prilika da se nešto ljepo nauči tako da podržavam.

Bila su kapitalna ulaganja znam od prošlog saziva Vijeća u smislu onaj, prozora koji su zamjenjeni. Ulaganja su bila opremanje prostorija, grijanja, digitalizaciju.

I dobro je što imamo naravno kao i u svakome izvještaju postojanje revizorskog nadzora a izvještaj uključuje eksternu reviziju.

I preporučio bi za dalje. Dakle, samo preporuka nije nikakav zaključak da:

U sklopu Izvještaja ovog a i svih drugih Izvještaja uvijek bude tabelarni prikaz svih nabavki, broj postupka, iznosi, predmet nabavke i obavezno do-ba-v-lja-či. Hvala ljepo.

## ANA PEJIĆ

Vijećnik Dejan Kovačević. Ovo je drugi krug samo ovaj, da znate DeJane. Izvolite. Hajd.

## DEJAN KOVAČEVIĆ

Što? Jel ne trebam se javit ako je drugi krug ili...? (ANA PEJIĆ – Izvolite. Javite se. Samo vam, samo vam dajem, samo vam sugerišem da je drugi krug diskusije vijećnika. Niko vam nije zabranio. Izvolite.) Dobro. Ja ću bit kratak vrlo. Ne bi opširno.

Evo ja ću samo potpisat pojedine ove zaključke kolega. Evo kolega Zlatan ispred Kluba SDP-a je dobro rekao da za narednu budžetsku godinu Grad Tuzla treba da planira određena sredstva da se pomogne Javnoj ustanovi „Dom penzionera“.

Prvo: Sve pohvale menadžmentu po pitanju, jer oni su jedina samofinansirajuća ustanova koja je na kraju poslovnu godinu završila sa suficitom. Međutim, ono što bi htjeo da naznačim je da evo i sam direktor je napomenuo u Izvješću da su potrebe za zdravstvenom

njegovom glade proteklih godina su se sad izjednačile 50%. Znači, pedeset-pedeset sa nekih sedamdeset-trideset što znači da je sve veća potreba za zdravstvenim radnicima kako medicinskih sestara da li srednje stručne spremlje il visoke stručne spremlje tako i fizioterapeuta.

Pa evo samo neka pozitivna sugestija u narednom periodu onaj, da se ovaj, obzirom da je povećana potreba za zdravstvenom njegovom onaj, da je ogroman pritisak na broj zdravstvenih radnika koji je trenutno zaposlen u Domu penzionera, da je povećan proporcionalno potrebama procentualno koju smo naveli evo samo znači, da menadžment razmišlja u tom smjeru da u narednom periodu ovaj, pored prijema novih radnika, novog osoblja zdravstvene struke svih onaj, kategorija da mora razmišljati i o platnim razredima svojih uposlenika tako da banaliziram primjer da recimo neko ko radi u menadžmentu, administraciji visoke stručne spremlje ne može imati veću platu od nekog zdravstvenog radnika visoke stručne spremlje koji je nosioc posla. Ili ovaj. Ne omalovažavam nikog. Ili uposlenik u administraciji srednje stručne spremlje ne može imati veću platu ili bit u većem platnom razredu od uposlenika srednje stručne spremlje koji nosi posao koji obavlja zdravstvenu njegovu.

Evo samo neka pozitivna sugestija da se planira u tom smjeru. Sve pohvale ispred Kluba vijećnika HDZ-a. Ja ću podržati Izvješće. Tako evo sve najbolje u daljem radu.

## ANA PEJIĆ

Zahvaljujem. S obzirom da nema više prijavljenih za diskusiju.

Otvaram diskusiju Klubova vijećnika za **Izvještaj Javne ustanove za predškolski odgoj i obrazovanje „Naše dijete“ Tuzla.**

Vijećnik Mirnes Ajanović. Izvolite.

## MIRNES AJANOVIĆ

Hvala. Ovo Vijeće za razliku od prošlog kad sam ja bio mandata pretpošlog sve stavi u jednu tačku i onda ti valjaš od tih 5 minuta sva 4 Izvještaja. Dakle, i ovdje se vidi transparentnost rada Vijeća i zainteresovanost za što bolju realizaciju a ne samo hajd ti što prije da završimo. Pohvala Vijeću. Nama svima.

Ovaj Izvještaj je isto tako kao što sam rekao za ove sve do sada dobro struktuiran, obiman, ovakav, onakav, sve ima u sebi prikazano sistematski dobro i neću o njemu. Podržat ću ga. Evo on ostade po strani.

Ali ću o nečem drugom. Moram. Dužan sam kao predsjednik Komisije za ljudska prava. Dobio sam određene materijale, dopise, odgovore, pa ovdje imam još odgovorene na odgovore i to ću dostaviti kao dokumente Gradskom vijeću u smislu prijedloga zaključka. Nisam ga napisao mogu kasnije. Samo da se dostavi menadžmentu „Naše dijete“ Tuzla na izjašnjenje.

Šta je u pitanju? Ovdje imam jedan dopis kojeg smo razmatrali na Komisiji za ljudska prava i slobode upućen Ministarstvu TK-a, Gradu Tuzla, gradonačelniku od strane predstavnika il dijela predstavnika ili članova Sindikata uposlenika i oni su tu na više stranica naveli neke činjenice koje su zasnovane na propisima. Između ostalog kratko: Pedagoškim standardima, normativima za predškolski odgoj gdje pozivaju se na okolnosti da predškolske ustanove realizuju cjelovit razvojni program po članu 37. Zakona o predškolskom odgoju i obrazovanju stav 1., 2., 3. Vrlo je to sve precizno. Neko je ovo radio ko je imao zaista namjeru da učini korisno svima pa možda i sebi što je opravdano. Nije to ništa loše. Govore o programu produženog boravka u ovim ustanovama. O različitom vremenskom periodu u toku radnog vremena dakle, od početka izvođenja nastave i u školama jer oni dovode i odvođe djecu. Nije to jednostavno. Dakle, pored svega ostalog što moraju da ispune sa djecom koja su

predškolskog nivoa ili prijeć samog tog i one male djece. I ja sam konzument tih usluga već više godina. Evo još malo. Još par mjeseci i gotovo ide se dalje. Ali ovdje se govori o okolnostima. Nisam ja ko član vrtića nego kao roditelj. Jeste. O spajanju grupa. Jedan zaposlenik ostaje sa grupom djece koja je prekobrojna. Roditelji su tražili da prioritet bude školski program. Nekakve imamo informacije od roditelja potpuno nepotpune. Skraćujem. Neću sve. Govori se o brojnim činjenicama. Pa čak evo i jedan prijedlog ovdje. Nisam ništa ovo napisao. A ako stigne Slađa šta? Ako ne okej.

Da tražimo od Ministarstva obrazovanja Tuzlanskog kantona da obezbijede produženi boravak u školama da rasteretimo vrtić. Ogroman je teret. Valja nekad s jednim, sa više djeteta jedan od uposlenika otić odvest dijete, pa doć po njega, pa drugo odvest, dovest kad zavisi od smijena. A to sad recimo ima u školi „Novi Grad“ Tuzla. Oni imaju taj produženi boravak. Mora se tu nešto i platiti. Šta ćemo i ovamo se plaća. I ovamo roditelj kad ima dijete koje ide u školu ono više nije za vrtića al šta će s njim? Ako oba roditelja rade moraju imati nekakvu mogućnost da dijete se odvede prije radnog vremena i da se dođe po dijete posle radnog vremena. A ova škola „Novi Grad“ Tuzla su sad dobili nagradu kolko sam vidio. Jedna su od ili su naj-bolja škola na području Tuzlanskog kantona. Dobili su priznanje. Impresivno zaista i kad uđete unutra kako se brinu o djeci. Ne hvalim nikoga nego govorim što sam vidio. Svaka čast direktoru, odnosno direktorici i ostalim koji se brinu o djeci u toj školi. A oni imaju taj produženi boravak. Ostavite dijete. Dakle, dijete posle završene nastave ima taj dio boravka do pet sati do kada roditelj može doći da preuzme dijete i u tom periodu sa djetetom se radi. Završavaju se čak i obaveze domaća zadaća i sl. Faktički da roditelj dobije gotovo ono dijete, gotov proizvod što se tiče nastave za taj dan. Ne morate potrošiti vrijeme kasnije da vi dodatno gledate kako dijete radi tu domaću zadaću ili slično. Ali ovaj prijedlog zaključka da to se organizuje gdje god je moguće. Jel negdje nije moguće prostorno u školama. Evo na cijelom području grada Tuzle. Govorimo sad o Tuzli. Ostali nek se brinu za svoje lokalne zajednice. I time bi rasteretili i sam vrtić od te obaveze i omogućili bi bolje uslove roditeljima i samoj djeci.

Ovdje postoji i dalje lista čekanja za djecu jasličkog i vrtićkog uzrasta. Otprilike oko stotinu djece dakle, nije u mogućnosti da dođu u pristup ovom vrtiću idu u privatne vrtiće. Šteta je to jer djeca žele, roditelji žele. Dakle, i to pokazuje ozbiljnost ove ustanove pa i neophodnost za proširenje kapaciteta prostornog i svakog drugo smisla. Sve to podrazumjeva i između ostalog u ovom dopisu imaju i ove okolnosti.

Govori se ovdje o raznim činjenicama. Govori se o raspoređivanju zaposlenika u odgojne grupe dvije recimo gdje je šezdesetak djece pa onda jedan radi od 8 do 15 i 30 u jednoj grupi pa...Ne bih sve. Menadžment ovo i-ma.

Šta je problem? Govori se o ispunjenju uslova za odlazak u penziju. Neki su čak i u penziji i treba dati mogućnost pa pogotovo tim odgojiteljima koji su već vrlo iskustveni sa tom djecom da mogu raditi i biti u angažmanu naravno u skladu sa propisom. I bez obzira na odlazak u penziju. Fali im dakle, ovih radnika. Sve iz ovog dokumenta šta treba da bude.

Ovdje pogotovo imaju djeca sa poteškoćama lakšim i težim. I tu ima realizacija. Ima tu logoped. Ova ustanova pokušava to radit jel ovdje se govori o tome kako može biti bolje. Onda plaćanja participacije u određenom iznosu u zavisnosti od predškolske ustanove, odnosno osnivača. Odredbe za godišnji odmor, za poboljšanje organizacije rada dopunom člana 56. Zakona o predškolskom odgoju i obrazovanju da predškolske ustanove internim aktima mogu organizovati kolektivni godišnji odmor u trajanju najmanje 12 radnih dana. Zakonski minimum. Zbog otežane organizacije rada tokom ljeta juli i avgust i spajanje grupa. Tad se spajaju i u grupe dakle, praktično sva djeca idu u jedne grupe.

Dalje imaju predlozi i o definisanju osnovica uposlenih u predškolskim ustanovama 60 odsto od prosječne Federalne plate. Traže ispunjenje istog. Naravno potrebna su sredstva.

Između ostalog prijedlog jednog od zaključaka jeste da se obezbijede budžetska sredstva adekvatna za funkcionisanje ne od naredne godine nego od ove godine kako ne bi došlo do

povećanja cijena, a govori se o povećanju cijena. Imate roditelja govorimo sad o okolnosti gdje svi daju evo podršku pa čak se i finansira iz strane Budžeta Tuzlanskog kantona rađanje djece u smislu pomoći a onda dođete u poziciju da imate jedno, dva il troje djece i idete u vrtić i to je već katastrofa za porodicu. A ovo mo-ra biti obezbjeđeno. Govorim o ovim okolnostima starih a mi moramo se brinuti ovdje o djeci koju moramo obrazovati, izdići, podići jer i njihove roditelje da bi se oni mogli brinuti o starima.

Šta se desilo? Mi smo poslali ovaj dopis i dobili smo od njih odgovor i eto nešto svašta između ostalog to kao nije baš sve tako. I tražili smo ponovo. Naravno Komisija je išla dalje sa ovim. U međuvremenu sam ja dobio lično odgovor advokata ovih određenih lica. Ja nisam htio da budem advokat. Upoznat sam s ovim vrlo dobro. Iz razloga što sam vijećnik i nisam želio da iz tih razloga budem zastupnik ovih ljudi.

Još jedan poziv dakle, menadžmentu, direktoru ko god od ovih ljudi radi bilo šta u smislu da evo kritikuje, ukazuje, predlaže ili slično ne smije bi-ti na bi-lo kak-vom udaru bilo čega. Bilo kakve odmazdi. Negativnosti. Negativnog stava. Da ne kaže ono eto klasično modernog mobinga. Ni-po-što. Iskreno rečeno bez obzira što ja uskoro izlazim iz te ustanove u smislu da dijete ide u školu za par mjeseci eto ostat ću, pratiti te ljude. Dakle, nemoj-te revanšizam. Svi koji daju određene prijedloge, kritike ili bilo šta žele da pomognu. (ANA PEJIĆ – Vodite računa samo o vremenu molim vas.) Nastavit ću kasnije. (ANA PEJIĆ – Može.) Hvala.

## ANA PEJIĆ

Sljedeći za riječ se javio vijećnik Mirza Malkočević. Izvolite.

## MIRZA MALKOČEVIĆ

Hva-la. Prije svega da se zahvalim kolegi Mirnesu što je pročitao dosta stvari koje sam mislio ja da pročitam jer imamo iste dokumente. Ja nažalost neke stvari sve koje smo pročitali al isto košto smo do sad pričali sigurnost djece ba-r me-ni je uvijek na prvom mjestu i ne možemo poredit djecu kao ne znam. Nije isto kad je sigurnost djeteta i ne znam pukla je cijev nije pukla, imamo grijanja nemamo grijanja. To je prioritet.

Kad pričam evo gospodin kolega naš Mirnes je se dotakao famozne oni ih tako zovu troj-ke ovaj. Ne trojka u Federaciji nego trojka gdje jedan odgajatelj ostaje na tridesetoro djece. Mi smo već razgovarali isto vezano na tu temu i rečeno je da nije to jedan odgajatelj nego da ima tu još bude servirka ja mislim jel tako nešto.

Ovaj, bitno je naglasiti razumijemo potrebu kapaciteta i da su dekapacitirani ili da ode kolega ili kolegica na bolovanje al moramo da znamo da je sigurnost djece uvijek na prvom mjestu. Ne-do bog da se nešto desi ko je odgovoran u slučaju bilo kakve nesreće il nešto a da jedna odgajateljica nije u mogućnosti da izvede svu djecu iz obdaništa u slučaju požara il bilo čega drugo?

A kao što vidimo imamo mislim stručni saradnici kojih ima 7 plus fizički gospodin za tjelesni odgoj i sport. Da li je u mogućnosti pošto oni imaju svoj zaseban Pravilnik koji su donjeli. Da li je u mogućnosti da se i oni vrata u grupe kada je potrebna pomoć odgajateljicama? Jel svi znamo da je ne-mo-gu-će izdržati sa tridesetoro djece pogotovo cijelu smjenu, cijeli dan. S tim što ovdje se konstantno niko ne spominje da u grupama vjerovatno u par njih. Ne znam tačno koliko. Imamo djecu sa bla-gim poremećajem u ponašanju da se...Kolko je te-ško to samo jednoj odgajateljici da bude cijelo vrijeme tu.

Onda. Samo sekundu da ne profulam nedobog nešto. Eh, eh ovo mi je potrebno. Ovo što je kolega rekao konstantno evo kako znamo pričali smo o poskupljenju ovaj, i to da li će to poskupljenje biti 30%, 35% pa 10% al znamo da mi u javnom, Javnoj ustanovi „Naše dijete“

imamo ako se ne varam 90 odgajateljica i 10 medicinskih sestara. Ako već idemo ka tome i oni su u suštini nosioci svega. Cijelog, cijele ustanove. Treba da razmišljamo o tome ako već imamo kako je najavljeno ja misli od 1. juna ovaj, da će se biti oslobođeni na nivou Federacije i mislim da će se uštediti na doprinosima. I dobili smo dopis od roditelja da bi roditelji pristali na eventualno poskupljenje od 10% plus da se u rebalansu Budžeta ovaj, isto tako 10% novca uplati javnoj ustanovi i mislim da trebamo dobro, dobro razmisliti da jedan dio toga ide na plate našim odgajateljicama i medicinskim sestrama jer su oni nosioci svega. U suštini sve je na njihovim leđima. Djeca pogotovo. Evo rekli smo imamo 1300 djece. Veliki je, veliki je to broj djece a znamo evo samim tim košto su ovdje naveli, košto je kolega pročitao da idu pošto smo predškolska ustanova ali imamo i školsku djecu gdje su odgajatelji dužni da idu pokupe djecu i u škole vrate i opet imamo da preuzimaju grupe od kolega tako da ostaju sami s djecom.

U razgovoru, mislim da smo razgovarali. Vidio sam da je napravljeno ove godine kad bude prijem nove djece da će biti prioritet prvo u prvom krugu ako sam dobro razumio prijem samo predškolske djece u slučaju da ostane mje-sta da će se onda ponovo raspisati za djecu školskog uzrasta. S time evo ako sam dobro vidio a reko je i kolega da je 110 djece ako ne i više na će-ka-nju. Ovaj, stim ovaj, hoću samo da...I šta sam još vidio. To je ono. Naglasio sam kad smo bili raspravljali o usvajanju „TRAGA“ da je kao što vidimo Budžet...Samo sekunda. To su ostali izvori: Projekti i donatori. 2024. godine imamo 2 hiljade i 900 maraka. Pa to je, to je ono na čemu stvarno treba da radimo i na čemu menadžment mo-ra da poradi. Budžet Federacije 4 hiljade i 600 maraka, Budžet Vlade TK-a 51 hiljadu 429 maraka. Budžet Grada Tuzla 2 i po miliona. Ja stvarno smatram da je nerealno da za cijelu godinu ostali izvori projekti, donatori, mi kao javna ustanova znamo da su svi osjetljivi na djecu. Imamo samo 2 hiljade i 900 maraka. Evo toliko za prvo javljanje. Hva-la.

## **ANA PEJIĆ**

Zahvaljujem se. Sljedeći za riječ se javio vijećnik Emir Šahović, a neka se pripremi vijećnik Senad Mehmedinović.

## **EMIR ŠAHOVIĆ – vijećnik Pokreta demokratske akcije- PDA**

Hvala predsjedavajuća. Pa vidte. Svi ovi, sve diskusije vezano za ove Izvještaje javnih ustanova i javnih preduzeća su dobronamjerne. Nama je ovdje u cilju i kada kritikujemo i kada hvalimo da unaprijedimo poslovanje za neki naredni period.

Prvo ću se nadovezati na diskusiju kolege Mirnesa. Mislim da je Vlada Tuzlanskog kantona, a neka me kolege isprave ako griješim usvojila određena sredstva vezana za ovaj produženi boravak onaj, za ovu 2025. godinu i da će Vlada Tuzlanskog kantona finansirati troškove odgajatelja u produženim boravcima i to je stvarno dobra i korisna stvar što ostavlja dosta prostora znači, na ovom prvom konkursu za sljedeću onaj, sljedeću ovu poslovnu godinu ovog Javne ustanove „Naše dijete“ znači, djecu predškolskog i jasličkog uzrasta.

Kada je u pitanju aktuelno i trenutno poslovanje obdaništa ja sad puno neću onaj, pričati jer evo hajde tačka je Izvještaj o radu za 2024. godinu. Ja nisam bio u mandatu u 2024. godini ali sam pregledao ovaj Izvještaj o radu i evo vidimo u odnosu na 2023. godinu da je Grad Tuzla znatno povećao sredstva iz Budžeta kada je u pitanju Predškolska ustanova „Naše dijete“ a i po našim evo saznanjima i usvojili smo da smo već 2,7 miliona izdvojili bez ikakvog rebalansa znači, nije konačna cifra, al već smo 2,7 miliona iz Budžeta Grada Tuzle za 2025. godinu onaj, odredili za obdaništa „Naše dijete“ što je ozbiljno povećanje. Ovo što i kolega Mirza Malkočević kaže ovih 2 hiljade i 900 maraka i to su neke uplate od nevladinih organizacija. Znači, nije ni jedan projekat. To je po meni po-razno ali evo opet je bolje od ove nule iz 2023. godine pa evo idemo ka nekoj većoj cifri i nadam se da će se to malo i uozbiljiti. Jer evo kažem

znači, s obzirom da je 2024. godina u kojoj ja ni-sam bio Gradski vijećnik ja ću ovaj Izvještaj usvojiti. Znači, to nije upitno. Znači, Klub vijećnika Pokreta demokratske akcije će podržati ovaj Izvještaj o radu. Međutim, u 2025. godini budemo li imali 2, 3, 5 hiljada za projekte ja neću usvojiti. Znači, to...I sada evo imamo situaci-ju ovaj, ovaj Izvještaj o radu je super usklađen i sve sam ja to gledao i onda mi dođe zapara mi jedna cifra oko a to je znači, konto hrana i prehrambeni materijal u iznosu od 319.847 maraka i 73 feninga. I onda ja to podijelim na 1312 djece koliko je bilo u 2024. godini i dobijemo 243 marke i 79 feninga po djetetu. Pa kada podijelimo na 12 mjeseci to je mjesečno po djetetu 20 maraka i 32 feninga. I ako je prosjek 22 radna dana djeca u obdaništu dnevno koštaju kada je hrana u pitanju za doručak, ručak i užinu 92 feninga. E sad. Pričali smo kako vijećnici treba da, da obilaze menadžmente i da se upoznaju i tako. Ja sam imao tu praksu i krenuli smo sa tom pričom je li i između ostalog dok nismo došli do menadžmenta Predškolske ustanove „Naše dijete“ gdje smo, gdje ni-smo dobili određene informacije i gdje smo tražili da ponovimo sastanak da bi razjasnili neke stvari i naišli smo na određene probleme na tvrdnje da mi kao vijećnici ne smijemo da obilazimo preduzeća i da ne bi trebali i evo sad pošto mi nismo na tim sastancima riješili ove stvari ja sam odlučio da ovu evo recimo konkretno stavku onaj, iznesem ovdje.

I sad. Da li roditelji...? Evo ako pričamo o poskupljenju sa 200 na 260 maraka da li će roditelj pristat na 260 maraka ako zna da mu dijete danas jede za 92 feninga? Znači, da pa-ra nema. Nije da nema. Evo vidim u konačnoj znači, imamo na onaj, kako se zove neraspoređenih višak od prihoda za 2023. i 2024. godinu koji je znači, ukupno od 158 hiljada maraka. A samo za 2024. godinu imamo manje troškova od prihoda 107 hiljada maraka. Znači, da para ima. Da ovih 92 feninga mogu biti marka i trideset znači, onaj. Tako da mi je, to mi je posebno zaparalo.

I kada je u pitanju hajde vidimo konto recimo: Izdaci za obrazce i papir koji je bio u 2023. godini 21 hiljadu maraka. Sada nema u 2024. godini. Izgleda da je kupljen papir u 2023-ćoj. Ali izdaci za ostali administrativni materijal sa hiljadu i po maraka je skočio na 32 i po hiljade maraka.

Ja sam kada su u pitanju ove prehrana kada je u pitanju djece ja sam se konsultovao sa Federalnim zavodom za javno zdravstvo i postoje tabele smijernica gdje djeca znači, ako su u jaslicama il ako su u predškolskom uzrastu koliko nutritivno trebaju da unose nutrijenata kroz obroke. Pa mi sad gledamo da dijete od 4 do 6 godina treba proteina da unese 16,6 grama. Pa sam ušao onda u, u jelovnike koji su aktuelni u „Naše dijete“ i imamo doručak krofna sa marelicom i čaj. Čaj nema nutritivnu vrijednost. Krofna sa marelicom ima ugljikohidrat i šećer. Nema ni masnoću, nema ni vitamine, nema ni onaj, kako se zove ni proteina naravno. E onda imamo ručak kao što su makarone s kajmakom. Pa dobro. Ima nešto malo u kajmaku proteina. Ima čisti ugljikohidrat. Opet nema vitamina, nema onaj, tako da...A imamo četiri doručka od pet u sedmici gdje imamo čaj koji nema apsolutno nikakvu nutritivnu vrijednost.

Ja sam postavio vijećničko pitanje tako da nema potrebe da mi se odgovara odma i ja sam tražio da mi se dostavi tabelarno normativ jela sa važećih jelovnika čisto da mi vidimo koliko zapravo i kako je moguće da ova 92 feninga, jer znamo da ova krofna sa marelicom izgleda da je duplo skuplja. Znači, kako se uklopi u ova 92 feninga? Nije problem što je visok. Mislim prenizak je trošak spram broja djece i to je meni zabrinjavajuće. Samo da vidimo po normativima šta se tu zapravo radi? Da ja sad ne pretpostavljam šta se radi sa onaj, hranom. Ali da vidimo znači, po gramaži, po namirnicama kako je određeno da jedna, jedna obrok porcija izgleda za dijete u jaslicama ili za dijete od znači, u predškolskom obrazovanju? Eto toliko od mene. Hvala.

**ANA PEJIĆ**

Zahvaljujem se. Sljedeći za riječ javio se vijećnik Mirel Mišković, a neka se pripremi vijećnik Šefik Husić. U stva...Senad Mehmedinović izvinjavam se, pa Mirel Mišković. Čekajte

red. Svi ste vi upisani. Svi ste upisani. Senad se javio prije. Izvinjavam se. Pa onda Mirel, pa Šefik Husić.

## SENAD MEHMEDINOVIĆ

Hvala. Prvo digresija jedna onaj, Gradsko vijeće usvaja a vijećnici glasaju. Pošto je bilo diskusija malo grešaka tih oko, oko terminologije.

Dakle, imamo IZVJEŠTAJ OBDANIŠTA „NAŠE DIJETE“. Izvještaj o obdaništu koje je dalo otkaz zaposlenom nakon dolaska sa bolovanja kome je istekao probni rad i u odgovoru koji sam dobio kao vijećnik kaže da: „Nije zadovoljio na poslovima radnog mjesta“. Okej. Dakle, može svako da ne zadovolji na poslovima radnog mjesta, ali ono što želim od obdaništa da bi ja riješio neke nedoumice koje imam jeste:

Da li je taj otkaz dat u skladu sa Zakonom o radu Federacije Bosne i Hercegovine na način da otkaz sadrži razloge za otkaz i da li postoji opravdanost otkaza koje mo-ra biti do-ku-men-to-va-no? Dakle, ocjena rada, evaluacije i da li je to sve dostavljeno radniku uz otkaz?

Tražim od obdaništa a kad je u pitanju ovo da mi dostavi informaciju:

Da li imaju pi-sa-ne opomene vezano za ovog radnika?

Da li imaju zapisnik o slabim rezultatima ovog radnika?

I da li imaju evaluaciju rada ili Komisijske izvještaja na osnovu kojih se može zaključiti da radnik nije zadovoljio na poslovima radnog mjesta a što je u skladu sa Zakonom o radu Federacije Bosne i Hercegovine?

I da li je ovaj radnik koji je dobio otkaz da li je uložio žalbu na otkaz?

Da li je ona uvažena?

I šta se dešavalo dalje?

Takođe tražim od pomoćnika gradonačelnika Službe za ekonomske poslove da mi dostavi dopis koji je poslan od strane lica koje je dobilo otkaz.

Prema informacijama koje ja imam ne mora značit da su tačne. Taj dopis se sastoji od nekoliko listova a koji ukazuje na određene nepravilnosti u radu obdaništa „Naše dijete“.

Takođe kao vijećničko pitanje sam postavio i tražio da nam se dostavi informacija:

Da li je došlo do povećanja koeficijenata određenog administrativnog osoblja? I dobio sam odgovor pozitivan.

I mene sad zanima takođe a što je isto definisano Zakonom o radu:

Da li direktor može povećati koeficijent iako je to Pravilnikom o unutrašnjoj sistematizaciji radnih mjesta obdaništa „Naša dijete“ definisano da može?

I ono što ja sebi postavljam pitanje i volio bi da dobijem odgovore na to:

Da li je u stvari stariji unuk ili djed?

Ja čitajući ovo zaključio sam da je stariji unuk. Zašto govorim? Govorim zbog toga:

Da li je Pravilnik koji je već postojeći i objavljen je na web stranici a tiče se unutrašnje sistematizacije radnih mjesta da li je rađen u skladu sa Zakonom o radu?

I da mi se dostavi informacija da li u skladu sa Zakonom o radu...? A isčito sam tamo da ne može se tako.

Da direktor i-ma pra-vo bez saglasnosti osnivača povećati koeficijent u obdaništu „Naše dijete?“

Možda ja griješim ali bi volio da dobijem informaciju da riješim neke dileme i razmišljanja koja imam.

Nadzor: Iz ovog Izvještaja koji nam je dostavljen ovdje mi možemo vidjeti da je bio nadzor na način od strane zdravstvene službe koja je vršila higijensku kontrolu. I okej.

Zanima me i da dobijem informaciju:

Da li je u 2024. godini pored ovog nadzora bi-la bi-lo kak-va vrsta inspekcijskog nadzora od strane pedagoškog zavoda, finansijske inspekcije, neke inspekcije iz Kantonalne uprave za inspekcijske poslove?

Ako jeste, a ja imam određene informacije al čekam da dobijem to.

Zašto to nije navedeno u ovom Izvještaju?

Zašto je u Izvještaju navedeno samo zdravstvena služba vršila higijensku kontrolu?

A ako su neke druge inspekcijske službe bile i nešto evidentirale zašto to ne stoji u ovome Izvještaju?

Takođe i mislim da je to jedan generalni problem obdaništa pa i kolege su govorile.

U Izvještaju nemamo podataka o listi čekanja. Znači, ne postoji taj podatak.

Koliki je broj djece koja čekaju da pohađaju obdanište i da li je došlo do povrede principa jednakog pristupa?

Prednost u obdaništa u skladu sa Zakonom o predškolskom odgoju i obrazovanju imaju djeca uzrasta ja mislim od 6 mjeseci do 6 godina. Pro-du-že-ni boravak je dopunska usluga. To je problem koji treba menadžment da riješi.

Da li mi zbog dopunskog, zbog dopunske usluge i produženog boravka imamo preko stotinu-stotinudeset-stotinudvadeset djece koja ne mogu da pohađaju obdanište?

Pa ako imamo to se mora riješit. Znači, da li će biti rješenje što su kolege komentarisale da to bude u sklopu škole? Zašto da ne. Pa nemojte vi da...Imaju porodice koje su zaposlene koje ne mogu da onaj, da njihova djeca pohađaju obdanište.

Također u Izvještaju a to sam u prošlom sazivu Vijeća inicirao da se uvedu ključni indikatori učinka obdaništa. Ne-ma, ne postoji korisničko zadovoljstvo. (the dialed subscriber is temporary not available) Znači, ne postoji korisničko zadovoljstvo. I ja sam na prošlom sazivu Vijeća tražio da obdanište „Naše dijete“. Pazite ne govorim ništa personalno. Go-vo-rim o instituciji da se razumijemo.

Znači, u prošlom sazivu sam tražio da se do-sta-vi evaluacija zadovoljstva usluga korisnika. I znate šta se desilo? Ja sam to propratio al ništa ništa nisam htio da pričam. Tad sam bio dio većine. Šalim se. Objavljena je ta anketa. Pazite. Objavljena je ta anketa na obdaništu „Naše dijete“ o zadovoljstvu uslugama.

Znate koliko je bila onaj, na, na web stranici? Dva dana.

Nakon dva dana je nešto to povučeno. Mi nemamo povratnu informaciju. Ja pretpostavljam zbog čega nemamo povratnih informacija. Pao server, odnosno ljudi su dali odgovore onakve kakvi neki nisu izgleda očekivali.

Dalje: Za potrebe izvođenja programa obaveznog odgoja i obrazovanja u periodu april-juni govorim za ovu godinu zaposleno je još 4 odgajatelja. Ja ne znam dobio sam informaciju od nekih škola da kad je bilo donošenje odluke gdje će djeca pohađati ovu obaveznu nastavu koju od škola. Pa jel moguće da neko ko je pravio raspored da kaže da veća grupa djece dođe u mjesto gdje samo imamo manju grupu djece. Na primjer: U jednoj školi imamao 15 djece, petnestoro djece koji trebaju da idu u ovaj obavezan vid predškolskog obrazovanja u drugoj školi imamo troje i ovih 15 treba da dođe tamo gdje je troje. Naravno ja sam napisao urgenciju vezano za te stvari al zar moramo da, da raspravljamo o tim stvarima? I ko je sjeo tako samo presjekao, napravio taj raspored bez da razmišlja kakvi su odnosi unutar mjesnih zajednica i između onaj, mjenih, mjenih zajednica?

Dalje: Kada je riječ o potraživanjima ovdje imamo sumnjiva i sporna potraživanja u iznosu od 37.000 konvertibilnih maraka. Pretežno se to odnosi na dugovanje roditelja korisnika usluga i nedovoljna efikasnost naplate ugrožava likvidnosti i finansijsku stabilnost obdaništa „Naše dijete“.

Visoka kratkoročna potraživanja koja su u iznosu od 107.000 konvertibilnih maraka.

Na-gli rast razgraničenih prihoda sa 15.000 u 2023-ćoj na 122.000 u 2024.godini. (ANA PEJIĆ – Molim vas samo vodite računa o vremenu.) Okej. Dobro. Još 12 sekundi. Nastavit ću. Nepoklapanje sa Elaboratom popisa.

Ljudi ovo su ozbiljne stvari. Ja sam predsjednik popisne Komisije na Univerzitetu na svom fakultetu i dobro znam šta se mora uraditi. Prilikom izrade finansijskog izvještaja odstupanja u odnosu na Elaborat popisa imovine i obaveza. (ANA PEJIĆ – Isteklo vam je...) Okej. Pitanje i završavam.

Šta je isknjiženo, koji iznos jer je riječ o poslovanju i-mo-vi-nom javnom? Hvala ljepo i nastaviti ću.

## **ANA PEJIĆ**

U redu. Samo da vas pitam. Da li tražite da vam se na pitanja odgovori odmah danas (SENAD MEHMEDINOVIĆ – Ne mora. Ne mora.) ili pismeno? (SENAD MEHMEDINOVIĆ – Pismeno.) U redu. Samo da znamo.

Sljedeći za riječ javio se vijećnik Mirel Mišković, a neka se pripremi vijećnik Šefik Husić. Izvolite.

## **MIREL MIŠKOVIĆ**

Za-hvaljujem predsjedavajuća. Evo malo bi prokomentarisao ovu JAVNU USTANOVU „NAŠE DIJETE“ TUZLA. Velika sramota za nas vijećnik, za Gradski Budžet, za Službe, za Ustanovu da mi danas imamo liste čekanja. Da imamo na današnjem danu znači, listu čekanja od 100-120 dječaka ili djevojčica koji ne mogu da pohađaju obdanište jer tamo nema mjesta, nije neka organizacija a spremni su možda i da plate ovu poverljivo cijenu tog obdaništa.

Evo htio bih još nešto da kažem da je ulog u obrazovanje jako nam bitan. Da znanje koje čovjek nauči za svoj čitav život znači 90% tog znanja ona nauči do svoje sedme godine. To je baš taj period kad to dijete provede u ovoj javnoj ustanovi.

Mi ako kao vijećnici, kao Vijeće, kao Grad, kao Služba koja je nadležna na ovom javnom ustanovom, javna ustanova nismo spremni da uložimo u, u period razvoja najvažnijeg za naše dijete kad ono nauči 90% svog znanja cjelokupnog životnog onda ja mislim da i nas sve ovdje treba da bude sramota što sjedimo i što ne učinimo nešto po tom pitanju. Da li treba povećati Budžet ovoj Ustanovi? Naravno da treba i treba kad se poveća, kad se stvore svi ti uslovi treba naravno pratiti kako se taj Budžet troši i koje se mjere sprovode i kakve mi rezultate imamo.

Moram vam napomenuti da je u zadnje vrijeme došlo do strašne jedne pojave među tim uzrastom to je ekranizacija. Sva ta, sva ta djeca tog uzrasta znači, zbog neodlaska u vrtić, zbog davanja djece kod razno-raznih teta čuvalica tamo vamo dobivaju mobitel u ruke i taj mobitel, tablet šta li već znači, on je njima dnevno preko četiri pet sati u rukama i djeca kad krenu u prvi razred jako teško se uključuju da pišu, da čitaju al zato prstić po mobitelu leti ko lud. Znači, ova ustanova je ta koja je na prvoj liniji borbe protiv ekranizacije. Ta ekranizacija vjerujte je da je postala jedna veoma, veoma opasna pošast. Ona kad zauzme znači tad je već mozak podobro sagorio i dijete ne može da primi onoliko koliko treba informacija kada krene u školu.

Dalje: Klub Demokratske fronte što se tiče poskupljenja neće bit nikad ni za jedno poskupljenje na račun roditelja. Znači, to odma da budemo načisto i jasno. Znači, prvo poskupljenje koje je bilo skoro sa 160 na 200 maraka znači, išlo je samo na teret roditelja znači, a dobro znamo da u cije-nu, ci-jenu obdaništa participira i Grad i roditelji. Usluga ta Gradu nije povećana. Budžet Grada za to obdanište je ostao isti ali je zato roditeljima povećano za 40 maraka.

Sad se ponovo govori da se poveća ponovo roditeljima za 35% znači, to je 70 a da na Budžetu Grada da mi to ostavimo na tom istom nivou na koji i jest. Naravno to će stvoriti dodatni problem ustanovi. Oni se ne mogu organizirati. Ne mogu naći odgovornosti i to onda kreće to neko taborenje te ustanove. Znači, dođe do toga da će direktorica vjerovatno morati smanjivati plate, otpuštati, smanjivati topli obrok, prevoz, dovijati se na razno-razne načine da bi ta plata koja je stvarno i mala bila ovaj, redovna. Tako da je moj prijedlog da uradimo sve na svaki mogući način da se poveća Budžet ovoj ustanovi ali istovremeno, ali istovremeno da vršimo jako povećan monitoring utroška tih sredstava.

Slažem se ja i sa kolegom da, da hrana možda nije adekvatna, da, da, da nadzor treba da bude bolji, da sa tom djecom treba vi-še da se radi. Sve to stoji. Ali da bi to mogli mi tražiti od ustanove moramo joj dati uslove.

Dalje: Imam jedan konkretan prijedlog za menadžment ako može da riješi?

Ujutru, ujutru znači, kada roditelji dolaze u obdanište ogroman je problem oko parkinga. Pogotovo u vrtiću Slatina i u vrtiću dole kod Kosta Popov škole u Batvi. Jednostavno u periodu od...„Poletarac“ i „Pčelica“ ja mislim da su obdaništa. Jednostavno u periodu od 7 do 8 sati svi roditelji dolaze s autom, ostavljaju djecu. U tom trenutku se ne zna ni koja je, koja je strana ulice za parking, koja je jednosmjerna, koja je dvosmjerna. Vjerujte da se dešavaju jako ružne ovaj, situacije.

Bilo bi dobro da se obrati pažnja znači, ujutru u tom periodu od 7 do 8 sati ovaj, da se taj saobraćaj organizuje, reguliše da li sa SIK-om, da li sa policijskom patrolom, da li da neko iz ustanove ovaj, malo tu se uključi ne znam ali to je problem svakako roditelja i menadžmenta koji treba on da riješi a ne mi ovdje.

U suštini ja vjerujem da, da, da, da imaju veći Budžet da bi to bilo puno, puno bolje i naše je evo sa ove strane da učinimo sve da povećamo ovaj Budžet, da što više uložimo u ovu kategoriju naših najmlađih. Eto toliko. (MIRNES AJANOVIĆ – Replika.)

## ANA PEJIĆ

Zahvaljujem se. Replika? Vijećnik Mirnes Ajanović. Replika. Izvolite. Mirele molim vas samo mikrofona. (Aha može, može.)

## MIRNES AJANOVIĆ

Ma dok je riječ o Budžetu a povesće će kasnije ova tema. Evo ja imam Budžet Bijeljine za ovu godinu 83 miliona. Naš je 92. Oni su obezbjedili za 900 djece 150, 142 radnika 3 miliona i 800. Imamo 160 djece. Pardon. 160 radnika. 1366 djece 2 miliona i 700. Dakle, manje ih je za gotovo 400-500 djece i imaju milion više. Evo, evo ga ovdje Budžet Bijeljine. Dakle, uzeo sam jedan grad kao primjer ali je-su napravili proteste. Pa kad su napravili protest onda su riješili problem. Sad imaju vrlo funkcionalno obdanište. Pokriveno je sve. „Čika Jova Zmaj“. Evo ga ovo je...Govori se o njima. Tako se zove njihovo obdanište tam. Mi moramo dati novac. Grad Tuzla mo-ra dati novac. Evo jedan od primjera kako to ide. Ne možemo mi ovo prebaciti na roditelje. Ovaj dio gdje smo čuli ovu informaciju da će školski dio ova produženog boravka biti finansiran iz Kantona jeste pohvala. Evo da ja malo pozdravim, pohvalim ministra Omerovića. Zna stalno ga nešto kritikujem pa hajde da malo i ova pohvala. Jeste. Ja. Jeste pozitivno. Ali mi i Grad moramo zauzeti evo zaključke. Ovo sve treba biti sve što pričamo da se dostavi i gradonačelniku i menadžmentu kako bi se riješio problem. Problem mora biti hitno riješen i zato ova replika u smislu poboljšanja ovog stava kojeg smo čuli. Hvala.

## ANA PEJIĆ

Zahvaljujem se. Vijećnik Šefik Husić. Neka se pripremi vijećnik Omer Berbić. Izvolite.

## ŠEFIK HUSIĆ

Zahvaljujem predsjedavajuća. Pa evo opet se svodi na ovo što smo govorili i za ova tri Javna preduzeća stadion „Tušanj“, „Dom penzionera“ a isto tako i za Javnu ustanovu „Naše dijete“ Tuzla a evo i kolega Mirnes je ponovo ponovio znači, treba odriješit kesu u Budžetu, povećat znači, onaj, stavke koje se tiču ovih javnih ustanova da ne ide sve na teret roditelja naravno. Samo mi bude ovako malo mučno nekad slušat diskusije gdje smo mi i ekonomski analitičari i nutricionisti i psiholozi itd. itd. Ne znam da li je neko od ovih koji diskutuju znači, bio direktor neke ustanove il bio u menadžmentu neke ustanove pa da vidi malo kako to izgleda.

Ustanova „Naše dijete“ samo nisam čuo ovdje još da je kriva za secesionizam ovaj koji sprovodi Milorad Dodik znači, i stvarno mi je malo degutantno. Mislim da ovdje ima možda i nekih ličnih onaj, animoziteta prema ustanovi al mislim da to ne trebamo onaj, ovdje reflektovat treba reći realno. Većina nas ovdje je imala iskustvo sa Javnom ustanovom „Naše dijete“ Tuzla onaj, ja sam lično sa dva djeteta imao iskustva koja su prebogata pozitivnim utiscima i mislim da to onaj treba, naglasit.

Bit direktor jedne ovakve javne ustanove znači, u prevodu bit madžioničar. Znači, naročito sa ovim sredstvima koja se izdvajaju iz Budžeta Grada znači prema ovakoj jednoj ustanovi. Ne može javna ustanova „Naše dijete“, ovo što kolega onaj, Mirel kaže brinut o tome dal mi imamo parking kad vučemo djecu il nemamo itd. itd. Onaj, njima treba pomoć na isti način znači, kako sam rekao evo onaj, nek se to planira kao zaključak:

Znači, treba im pomoć sa izdvajanjem više sredstava iz Budžeta Grada.

Treba im pomoć znači u ovim ljudskim resursima jer kao što je rekao kolega onaj, Mirza to je jako odgovoran posao. Znači, imamo jedno il dvoje djece pa je nekad zbog hiperaktivnosti teško upravljat njima al kad imate trideset djece, tuđe djece znači za odgovornost onaj, nije ni malo jednostavno.

Ljudi koji rade tamo s kojima sam ja imao godinama znači, lična iskustva ja im čestitam u svakom smislu. To su jako savjesni i čestiti ljudi i koji su vodili o svim segmentima znači odgoja djece, edukacije djece itd. Brinuli se za odvođenje od obdaništa do školske klupe i nazad. Sa jako puno entuzijazma rade. Imaju o-gromna srca za razliku od, od mnogih onaj, i sa ljubavlju sigurno rade svoj posao.

Zato mislim da nije korektno onaj, svu salvu izručit na, na Javnu ustanovu „Naše dijete“ u negativnom kontekstu, treba reći i neke pozitivne stvari. Ovaj Izvještaj znači, ustanove je realan Izvještaj i realno iznesen. Nije ovdje ništa skriveno. Po onome što sam ja vidio, a nisam kažem ekonomski analitičar, nisam nutricionista itd. Dovoljno znam. Moja djeca su onaj, koristila obroke ove ustanove koji su bili zadovoljavajući. Ni-sam onaj, ulazio u to kolika je cijena toga al sigurno znam po onome što smo imali kao jelovnik koji je svaki mjesec unaprijed bio onaj, uručen roditeljima da je dovoljno znači, za taj, za taj, vremenski period kolko djeca borave.

Ja bih još jednom znači, da, da pohvalim ovaj menadžment obzirom da znam otprilike o kakvim uslovima i u kakvim uslovima onaj, ovi ljudi rade. S jedne strane. S druge strane znači, želim čestitat onaj, direktoru ove ustanove da dobro rukovodi s ovom ustanovom obzirom kakvi su, kakvi su uslovi. Hvala.

## ANA PEJIĆ

Zahvaljujem se. Sljedeći za riječ javio se vijećnik Omer Berbić. Neka se pripremi vijećnik Nedžad Jusić. Izvolite Omere.

## OMER BERBIĆ

Fala ljepo. Kada govorimo o ovome Izvještaju konkretno meni se čini da svi mi ovdje generalno smo do sad govorili treba Budžet, treba opet staviti ruku u Budžet i evo ja se slažem, nije to sporno i podržavam naravno da ovo povećanje koje je predloženo od 30% gdje smo dobili samo informacije preko puta medija ne smije biti toliko. Mislim ja zaista mislim da to ne smije biti toliko i da je to previše pogotovo uzimajući u obzir da smo već imali jedno povećanje. Ono što smo vidjeli i od strane roditelja jeste da i oni predlažu jednu kompromisnu varijantu i ja evo predlažem da ovaj, zaključkom mi kao Gradskog vijeće se obavežemo da ćemo zaista tu kompromisnu varijantu od strane roditelja ispoštovati jer ne može sve da ide na njihov teret nek ide nešto na teret i nas. Kad kažem nas mislim na Gradsko vijeće, odnosno Grad Tuzlu koji raspolaže Budžetom koje punimo mi svi. A šta nam je bitnije nego naša djeca. Naravno ja se tu 100% slažem i mislim da nema ništa bitnije nego našu djecu dovesti u jedan ljep, dobar pozitivan ambijent, pozitivan položaj i da imamo taj položaj pronatalitetne politike gdje ćemo biti partner i roditeljima a i roditelji gdje će biti partner i nama i da se napravi jedan ljep ambijent.

No, međutim ovdje se uvijek spominje Grad Tuzla i Budžet Grada Tuzle i ja to podržavam. No, međutim mi kada otvorimo neke stvari kaže ajmo riješiti Javni Gradski i prigradski saobraćaj i opet mi na Budžet Grada Tuzle pa jeste naša nadležnost, nije naša nadležnost, ali evo Grad Tuzla vidi problem pa mi kažemo evo mi ćemo uzeti na Budžet Grada Tuzle iako ostali nivoi vlasti skoro da ništa tu ne rade. Kad govorim ostali nivoi vlasti mislim na one nama najbliže to je Tuzlanski kanton.

Isto tako ovdje ako otvaramo pandorinu kutiju šta se treba iz Budžeta sufinansirati ja zaista mislim da bi mi ovaj, kao Kanton, evo Grad Tuzla na sebe preuzima odgovornost naravno javne mi smo i osnivači i mislim da imamo tu najveću odgovornost.

Ali mislim i evo dajem jedan zaključak:

Da pozivamo Kanton da sufinansira djecu u privatnim vrtićima jer su djeca koja idu u privatne vrtiće na neki način diskriminirana u odnosu na djecu koja idu u javne vrtiće. Tako da evo nadam se da će se i Kanton je li pozitivno podnijeti prema ovom apelu koji treba da dođe iz Gradskog vijeća jer zaista smatram da sva djeca ovdje trebaju da nam budu jednaka ovaj, a da ima para u Budžetu i jednom i drugom ima samo je pitanje raspodjele i pitanje one famozne nije naša nadležnost ili jeste naša nadležnost. I ja zaista ne želim da prihvatim da to nije naša nadležnost jer kada vidite da je u Sarajevu to nadležnost Kantona a kod nas nije kako to tako? I onda je kod njih GRAS u nadležnosti Kantona kod nas nije. Kako to tako? Znači, nadležnost je ono što se dogovori. Nadležnost je ono koji nivo vlasti preuzme koju nadležnost na sebe. Tako da mislim ako Grad Tuzla već ide u tu, u tu praksu Kanton bi trebao i da prati. Kanton već ima neke dobre pronatalitetne politike a tu pogotovo govorim o hiljadu maraka za novorođenu djecu svaki, svaki mjesec. I to je došlo iz Kantona Sarajevo i proširilo se na naš kanton i zaista pozdravljam tu jednu vrstu inicijative. I znamo da imamo prema novoj raspodjeli i još novca u Kantonalnom Budžetu koji je raspoređen na način na koji ja mislim da bi mogao biti i bolje i iz tog razloga evo ja bi da mi pozovemo kanton al zaista stav Naše stranke jeste da se mora u partnerstvu sa roditeljima donijeti, završiti bilo kakva vrsta priče o nekim enormnim povećanjima jer mi moramo ovdje držati jednu pronatalitetnu politiku i moramo biti partneri. I žao mi je, žao mi je što se uopšte to moralo na ovaj način dovesti do, do, do nekih medija itd. zbog čega se to nije moglo riješiti i prije? Mislim da se ove stvari pogotovo za, za „Naše dijete“

i za Dom penzionera moraju rješavati prije i ranije a ne nikako nakon ovaj, nakon što određene cifre izadu, izadu u javnost.

Eto ja se neću puno i referisati na ovaj...Ovo je prvi put ja mislim da mi u zadnje dvije-tri godine o svakom Izvještaju imamo vremena da raspravljamo i ja to i pozdravljam. I moram da kažem uzeo nam je puno vremena i neka je. Ali se evo zaista mogu čuti i razne, razne informacije i razni stavovi i dobre stvari i loše stvari iz Izvještaja ali to je razlog zbog čega ja sad ne idem u dubinu izvještaja da elaboriram stavku po stavku jer mislim da su kolege prije mene elaborirali i dobre i loše strane i one realne prepreke s kojim se ovo javno preduzeće suoči ali naravno i sve ostale, sve ostale stavke. Toliko. Fala ljepo.

## **ANA PEJIĆ**

Zahvaljujem se. Sljedeći za riječ se javio vijećnik Nedžad Jusić, a neka se pripremi vijećnik Zlatan Mehmedović.

Ispravka krivog navoda. Vijećnik Denis Bećirović. Izvinjavam se. Izvolite.

## **DENIS BEĆIROVIĆ**

Hvala. Po Poslovniku dakle, ispravka krivog navoda kolegi Berbiću. Dakle, nije istina da je se Vlada Tuzlanskog kantona izmakla od svojih obaveza dakle, i kada je u pitanju GSP, odnosno gradski prijevoz a znamo svi ko je gurno gradski prijevoz u ponor. Vlada je prihvatila jedan dio svoje odgovornosti i ulazi u, u te program priprema dakle i finansijski okvir. Priprema naravno svake godine 40 miliona maraka se iskoriste za porodijske naknade i kao takve pa produženi boravci, pa na univerzitetu više nemamo Omere ni vanrednih studenata, odnosno samofinansirajućih redovnih studenata na Univerzitetu u Tuzli. Vlada je i to preuzela na sebe i slažem se dakle, da u etapama treba preduzimati i uzimati i jedan dio svojih nadležnosti. Podijeljenih nadležnosti. Ali evo u ovome slučaju jedina Vlada koja se pravi mr-tva po tim pitanjima jer je viši nivo vlasti. Dakle, ja nisam vidio da je Federalna ministrica prometa i komunikacije ili Federalni premijer se i, i očešali dakle, po pitanju linijskog prijevoza u gradovima u Federaciji Bosne i Hercegovine. Dakle, ne govorim samo o Tuzli, ja govorim o podijeljenim nadležnostima. Dakle, ako ćemo bit korektni, ako ćemo bit pošteniji onda hajde da pozivamo sve nivoe vlasti koje imaju nadležnosti da učine nešto.

Dakle, pozivamo kantonalni da, pozivamo kantonalni evo i svjedoci ste dakle, da smo mi kao, kao Klub Demokratske fronte, odnosno sudionici u vlasti na nivou kantona ono što je u našoj moći i dosta učinili dakle, da Kanton se uključi u rješavanje problema dajte onda pomozite i vi da se Federalni nivo vlasti i državni naravno. I državni. Hvala kolega ovaj, uključi u taj u rješavanje tih problema predsjedavajući. (ANA PEJIĆ – Vrijeme vam je samo isteklo.) U redu. Hvala.

## **ANA PEJIĆ**

Zahvaljujem se. Ispravka krivog navoda. Vijećnik Omer Berbić. Izvolite.

## **OMER BERBIĆ**

Ja niti u jednom trenutku nisam rekao da je Federacija nešto aman zaman uradila a mada s obzirom koliko se malo radilo u zadnjih 30 godina mislim da je korektno odrađeno za ove 2 godine što se tiče...Ako ništa evo uspjelo se završiti ovaj ovdje kružni tok.

Ali bez obzira na to ja ću podržati i vaš zaključak. Pa de da pozovemo Federalnu vladu al vi podržite ovaj da mi pozovemo Kantonalnu vladu i da vidimo sve nivoe vlasti šta mi

možemo dobiti pogotovu kada govorimo o pronatalitetnim politikama. I Federalna vlada je odradila jedan dio u pronatalitetnim politikama a mislim zaista da to nije dovoljno i nadam se da će biti puno više. Ali isto tako mislim da tamo recimo u Kantonu Sarajevo Kanton Sarajevo na sebe preuzima neke druge nadležnosti nego ovaj naš a ja mislim da bi i naš Kanton mogao preuzeti nadležnosti ove o kojima mi pričamo sufinansiranje djece u privatnim vrtićima ali isto tako i pitanje GSP-a i to što se priprema 40 miliona ne mora značiti da mi to znamo. Vi ako imate informacije iznutra molim vas da nam iznesete koji je to model koji se priprema pa da i mi ove pare koje smo dali za GSP, odnosno koje smo odvojili kroz rebalans svi zajedno naravno ovaj, da vidimo možemo li mi evo u nešto bolje usmjerit ukoliko će Vlada kantona na sebe preuzeti taj dio kolača i preuzeti ustavnu, odnosno tu, tu datu odgovornost. Eto.

**ANA PEJIĆ**

Molim vas samo da se držite tačke dnevnog reda.  
Vijećnik Nedžad Jusić. Diskusija. Izvolite.

**NEDŽAD JUSIĆ – zamjenik predsjedavajućeg  
Gradskog vijeća Tuzla,  
- nezavisni kandidat – nacionalna manjina –**

Eh hvala kolegice. Ma ja sam, ja ću ovu svoju diskusiju iskoristiti za ispravku i krivog navoda kolege Senada koji je rekao Vijeće usvaja Izvještaj. Zaboravio si samo još jednu rečenicu. Usvaja ili ne usvaja. Znači, u tom pravcu. Nadalje...(SENAD MEHMEDINOVIĆ – Hvala. Hvala. ) A nadalje želim ovdje takođe da istaknem. Svi smo ovdje...Danas većina vas je govorila o djeci. Moj unuk kaže: „Hoću da budem bogato dijete“: Govorili smo o toj djeci čiji roditelji i mogu da pla-te dal 200 dal 250, dal 500 maraka.

U skladu sa određenim propisima, normama. To direktorica sigurno bolje zna od mene. Da prilikom upisa prednost imaju djeca iz socijalno-ugroženih porodica. Ne mogu odgovorno da tvrdim da takve djece ne vjerujem i da ima u vrtiću il ima al izuzetno možda mali broj pogotovo one porodice koje stvarno ne mogu svoju djecu da pošalju u vrtiće a evo čuli smo od Mirela da je to najvažniji period života rasta i razvoja jednog djeteta. I moramo svi biti socijalno osjetljivi za svu djecu.

Sad ću jednu digresiju napraviti. Skoro sam bio s jednim prijateljem koji je imao 610 maraka platu prije ovog povećavanja i reko kako si? Kaže: „Potrošim čitavu platu. Dobijem 610 maraka i potrošimo“. Sad imate hiljadu. I sad ja pitam: „Et imaš sad četristo ostaje ti“. Ne. Kaže: „I dalje potrošim i tu hiljadu“. Znači on se ponaša onolko koliko ima para tolko troši. I zbog toga možda moramo malo i voditi računa o utrošku tih finansijskih sredstava na koji se način troše.

Ja bi volio možda u pisanoj formi da dobijemo odgovor koliko stvarno košta to jedno dijete u predškolskoj ustanovi?

Znamo da roditelj plaća 200 i okej i koliko Gradsko vijeće da i drugih donacija kad se sve sabere i oduzme, prostor koji Grad Tuzla daje i to kad se sabere i vidimo koliko stvarno košta to dijete u vrtiću.

Ne bi sad ulazio u ove usluge košto je kolega govorio. Imam i ja razne informacije al ne bih sada o tome ulazio. Znači, da vidimo to. Normalno. Sve. Da se ulazi u to.

Nadalje, šta bi predložio, šta bi predložio:

Ukoliko je ikako moguće. Ovaj vrtić u Bijeljini ja znam i te kako dobro funkcioniše Mirnese. Oni godišnje više stotina hiljada eura uzmu projekata kroz razno-razne donacije i izuzetno efikasno radi.

Također preporuka vrtiću da aplicira na projekte pogotovo kod međunarodnih organizacija koje podržavaju socijalno ugrožene kategorije gdje mogu ta djeca ne besplatno. Za njih će platiti u jednom vremenskom periodu ta međunarodna organizacija njihov boravak a posle toga da preuzme Grad ili neka druga ustanova.

I moj bi prijedlog bio ukoliko ikako postoji mogućnost sad za novi prijem u konkursu. Ako je ikako moguće? Ponovo vam kažem a to je samo moja sugestija da od ovih 1300 djece kapaciteta koliko imamo trenutno izdvojimo određeni broj djece iz socijalno-ugroženih kategorija da im pružimo besplatan boravak.

Dal je to 1% na ovo sve kompletan broj djece dal manji vi procijenite. Dal će to biti petero-desetoro djece da krenemo sa takvim jednim programom-projektom a siguran sam u tome da ćemo u narednom periodu imati podršku od međunarodnih organizacija koje će podržati takve i slične projekte i mislim da bi se trebali pozabaviti. Ne pozabaviti. Da radimo za dobrobit sve djece. Znači, sva djeca da nam budu jednaka. Jel pazite to dijete koje je socijalno isključen ukoliko ga mi ne uključimo imat ćemo posle problema sa takvim porodicama i sa takvom djecom. I zbog toga mi kao društvo moramo dati maksimum od sebe da toj djeci pružimo podršku.

Normalno ja ću glasat za ovaj Izvještaj. Glasat ću za ovaj Izvještaj ali rečem evo i kolega što je rekao i druge kolege što su rekli hajmo da vidimo šta će se bolje uraditi u narednom periodu. Hvala.

**ANA PEJIĆ**

Zahvaljujem se. Sljedeći za riječ javio se vijećnik Zlatan Mehmedović. Izvolite. (ERVIN ALIBEGOVIĆ – Ispravka krivog navoda.) Ispravka krivog navoda. Izvinjavam se Zlatane. Vijećnik Ervin Alibegović. Izvolite.

**ERVIN ALIBEGOVIĆ**

Hvala vam predsjedavajuća. Izvinjavam se kolegi Mehmedoviću. (Ništa.) Evo ovaj replika krivog navoda al volio bi da se malo Vijeće vrati u svoje granice i da dobro pogleda Izvještaj o kojem danas raspravljamo.

Dakle raspravljamo o IZVJEŠTAJU JAVNE USTANOVE ZA PREDŠKOLSKI ODGOJ I OBRAZOVANJE „NAŠE DIJETE“ TUZLA. „Naše dijete“ Tuzla. Postavljamo stalno pitanje koliko košta odgoji i obrazovanje i evo reći ću vam ja a onda ću dati odgovore i u drugom dijelu. Košta sve naše ljubavi i pažnje pa vas molim da pri svakim drugim diskusijama uključite malo više empatije i ljubavi i pažnje prema našoj djeci. Hvala.

**ANA PEJIĆ**

Samo malo. Vijećnica Senija Husić. Diskusija jel? Samo da vidimo jel replika il šta? Izvolite Zlatane.

**ZLATAN MEHMEDOVIĆ**

Evo ovako. Prije svega moram vam reći da se slažem sa diskusijom i profesora Ervina Alibegovića i vijećnika Šefika Husića. Kamo sreće da se ovako analiziraju sve odgojne ustanove u gradu Tuzli i škole i privatna obdaništa i sve ostale koje ja nisam nabrojao. Slažem se da grad čini gradom i jeftino obdanište i jeftin javni prevoz i mislim da Grad Tuzla i svi nivoi koji se mogu uključiti treba da obezbijede što je više moguće sredstava kako bi ove dvije kategorije znači, bile što dostupnije i jeftinije. Takođe ne bih govorio ovdje o povećanju

nikakvom usluga u Javnoj ustanovi „Naše dijete“ jer ne treba o tome da govorimo i to što se pojavilo u medijima ne mora da znači da je tačna informacija.

Takođe cijenim jel i napore kolega da ukažu na potrebe za unapređenjem uslova rada i boravka djece u Javnoj ustanovi „Naše dijete“ ali isto tako imamo i odgovornost da budemo oprezniji s ovim izjavama i posebno kada se radi o ustanovama koje svakodnevno brinu o našoj djeci. Iz nekih diskusija moglo bi se naslutiti da su tamo djeca i gola i bosa i gladna i žedna što itekako nije slučaj i neke naše izjave znači mogu imati zaista negativan odjek u javnosti i narušiti ugled javne ustanove. Dakle, svaki naš istup ima težinu i posljedice mogu biti ne samo po menadžment ustanove nego i na roditelje i na djecu. Takođe Javna ustanova „Naše dijete“ je sa dugogodišnjom tradicijom i značajan za našu zajednicu.

Ja prije svega ovdje raspravljam o Izvještaju i želim da pohvalim i menadžment i direktoricu i sve uposlenike koji sebe zasigurno daju u maksimalnom kapacitetu kako bi našoj djeci jel učinili taj boravak što je moguće boljim. I evo molim ubuduće da sve te konstruktivne kritike temeljimo na činjenicama a najviše na bazi anketa korisnika Vijeća roditelja i je li svih onih koji su u stvari pravi korisnici tih, tih ovaj, usluga. Eto ja samo onaj, u diskusiji htio sam da se osvrnem na, na...

## **ANA PEJIĆ**

Zahvaljujem se. Replika. Vijećnik Emir Šahović. Izvolite. Pa Mirza Malkočević replika odmah.

## **EMIR ŠAHOVIĆ**

Ne bi trebao bit ekonomski analitičar da uzmeš jedan broj i podijeliš ga na četiri puta i da dobiješ neki broj.

Znači, nismo se dobro razumjeli. Ovdje nije svaki nizak trošak dobar nizak trošak. Znači, samo sam tražio izjašnjenje zato što mi je nerealno nizak trošak s obzirom na uslove kakva djeca imaju. Znači, nisam ja ni u jednom momentu rekao da djeca nemaju šta da jedu i to već da mi je ovaj trošak zaparao oči i smatram da je nekako realnije da to više košta od 92 feniga po djetetu.

Kada su u pitanju znači, jelovnici nisam naravno nutricionista ali postoji neko ko je stručan koga ja možda mogu nazvati i pitati za neki pametan i savjet i neku informaciju. Tako da sve ovo što mi iznosimo se možda, ne znam možda neko nema tu praksu u svom djelovanju ali nekad nazovemo nekoga ko je stručan pa provjerimo tu informaciju prije nego što je iznesemo.

Kada je u pitanju rad menadžmetna jedino što zamjerim u ovom svemu su ovih 2900 maraka za znači, ova stavka kada je u pitanju projekti i drugi ostali izvori.

Postoje naravno dobre stvari. Dobra stvar je za razliku evo što imamo situaciju u „Domu penzionera“ gdje u ovom „Naše dijete“ znači, obdaništu imamo 1% onaj maksimum od prosjeka Federalne plate na topli obrok. Znači, maksimum na oporezivo ljudi dobijaju i to je sasvim onaj, dobra stvar. Povećanje osnovice je sasvim dobra stvar. Koliko je ona korektna kada su u pitanju koeficijenti veliki koeficijenti dobijaju onda puno kada je osnovica povećana a mali koeficijenti dobijaju manje. Opet nisam ekonomski analitičar ali to je prosta onaj, kako se zove matematička radnja.

Tako da eto mislim da, da je malo pogrešno shvaćeno kada su u pitanju ovi troškovi za hranu i prehrambene ove proizvode ali evo tu smo.

**ANA PEJIĆ**

Zahvaljujem se. Replika. Vijećnik Mirza Malkočević. Izvolite.

**MIRZA MALKOČEVIĆ**

Evo ovako. Ja ću pokušat da budem jako kratak. Ovaj, cijelo vrijeme evo ja sam i kolega Mirnes je pročitao isti i ja ću vam samo pročitati da ovdje piše dopis kojeg je dobio kolega Mirnes i ja i vjerovatno i većina ostalih ovaj, vijećnika samo ne pakuju to malo drugačije.

Ovdje piše: Samostalni sindikat zaposlenih Javne ustanove „Naše dijete“ Tuzla i to je većina tu potpisane su sve odgajateljice i medicinske sestre. I ja nemam nikakav problem ni s menadžmentom i ja kao vijećnik imam pra-vo i obavezu da ukažem na ne propuste nego da probamo svi zajedno da napravimo što bo-lje uslove za našu djecu, za naše odgajateljice jer one provode većinu vremena s našom djecom.

Nemam problem ni da glasam za bi-lo kakvo izdvajanje iz Budžeta da izdvojimo 5 miliona ako će nam to dat što bolje uslove za našu djecu jer sve u svemu oni su nam naj-bitniji tako da ni-ko od nas nema problem s menadžmentom. Imamo problem s nekim dijelovima koji nisu savršeni koje je rekao kolega ovaj, Emir. Stojimo na raspolaganju kako god našim angažmanom možemo da pomognemo samo da bi imali što bolje uslove rada kao što su zaposlenici da bi imali što bolje uslove naša dje-ca. Tako da mi sa-mo smo pročitali i zastupamo ono kolega što je napisano ovdje a to su napisali lju-di koji su prvi na udaru i koji provode cijelo vrijeme s našom djecom. Hva-la.

**ANA PEJIĆ**

Zahvaljujem se. Zaključ...(SENAD MEHMEDINOVIĆ – Poslovnička.) Poslovnička. Vijećnik Senad Mehmedinović. Izvolite.

**SENAD MEHMEDINOVIĆ**

Ma ništa predsjedavajuću ja bih samo zamolio onaj, kad su u pitanju replike onaj, da se samo kaže kome su replike. Evo ja pokušavam da skontam na koga se odnosi to da onaj, da znamo, da znamo za ubuduće. Dakle, replika je replika. Kome ide replika. I postoji razlika između replike i diskusije. Eto. Hvala. (ANA PEJIĆ - Oboje su se pozvali na poslovničku. Molim vas da se onda i na član Poslovnika pozovete samo.) Pa kad budete se vi na član onda ću i ja.

**ANA PEJIĆ**

Apsolutno. Apsolutno se slažem.

Zaključujem diskusije Klubova vijećnika.

Otvaram diskusije vijećnika. Vijećnik Mirnes Ajanović. Izvolite.

**MIRNES AJANOVIĆ**

Evo ja nastavljam gdje sam stao. Ja. Pa davno je to bilo. Jašta je. Et. (ANA PEJIĆ – Prije sat i po.) Ja prije sat i po. Neću ja onda vas puno opterećavati.

Ja predlažem da u zaključku bude:

Da se dostave materijali Komisije za ljudska prava i slobode Gradskog vijeća Tuzla koji su razmatrani u povodu dostavljanja od strane Sindikata zaposlenika bez obzira što neko

kaže kao ni-su oni ti. Oni su se kao neki predstavljali kao Sindikat. To su ljudi koji su u obdaništu „Naše dijete“ Tuzla poznaju stanje. Rekao sam revanšizma ne smije biti prema njima. Tu sam i ja kao predsjednik Komisije i u svakom drugom smislu i kao vijećnik. Oni žele pomoći bez obzira koliko nekome to smetalo ili bilo teret slušati ili šta god. Dakle, ta dva materijala dopis koji smo dobili, odgovor koji smo dobili od strane ustanove i ja ću sad u elektronskoj formi dostaviti Slađani ovaj demant na ove odgovore od 28.04. Vjerujem da su isti odgovori i meni došli kao predsjedniku Komisije gdje se govori da nije odgovoreno na određene zahtjeve problematike spajanja grupa i ostanka jednog zaposlenika u odgojno-obrazovnog procesa u grupi sa prekobrojnim brojem djece na dnevnoj bazi ujutro i posle podne. Odvođenje i dovođenje školske djece. Da se nije izjasnilo o povećanju koeficijenata po uposlenicima od direktora do pravnika, rukovodioca ekonomsko finansijske službe, rukovodioca odgojno-obrazovnog procesa, referenta iz ekonomske službe. Da kao inicirano više radnih sastanaka sa ministrom. Ne precizira se sa kojim saradnicima ili slično. Simptomatično je diskriminirajuće i veoma uznemiravajuće evo citiram: „Da se odgajateljima doslovno prijeti kao viškom, otkazima ukoliko bude upisano manje djece ili želja menadžmenta zbog zahtjeva za manjim brojem djece u grupama a sve zbog sigurnosti djece i zdravlja uposlenika, prevelik broj djece itd.“ Ovdje ima raznih tih...Da su uposlenici svih ostalih službi i njihova radna mjesta zaštićeni otkaza progona bez obzira na broj upisane djece. Da ne bude to po leđima odgajatelja i sestara medicinskih koji rade najsloženiji i najodgovorniji posao u cijeloj ustanovi bez kojih ne bi postojale i ne može funkcionisati.

Da evo pod pet:

Nije odgovoreno na zahtjev o upošljavanju dodatnog broja medicinskih i pedijatrijskih sestara u grupe jasličkog uzrasta što bi dodatno rasteretilo rad u vrtićkim grupama. Bilo bi mnogo finansijski isplativije za ustanovu.

Šest: Opet da nije nešto istina što se navodi u odgovoru da se projekat koristi, odnosno samo za izostanak bolovanja jednog zaposlenika iz grupe nego za vrijeme korištenja godišnjih odmora tokom cijele godine. Odgajatelj i medicinska sestra rade sami u grupi do povratka koleginice. Da se spajaju i u grupe itd. Da se izostavlja odgovor .

Sedam: Da nije istina da ustanova komunicira sa Sindikatom da je bilo nekoliko neformalnih sastanaka. Ništa ovo ne mora biti tačno. Ja samo govorim šta piše.

Dakle, iz razloga što...Osam: Da menadžmentu za godinu dana ukazivali... Da se menadžmentu ukazivao problem na realizaciju obaveznog vida pripreme djece za polazak u školu. Vrlo malo toga je urađeno jer se opet uzimaju odgajatelji iz odgojno obrazovnog procesa iz grupa da idu obavezni vid čime se narušava i onako teška situacija od samog odgojno-obrazovnog procesa kao ukazivanju menadžmentu na kršenje propisa i nekih ostalih Pravilnika. Dakle, ne želim da osuđujem, presuđujem čitam samo šta je bilo.

Poslat ću ovaj dokument sada mejlom. Dokumentacija koja je dostavljena od strane Komisije koju je dobila i odgovor i da se to dostavi i menadžmentu i da to dobijemo u smislu zaista realnih odgovora bez stava u smislu...Iza nas je i gradonačelnik, iza nas je većina, iza nas je neko iz Vijeća, iza nas je...Nek ovaj. Ne. Mi moramo biti ispred te djece i da štitimo njihova prava i roditelja i gradonačelnik i svi.

Dakle, tražim adekvatne odgovore bez okolnosti nije to tako. Što me pitaš? Nervoza i srkleta ili bilo čega. Ovo može pomoći da mi sutra na osnovu svih ovih okolnosti i činjenica imamo mogućnost da tražimo i veće budžetsko izdvajanje za obdanište, projekte.

Evo sad sam ja gledao dok smo pričali ovo sve pravio sam određenu analizu kako mi možemo bez opterećenja Budžeta obezbijediti povećanje sredstava u obdaništu.

Bit će previše ja to govorim i sada. Pripremit ću dok još dodatno iznaaliziram za inicijativu za narednu sjednicu Gradskog vijeća koju ću predložiti kao vijećnik kako može doći do većih sredstava. Govorili smo danas. Evo i Nedžad je govorio o projektima koji se moraju i mo-gu se aplicirati i imaju organizacije koje primaju i na koje se može adrese uputiti. I dok

sam ovo sve slušao i ja sam malo pravio sebi zabilješke. Pa ću napraviti za narednu sjednicu Gradskog vijeća inicijativu kao vijećnik kako povećati sredstva a ovo je isto u tu svrhu. Ne treba gledati negativno. Ko god je ovo dostavio dobro je. Analizira, pokreće nas. Da evo i kolega Mirza i svi smo mi se uključili u ovo i da bude što bolje. (ANA PEJIĆ – Molim vas samo vodite računa o vremenu.) I negativni stavovi su u smislu poboljšanja stavova. Nije kritika menadžmentu nego stanje pokušavam promijeniti ka boljem. Toliko. Hvala.

**ANA PEJIĆ**

Zahvaljujem se. Replika. Vijećnik Mirza Malkočević. Izvolite.

**MIRZA MALKOČEVIĆ**

Evo prvo, prvo da se zahvalim kolegi. Pročitao je i ovaj drugi dio. Hvala Mirnese taman da ne moram ja čitat i da dopunim kolegu Mirnesa. Sa potpisima tač-no imate 65 uposlenika potpisanih vezano za ovo upravo što je Mirnes pročitao imenom, prezimenom 65 ljudi. Ako znamo da imamo 90 odgajateljica, 65 ljudi s tim da tu imaju i medicinske sestre. Hvala.

**ANA PEJIĆ**

Diskusija. Vijećnik Mirza Malkočević samo nastavite. Izvolite. Izvolite. Izvolite vi.

**MIRZA MALKOČEVIĆ**

E neću sad odustat namjerno a konto sam. Ne mogu sad odustat et kolega a mislio sam da odustanem evo neću. Brzo ću. Mislim evo hvala Mirnesu ponovo. Dogovorit ćemo se od sad uvijek vi pročitate ja se samo vama približim i top.

Ovaj, ništa samo ja bih htjeo ovaj, jedan zaključak ako nije, ako je moguće naravno i da se vidi sa menadžmentom da li je to izvodljivo pošto kolega evo Jusić je govorio o tome taj socijalno-ugrožene osobe, da li imamo porodice imaju svoju djecu:

Da li je moguće da se napravi kod novog prijema djece u obdaništa da se uvrste platni razredi u porodicama il kako već to možemo nazvati da finansijski znamo kome je stvarno potrebno gradsko obdanište a ko bi sa svojim finansijama mogao da priušti sebi i privatno obdanište?

I drugi zaključak:

U slučaju povećanja cijena, tj. u rebalansu Budžeta kad budemo radili da se u obzir uzmu povećanje plata samo odgajateljicama, medicinskim sestrama i medicinskim sestrama jer su oni na udaru i oni su nosioci cijelog preduzeća. Hvala.

**ANA PEJIĆ**

Zahvaljujem se. Sljedeća diskusija vijećnik Mensur Alić. Izvolite.

**MENSUR ALIĆ – vijećnik Tuzlanske alternative**

Ma evo ja nisam se mislio javljati ali slušajući sve ove diskusije kad je u pitanju ova javna ustanova mislim da 80% od ovoga nije tačno. Do sada u mojih 20 i nešto godina kao Gradskog vijećnika nikad do sad nije ispaljeno ovoliko na jednu ustanovu loših komentara i loših priča. Ni-kad do sad. Da li je to stvarno tako stanje? Ja ne vjerujem da jeste. Po Izvještaju kakav smo dobili, ja sam ga pročitao, analizirao i ono što je najveći problem koji je nastao kad

je u pitanju problemi u samoj ovoj javnoj ustanovi i ne samo u njoj i u ostalim jeste povećanje minimalca. To je opteretilo na stotine hiljada maraka na godišnjem nivou sve javne ustanove kada je u pitanju povećanje sa šesto i nešto maraka na hiljadu maraka prosječne plaće na koju se plaćaju doprinosi.

U međuvremenu dok nije toga bilo mnogi su koristili od Federalne Vlade popus, u stvari ne popus oslobađanje 200,300, 400 maraka koji su davali radnicima ali na to nisu plaćali doprinose. Kad se uvela hiljadu maraka onda su se morali kompletni doprinosi platiti na hiljadu maraka. To kad sračunate to su kažem sigurno na stotine hiljada maraka i dovele u situaciju ovu kakvu jesu, kakvu jesu. Ali ne mogu se pomirit. Bavim se du-go ekonomijom, finansijom, finansijama. Ali ne mogu se pomiriti nikako i zato ću tražiti direktoricu sad da izađe za govornicu i da mi odgovori na pitanje:

Da li je moguće po ovaj, diskusiji da 92 feninga se dnevno izdvaja za djecu za hranu?

To su gospodo 2 kifle.

Da li je tačno da samo ta djeca primaju dnevno 2 kifle?

Ja mislim da oni ne bi mogli izaći iz obdaništa na nogama kolko bi bili gladni. Pa bi zamolio direktoricu da odgovori.

A naravno mi kao Tuzlanska alternativa dat ćemo podršku ovome Izvještaju. Ali da treba sredstva izdvojiti iz Budžeta naravno, naravno da treba. Samo morat ćemo tražiti sa koje pozicije da prebacimo na, na ovu poziciju kad je u pitanju ova, ova ustanova.

Evo nisam se htio javljati ali ponukan toliko ružnim diskusijama, toliko nebuloza, toliko netačnih podataka da ovdje ima malo i nekakvih još interesnih, interesa drugih osim ovog Izvještaja a koji nije, koji nije toliko loš i nije toliko loše stanje u obdaništu. Da jeste loše ne bi nam toliko bila navala djece da se ovaj, da se upišu u obdanište. Zahvaljujem.

## **ANA PEJIĆ**

Zahvaljujem se. Dajem pauzu od 10 minuta.

(Pauza.)

Pozivam vijećnike u salu nastavljamo sa radom.

Pozivam vijećnike u salu da nastavimo sa radom.

Nastavljamo sa radom.

Za diskusiju se javio vje...(EMIR ŠAHOVIĆ – Ispravka krivog navoda.) Ispravka krivog navoda. Vijećnik Emir Šahović. Samo recite kome? (EMIR ŠAHOVIĆ – Mensuru.) Vijećniku Mensuru Aliću. Izvolite.

## **EMIR ŠAHOVIĆ**

Ovo sam ja već rekao i u replici kolegi Zlatanu al evo opet ću. I ponovit ću koliko god puta treba i koliko god se pokuša predstaviti da sam rekao nešto što nisam.

Znači, u mojoj diskusiji nije rečeno da djeca dobiju vrijednosti 92 feninga već da cifra koja je predstavljena u Izvještaju na kraju se svodi na 92 feninga po djetetu. Znači, cifra ne vrijednost onoliko koliko djeca dobiju. Hvala.

## **ANA PEJIĆ**

Zahvaljujem se. (MENSUR ALIĆ – Replika.) Replika. Vijećnik Mensur Alić. Izvolite.

## MENSUR ALIĆ

Ja i dalje tražim da direktorica izađe za govornicu radi javnosti. (ANA PEJIĆ – Izaće, izaće.) Da ne ode pogrešno ovo u javnost. (ANA PEJIĆ – Dobit ćete odgovor ne sikirajte se.) Radi toliko, koliko koristi obdanište znate šta će roditelji sutra pomisliti. Zbog toga samo. Hvala.

## ANA PEJIĆ

U redu.

Nastavljamo sa diskusijama.

Diskusija vijećnik Senad Mehmedinović, a neka se pripremi vijećnica Senija Husić. Izvolite Senade.

## SENAD MEHMEDINOVIĆ

Hvala ljepo. Ma ne bi volio da se onaj, ovdje pogrešno protumače neke stvari. Ja sam dobio evo par poruka ovaj. Dakle, mi čitamo Izvještaj i ovo što diskutujemo dakle, to je s ciljem da one stvari gdje je bilo propusta da se poprave. I ja mislim da se to treba shvatiti dobronamjerno i da se ne treba ni na koji način shvatiti lično. Ovdje nije nikakav udar na menadžment, lično na direktoricu, direktora. Dakle, apsolutno nema veze s tim. Međutim, moraju direktori javnih preduzeća i ustanova shvatiti da Gradsko vijeće nije protočni bojler. Znači, da je dovoljno poslati materijal i to bi bilo to. Ipak izvještaj se treba pročitati. Ja ih bar čitam. I ono što diskutujem je dobro namjerno a informacije koje dobijem koje sam prije govorio ja ću dobiti odgovor i ako to nije tačno taman dobro i jest i to je to. Dakle, nema, ne treba se apsolutno uznemiravati po pitanju bilo čega. I sve diskusije su dobro došle. Znači, lektira se dobije. E sad ima učenika koji pročitaju samo bilješke o piscu. Imaju koji prepišu. Imaju koji pročitaju čitavu knjigu pa nek se pronađe ko je u kakvoj kategoriji.

NASTAVLJAM OVDJE VEZANO ZA OVAJ IZVJEŠTAJ. Raspodjela sredstava i sudske presude. Piše u Izvještaju. Znači, činjenica. Ja apsolutno ovo ne izmišljam.

Ustanova je dobila sudski spor protiv Zavoda onaj, zdravstvenog osiguranja iznos oko devedeset, 94 hiljade konvertibilnih maraka i sredstva su iskazana kao višak prihoda nad rashodima i korištena za redovno poslovanje.

Dakle, moje je pitanje gdje treba da dobijem odgovor pismeno:

Da li su sredstva ova iskorištena namjenski što može biti i kolizij sa presudom?

Sad kad sam govorio za onaj otkaz i evo završavam s ovim. S Javnim nabavkama. Generalno moje mišljenje je da veliki problem Bosni i Hercegovini je taj Zakon o javnim nabavkama gdje su veliki problemi čekanju izbora ponuđača itd. itd.

Imamo 86 direktnih sporazuma. Znači, osamdeset...Sad ljudi koji se bave s ovim stvarima znaju o čemu govorim. Preko 134 hiljade konvertibilnih maraka direktnih sporazuma. A šta je direktni sporazum? To je primjer IKEE. Znači, uzme i kupite stolicu od dijelova. E tako je otprilike isto direktni sporazum.

10 ugovora putem konkurentskog zahtjeva koji su u iznosu od 292 hiljade konvertibilnih maraka a konkurentski zahtjev onaj jest da se šalje poziv trojici ponuđača i jedan od te trojice se izabere. Znači, imamo direktne sporazume 134, ovdje 290, četrsto, 415 hiljada konvertibilnih maraka. Dva ugovora putem pregovaračkog postupka. Dva puta po 23 hiljade a pregovarački postupak je samo u posebnim situacijama dakle, nekim hitni situacijama. I imali smo jedan najtransparentniji to je Ugovor putem otvorenog postupka u iznosu od 88 hiljada konvertibilnih maraka.

Na osnovu svega ovog što sam rekao ja očekujem da ću dobiti odgovore od obdaništa „Naše dijete“ da se očituje kako bi znao da li su tačni ovi navodi što se tiče otkaza. Možda oni i nisu tačni al zato sam tražio da dobijem to sve napismeno.

A ovo što sam ovdje iznjeo kasnije iznjeo sam s razlogom da se te stvari u budućnosti koriguju kako ne bi bilo tih problema. I ja bih zamolio da se to tako i shvati. Hvala ljepo.

## **ANA PEJIĆ**

Zahvaljujem se. Sljedeća za riječ javila se vijećnica Senia Husić, a neka se pripremi vijećnik Ervin Alibegović. Izvolite.

## **SENIA HUSIĆ**

Hvala predsjedavajuća. Ja imam potrebu da pohvalim ovaj Izvještaj koji je dostavljen veoma detaljno i gdje smo mogli da vidimo da u skladu s onim štim su imali, s čim su raspolagali prethodnu godinu da su to sredstva s kojim su raspolagali da su i te kako dobro raspolagali sa tim sredstvima što je znači bilo u njihovoj mogućnosti.

Ja bih da se osvrnem kratko samo. Neću oduzimati puno vremena. Na strategiju same ustanove kaže koja podrazumijeva:

Osiguravanje uslova primjerenih poticanju razvoja slobodnog, snalažljivog, odgovornog i djeteta sa razvijenim samopouzdanjem koje kreativno i kritički promišlja o svijetu i zbivanjima oko sebe. Sistemski smo provodili aktivnosti za oblikovanje okruženja u kojem dijete može biti sigurno i slobodno u istraživanju i igri. Zadovoljiti njegove individualne potrebe a sve u skladu s principom najboljeg interesa djeteta.

Ova ustanova, menadžment cijele ustanove je radio u najboljem interesu djeteta što pokazuje djeca kad krenu u školu, djeca koja su pohađala, odnosno evo koja su išla u Predškolski odgoj i obrazovanje „Naše dijete“ Tuzla imaju i te kako dobro obrazovanje i i te kako prestižne rezultate.

Djeca koja idu i u privatne ustanove gdje izdvajaju se mno-go veća sredstva u odnosu na, na „Naše dijete“ ni malo nisu, ni malo nemaju neke, neke bolje i naprednije sposobnosti itd.

Čak šta više. Hoću da kažem. Mi kao Vijeće naš zadatak nas vijećnika je šta možemo samo uraditi je da povećamo Budžetsko izdvajanje za „Naše dijete“ kako bi menadžment mogao da učinkovitije radi i nastupa u svojoj budućnosti.

A što se tiče ovih Poslovnih jedinica „Crvenkapica“ i Poslovna jedinica „Radost“ kojoj su ukinuti, odnosno što su negativni subjekti direktorica je dala ovdje obrazloženje. Znači, da u Solini koja se nalazi Poslovna jedinica „Crvenkapica“ i nema potrebe za obnavljanjem, odnosno što je iznajmljen ovaj poslovni prostor ali što se tiče Golog Brijega da bi i te kako bio, bila potreba. Postojala bi potreba znači, za obnovu ovog poslovnog, poslovnog prostora. Što znači, da je u budućnosti na nama da vidimo na koji način ćemo proširiti kapacitet za prijem ove djece koja su na listi čekanja. Toliko od mene. Hvala.

## **ANA PEJIĆ**

Zahvaljujem se. Sljedeći za riječ se javio vijećnik Ervin Alibegović, a neka se pripremi vijećnica Dragana Berberović. Izvolite. Možel samo mikrofona da isključite? (Izvinjavam se.) Izvolite.

## ERVIN ALIBEGOVIĆ

Eh hvala vam predsjedavajuća i uvažene kolegice i kolege. Počet ću svoju diskusiju sa djeteta nije ekonomska kategorija ili nije isključivo ekonomska kategorija i da danas raspravljamo i o odgoju i o obrazovanju o čemu smo posvetili vrlo malo vremena iako nas je predsjedavajuća Vijeća na početku ove tačke dnevnog reda pitala da li želimo da čujemo Izvještaje Komisija a mi smo to nekako prošli. Dakle, ponuđeno nam je da imamo pune informacije. Neke smo dobili putem pisama.

Mi smo kao Demokratska fronta predložili i zaključak kad je bio u pitanju rasprava o gradskom stadionu dakle:

Da se radi na povećanju mjera sigurnosti trenažnog procesa aktivnih sportista i rekreativaca u smislu pružanja zdravstvene sigurnosti dakle, u smislu osvijetljenja i u smislu DDD mjera.

Dakle, kada pričam o obdaništu dakle, ili Javnoj ustanovi Predškolski odgoj i obrazovanje mi kao Gradsko vijeće trebamo da ponudimo i mislim da nudimo zajedno sa menadžmentom ove ustanove dovoljno sigurnosti građanima da njihovo dijete ide i u sigurno mjesto.

Dakle, šta nama ostavlja prostora za insinuacije, za priče, za dopise? Dakle, ostavlja nam metodologija izvještavanja.

Mogu samo zamisliti koliko su mu-ke imali gospodin Alić i gospodin Ajanović kad su probali i uspjeli da uvedu izvještavanje da bude i uniforma. No međutim, kako rastu zahtjevi dakle, Vijeća, kako rastu zahtjevi građana dakle, onda se i metodologija mora na određen način dopuniti.

Ja bih predložio da se metodologija izvještavanja dopuni sa sljedećim:

Prvo vi-zija razvoja u dvije do tri rečenice. Pa i ako je tekuće održavanje vizija i to je vizija. Ali je treba navesti u nekon trogodišnjem, petogodišnjem periodu.

Kao druga tačka treba da bude ja-s-na izjava o sigurnosti konzumenta korisnika usluge znači, o svim javnim preduzećima.

Treća tačka bi bila da bude Izvještaj o inspeksijskom nadzoru. Svi izvještaji inspeksijskih nadzora koji su bili tu da nam se taksativno pobroje pa da ih imamo.

Dakle, anketa zadovoljstva korisnika konzumenata usluga da bude takođe sastavni dio Izvještaja.

I na kraju ovo na što se većina žalila i kako je rekao kolega Mehmedinović da Gradsko vijeće nije jedan protočni bojler. Sastavni dio metodologije izvještavanja trebaju da budu vijećnička pitanja i inicijative koji su se u prethodnom periodu od-no-sile na javno preduzeće u periodu za koji se podnosi Izvještaj.

Sa ovakvom metodologijom smanjilo bi se referisanje, smanjilo bi se dakle, insinuacije, pa čak možda evo sad se vidi i pogrešne interpretacije ljudi koji su časno, korektivno pokušali da djeluju a mi smo evo sada kao Vijeće dužni da damo odgovor na to pitanje.

Još jednom ću ponoviti. Dakle, duboko vjerujem. Kao što je rekao i kolega Mehmedović da ova djeca dobiju dovoljan obrok ali naravno i sve primjedbe, pritužbe trebamo razmotriti ukoliko ih ima sa ozbiljnošću dakle, mak-simalno dobro i da vidimo gdje mi kao Gradsko vijeće možemo pomoć menadžmentu ustanove. Dakle, ja ne, ja to ne bih svrstao kao što su neki rekli da je to stavljanje ruke u džep Budžeta Grada ili Kantona ili Federacije. Nije važno. Nego to je stavljanje ruke da se našoj djeci da novac za što pogodniji odgoj i što bolje obrazovanje u tom radnom periodu koji je možda jedan od najvažnijih sastavnih dijelova. Ne bih trošio više vaše vrijeme.

I ja bih se zahvalio svima vama na ovim konstruktivnim diskusijama. To pokazuje koliko odgovornosti svi Klubovi imaju prema našoj djeci, prema omladini i prema njihovim roditeljima i vjerujem da će se razmotriti svi prijedlozi i zaključci kako bi se rad ove jedne iz-

ni-mno važne ustanove unaprijedio i kako bi im se dao dalji podticipaji za rad. Toliko i hvala vam.

**ANA PEJIĆ**

Zahvaljujem se. Sljedeća za riječ javila se vijećnica Dragana Berberović. Izvolite.

**DRAGANA BERBEROVIĆ GAGRO**

Evo ovako. Ja moram da kažem da ne mogu da vjerujem da postoje djeca na čekanju za vrtić. Smatram da svako dijete mo-ra da ima pra-vo pristupa uslugama vrtića. Gospodo obitelj je stub društva a djeca su naša budućnost i mi ovdje moramo da pazimo kako je oblikujemo jer sutra će da žive tu.

Ja ću danas...Znam kako je voditi poslove a pogotovu sa nedostatkom sredstava i od nečega kad morate da napravite nešto.

Zato ću dati svoju punu podršku ovoj javnoj ustanovi. Mislim da je ona jedna od prioritetnih ustanova koje Grad mora u svakoj prilici i na sve moguće načine da podrži. Hvala.

**ANA PEJIĆ**

Zahvaljujem se.

Obzirom da nema više prijavljenih za diskusiju.

Zamoliti ću direktoricu gospođu Anesu Mešanović da odgovori samo na pitanja iz diskusije vijećnika Mensura Alića. Izvolite ovdje za govornicu.

**ANESA MEŠANOVIĆ – direktorica JU za predškolski odgoj i obrazovanje  
„Naše dijete“ Tuzla**

Odgovor na pitanje gospodina Mensura Alića. Da li obrok košta 92 feninga? Ako uzmemo koliko smo potrošili za nabavku hrane u toj godini da li ta hrana je u tom obliku došla na 100 djece. Koliko košta hrana kada smo je spram...Koliki su ti obroci? Da li ima dovoljno hrane? Ono što ću ja reć možda je najbolje da kažem bi-lo ko od vas u bi-lo koji dan bez najave da ne bude da pravimo, friziramo nešto da spravljamo hranu taj dan ste se vi najavili da dođete da obidete. Nemojte se najavljivat.

Znači, doručak je u vrtiću između pola devet i devet. U velikim objektima on traje i do pola deset. Ako djeca idu u školu doručak će krenut ako su oni u školi u pola osam doručak će krenut već u sedam sati. Ručak počinje oko dvanaest sati. Jasličke grupe će ga dobit pola sata prije jer bebe ne mogu ni da dočekaju neki zaspu prije ručka, a imaju podnevni odmor posle ručka.

Što se tiče užine znači, treći obrok u danu je posle podnevnog odmora oko pola tri. Znači bi-lo ko od vas pozvan je bez najave da dođe ne u zgradu gdje je uprava nego u bi-lo koji vrtić. Znači, 13 vrtića je u gradu. Od Gornje Tuzle do Irca ili do Soline ili Stupine, Kolibri bilo gdje da dođe i da mu kad dođe djelatnici koji tamo rade nekad nazovu mi ćemo reći da ga posluži i vama. Znači, i za vas je taj ručak da probate.

Ono što ću reći za taj ručak da na mjesečnom nivou se uzimaju brisevi stolica, ruku radnika, uzorci hrane šalju na analizu. Te analize stoje na oglasnim pločama svakog vrtića i možete da vidite o kvalitetu hrane. A o onome kakva je ta hrana da li to nutritivno zadovoljava? Pa evo da kažem zadovoljit će i vas i mislim ne znam šta još drugo da odgovorim.

**ANA PEJIĆ**

U redu je. Hvala vam Anesa. Evo hvala vam na odgovoru. Ovo ostalo je sve pisani odgovori Senade kako ste vi tražili. Evo samo još...Anesa nemojte ić na mjesto vijećnik Emir Šahović ima pitanje još jedno dodatno.

**EMIR ŠAHOVIĆ**

Samo prosto pitanje. Znači, računica je ova tačna ovako kako je...(Anesa Mešanović govori bez uključenog mikrofona op.a.)

**ANA PEJIĆ**

Molim vas samo mikrofona uključite.

**ANESA MEŠANOVIĆ – direktorica JU za predškolski odgoj i obrazovanje  
„Naše dijete“ Tuzla**

Ja nisam u toj računici ali mogu zovnut rukovodioca finansijske službe da vam ka-že onaj dio koji ja nisam rekla. Vi u toj svojoj računici ste dijelili sa 1300, 1330 djece. Da li svaki dan dođe 1300 djece? Da li je svaki dan radni u mjesecu? Da li smo imali praznik? Da li su djeca otišla radi škole ili ovog ili radi druge potrebe ranije kući? Koji broj obroka je spreman taj dan? To su sve neki pokazatelji na osnovu čega mi spravljao. Znači, mi ne spravljamo svaki dan 1300 obroka osim kad dolazi Deda mraz. Taj dan dođu baš svi. Mislim stvarno.

**ANA PEJIĆ**

Zahvaljujem se. Zahvaljujem se direktorici na odgovorima a evo, a evo ostale odgovore ćete pismeno Senade vi dobiti.

Sada stavljam na izjašnjavanje Izvještaj o radu Javne ustanove Gradski stadion „Tušanj“ Tuzla za 2024. godinu. Molim vas da se izjasnite. Mirele molim vas samo da glasate. Glasanje je okončano.

Konstatujem da je IZVJEŠTAJ O RADU JAVNE USTANOVE GRADSKI STADION „TUŠANJ“ TUZLA ZA 2024. GODINU usvojen sa,  
28 glasova za, nije bilo protiv i nije bilo suzdržanih.

Stavljam na izjašnjavanje Izvještaj o radu Javne ustanove Tuzlanska razvojna agencija „TRAG“ Tuzla za 2024. godinu, te vas molim da se izjasnite. Glasanje je okončano.

Konstatujem da je IZVJEŠTAJ O RADU JAVNE USTANOVE TUZLANSKA RAZVOJNA AGENCIJA „TRAG“ TUZLA ZA 2024. GODINU usvojen sa,  
28 glasova za, nije bilo protiv i nije bilo suzdržanih.

Stavljam na izjašnjavanje Izvještaj o radu Javne ustanove „Dom penzionera“ Tuzla za 2024. godinu, te vas molim da se izjasnite. Glasanje je okončano.

Konstatujem da je IZVJEŠTAJ O RADU JAVNE USTANOVE „DOM PENZIONERA“ TUZLA ZA 2024. GODINU moli vas samo za tišinu usvojen sa,  
27 glasova za, nije bilo protiv i 1 suzdržani.

Sada stavljam na izjašnjavanje Izvještaj o radu Javne ustanove za Predškolski odgoj i obrazovanje „Naše dijete“ Tuzla za 2024. godinu, te vas molim da se izjasnite. Dejanje? Glasanje je okončano.

Konstatujem da je IZVJEŠTAJ O RADU JAVNE USTANOVE ZA PREDŠKOLSKI ODGOJ I OBRAZOVANJE „NAŠE DIJETE“ TUZLA ZA 2024. GODINU usvojen sa,

27 glasova za, nije bilo...(SLAĐANA KRAJINA – Nije glasao jedan vijećnik moramo poništiti.) Ko nije? (Muhamed.) Kako nije glasao? (NEDŽAD JUSIĆ – Nije. Nije.) Poništite evo ponovo ćemo glasati. (SLAĐANA KRAJINA – To je to. Može.) Glasanje je okončano.

Konst...Molim vas samo za tišinu i koncentraciju znam da je već kasno al evo još malo imamo.

IZVJEŠTAJ O RADU JAVNE USTANOVE ZA PREDŠKOLSKI ODGOJ I OBRAZOVANJE „NAŠE DIJETE“ TUZLA ZA 2024. GODINU usvojen sa,

28 glasova za, nije bilo protiv i nije bilo suzdržanih.

Zamoliti ću sekretara Gradskog vijeća da pročita zaključke proistekle iz diskusija pa da vas pitam. Da li ste za to da glasamo u paketu obzirom da ima dosta zaključaka? U redu. Mora.

### **SLAĐANA KRAJINA – sekretar Gradskog vijeća Tuzla**

Zbog stenograma.

- Gradsko vijeće Tuzla obavezuje sve javne ustanove, javna preduzeća, organe uprave i druge subjekte koji dostavljaju izvještaje, programe rada, planove i drugu dokumentaciju na razmatranje Gradskom vijeću Tuzla, da iste - pored dostave u PDF formatu - obavezno dostavljaju i u Word formatu (editable dokument), kako bi vijećnici imali mogućnost korištenja sadržaja u obliku citata, analiza i prijedloga tokom rada i diskusija.

- Zadužuje se Stručna služba Gradskog vijeća Tuzla da obavijesti sve subjekte obuhvaćene ovim zaključkom o obavezi dostavljanja dokumentacije i u Word formatu te da ubuduće traži obje verzije kao standardnu praksu. Navedena obaveza odnosi se na sve buduće materijale koji se dostavljaju za sjednice Gradskog vijeća Tuzla, uključujući izvještaje, programe, akte i planske dokumente.

- Gradsko vijeće Tuzla sugeriše direktorima javnih preduzeća i javnih ustanova čiji je osnivač Grad Tuzla da periodično organizuju dan otvorenih vrata za vijećnike kako bi se vijećnici bolje upoznali sa njihovim radom i problemima sa kojima se susreću u svom radu i poslovanju u cilju zajedničkog iznalaženja rješenja problema.

- Gradsko vijeće Tuzla sugeriše svim javnim preduzećima i javnim ustanovama čiji je osnivač ili suosnivač Grad Tuzla da se obrate Javnoj ustanovi Tuzlanska razvojna agencija „TRAG“ Tuzla kako bi im ova Agencija pružila pomoć u iznalaženju i apliciranju na projekte domaćih i međunarodnih tijela, organizacija i fondova.

### **Zaključci za Javnu ustanovu Gradski stadion „Tušanj“ Tuzla**

- Gradsko vijeće Tuzla traži da se postavi zaštitna ograda, zaštitna žica kao i da se sanira urušeni zaštitni zid kako bi se otklonila opasnost, kako za korisnike tako i za posjetioce.

- Gradsko vijeće Tuzla traži dostavljanje informacije o svim dugovanjima „Slobode“ ili Javne ustanove Gradski stadion „Tušanj“ Tuzla prema svima prema kojima dugovanja postoje.

- Gradsko vijeće Tuzla traži da se hitno sačini javni plan raspodjele termina korištenja stadiona, uključujući sve korisnike sa naglaskom na prioritetne grupe - škole, omladinu, sportiste i rekreativce.

- Gradsko vijeće Tuzla traži da naredni izvještaj obavezno sadrži jasno prikazane troškove po funkcionalnim cjelinama, kako bi Gradsko vijeće moglo procijeniti gdje novac zaista ide.

- Gradsko vijeće Tuzla predlaže da se razmotri mogućnost formiranja nezavisnog stručnog tima za izradu strategije razvoja Javne ustanove Gradski stadion "Tušanj", koja će sadržavati i tehnički, i sportski, i društveni aspekt korištenja ovog objekta.

- Gradsko vijeće Tuzla traži od menadžmenta Javne ustanove Gradski stadion "Tušanj" Tuzla da se, u saradnji sa resornom Službom, iznađu sredstva da se sanira mreža između velikog pomoćnog terena i dva malonogomentna terena.

- Gradsko vijeće Tuzla sugerije Zavodu za javno zdravstvo Tuzlanskog kantona da se češće vrši dezinfekcija i deratizacija Stadiona "Tušanj" kao i prostora i zemljišta oko stadiona.

- Gradsko vijeće Tuzla smatra da je neophodno pokloniti više pažnje svim aspektima sigurnosti trenažnog procesa kako aktivnih sportista, tako i amatera i građana, sportskih društava i udruženja koji koriste kapacitete Stadiona.

- Gradsko vijeće Tuzla i gradski vijećnici se stavljaju na raspolaganje menadžmentu ove Ustanove, naročito ako postoji ideja da ovaj Stadion postane nacionalni stadion.

- Gradsko vijeće Tuzla apeluje na privrednike, kako grada Tuzle tako i Tuzlanskog kantona, da se na Stadionu organizuju i različite manifestacije, kulturne, sportske, seminari, edukacije i slično, kako bi se i na ovaj način pomoglo menadžmentu Stadiona.

- Zadužuje se uprava i menadžment Javne ustanove Gradski stadion „Tušanj“ Tuzla, da bez odlaganja preduzmu sve potrebne mjere u cilju ograničavanja i racionalne upotrebe jakog ozvučenja na pomoćnom stadionu, posebno u slučajevima kada se isti koristi u neposrednoj blizini stambenih objekata i kada dolazi do stvaranja prekomjerne buke koja remeti mir građana. Ukoliko se u razumnom roku ne postupi odnosno ne poduzmu konkretne mjere za smanjenje buke, zadužuje se Služba za komunalne poslove i poslove mjesnih zajednica Grada Tuzla da, putem nadležne komunalne i ekološke inspekcije, izvrši kontrolu nivoa buke i zakonitosti upotrebe ozvučenja na pomoćnom stadionu, te o nalazima i preduzetim mjerama obavijesti Gradsko vijeće. Preporučuje se uvođenje tehničkih i organizacijskih rješenja kojima bi se buka ograničila na prihvatljiv nivo (npr. smanjenje jačine tona, vremensko ograničenje upotrebe ozvučenja, usmjeravanje zvučnika prema igralištu umjesto prema stambenim zgradama). O poduzetim radnjama i rezultatima nadzora, nadležne službe dužne su izvjestiti Gradsko vijeće Tuzla na jednoj od narednih sjednica.

- Gradsko vijeće Tuzla sugerije menadžmentu Javne ustanove Gradski stadion „Tušanj“ Tuzla da razmotre i sve druge prijedloge i sugestije vijećnika date tokom rasprave o Izvještaju o radu za 2024. godinu.

- Gradsko vijeće Tuzla traži od direktora Javne ustanove Gradski stadion „Tušanj“ Tuzla da, najkasnije do naredne sjednice Gradskog vijeća Tuzla, dostavi pisane odgovore na pitanja postavljena od strane vijećnika tokom rasprave o Izvještaju o radu za 2024. godinu.

### **Zaključci za Javnu ustanovu Tuzlanska razvojna agencija „TRAG“ Tuzla**

- Gradsko vijeće Tuzla traži od gradonačelnika Grada Tuzle i od nadležnih Službi da, u skladu sa mogućnostima, obezbijede finansijske i druge pretpostavke za popunjavanje upražnjenih radnih mjesta u okviru postojeće sistematizacije Razvojne agencije, što prije, a najkasnije u okviru Budžeta Grada Tuzle za 2026. godinu imajući u vidu da će "TRAG" tek iduće godine u ovo vrijeme biti kvalifikovan da učestvuje u velikim, ali i jako zahtjevnim projektima i učestvovati u javnim pozivima za Evropsku Uniju, IPA i druge međunarodne fondove i programe, putem kojih se mogu dobiti značajnija sredstva za realizaciju projekata te kako bi bili spremni za to neophodno je već sad razmišljati o jačanju postojećih kapaciteta,

kako bi najkasnije do sredine naredne godine imali proširen tim koji će moći odgovoriti tim očekivanim izazovima.

- Gradsko vijeće Tuzla predlaže da se u okviru Budžeta Grada Tuzle, kao osnivača, iznađu mogućnosti za obezbjeđenje sredstava za nabavku službenog putničkog vozila za potrebe poslovanja Agencije.

- Gradsko vijeće Tuzla sugerše menadžmentu ove Ustanove da se otvori prema privredi i prema nevladinim organizacijama te im pruži pomoć u pisanju i apliciranju na međunarodne projekte i istu, u skladu sa zakonskim mogućnostima naplati te da se, ukoliko je to potrebno, za ovu svrhu odnosno za obavljanje ovih poslova zaposli još jedna osoba.

- Gradsko vijeće Tuzla predlaže da se u sklopu Agencije formira tim za istraživanje stranih investicija i privlačenje stranih investitora na područje Tuzle i Tuzlanskog kantona.

- Gradsko vijeće Tuzla sugerše menadžmentu Ustanove da razmotre sve prijedloge i sugestije vijećnika date tokom rasprave o Izvještaju o radu za 2024. godinu.

- Gradsko vijeće Tuzla sugerše menadžmentu Ustanove da razmotri mogućnost instaliranja odgovarajućeg softvera u cilju uklanjanja komunikacijskih barijera za slijepa i slabovidna lica, možda po modelu web stranice Grada Tuzle koja je prilagođena slijepim i slabovidnim licima.

### **Zaključci za Javnu ustanovu „Dom penzionera“ Tuzla**

- Gradsko vijeće Tuzla sugerše gradonačelniku Grada Tuzle i Službi za budžet i finansije da se, prilikom rebalansa Budžeta Grada Tuzle ili u nacrtu budžeta Grada Tuzle za 2026. godinu planiraju garantovana sredstva i za Javnu ustanovu „Dom penzionera“ Tuzla sa ciljem renoviranja postojeće infrastrukture ili zamjene amortizovane opreme kako bi se poboljšali uslovi boravka korisnika i podigao nivo pružanja usluga.

- Gradsko vijeće Tuzla traži od Upravnog odbora Javne ustanove „Dom penzionera“ Tuzla dostavljanje plana otklanjanja nedostataka iz Revizorskog izvještaja uz vremenske rokove.

- Gradsko vijeće Tuzla traži da se pokrene inicijativa za izradu strateškog dokumenta za proširenje kapaciteta smještaja starijih osoba, i povoljnijih uslova smještaja - bilo kroz proširenje postojećeg doma, gradnju novog objekta, ili u saradnji s privatnim sektorom putem modela javno-privatnog partnerstva.

- Zadužuje se Javna ustanova „Dom penzionera“ Tuzla da u roku od 90 dana izradi i realizuje plan zaposlenja stručnog kadra - psihologa na trenutno upražnjeno radno mjesto. Imajući u vidu specifičnu djelatnost kojom se Ustanova bavi, kao i potrebe korisnika za sveobuhvatnom i kvalitetnom psihološko-zdravstveno-socijalnom zaštitom, neophodno je osigurati prisustvo psihologa kao ključnog člana multidisciplinarnog tima. Angažman psihologa doprinosi očuvanju i unapređenju mentalnog zdravlja korisnika kao i prevenciji psihosocijalnih poteškoća te ukupnom poboljšanju kvaliteta života u institucionalnom smještaju. Stoga se ova obaveza nameće kao prioritetna u cilju ispunjavanja profesionalnih standarda i osiguranja kvalitetnijih usluga u okviru djelatnosti Doma.

- Zadužuje se Javna ustanova „Dom penzionera“ Tuzla da u roku od najviše 90 dana izvrši usaglašavanje koeficijenata za obračun plata zaposlenih u skladu sa stepenom stručne spremne, uz eliminaciju postojećih neujednačenosti koje dovode do situacija u kojima zaposleni sa srednjom stručnom spremom i visokom stručnom spremom imaju jednake ili nesrazmjerno različite plate.

- Gradsko vijeće Tuzla sugerše menadžmentu ove Ustanove da razmotri mogućnost povećanja broja njegovatelja.

- Gradsko vijeće Tuzla sugerše menadžmentu Javne ustanove „Dom penzionera“ Tuzla da se, pored prijema novih radnika zdravstvene struke, povede računa i o platnim razredima postojećih uposlenika.

- Gradsko vijeće Tuzla sugerše menadžmentu Javne ustanove „Dom penzionera“ Tuzla da razmotre i sve druge prijedloge i sugestije vijećnika date tokom rasprave o Izvještaju o radu za 2024. godinu.

### **Zaključci za Javnu ustanovu za predškolski odgoj i obrazovanje „Naše dijete“ Tuzla**

- Gradsko vijeće Tuzla traži od menadžmenta Javne ustanove za predškolski odgoj i obrazovanje „Naše dijete“ Tuzla da dostavi precizno i konkretno izjašnjenje, bez ikakvog eventualnog revanšizma, o svim navodima iz dopisa dijela predstavnika ili članova Sindikata uposlenika koji je dostavljen Komisiji za ljudska prava i slobode i koji je razmatran na sjednici ove Komisije s tim da se zadužuje Stručna služba Gradskog vijeća da menadžmentu Ustanove dostavi dopis članova Sindikata uposlenih, odgovor Komisije za ljudska prava i slobode i svu dokumentaciju koju je imala Komisija za ljudska prava i slobode.

- Gradsko vijeće Tuzla traži od Ministarstva obrazovanja i nauke Tuzlanskog kantona da se, u cilju rasterećenja predškolskih ustanova i omogućavanja boljih uslova i djeci i roditeljima, obezbijedi produženi boravak, ukoliko to već Vlada Tuzlanskog kantona nije obezbijedila, u svim školama na području grada Tuzle u kojima je to moguće organizovati.

- Gradsko vijeće Tuzla traži od gradonačelnika i resornih Službi da se povećaju finansijska sredstva ovoj Ustanovi, kako bi se moglo prihvatiti predloženo kompromisno rješenje roditelja kao i da se podrži Ustanova kada je u pitanju povećanje kadrovskih kapaciteta.

- Gradsko vijeće Tuzla poziva Vladu Tuzlanskog kantona da se iznađe mogućnost sufinansiranja djece u privatnim vrtićima kako djeca koja pohađaju privatne vrtiće i njihovi roditelji ne bi bili dovedeni u neravnopravan položaj u odnosu na djecu koja pohađaju vrtiće javne ustanove.

- Gradsko vijeće Tuzla traži da se razmotri mogućnost da se kod narednog prijema djece u obzir uzme primanje po članu domaćinstva u porodici kako bi se vidjelo kome je stvarno potrebno da pohađa vrtić u javnoj ustanovi ili porodica, koja po svojim primanjima, može priuštiti boravak u privatnoj predškolskoj ustanovi.

- Gradsko vijeće Tuzla sugerše da se u narednom periodu razmotri mogućnost povećanja plata odgajateljicama i medicinskim sestrama koje su na udaru i koje su nosioci djelatnosti ove Ustanove.

- Gradsko vijeće Tuzla traži od resorne Službe da pripremi i Vijeću dostavi na razmatranje i usvajanje dopunu Metodologije za izradu izvještaja o poslovanju javnih preduzeća i javnih ustanova čiji je osnivač ili suosnivač Grad Tuzla, na način da se u izvještaj uvrsti: vizija razvoja u narednih 3 ili 5 godina, jasna izjava o sigurnosti korisnika usluge tog preduzeća ili ustanove, izvještaj o inspekcijskim nadzorima sa taksativno nabrojanim inspekcijskim nadzorima u izvještajnom periodu, anketa zadovoljstva korisnika usluga i vijećnička pitanja i inicijative koja su se podnosile u izvještajnom periodu.

- Gradsko vijeće Tuzla sugerše menadžmentu Javne ustanove za predškolski odgoj i obrazovanje „Naše dijete“ Tuzla da razmotre i sve druge prijedloge i sugestije vijećnika date tokom rasprave o Izvještaju o radu za 2024. godinu.

- Gradsko vijeće Tuzla traži od direktora Javne ustanove za predškolski odgoj i obrazovanje „Naše dijete“ Tuzla da najkasnije do naredne sjednice Gradskog vijeća dostavi pisane odgovore na pitanja postavljena od strane vijećnika tokom rasprave o Izvještaju o radu za 2024. godinu.

**ANA PEJIĆ**

Zahvaljujem se.  
Stavljam na izjašnjavanje pročitane zaključke.  
Izvolite Denise. Izvolite.

**DENIS BEĆIROVIĆ**

Kada ste govorili, odnosno kada ste čitali zaključke ja vas molim da se vratite na zaključke vezane za Vladu Tuzlanskog kantona da dodate tu Vladu Federacije i Vijeće ministara Bosne i Hercegovine jer smo se složili da budu zastupljeni svi nivoi vlasti.

**ANA PEJIĆ**

U redu je. Stavljam na izjaš...(SLAĐANA KRAJINA – Samo malo. Samo malo da korigujem.) Aha. (SLAĐANA KRAJINA – Jel to ovaj zaključak? Gradsko vijeće traži od Ministarstva obrazovanja da se u cilju...Jel, jel taj zaključak? Na koji mislite Denise?)

**ANA PEJIĆ**

Na koji mislite konkretno? Pa kažite.

**SLAĐANA KRAJINA – sekretar Gradskog vijeć Tuzla**

Aha ovo. Pozivam Vladu Tuzlanskog kantona da se iznađe mogućnost sufinansiranja... Vladu Tuzlanskog kantona. Kažite.

**DENIS BEĆIROVIĆ**

Vladu Federacije Bosne i Hercegovine i Vijeće ministara Bosne i Hercegovine.

**ANA PEJIĆ**

Vijećnik Ervin Alibegović i vi imate ne...Izvolite.

**ERVIN ALIBEGOVIĆ**

Hvala. Ja ću kratko. Pitanje je samo tehničke napomene. Dakle, kad se razgovaralo zaključci o stadionu i mjere koje se proizvode, provode nisu mjere dezinfekcije i deratizacije nego DDD mjere dezinfekcija, dezinfekcija i deratizacija pa samo da se dopuni. Možda ja nisam bio dovoljno precizan u izlaganju pa evo izvinjavam se svima vama.

**ANA PEJIĆ**

U redu.  
Stavljam na izjašnjavanje pročitane zaključke. Glasanje je okončano.  
Konstatujem da su pročitani zaključci usvojeni sa,  
27 glasova za, nije bilo protiv i nije bilo suzdržanih.

Prelazimo na tačku trinaest dnevnog reda:

RAZMATRANJE INFORMACIJA...(SLAĐANA KRAJINA – Može pauza desetak minuta samo da se odmorim? Pa. Pa moram. Ja šest sati nisam mrdnula odavde stvarno.)  
Može pauza od 10 minuta. Može. Može.

(Pauza.)

Pozivan vijećnike u salu da nastavimo sa radom sjednice.

Nastavljamo sa radom.

Tačka trinaest:

### **RAZMATRANJE INFORMACIJA O REALIZACIJI DIMNJAČARSKIH POSLOVA ZA 2024. GODINU**

Predlagач je gradonačelnik Grada Tuzla.

Obrađivač: Javno komunalno preduzeće “Komunalac” d.o.o. Tuzla.

Materijal su razmatrali: Komisija za komunalne poslove i pitanja mjesnih zajednica i Klubovi vijećnika.

Da li ima potrebe za uvodnim izlaganjem? (Nema.)

Da li ima potrebe da se pročitaju izvještaji Komisija? (Nema.)

Otvaram raspravu Klubova vijećnika. Vijećnik Mirnes Ajanović. Izvolite.

#### **MIRNES AJANOVIĆ**

Pa napisano. Hoćetel da vam dostavim u pisanoj formi sa zaključcima? (ANA PEJIĆ - Može.) I diskusija i sve možel? Slađa neda. (SLAĐANA KRAJINA – Pa ne može zaključak bez stenograma.) Dobro. Dobro. (SLAĐANA KRAJINA – Mogu ja pročitat zaključke.)

#### **ANA PEJIĆ**

Al evo može i Slađana pročitat zaključke ako ste saglasni? Al evo kako hoćete. (MIRNES AJANOVIĆ – Saglasan sam ja. Poslat ću ja njoj sad odmah sve. Evo odmah.) Može. (NEDŽAD JUSIĆ – Diskusiju.) (MIRNES AJANOVIĆ – Evo i diskusiju ću ja. Evo ja ću i diskusiju poslat. Evo sekunda. Dok ide dok traje pitajte nekog drugog dok ja pošaljem.)

Da li se još neko javlja za diskusiju ispred Klubova vijećnika? (Nema.)

Onda zaključujem diskusiju Klubova vijećnika.

Otvaram diskusiju vijećnika. Omere jel se javljate?

Zaključujem diskusiju vijećnika. (MIRNES AJANOVIĆ – Evo Slađana. Evo ti ide Slađana za minut, pola minute.) Ugasila Slađana laptop. (MIRNES AJANOVIĆ – Neće ugazit.)

Pošto nema prijavljenih vijećnika za diskusiju konstatujem...

Mirnese vi nećete (MIRNES AJANOVIĆ – Evo.) diskutovat ili...? (MIRNES AJANOVIĆ – Pa mogu ja dok minut prođe eto dok ona...) Al evo stigli su zaključci onda.

#### **MIRNES AJANOVIĆ**

Stigli su zaključci. Ima i diskusija. Dakle, dok...Jel može? (ANA PEJIĆ - Možete.) Hajd. (ANA PEJIĆ – Šta je sad?) (SLAĐANA KRAJINA – Evo sad je stiglo.) Evo.

**ANA PEJIĆ**

Vi završili? U redu.

Evo konstatujem da je Gradsko vijeće Tuzla primilo k znanju INFORMACIJU O REALIZACIJI DIMNJAČARSKIH POSLOVA ZA 2024. GODINU.

Pa Slađana hoćete li nam vi samo zaključke pročitati?

**SLAĐANA KRAJINA – sekretar Gradskog vijeća Tuzla**

Hoću.

Zaključak koji je vijećnik Ajanović predložio:

- Gradsko vijeće Tuzla preporučuje da se u okviru budžetskog planiranja za narednu godinu predvidi posebna stavka za podršku realizaciji dimnjačarskih intervencija sa ciljem zaštite života i imovine građana, unapređenja javne sigurnosti i smanjenja rizika od požara i trovanja ugljen-monoksidom.

- Budžetska podrška obuhvatala bi subvencioniranje troškova pregleda i čišćenja dimnjaka za objekte u vlasništvu socijalno ugroženih kategorija, penzionera i domaćinstava sa prijavljenim rizicima, kao i finansiranje edukacije građana o važnosti redovnog održavanja dimovodnih sistema.

- Zadužuje se nadležna služba Grada Tuzla da u saradnji sa Javnim komunalnim preduzećem „Komunalac“ Tuzla izradi prijedlog programa preventivnih dimnjačarskih mjera i model sufinansiranja, te isti dostavi Gradskom vijeću na razmatranje.

I još jedan prijedlog:

- Da se u budžetskom planiranju za narednu godinu osiguraju sredstva za digitalnu evidenciju izvršenih dimnjačarskih pregleda - kao alat za transparentnost i sigurnost.

**ANA PEJIĆ**

Stavljam na izjašnjavanje pročitane zaključke. Glasanje je okončano.

Konstatujem da su pročitani zaključci dobili potrebnu većinu sa,

24 glasa za, nije bilo protiv i nije bilo suzdržanih.

Prelazimo na tačku četrnaest pod:

**a) Poziv Gradskog vijeća Tuzla vlastima Republike Srpske za izručenje ratnog zločinca (Srbije.) Srbije. Republike Srbije. Izvinjavam se. Za izručenje ratnog zločinca Novaka Đukića i pod**

**b) Zahtjev za institucionalno djelovanje u cilju obezbjeđenja izvršenja presude protiv Novaka Đukića i zaštite prava žrtava zločina na tuzlanskoj Kapiji.**

Predlagач je Kolegij Gradskog vijeća Tuzla, na inicijativu Omera Berbića, vijećnika Naše stranke (podtačka a) i Mirnes Ajanović vijećnik Bosanke stranke (pod b).

Pozivam vijećnike Berbića i Ajanovića ukoliko žele da obrazlože ukoliko svoje prijedloge. Izvolite Omere.

**OMER BERBIĆ**

Nema potrebe da obrazlažemo. Molim vas da ako vama nije problem da vi to samo kratko isčitajte da narod bude upoznat o čemu pričamo?

**ANA PEJIĆ**

U redu. Izvolite Mirnese vi.

**MIRNES AJANOVIĆ**

Moj drug Omer Berbić i ja smo napravili evo do-ku-men-te, odnosno zvanične akte Gradskog vijeća Tuzla Deklaracija i prateći zahtjev institucijama Bosne i Hercegovine, Republike Srbije i međunarodnim institucijama za izvršenje pravosnažne presude protiv ratnog zločinca Novaka Đukića a u cilju zaštite prava žrtava Kapije i onih koji su stradali i onih koji su ostali iza njih.

Ovo je realno izvodljivo u okviru ovih prijedloga tačaka koje smo uputili raznim institucijama i već sam to rekao i neću ponavljati u uvodnom izlaganju. Brojne su institucije i koleginica Svjetlana Kakeš je dala prijedlog da se dostavi i Parlamentarnoj skupštini Bosne i Hercegovine koja je delegacija pri Parlamentarnoj Skupštini Vijeća Evrope sa ja sam to još dodatno pravno obrazložio. Komesarki za ljudska prava Vijeća Evrope gospođi Dunji Mijatović i inicijativa prema misiji OSCE-a BH i misiji OSCE-a Republike Srbije kako bi i oni dali dodatni doprinos. Evo zahvaljujem se koleginici Kakeš što je dala dodatni doprinos da ovo bude sve objedinjeno.

Predlažem zaključak:

Da se Stručna služba obaveže da sjedini sve ovo dakle, u jedan materijal, zahtjev, odnosno naziv tačke, Deklaraciju, zahtjev za dostavljanje institucijama i da se dostavi svima gdje je moguće, kome je moguće i naravno i javnosti. Eto toliko.

**ANA PEJIĆ**

Zahvaljujem se.

Evo otvaram raspravu Klubova vijećnika. Vijećnik Dejan Kovačević. Izvolite.

**DEJAN KOVAČEVIĆ**

Hvala predsjedavajuća. Neću ja dugo. Samo ovaj, digresiju jednu da uđe u zapisnik da u dnevnom redu je pod četrnest a) Poziv Gradskog vijeća Tuzla vlastima Republike Srpske piše a u stvari treba Srbije. Koliko sam ja razumio. Jel tako? (ANA PEJIĆ - Greška je štamparska onda.) E samo da to uđe u stenogram da je to greška. (ANA PEJIĆ – Štamparska greška je ovo.) Da ne bi bilo posle...Hvala.

**ANA PEJIĆ**

U redu. Vijećnik Ervin Alibegović. Izvolite.

**ERVIN ALIBEGOVIĆ**

I ja bih se zahvalio predlažačima dakle, gospodinu Berbiću, gospodinu Ajanoviću, gospođi Svjetlani Kakeš i Kolegiju gradonačelnika na ovakvoj inicijativi. Kao čovjek koji je branio ovaj grad, kao pripadnik Armije BiH stalo je da se kazni svaki zločin ali bih zamolio da sva ova pitanja koja se odnosi na kažnjavanje najtežih zločina i sva pitanja koja se tiču sigurnosti zdravstvene ili bilo kojih drugih građana iako smo mi sukladno članu 61. uredno pitani i da se stavljaju zbog svog značaja odmah ispod dakle, vijećničkih inicijativa i pitanja u dnevnom redu.

Dakle, mi kao Klub Demokratske fronte podržat ćemo ovakvu inicijativu i zahvaljujemo se predlagateljima. To je naša moralna, ljudska ako hoćete ovaj, i državotvorna obaveza. Hvala.

### **ANA PEJIĆ**

Zahvaljujem se.

Da li se još neko javlja ispred Klubova vijećnika.

Zaključujem diskusiju Klubova vijećnika.

Otvaram raspravu vijećnika. Vijećnik Denis Bećirović. Izvolite.

### **DENIS BEĆIROVIĆ**

Hvala predsjedavajuća. Evo vidimo da uvijek Rezolucije koje se donose imaju svoju svrhu je jedna ova možda i nama od, od najznačajnijih Rezolucija dakle, ona naša najveća rana.

Dakle, ono što, što sam evo danas razmišljajući o svemu želio podijeliti i kolegicama i kolegama dakle, da uz ovu Deklaraciju sve ovo što je predloženo. Posebna zahvala dakle, kolegama koji su delegirali ovakav materijal dakle, da dodamo i osudimo negiranje zločina masakra na Kapiji, na Markalama i na drugim strate...protiv, protiv dakle, protiv civila. Ni-je rije-dak slučaj. Dešavalo je se da ovdje pojedini političari dođu, prođu a onda ovaj, osporavaju, osporavaju zločin na Kapiji.

Dakle, predlažem uz sve ovo i zaključak dakle:

Da osudimo, osudimo negiranje zločina na Kapiji.

I evo ne morate zapisati ali da od sad svi malo više vodimo računa koga kao vijećnici, kao predstavnici predstavničkog tijela vlasti dočekamo, vodimo po Panonici da nam se to kasnije ne bi fakturiralo jednom pogrešnom, pogrešnom kontekstu. Dakle, toliko od mene. Neću dužiti više.

### **ANA PEJIĆ**

Zahvaljujem se.

Da li se još neko javlja za diskusiju vijećnika?

Zaključujem diskusiju vijećnika.

Te zamolit ću samo sekretara da pročita zaključak. Zaključke u stvari.

### **SLADANA KRAJINA – sekretar Gradskog vijeća Tuzla**

- Gradsko vijeće Tuzla osuđuje negiranje zločina na tuzlanskoj Kapiji, na Markalama i drugih zločina protiv civilnog stanovništva.

- Gradsko vijeće Tuzla traži od Stručne službe Gradskog vijeća da, u saradnji sa predlagateljima materijala, pripremi odgovarajući akt koji će se poslati svim organima i institucijama naznačenim u materijalu kao i u naknadno dostavljenoj dopuni te da se isti dostavi medijima i objavi na web stranici Grada Tuzle.

### **ANA PEJIĆ**

Izvolite Mirnese.

## **MIRNES AJANOVIĆ**

I da se ova Deklaracija dopuni takođe ovim prijedlogom da dakle, i nju i objavi je u Službenom glasniku naravno.

## **ANA PEJIĆ**

Molim vas da se izjasnite o pročitanim zaključcima. Glasanje je okončano.  
Konstatujem da su pročitani zaključci usvojeni sa,  
25 glasova za, nije bilo protiv i nije bilo suzdržanih.

## **MIRNES AJANOVIĆ**

Mogu li poslovničku? (Može naravno.)

Samo da se izjasnimo da smo usvojili i ove dokumente. (ANA PEJIĆ – Usvojili smo svakako dokumente.) Jesmo? (ANA PEJIĆ – Jeste, jeste usvojili smo.) Nešto mi ne zvuči...(ANA PEJIĆ – Samo se o dokumentima ne gla...O ovim, o pozivu i zahtjevu se ne glasa.) Pošto ima Deklaracija, Deklaracija. Nismo se izjasnili o njoj. Zvanično se nismo izjasnili. Jesmo o zaključcima. Nismo o Deklaraciji. Ja. Moramo se izjasnit. (ANA PEJIĆ – Da ćemo usaglasit mislite?) Jeste. Ali se sad moramo izjasniti o njoj. Ima ona već napisana sa dopunom samo da se dopuni jedan tekst. (Sladana Krajina govori bez uključenog mikrofona op.a.) Deklaracija...Ostalo je okej a o Deklaraciji se moramo izjasniti.

## **SLADANA KRAJINA – sekretar Gradskog vijeća Tuzla**

Može, može. Može o Deklaraciji.

Ništa. Stavite na izjašnjavanje. E samo da pročitam tačan naziv.

Molim predsjedavajuću da stavi na izjašnjavanje prijedlog teksta Deklaracije o zahtjevu za institucionalno djelovanje radi izvršenja pravosnažne presude protiv Novaka Đukića i zaštite prava žrtava zločina na Kapiji.

## **ANA PEJIĆ**

Stavljam na izjašnjavanje. Glasanje je okončano.  
Konstatujem da je Deklaracija usvojena sa,  
25 glasova za, nije bilo protiv i nije bilo suzdržanih.

Prelazimo na tačku petnaest:

## **RAZMATRANJE IZVJEŠTAJA KOMISIJE ZA IZBOR I IMENOVANJA**

Pa zamolit ću samo sekretara da pročita prijedloge koji su pristigli.

## **SLADANA KRAJINA – sekretar Gradskog vijeća Tuzla**

Evo samo malo.

Molim samo da se stavi na izjašnjavanje prijedlog da se glasa o listi kompletnoj obzirom da se radi o usaglašenom prijedlogu svih Klubova vijećnika političkih subjekata koji paricipiraju u Gradskom vijeću.

Znači, da se stavi prijedlog da se isčita kompletna lista ovako kako su predložili parlamentarne stranke. (MIREL MIŠKOVIĆ - Imam ja samo jedno pitanje.)

**ANA PEJIĆ**

Može. Izvolite.

**MIREL MIŠKOVIĆ**

Da se isčita kompletna ta lista i da se imenuju ti prijedlozi koji su, a one prijedloge koje ni-smo imenovali da imenujemo na idućem Vijeću. (ANA PEJIĆ - Naravno, naravno. To svakako.) Et samo to da se zabilježi zapisnički. (ANA PEJIĆ – To svakako stoji.) Et. (ANA PEJIĆ – Da svi koji nisu dos...Da može.) Tako da može i na narednom ko nije. (ANA PEJIĆ - Naravno, naravno. Apsolutno. Može, može. Naravno.) Eto. Ništa više.

**ANA PEJIĆ**

Stavljam na izjašnjavanje prijedlog sekretara Gradskog vijeća. (SLADANA KRAJINA – Prijedlog predsjedavajuće. Pa ne mogu ja predložiti zaključak.)

Dobro moj hajde. Admire glasajte. Mirnes je glasno Admire al vi niste. Aha. Glasanje je okončano

Konstatujem da je pročitani prijedlog dobio potrebnu većinu sa,  
25 glasova za, nije bilo protiv i nije bilo suzdržanih.

Zamoliti ću sekretara da nam pročita prijedloge koji...Listu prijedloga koji su pristigli. Hajde molim vas još malo koncentracije. (Jel mora čitati?) Mora zbog stenograma.

**SLADANA KRAJINA – sekretar Gradskog vijeća Tuzla**

Komisija za izbor i imenovanja je razmatrala usaglašeni prijedlog kandidata za izbor predsjednika i članova savjeta mjesnih zajednica na području grada Tuzle, te je jednoglasno usvojila sljedeći zaključak:

Komisija za izbor i imenovanja je razmotrila, te Gradskom vijeću Tuzla na izjašnjavanje upućuje usaglašeni prijedlog kandidata za izbor predsjednika i članova savjeta mjesnih zajednica na području grada Tuzle, a kako slijedi:

**MZ Batva**

| R.B. | PREZIME I IME       | POZICIJA    |
|------|---------------------|-------------|
| 1.   | Gavranović Sulejman | PREDSJEDNIK |
| 2.   | Žilić Čazim         | ČLAN        |
| 3.   | Čatović Amir        | ČLAN        |
| 4.   | Gavranović Zehrudin | ČLAN        |
| 5.   | Tomić Amalija       | ČLAN        |
| 6.   | Kremić Almir        | ČLAN        |

**MZ Brčanska Malta**

| R.B. | PREZIME I IME      | POZICIJA    |
|------|--------------------|-------------|
| 1.   | Sinanović Fahrudin | PREDSJEDNIK |
| 2.   | Šljivić Dževad     | ČLAN        |
| 3.   | Kapetanović Halima | ČLAN        |
| 4.   | Đozić Tarik        | ČLAN        |
| 5.   | Ikinić Admir       | ČLAN        |
| 6.   | Bašić Samil        | ČLAN        |
| 7.   | Smajić Anel        | ČLAN        |

**MZ Breške**

| R.B. | PREZIME I IME     | POZICIJA    |
|------|-------------------|-------------|
| 1.   | Stojak Stijepo    | PREDSJEDNIK |
| 2.   | Nikolić Drago     | ČLAN        |
| 3.   | Šabanović Ibrahim | ČLAN        |
| 4.   | Džafić Vernes     | ČLAN        |
| 5.   | Ivičić Tomo       | ČLAN        |

**MZ Bukinje**

| R.B. | PREZIME I IME       | POZICIJA    |
|------|---------------------|-------------|
| 1.   | Goran Stojak        | PREDSJEDNIK |
| 2.   | Pejo Šimić          | ČLAN        |
| 3.   | Ljubica Šimić       | ČLAN        |
| 4.   | Mehmedinović Melisa | ČLAN        |
| 5.   | Čomerović Asmir     | ČLAN        |
| 6.   | Marjanović Siniša   | ČLAN        |
| 7.   | Džafić Suad         | ČLAN        |

**MZ Centar**

| R.B. | PREZIME I IME   | POZICIJA    |
|------|-----------------|-------------|
| 1.   | Avdić Alma      | PREDSJEDNIK |
| 2.   | Iljazagić Edina | ČLAN        |

|    |                     |      |
|----|---------------------|------|
| 3. | Hadžiselimović Asim | ČLAN |
| 4. | Kalaba Emir         | ČLAN |
| 5. | Mehanović Mufid     | ČLAN |
| 6. | Koval Aleksandar    | ČLAN |
| 7. | Biberović Osman     | ČLAN |

**MZ Dokanj**

| R.B. | PREZIME I IME      | POZICIJA    |
|------|--------------------|-------------|
| 1.   | Brčina Saša        | PREDSJEDNIK |
| 2.   | Marijanović Viktor | ČLAN        |
| 3.   | Hidanović Semin    | ČLAN        |
| 4.   | Osmanović Senad    | ČLAN        |
| 5.   | Džaferagić Mustafa | ČLAN        |
| 6.   | Banović Josip      | ČLAN        |

**MZ Dobrnja**

| R.B. | PREZIME I IME      | POZICIJA    |
|------|--------------------|-------------|
| 1.   | Kunosić Derviš     | PREDSJEDNIK |
| 2.   | Junuzović Ahmudin  | ČLAN        |
| 3.   | Suljendić Enver    | ČLAN        |
| 4.   | Bečić Zehrudin     | ČLAN        |
| 5.   | Galčević Samir     | ČLAN        |
| 6.   | Selimović Novalija | ČLAN        |
| 7.   | Bajrić Amel        | ČLAN        |

**MZ Dragunja**

| R.B. | PREZIME I IME    | POZICIJA    |
|------|------------------|-------------|
| 1.   | Hodžić Zejnil    | PREDSJEDNIK |
| 2.   | Kovačević Jasmin | ČLAN        |
| 3.   | Kurahović Adis   | ČLAN        |
| 4.   | Salkić Nermin    | ČLAN        |
| 5.   | Musić Admir      | ČLAN        |

|    |              |      |
|----|--------------|------|
| 6. | Mujkić Sabit | ČLAN |
| 7. | Marko Ivanić | ČLAN |

**MZ Gornja Tuzla**

| R.B. | PREZIME I IME       | POZICIJA    |
|------|---------------------|-------------|
| 1.   | Mehmedović Maida    | PREDSJEDNIK |
| 2.   | Žunić Ekrem         | ČLAN        |
| 3.   | Topić Refik         | ČLAN        |
| 4.   | Hadžibeganović Seid | ČLAN        |
| 5.   | Mušanović Čazim     | ČLAN        |
| 6.   | Muslić Muharem      | ČLAN        |
| 7.   | Jašarević Sead      | ČLAN        |

**MZ Kula**

| R.B. | PREZIME I IME    | POZICIJA    |
|------|------------------|-------------|
| 1.   | Nalić Stana      | PREDSJEDNIK |
| 2.   | Mandžo Husnija   | ČLAN        |
| 3.   | Džolota Murat    | ČLAN        |
| 4.   | Sultanić Džana   | ČLAN        |
| 5.   | Rahmanović Emir  | ČLAN        |
| 6.   | Mujčinović Salih | ČLAN        |
| 7.   | Zulić Enis       | ČLAN        |

**MZ Grabovica**

| R.B. | PREZIME I IME    | POZICIJA    |
|------|------------------|-------------|
| 1.   | Žigić Sead       | PREDSJEDNIK |
| 2.   | Pranjić Denis    | ČLAN        |
| 3.   | Pranjić Tomislav | ČLAN        |
| 4.   | Šljivić Asmir    | ČLAN        |
| 5.   | Emkić Sabina     | ČLAN        |
| 6.   | Selimi Jasmin    | ČLAN        |

|    |               |      |
|----|---------------|------|
| 7. | Smilja Andrić | ČLAN |
|----|---------------|------|

**MZ Husino**

| R.B. | PREZIME I IME     | POZICIJA    |
|------|-------------------|-------------|
| 1.   | Kikanović Ševal   | PREDSJEDNIK |
| 2.   | Marijanović Davor | ČLAN        |
| 3.   | Tadić Slavko      | ČLAN        |
| 4.   | Brkić Ivana       | ČLAN        |
| 5.   | Kikanović Omer    | ČLAN        |
| 6.   | Pranjić Marko     | ČLAN        |
| 7.   | Ostojić Suzana    | ČLAN        |

**MZ Jala**

| R.B. | PREZIME I IME   | POZICIJA    |
|------|-----------------|-------------|
| 1.   | Begtašagić Enes | PREDSJEDNIK |
| 2.   | Jahić Nedim     | ČLAN        |
| 3.   | Arnaut Hajra    | ČLAN        |
| 4.   | Avdić Ademir    | ČLAN        |
| 5.   | Arnaut Faris    | ČLAN        |
| 6.   | Kovač Eldar     | ČLAN        |

**MZ Kiseljak**

| R.B. | PREZIME I IME      | POZICIJA    |
|------|--------------------|-------------|
| 1.   | Mehmedinović Hamid | PREDSJEDNIK |
| 2.   | Mehmedinovic Admir | ČLAN        |
| 3.   | Grbić Mersudin     | ČLAN        |
| 4.   | Grbić Aladin       | ČLAN        |
| 5.   | Mehmedinović Enver | ČLAN        |
| 6.   | Đaković Dragan     | ČLAN        |
| 7.   | Mujić Nermin       | ČLAN        |

**MZ Ljubače**

| R.B. | PREZIME I IME | POZICIJA |
|------|---------------|----------|
|------|---------------|----------|

|    |                     |             |
|----|---------------------|-------------|
| 1. | Marković Marinko    | PREDSJEDNIK |
| 2. | Grgić Mario         | ČLAN        |
| 3. | Kovačević Marko     | ČLAN        |
| 4. | Kovačević Dalibor   | ČLAN        |
| 5. | Matuzović Božo      | ČLAN        |
| 6. | Ferhatović Mevludin | ČLAN        |
| 7. | Stjepić Božo        | ČLAN        |

**MZ Lipnica**

| R.B. | PREZIME I IME    | POZICIJA    |
|------|------------------|-------------|
| 1.   | Sadiković Alija  | PREDSJEDNIK |
| 2.   | Kovačević Ademir | ČLAN        |
| 3.   | Djedović Albin   | ČLAN        |
| 4.   | Hasanović Ernes  | ČLAN        |
| 5.   | Čolić Miralem    | ČLAN        |
| 6.   | Marinović Darko  | ČLAN        |
| 7.   | Halilović Sead   | ČLAN        |

**MZ Gornja Lipnica**

| R.B. | PREZIME I IME     | POZICIJA    |
|------|-------------------|-------------|
| 1.   | Deljić Admir      | PREDSJEDNIK |
| 2.   | Marković Božo     | ČLAN        |
| 3.   | Malkočević Mirsad | ČLAN        |
| 4.   | Husagić Muris     | ČLAN        |
| 5.   | Dadanović Fatima  | ČLAN        |
| 6.   | Divković Marko    | ČLAN        |

**MZ Tušanj**

| R.B. | PREZIME I IME   | POZICIJA    |
|------|-----------------|-------------|
| 1.   | Hasanagić Nehru | PREDSJEDNIK |
| 2.   | Kurtalić Huso   | ČLAN        |
| 3.   | Galić Emir      | ČLAN        |

|    |                 |      |
|----|-----------------|------|
| 4. | Dedajić Avdo    | ČLAN |
| 5. | Zonić Nesib     | ČLAN |
| 6. | Cipurković Amel | ČLAN |
| 7. | Zonić Nedžad    | ČLAN |

**MZ Mejdani**

| R.B. | PREZIME I IME    | POZICIJA    |
|------|------------------|-------------|
| 1.   | Okanović Džana   | PREDSJEDNIK |
| 2.   | Atlić Dževad     | ČLAN        |
| 3.   | Begić Almasa     | ČLAN        |
| 4.   | Mrkaljević Fehmo | ČLAN        |
| 5.   | Šahinagić Adisa  | ČLAN        |

**MZ Mosnik**

| R.B. | PREZIME I IME     | POZICIJA    |
|------|-------------------|-------------|
| 1.   | Mujkanović Izudin | PREDSJEDNIK |
| 2.   | Fuljacan Advija   | ČLAN        |
| 3.   | Muminović Azur    | ČLAN        |
| 4.   | Kunić Azra        | ČLAN        |
| 5.   | Brkić Džafer      | ČLAN        |
| 6.   | Mešić Indira      | ČLAN        |
| 7.   | Hodžić Mirsad     | ČLAN        |

**MZ Novi Grad I**

| R.B. | PREZIME I IME   | POZICIJA    |
|------|-----------------|-------------|
| 1.   | Bećirević Smajo | PREDSJEDNIK |
| 2.   | Džindo Džemal   | ČLAN        |
| 3.   | Gotovušić Asmir | ČLAN        |
| 4.   | Delalić Amir    | ČLAN        |
| 5.   | Mašić Nina      | ČLAN        |
| 6.   | Kalajlić Safija | ČLAN        |
| 7.   | Čatibušić Selma | ČLAN        |

**MZ Novi Grad II**

| R.B. | PREZIME I IME      | POZICIJA    |
|------|--------------------|-------------|
| 1.   | Tufekčić Sead      | PREDSJEDNIK |
| 2.   | Muharemagić Edin   | ČLAN        |
| 3.   | Kunić Senaid       | ČLAN        |
| 4.   | Mašić Dina         | ČLAN        |
| 5.   | Nedžibović Jasmina | ČLAN        |

**MZ Gornja Obodnica**

| R.B. | PREZIME I IME    | POZICIJA    |
|------|------------------|-------------|
| 1.   | Pejić Niko       | PREDSJEDNIK |
| 2.   | Andrić Niko      | ČLAN        |
| 3.   | Mrkonjić Ivo     | ČLAN        |
| 4.   | Stjepanović Pejo | ČLAN        |

**MZ Pasci Gornji**

| R.B. | PREZIME I IME     | POZICIJA    |
|------|-------------------|-------------|
| 1.   | Avdić Senaid      | PREDSJEDNIK |
| 2.   | Salihović Miralem | ČLAN        |
| 3.   | Mujabasić Nusmir  | ČLAN        |
| 4.   | Bajramović Amila  | ČLAN        |
| 5.   | Đulović Mujaga    | ČLAN        |
| 6.   | Mujabašić Emir    | ČLAN        |
| 7.   | Hurić Dino        | ČLAN        |

**MZ Ljepunice**

| R.B. | PREZIME I IME    | POZICIJA    |
|------|------------------|-------------|
| 1.   | Dautović Nesib   | PREDSJEDNIK |
| 2.   | Dautović Asmir   | ČLAN        |
| 3.   | Smajić Nisad     | ČLAN        |
| 4.   | Marković Dominko | ČLAN        |
| 5.   | Halilović Safer  | ČLAN        |

|    |                  |      |
|----|------------------|------|
| 6. | Jokić Ilija      | ČLAN |
| 7. | Ivaković Stjepan | ČLAN |

**MZ Simin Han**

| R.B. | PREZIME I IME      | POZICIJA    |
|------|--------------------|-------------|
| 1.   | Salihović Mevludin | PREDSJEDNIK |
| 2.   | Hasić Esmira       | ČLAN        |
| 3.   | Lolić Ajdin        | ČLAN        |
| 4.   | Haračić Hasib      | ČLAN        |
| 5.   | Ramić Nermina      | ČLAN        |
| 6.   | Bišćić Mirnes      | ČLAN        |
| 7.   | Haračić Safet      | ČLAN        |

**MZ Požarnica**

| R.B. | PREZIME I IME     | POZICIJA    |
|------|-------------------|-------------|
| 1.   | Modraković Simika | PREDSJEDNIK |
| 2.   | Pantić Željko     | ČLAN        |
| 3.   | Smajić Mujo       | ČLAN        |
| 4.   | Jovanović Feđa    | ČLAN        |
| 5.   | Čerkić Zijad      | ČLAN        |

**MZ Slatina**

| R.B. | PREZIME I IME      | POZICIJA    |
|------|--------------------|-------------|
| 1.   | Ismajlovski Redžep | PREDSJEDNIK |
| 2.   | Ibeljić Vesna      | ČLAN        |
| 3.   | Ustavdić Mirsada   | ČLAN        |
| 4.   | Brkić Jakub        | ČLAN        |
| 5.   | Osmanagić Dino     | ČLAN        |
| 6.   | Pirić Midhat       | ČLAN        |

**MZ Slavinovići**

| R.B. | PREZIME I IME | POZICIJA    |
|------|---------------|-------------|
| 1.   | Pašić Mirsad  | PREDSJEDNIK |

|    |                      |      |
|----|----------------------|------|
| 2. | Imamović Azra        | ČLAN |
| 3. | Aščić Mubera         | ČLAN |
| 4. | Omerbegović Mersudin | ČLAN |
| 5. | Omerbegović Ermin    | ČLAN |
| 6. | Alić Zec Jasmina     | ČLAN |
| 7. | Mustačević Amer      | ČLAN |

**MZ Solina**

| R.B. | PREZIME I IME   | POZICIJA    |
|------|-----------------|-------------|
| 1.   | Jogunčić Jasmin | PREDSJEDNIK |
| 2.   | Đokić Radislav  | ČLAN        |
| 3.   | Hukić Nadira    | ČLAN        |
| 4.   | Malikić Ademir  | ČLAN        |
| 5.   | Bašić Zijad     | ČLAN        |
| 6.   | Balkan Isa      | ČLAN        |
| 7.   | Novalić Edo     | ČLAN        |

**MZ Solana**

| R.B. | PREZIME I IME   | POZICIJA    |
|------|-----------------|-------------|
| 1.   | Jogunčić Mirsad | PREDSJEDNIK |
| 2.   | Osmanović Sakib | ČLAN        |
| 3.   | Čivić Almir     | ČLAN        |
| 4.   | Hodžić Amela    | ČLAN        |
| 5.   | Omazić Šekib    | ČLAN        |
| 6.   | Hasić Muaz      | ČLAN        |
| 7.   | Joldić Ismar    | ČLAN        |

**MZ Mramor**

| R.B. | PREZIME I IME        | POZICIJA    |
|------|----------------------|-------------|
| 1.   | Kišić Bersem         | PREDSJEDNIK |
| 2.   | Hadžimustafić Jasmin | ČLAN        |
| 3.   | Junuzović Jasmina    | ČLAN        |

|    |                             |      |
|----|-----------------------------|------|
| 4. | Mahmutović Miralem          | ČLAN |
| 5. | Selimović Mevludin          | ČLAN |
| 6. | Čorić Jasmin                | ČLAN |
| 7. | Jašarević Mustajbašić Amira | ČLAN |

**MZ Sjenjak**

| R.B. | PREZIME I IME      | POZICIJA    |
|------|--------------------|-------------|
| 1.   | Mitrović Slavica   | PREDSJEDNIK |
| 2.   | Ulemić Sedat       | ČLAN        |
| 3.   | Husejnović Adnan   | ČLAN        |
| 4.   | Hamzabegović Nijaz | ČLAN        |
| 5.   | Poljo Emir         | ČLAN        |
| 6.   | Isabegović Mubera  | ČLAN        |
| 7.   | Mešić Nadil        | ČLAN        |

**MZ Stari Grad**

| R.B. | PREZIME I IME     | POZICIJA    |
|------|-------------------|-------------|
| 1.   | Selesković Rasema | PREDSJEDNIK |
| 2.   | Berbić Amir       | ČLAN        |
| 3.   | Salihović Senad   | ČLAN        |
| 4.   | Mehmedović Hasan  | ČLAN        |
| 5.   | Jašarević Denis   | ČLAN        |
| 6.   | Šimić Radojka     | ČLAN        |
| 7.   | Smajić Amira      | ČLAN        |

**MZ Šićki Brod**

| R.B. | PREZIME I IME     | POZICIJA    |
|------|-------------------|-------------|
| 1.   | Husemanović Armin | PREDSJEDNIK |
| 2.   | Džinić Jasmin     | ČLAN        |
| 3.   | Žilić Muhamed     | ČLAN        |
| 4.   | Bećirović Nusret  | ČLAN        |
| 5.   | Ibrahimović Eldin | ČLAN        |

|    |              |      |
|----|--------------|------|
| 6. | Dorić Asef   | ČLAN |
| 7. | Suljić Adnan | ČLAN |

**MZ Ši Selo**

| R.B. | PREZIME I IME    | POZICIJA    |
|------|------------------|-------------|
| 1.   | Jasak Zoran      | PREDSJEDNIK |
| 2.   | Altumbabić Nedim | ČLAN        |
| 3.   | Čolaković Elvira | ČLAN        |
| 4.   | Grebović Midhat  | ČLAN        |
| 5.   | Bonić Nina       | ČLAN        |
| 6.   | Krezović Edin    | ČLAN        |
| 7.   | Šabić Mirsad     | ČLAN        |

**MZ Kreka**

| R.B. | PREZIME I IME   | POZICIJA    |
|------|-----------------|-------------|
| 1.   | Granić Nermin   | PREDSJEDNIK |
| 2.   | Gutić Edin      | ČLAN        |
| 3.   | Tanović Faruk   | ČLAN        |
| 4.   | Nukić Semir     | ČLAN        |
| 5.   | Terzić Mirsada  | ČLAN        |
| 6.   | Biberović Ševal | ČLAN        |

**MZ Srednja Lipnica**

| R.B. | PREZIME I IME | POZICIJA    |
|------|---------------|-------------|
| 1.   | Jurić Anto    | PREDSJEDNIK |
| 2.   | Đurić Tomo    | ČLAN        |
| 3.   | Đurić Anto    | ČLAN        |
| 4.   | Džafić Amar   | ČLAN        |
| 5.   | Mandić Ivan   | ČLAN        |

**MZ Donja Obodnica**

| R.B. | PREZIME I IME | POZICIJA    |
|------|---------------|-------------|
| 1.   | Softić Ajdin  | PREDSJEDNIK |

|    |                  |      |
|----|------------------|------|
| 2. | Joldić Mehmed    | ČLAN |
| 3. | Mešaljić Fehrat  | ČLAN |
| 4. | Džafić Armin     | ČLAN |
| 5. | Ahmetović Ademir | ČLAN |

#### **MZ Par Selo**

| R.B. | PREZIME I IME           | POZICIJA    |
|------|-------------------------|-------------|
| 1.   | Tomić Marko             | PREDSJEDNIK |
| 2.   | Putić Danica            | ČLAN        |
| 3.   | Divković Radan          | ČLAN        |
| 4.   | Stjepić Božo            | ČLAN        |
| 5.   | Pranjić Ruža            | ČLAN        |
| 6.   | Marković Andrić Biljana | ČLAN        |
| 7.   | Hasančević Muamera      | ČLAN        |

Molim da se stavi na izjašnjavanje prijedlog Klubova vijećnika političkih subjekata koji parcipiraju u Gradskom vijeću Tuzla.

#### **ANA PEJIĆ**

Molim da se izjasnite o pročitanim prijedlozima. Senade glasajte molim vas. (SLAĐANA KRAJINA – Šta je bilo?)

Morat ćemo ponoviti glasanje. Molim vas da ponovimo Janjo. (Što?) Zato što je Mensur Mujezinović a nije u sali prisutan. (SLAĐANA KRAJINA – Nemojte glasati molim vas.) Ponovite glasanje.

Molim vas da ponovo glasate. Glasanje je okončano.

Konstatujem da su pročitani prijedlozi usvojeni sa,  
25 glasova za, nije bilo protiv i nije bilo suzdržanih.

Prelazimo na tačku šesnaest:

#### **TEKUĆA PITANJA**

**Pod a) Obavještenje Javnog preduzeća molim vas samo još malo tišine „Mejdan” Tuzla o razlozima prolongiranja izrade Izvještaja o radu i poslovanju za 2024. godinu, pod**

**b) Obavještenje Javno komunalnog preduzeća Komemorativni centar d.o.o. Tuzla o razlozima prolongiranja izrade Izvještaja o radu i poslovanju za 2024. godinu, pod**

**c) Obavještenje Javnog preduzeća Gradska veterinarska stanica d.o.o. Tuzla o razlozima prolongiranja izrade Izvještaja o radu i poslovanju za 2024. godinu.**

Obrađivači su:

Javno preduzeće SKPC „Mejdan” Tuzla (pod a)

Javno komunalno preduzeće Komemorativni centar d.o.o. Tuzla (pod b) i

Javno preduzeće Gradska veterinarska stanica d.o.o. Tuzla (pod c).

Da li ima neko od vijećnika da doda nešto za ovo?

Zaključujem raspravu vijećnika.

Te konstatujem da su PROČITANA OBAVJEŠTENJA primljena k znanju.

Konstatujem da je dnevni red iscrpljen.

Zahvaljujem se vijećnicima, predlagačima i obrađivačima materijala, Stručnoj službi Gradskog vijeća i zaključujem 7. redovnu sjednicu Gradskog vijeća Tuzla. (Hvala vam predsjedavajuća.)

(S obzirom da je dnevni red iscrpljen i 7. redovna sjednica Gradskog vijeća Tuzla zaključena ista je završena u 20:54 sati.)

**STENOGRAM SAČINILI:**

**Selma Suljkanović**

**Jasminka Delalić**

**P R E D S J E D A V A J U Ć I**

**Ana Pejić, BA prava**